

पेच्छइ दस सुभिणाइं तालपिसाओ हओ जए दुजओ । सेयविहज्जो तह चिसाकोईलो पजुवौसन्तो ॥ २२ ॥
 वरकुसुमदामजुयलं सियगोवग्गो य पजुवासन्तो । निस्थिज्जो य समुहो वियसियपउमो य पउमसरो ॥ २३ ॥
 सूरुओ य उग्गमन्तो परिपसरियकिरणभासुरो अहिंयं । अन्तेहिं माणुसोत्तरसेलो परिवेढिओ दिट्ठो ॥ २४ ॥
 आखुहो सुरसेलं अहं ति दहं इमाणि पडिबुद्धो । लोगो य तत्थ बहुओ समागओ उप्पलेण समं ॥ २५ ॥
 दहूण कुसुमवासं गन्धामोयं च भूयगन्धं च । अक्खयदेहं च जिणं लोगो सब्बोऽवि आउट्ठो ॥ २६ ॥
 भणइ अहो ! उवसभिओ जक्खो भट्टारएण एएणं । इय हरिसनिब्बरज्जो पडिओ चलणेसु वीरस्स ॥ २७ ॥
 साभी दहं गुरुहरिरानिब्भरो उप्पलो पणसिऊणं । पुच्छित्तु सुहविहारं भणइ तुमे रयणिविरमम्मि ॥ २८ ॥
 दिट्ठा पहु दस सुमिणा ते य मए जाणिया निमित्तेणं । ऊहाए तेसि फलं णायं णवरं ण एगस्स ॥ २९ ॥
 तालपिसाओ मोहो सुक्कज्झाणं च सेयसउणो ति । चित्तो कोइलपक्खी इवालसङ्गं बहुसरूवं ॥ ३० ॥
 सियगोवग्गो सहो भवो समुहो य दुहजलाइन्नो । पउमसरो सुरपरिसा सूरुओ पुण केवलं नाणं ॥ ३१ ॥
 अन्तावेढो माणुसनगस्स सब्बत्थनिम्मला कित्ती । मन्दररूहणं देसनसमए सीहासणारूहणं ॥ ३२ ॥
 दामदुगं च न जाणे तो भगवं आह उप्पला ! एयं । साहूण सावयाण य धम्मस्स परूवणं दुविहं ॥ ३३ ॥
 एवं कहियं सोउं परितुट्ठो उप्पलो गओ सगिहं । वन्दित्तु जिणं चिट्ठइ वीरो निरुवहवो तत्थ ॥ ३४ ॥

१ व-मए । २ व-°विलो । ३ व-°सन्ति । ४ व-निच्छिन्नो । ५ मिलित इत्यर्थः । ६ व-°णं वि ।

नमो नमः श्रीगुरुप्रेमसूत्रे

चन्दकुलवडगच्छीय

अम्बदेवोवज्झायसीसिसरिनेमिचंदसूरिरइयं

श्रीमहावीरचारियं

—: प्रकाशक :—

श्री जिनशासन आराधना ट्रस्ट

७, त्रीजो भोईवाडो, भूलेश्वर, मुंबई-४०० ००२

चिकुहए खीरम्मी नहाइयं लज्जिओ तओ रह्यो । मगगइ तीए भवणं न य जाणइ अन्नकयदारं ॥ १०७० ॥

तओ भणइ—

जइ किर अत्थि पहावो मम धम्ममार्यरियस्स तो इमा खिप्पं । दज्झउ पुरवाहिरिया तओ अहासन्नदेवेहिं ॥ ७१ ॥
दहा सा मा भयवं अलियपहावो उ होउ इय नाउं । कुम्मगगामस्स पहे कयाइ संपत्थिओ वीरो ॥ ७२ ॥
तत्थन्तरा य दिट्ठो तिलथम्भो पुच्छए य गोसालो । निप्पज्जिस्सइ एसो न व त्ति भयवं जिणो आह ॥ ७३ ॥
निप्पज्जिस्सइ एसो सत्त य एयस्स पुप्फजीवा उ । एगाएँ तिलत्तेणं सुङ्गणियाए भविस्सन्ति ॥ ७४ ॥
गोसालेणुक्खणिओ सलेट्ठुहो सो असइहन्तेणं । सन्निहियवन्तरेहि य मो सामी अलियवाइ त्ति ॥ ७५ ॥
जलवासं तत्थ कयं गावीए खुरेण चम्पिओ लग्गो । पुप्फा तिला उ जाया कुम्मगगामे गओ सामी ॥ ७६ ॥
बालतवस्सी एणो तस्स बहिं वेसियायणो नाम । आयावह संत्तप्पा छप्पइयाओ जडाहिन्तो ॥ ७७ ॥
रवितावतावियाओ पडन्ति भूमीए सोऽवि य दयात्थु । धेत्तूण छुहइ सीसे तं दट्ठुं भणइ गोसालो ॥ ७८ ॥
किं सुणँसि किं पि तत्तं जूयासेजायरो उ आहु तुमं । भिक्खू च भिक्खुणी वा एवं दो तित्ति वाराओ ॥ ७९ ॥
ताहे सो परिक्खविओ तस्स विणासाय मुयइ नियतेयं । सो भीओ पोक्कारइ तस्सणुक्कम्पाए वीरेणं ॥ १०८० ॥
मुक्का य सीयलेसा तीए सा पडिहया उसिणलेसा । सो बालरिसी दट्ठुं रिद्धिं सामिसिस्समं भणइ ॥ ८१ ॥

१ अ-°इरियं । २ व-नो । ३ अ-°वायं । ४ व-तत्थां । ५ व-गुणं । ६ व-तं पं ।

ક્ર પ્રાપ્તિ સ્થાન ક્ર

(૧) પ્રકાશક :

(૨) શ્રી મૂળીએન અંબાલાલ રતનચંદ
જેન ધર્મશાળા,
સ્ટેશન રોડ, વીરમગામ

(૩) શ્રી જિનશાસન આરાધના ટ્રસ્ટ,
C/o સુમતિલાલ ઉત્તમચંદ,
મારફતીયા મહેતાનો પાડો,
ગોળશેરી, પાટણ (ઉ ગુ)

(૪) શ્રી જિનશાસન આરાધના ટ્રસ્ટ,
C/o દ્વિપક અરવિહલાલ ગાધી,
ધીકાટા, વડફળીયા, રાવપુરા, વડોદરા-૧

(૫) શ્રી સરસ્વતી પુસ્તક ભંડાર
હાથીખાના, રતનપોળ,
અમદાવાદ-૩૮૦ ૦૦૧.

— દ્રવ્ય સહાયક —

શ્રી જગવલ્લભ પાર્શ્વનાથ જેન શ્વેતાશ્વર મૂર્તિપૂજક તીર્થ કુભોજગિરિ (જ્ઞાનનિધિ).

उरसपिणीइमाए बीयाए समाए चरिमकालम्मि । तंतथ बहुमज्झदेसे होहन्ति य कुलगरा सत्त ॥ ७३ ॥
 पढमेत्थ विमलवाहण सुदाम संगम सुपासनामे य । दत्तो खुसुहे छट्ठे सस्मुयई चैव सत्तसए ॥ ७४ ॥
 काहन्ति सन्निवेशं वासत्थं गामनगरमार्इणं । कुलघम्भरायनीईण कारणा कुलगरा तइया ॥ ७५ ॥
 आसा हत्थी गावो परिग्गाहिस्सन्ति रज्जकज्जम्मि । ववहारसिप्पकम्मा गणियलिवाई य होहन्ति ॥ ७६ ॥
 जाईसरो उ पढमो नामेणं विसलवाहणो राया । सवं चिय दाएही पुन्नुत्तमिसं पयाण हिओ ॥ ७७ ॥
 सस्साणं उप्पत्ती परमा परमं च दुद्धदहिसप्पी । उप्पत्ते अगणिम्मि य रन्धणमार्इ अविस्सन्ति ॥ ७८ ॥
 दूसमअरयस्सन्ते संसुइरायस्स सयहुवारम्मि । अदाए भारियाए सेणियजीवो उ पढमजिणो ॥ ७९ ॥
 पुत्तत्तणेण होही पाणत्तियसंजुओ महापउमो । बीरजिणस्स व सवं विन्नेयं तस्स जम्माइ ॥ ८० ॥
 दूत्तमसुसमाए इहं पुवं पिव जिणवरा अविस्सन्ति । पडिलोमसभावेण य ते य इमे होन्ति नायवा ॥ ८१ ॥
 पढमो उ महापउमो सेणियजीवो जिणेसरो होही । बीओ य सूरदेवो सुपासजीवो जयपईवो ॥ ८२ ॥
 तइओ व पुण सुपासो उदाइजीवो पणट्टभववासो । होही सयंपहो तह पोदिलजीवो चउत्थो उ ॥ ८३ ॥
 सवाणुभूइनामो दढाउजीवो उ पञ्चमो होही । छट्ठो य देवगुत्तो तित्थयो कत्तिओ पुब्बि ॥ ८४ ॥
 उदओ य जिणो होही सत्तमओ संखनामओ आसी । पैठालपुत्तनामा आणन्दजिओ य अट्टलओ ॥ ८५ ॥

१ व-एत्थ । २ अ-य सम्मुही चे० । ३ व-राईया । ४ अ-णत्तिट्ठ ।

ચત્વિંચિત

ગ્રંથકાર :- ચ દ્રફેલ-વડગચ્છના પૂ. આચાર્યદેવ શ્રીમદ્ વિજયઉદ્યોતનસૂરિ મહારાજના શિષ્યરત્ન પૂ. અમ્બદેવ ઉપાધ્યાયના શિષ્ય પૂ. આચાર્યદેવ શ્રી નેમિચંદ્રસૂરિ મહારાજ

ગ્રંથરચનાકાળ :- વિક્રમ સંવત ૧૧૪૧

સ્થળ :- અણહિલપુર પાટણ

પ્રમાણ :- ૩૦૦૦ શ્લોક

આદ્ય પ્રકાશન સંવત :- ૧૯૭૩

સંશોધક :- ન્યાયાભોનિધિ આચાર્યદેવ શ્રીમદ્ વિજય વિજયાનંદસૂરિ મહારાજના શિષ્યરત્ન પ્રવર્તક શ્રી ક્રાતિવિજયના શિષ્યરત્ન સુનિશ્રી ચતુરવિજયજી મહારાજ.

આદ્ય પ્રકાશક :- શ્રી જૈન આત્માનંદસલા, ભાવનગર.

પુનઃ પ્રકાશન :- સંવત ૨૦૪૪

પુનઃ પ્રકાશક :- શ્રી જિનશાસન આરાધના ટ્રસ્ટ.

દ્રષ્ટીઓ

ચંદ્રકુમાર બાબુભાઈ જરીવાલા
નવિનચંદ્ર ભગવાનદાસ શાહ

લલિતભાઈ રતનચંદ કોહારી
ચુંડરીક અંબાલાલ શાહ

અનુપમ સહયોગ

પૂજ્યપાદ સુવિશ્વધર્મારિત્યમૂર્તિ સુવિશાળ મુનિગણુ નિર્માતા કર્મસાહિત્ય વિશારદ સિદ્ધાતમહોદધિ સ્વ. આચાર્યદેવ શ્રીમદ્ વિજય પ્રેમસૂરીન્દરજી મહારાજ સાહિબના પદ્માલકાર ન્યાયવિશારદ વર્ધમાન તપોનિધિ આચાર્યદેવ શ્રીમદ્ વિજય સુવનભાનુસૂરીન્દરજી મહારાજના સદુપદેશથી

“મહાવીરચરિત્ર” નામના આ ગ્રંથના પ્રકાશનનો લાભ શ્રી જગવદ્દલભ પાર્શ્વનાથ જ્ઞેન સ્વે. મૂ. તીર્થ, કુલોન્ગિરિના જ્ઞાનનિધિમાથી લેવામા આવેલ છે.

તીર્થના દ્રસ્ટીઓ તરફથી મળેલ આ અનુપમ સહયોગની અમે ભુરિ ભુરિ અનુભોદના કરીએ છીએ.

લી.

શ્રી જિનશાસન આરાધના દ્રસ્ટ.

॥ अहम् ॥

॥ न्यायाम्मोनिधिश्रीमद्विजयानन्दसूरीश्वरेभ्यो नमः

वडगच्छगयणदिणयरसिरिनेमिचन्दसूरिरइयं

महावीरचरियम् ।

पणमह पढमजिणिन्दं भविष्याणकमलबोहणदिणिन्दं । कोहहुयासणकन्दं पणयासुरअसरनरइन्दं ॥ १ ॥
सिरिसिद्धत्थनराहिवकुलनहयलविमलपुणिणमायन्दं । निज्जियकामगैहन्दं पणअह वीरं सया धीरं ॥ २ ॥
सेसेऽवि य वावीसे अजियाईपासनाहपज्जन्ते । जियरागदोसमोहे वन्दामि जिणेसरे सिरसा ॥ ३ ॥
जरजम्मसरणरहिण्ण केवलवरनाणदंसणसमग्गे । सिद्धे निष्ठुयकम्म अणाहनिहणे सया नमह ॥ ४ ॥
पञ्चविहायारधरे सुत्तत्थविसारण पसन्तामणे । भविष्यारविन्दपडिबोहदिणयरे नमह आयरिण्ण ॥ ५ ॥
परमत्थगहियसारे आयाराईहुवालसङ्गस्स । सज्जमतवणियसरण उज्झाए नमह सुत्तदण्ण ॥ ६ ॥
पञ्चमहव्वयगुरुभारधारण चरणकरणसंपन्ने । पञ्चसमिण्ण तिगुत्ते सुत्ते साहू यं सह नमह ॥ ७ ॥

१ 'कन्दं' इति कं बलं ददातीति कन्दं भेषमित्यर्थः । २ अ-०मइन्द । ३ 'सुत्तदण्ण' इति सूत्रददानित्यर्थः । ४ ब-०सया ।

संभक्तपाणवरचरणपरिमण्डयं भुवणतिलग्नं । पणमह जिनिन्दपणयं सिरिसङ्घं शुणगणसहस्रं ॥ ८ ॥
 पवरसुयनाणमणहरपसत्थपोत्थयविहत्थवरहत्थं । सारयससिकिरणुज्जलसन्वङ्गं शुणिय सुयदेविं ॥ ९ ॥
 वोच्छामि सग्गासेणं वीरजिणिन्दस्स सन्तिथं चरियं । संवेगडा भवियाण अत्तणो सुमरणत्थं च ॥ १० ॥
 जंमि भवे संभत्तं पत्तं पढमं तमाइओ काउं । सत्तावीस जिणभवे संखेवेणं पवक्खामि ॥ ११ ॥
 अवरविदेहे खेत्ते गामम्मि बलाहिवो पुरा आसि । दयदाणविणयदक्खिन्नसायरो धम्मसद्धालू ॥ १२ ॥
 सौ अन्नया कयाई रायाएसेण दारुयनिमित्तं । बहुपुरिसेहिं समेओ सगडे घेत्तूण संपत्तो ॥ १३ ॥
 अइदुग्गं वणगहणं तत्थ य वणछिन्दणं करन्तेण । भोयणसमए दिडा सूरी बहुसाहुपरियरिया ॥ १४ ॥
 पन्थाओ परिभडा इओ तेओ तत्थ परिभमन्ता उ । तण्हाछुहाकिलन्ता परिसन्ता सत्थपरिहीणा ॥ १५ ॥
 दद्धूण मुणिवरे ते चिन्तइ अणुक्कप्पभत्तिसंजुत्तो । एयारिसे अरणे कहमेए साहुणो पत्ता ॥ १६ ॥
 तो वन्दिज्जण पुच्छइ भयवं ! कत्तो समागया तुम्हे । केण व कजेण इमं वणगहणं भमह अइभीमं ॥ १७ ॥
 दाऊण धम्मलाभं समत्थदुरिओहवारणसमत्थं । पभणइ सूरी सुपुरिस ! अम्हे सत्थेण सह चलिया ॥ १८ ॥
 गामन्तरं पविडा सत्थे आवासियम्मि भिक्खद्धा । जावम्हे ता सत्थो कत्थवि तुरियं गओ सोऽवि ॥ १९ ॥
 तो" अम्हे संखुद्धा अगहियभिक्खा पंहमि सञ्चलिया । सत्थं गवेसमाणा न य मिलिया तस्स पहमद्धा ॥ २० ॥

१ व-इतो । २ व-ततो, एवमग्रेऽपि इ-उ-ओ इत्यादयः स्वरास्तकारविशिष्टा अपि दृश्यन्ते । ३ व-तुम्हे, एवमग्रेऽपि दृश्यते । ४ व-न्ता ।

एयम्मि अरण्णिं सयागया तुम्ह दंसणं जायं । इय कहिए सो तुहो धम्मोऽहं जेण मे दिट्ठा ॥ २१ ॥
 कण्पतरु व्व भरुथले दरिद्वगेहे हिरण्णवुट्ठि व्व । मायङ्गुगिहे एरावणो व्व इत्थं इमे दिट्ठा ॥ २२ ॥
 सफलं मम मणुयत्तं सहलं मम जम्म जीवियं अब्ब । जं एयंमि अरण्णे दिट्ठा एयारिसा साहू ॥ २३ ॥
 पुण्णकलियाण सुणिणो दंसणाविसयं पि जन्ति हयपावा । चिन्तामणिसंजोगो होइ अधत्तस्स न कयाइ ॥ २४ ॥

तथाहि—

जहणो हु बम्भयारी अंगिहे दन्तिन्दिए पसन्ते य । तवनियमभूसियङ्गे धम्म चिय एत्थ पेच्छन्ति ॥ २५ ॥
 एयं विचिन्तिऊणं भत्तिभरुल्लसियबहलरोमओ । भत्तं पाणं वियरइ जहोचियं तेसि साहूणं ॥ २६ ॥
 भुत्तुत्तरे य तेणं इच्छियपन्थम्मि मेलिया साहू । भणिओ सो य बलन्तो गुरूहिं अणुकम्पजुत्तेहिं ॥ २७ ॥
 उवविसह खणं एकं रुक्खच्छायाए वीसमामो स्ति । एवं ति तेण भणिए उवविट्ठा तत्थ सव्वेऽवि ॥ २८ ॥
 धम्मस्स एस जोगो एयं परिभाविऊण सूरीहिं । पारद्धा धम्मकहा पडिबोहत्थं इमा तस्स ॥ २९ ॥
 बहुजोणिलक्खगहिरे संसारे दुल्लहं मणुयजम्मं । राहावेहो व्व इहं जुगछिहे समिलपविसो व्व ॥ ३० ॥

भणियं च—

काऊणमणेगाइं जम्मणमरणपरियट्ठणसथाइं । तुक्खेण साणुसत्तं जइ लहइ जहिच्छियं जीवो ॥ ३१ ॥

१ ब-ता सफलं मणु० । २ 'अगिहे' इति गृहरहितानित्यर्थः ।

इय दुल्लहलम्भं भाणुसत्ताणं पाविऊण जो जीवो । न कुणइ पारत्तहिं मो सोयइ मङ्कमणकाले ॥ ३२ ॥

एतदेवाह—

वारीमज्झे हूढो न्व गयवरो मच्छओ न्व गलगहिओ । वगुरपडिओ न्व सओ संवट्ठओ विहङ्गो न्व ॥ ३३ ॥
सो सोयइ जरमच्चूकरालिओ जो सुधम्मपरिहीणो । तायारमविन्दन्तो कम्मभरणोल्लिओ जीवो ॥ ३४ ॥

जओ—

कुणईकयत्थणाओ सरोगया हाणि इट्ठजणविरहो । दारिदं दोहगं अकालमरणं अहम्मण ॥ ३५ ॥
धम्मसेणं चिय अत्था धम्मणं चैव उत्तमा भोगा । धम्मण सगमोक्त्वा सुहाइं सव्वाइं धम्मण ॥ ३६ ॥
ता भो दुल्लहलम्भं विज्जुलयाचच्चलं मणुयजम्मं । लङ्घूण जो पमायइ सो काउरिसो न सो पुरिसो ॥ ३७ ॥
धम्मत्थिणा य धम्मो देवो य गुरू य जाणियव्वाइं । धम्मगुरुदेवसद्धा कोइ वि कन्थइ पयइइ ॥ ३८ ॥
सो धम्मो जत्थ दया कीरइ सचराचरेसु जीवेसु । जत्थ य परमनिरोहो इन्दियनोइन्दियाणं च ॥ ३९ ॥
सो चिय देवो एत्थं जो अहसयसंजुओ पसन्तप्पा । रागाइदोसरहिओ सव्वण्णू सव्वदंसी य ॥ ४० ॥
परिचत्तघरावासो विसुद्धवम्भवओ य सुयनाणी । धम्मगुरू विन्नेओ परिगहारम्भपडिविरओ ॥ ४१ ॥
इय धम्मकहं सोउं संबुद्धो परमहरिसमावन्नो । निच्चलसम्मदिट्ठी जाओ सो सावगो पैवरो ॥ ४२ ॥

१ मरणकाले इत्यर्थः । २ व-मणुस्सत्तं । ३ व-परमो ।

भणिओ य तेण गुरु—

उद्धरिओऽहं भयवं ! तुमए भवसायरम्मि निवडन्तो । अहवा उत्तमसङ्गो उत्तमकल्लाणहेउ त्ति ॥ ४३ ॥
एवमभिनन्दिऊणं नमिऊण गुहं सुणी य सो चलिओ । अत्ताणं मन्नन्तो सुकयत्थं बोहिलाभेण ॥ ४४ ॥

तथाहि—

यन्नोऽहं जेण मए अणोरपारम्मि भवससुद्धम्मि । भवसयसहस्सदुलहं लद्धं सखम्मजाणं ति ॥ ४५ ॥
पत्तो कमेण गेहं कालेण य सुद्धधम्मपरिणामो । सोहम्मे उववन्नो पलियाउ सुरो महिड्ढीओ ॥ ४६ ॥
भोत्तूण तत्थ भोए दिव्वे सुररमणिमज्झयारम्मि । आउयखयम्मि चविउं जत्थुववन्नो तयं सुणह ॥ ४७ ॥
अत्थि अउज्झानयरी मणिकणमया सुरोहिं निम्मविया । चारसजोयणदीहा नव वित्थिण्णा परमरम्मा ॥ ४८ ॥
तत्थ य भरहो राया छखण्डभरहाहिवो पढमचक्की । सिरिउसहसामित्तणओ उइण्णसुहपुत्तपम्भारो ॥ ४९ ॥
तस्स सुओ उववन्नो सव्वज्जोवङ्गसुन्दरो जुइमं । धम्मप्पिओ अकूरो भिरि त्ति नामेण विक्खाओ ॥ ५० ॥
सो तारुण्णे पत्तो पञ्चपयारे उ झुञ्जए भोए । नियपासायवरगओ इड्ढो नियजणणिजणयाणं ॥ ५१ ॥
सिरिउसभस्स भगवओ उप्पन्ने केवलम्मि देवेहिं । रइयम्मि समोसरणे केवलिमहिमाए परभाए ॥ ५२ ॥
वट्ठन्ताए भरहो समागओ पुत्तनत्तुयसमेओ । भयवन्तवन्दगतं परमेणं अत्तिराएणं ॥ ५३ ॥
काऊण य तिकखुत्तो पयाहिणं वन्दिऊण भयवन्तं । निव्वत्ते नाणमहे उवविड्ढो रइयकरकमलो ॥ ५४ ॥

भिरिहं अरहेण समं उसभजिणं पणमिऊण विणएणं । धरणीधले निसन्नो भयवन्तं पजुवोसन्तो ॥ ५५ ॥
 एत्थन्तरस्मि भयवं जोयणणीहारिणीएँ वाणीए । सुरअसुरनरसभाए धम्मं कहिउं समाढत्तो ॥ ५६ ॥
 परमङ्गाणि उ चत्तारि दुलहलम्भाणि एत्थ जीवाणं । साणुस्सं धम्मसुहं सद्धा तवसंजमे विरियं ॥ ५७ ॥
 संसारविरत्तेहिं एयं नाऊण धीरपुरिसेहिं । सव्वायरेण जत्तो कायव्वो धम्मकज्जेसु ॥ ५८ ॥
 बहुदुक्खपीडियाणं मच्चुपरद्धाण कम्मवसगाणं । अन्नं न किं पि सरणं धम्मं मोत्तूण संसारे ॥ ५९ ॥
 विहडन्ति सुया विहडन्ति बन्धवा विहडइ सुसंचिओ अत्थो । एक्को नवरि न विहडइ विहिणा आराहिओ धम्मो ॥
 सयणाहमोहभूढो काऊण महापरिग्गहारम्भे । एक्को जाइ परभवं एक्को चिय वेयए दुक्खं ॥ ६१ ॥
 ह कयलीए न सारो जह वालुयपीलणे य नो तिळं । मायण्हियाएँ न जलं तह संसारे सुहं नत्थि ॥ ६२ ॥
 किंपागस्स फलं पिव हालाहलभीसिय व्व परमन्नं । आवायमेत्तसुहया विसया परिणामविरसा उ ॥ ६३ ॥
 जह किर दुद्धं पेच्छइ मज्जारी न उण लउडयं सुद्धा । तह मूढो विसयसुहं पेच्छइ नो नरयदुक्खाइं ॥ ६४ ॥
 जह रयणखणिं पत्तो महग्घमोछाईं मोत्तु रयणाइं । गेण्हइ वण्णहाइं अहमूढो कायखण्डाइं ॥ ६५ ॥
 तह पत्ते मणुयस्ते सग्गपवग्गाइसोक्खसङ्गणे । न करन्ति धम्मतत्तिं विसए सेवन्ति मूढप्पा ॥ ६६ ॥

१ व-भिरियवि । २ अ-वासिन्तो । ३ व-सुही सुखिन इत्यर्थः । ४ व-परभवे । ५ व-पीलणाए । ६ व-०ए व जलं 'मायण्हि-
 याए' इति मृगतृष्णिकायाम् । ७ व-सङ्गणं । ८ व-सेवेन्ति ।

जो विसयसुहृदसत्तो लडुं मणुयत्तमाइसामग्गि । न कुणइ धम्मं कागणिसहस्सहारगसरिच्छो सो ॥ ६७ ॥
 एवं नाडं तुम्हे जाव न वाही विडम्बए देहं । जाव न जरा न मच्चू अप्पहियं ताव चिन्तेह ॥ ६८ ॥
 सम्मत्तं पडिवज्जह करेह सावज्जजोगवैरमणं । निज्जिणह कसायरिवू दैण्डत्तियनिगहं कुणह ॥ ६९ ॥
 मिच्छइंसणअविरइकसायमणमाइदुड्ढजोगेहिं । जीवो बन्धइ कम्मं कम्मण य भमइ संसारे ॥ ७० ॥
 इय एवमाइ सोडं धम्मकहं भयवओ सवणसुहयं । भववैरगसुवगया पडिवुद्धा पाणिणो बह्वे ॥ ७१ ॥
 पञ्च य पुत्तसयाइं भरहस्स य सत्ता नचूयसयाइं । संयराहं पव्वइया तस्मि कुमारा समोसरणे ॥ ७२ ॥
 आपुच्छिऊण भरहं भिरिइकुमारोऽवि परम्मसंविग्गो । संमत्तनिच्छियमई धम्मं सोऊण पव्वइओ ॥ ७३ ॥
 पञ्चसमिओ तिगुत्तो सज्झायज्झाणविणयसंपन्नो । तवनियमसंजमरओ विहरइ सो सामिणा सद्धिं ॥ ७४ ॥
 एक्कारसअङ्गाइं तेण अहीयाइं गुरुसयासस्मि । गीयत्थो सज्जाओ धम्मकहालद्धिसंपन्नो ॥ ७५ ॥
 अह अन्नया कयाइं गिम्हे उण्हेण तावियसरीरो । अण्हाणेण किलन्तो कम्मवसा चिन्तए पुवं ॥ ७६ ॥
 मेरुगिरीसमभारे वोडुं संपह खणं पि न सप्पत्थो । सामणणगुणे अगुणो अहंयं संसारमणुकद्धी ॥ ७७ ॥
 न य घरवासो जुत्तो बहुसावज्जो पमायहेउ त्ति । ता लिङ्गन्तरधारी सावगधम्मं पवज्जाप्पि ॥ ७८ ॥

किञ्च तं लिङ्गन्तरम्—

१ व-°सामग्गी । २ व-°उवरमणं । ३ °डण्डत्ति° । ४ 'स्यराह' शीघ्रमित्यर्थः ।

समणा तिदण्डविरया भगवन्तो कुसलमणवर्हकिरिया । डण्डत्तियनिहयस्स य होउ तिडण्डं ममं चिन्धं ॥ ७९ ॥
 लोइन्दियमुण्डा संजया य अहयं खुरेण ससिहाओ । थूलगपाणिवहाईवेरमणं मे सया होउ ॥ ८० ॥
 समणा अमोहछण्णा मोहछणस्स होउ मे छत्तं । निरुवाहणा य समणा मज्झं तु उवाहणा होन्तु ॥ ८१ ॥
 सुक्कम्बरा य समणा विसुद्धचित्ता उ धाउरत्ताइं । होन्तु य मे वत्थाइं रागाईकलुसियमणस्स ॥ ८२ ॥
 निक्किञ्चणा य समणा मज्झं पुण किञ्चि किञ्चणं होउ । सीलसुयन्धा समणा होउ ममं देहसक्कारो ॥ ८३ ॥
 वज्जिन्ति वैज्जभीरू बहुजीवसमाउलं जलारम्भं । होउ मम परिमिणं जलेण पहाणं च पियणं च ॥ ८४ ॥
 एवं परीसहभीरू सच्छन्दविगप्पियं इमं लिङ्गं । परिकप्पिय जुत्तिजुयं पारीवज्जं पवत्तेह ॥ ८५ ॥
 तं लिङ्गन्तरधारी सक्कोउगो पुच्छई जणो धम्मं । सो कहइ साहुधम्मं जहड्डियं सुद्धपरिणामो ॥ ८६ ॥
 कहियस्मि जणो पभणइ न कुणसि तं कीस अप्पणो एयं । मेरुगिरीसमभारे इच्चाई तस्स सो कहइ ॥ ८७ ॥
 धम्मकहाअक्खित्ते उवड्डिए देइ सामिणो सीसे । गामागरणगराईं विहरइ सो सामिणा सद्धिं ॥ ८८ ॥
 उज्झाउरीए पत्तं भयवन्तं अन्नया भरहराया । अहिवन्दिऊण पुच्छइ कहन्तरे विणयसंपन्नो ॥ ८९ ॥
 जारिसया लोगगुरू भरहे वासम्मि केवली तुम्हे । तारिसया कह अन्ने ताया होहिन्ति तित्थयरा ॥ ९० ॥
 तो भणइ जिणवरिन्दो भरहे वासम्मि जारिसो उ अहं । एरिसया तेवीसं अन्ने होहिन्ति तित्थयरा ॥ ९१ ॥

१ व-तिडण्डवि० । २ अ-हुन्तु । ३ अवधभीरवः । ४ अ-एवं । ५ पारित्राज्यम् ।

होही अजिओ संभव अभिनन्दण सुमह सुप्पह सुपासो । ससि पुप्फदन्त सीयल सेज्जंसो वासुपुज्जो य ॥ ९२ ॥
 विमलोऽणन्तह धम्मो सन्ती कुन्धू अरो य मल्ली य । मुणिसुव्वय नमि नेमी पासो तह वद्धमाणो य ॥ ९३ ॥
 अह भणइ नरवरिन्दो भरहे वासम्मि जारिसो अहयं । तारिसया कह अन्ने ताया होहिनति रायाणो ॥ ९४ ॥
 तो भणइ जिणवरिन्दो जारिसओ तं नरिन्दसङ्गलो । एरिसया एक्कारस अन्ने होहिनति रायाणो ॥ ९५ ॥
 होही सगरो मघवं सणंकुमारो य सन्ति कुन्धु अरो । तह य सुभुमो पउमो हरिसेणो तह जओ बम्भो ॥ ९६ ॥
 अप्पुट्ठो कहइ जिणो इमाएँ ओसप्पिणीएँ होहिनति । जे केसववलदेवा नव नव पडिवासुदेवा य ॥ ९७ ॥
 होइ तिविट्ठु दुविट्ठु सयम्भुपुरिसोत्तिमे पुरिससीहे । तह पुरिसपुण्डरीए दत्ते नारायणे कण्हे ॥ ९८ ॥
 अयले विजए भइ सुप्पभे य सुदंसणे । आनन्दे नन्दणे पउमे रामे आवि अपच्छिमे ॥ ९९ ॥
 आसग्गीवे तारएँ मेरएँ महुकेढवे निसुम्भे य । बलि पहराए तह रोमणे य नवमे जरासन्धे ॥ १०० ॥
 एए खल्ल पडिसत्तू किन्ती पुरिसाण वासुदेवाण । सबे य चक्कजोही सव्वेऽवि हया सवक्कोहिं ॥ १ ॥
 पुणरवि पुच्छइ भरहो अजियाईजिणवराण सज्झम्मि । भयवं ! कोइ भविस्सइ तित्थयरो तुम्ह परिसाए ॥ २ ॥
 तत्थ मिरी पुब्बुत्तो आहपरिन्वायओ उल्लभणत्ता । सज्झायझाणजुत्तो एगन्ते झायइ महप्पा ॥ ३ ॥
 तं दरिसेइ जिणिन्दो एव नरिन्देण पुच्छिओ सन्तो । होही चरिमो एसो तित्थयरो वीरनाम्हो त्ति ॥ ४ ॥

१ चापि । २ रावणः । ३ नसा पौनः इत्यर्थः ।

पढमो य वासुदेवो तिविहु नासेण पोयणाहिबई । पियमित्तचक्खवी सूयपुरीए विदेहम्मि ॥ ५ ॥
 तं वयणं सोऊणं राया अच्चियतणूरुहसरीरो । अभिवन्दिऊण पियरं भिरिस्स अभिवन्दओ जाइ ॥ ६ ॥
 सो विणएण उवगओ काऊण पयाहिणं च तिकखुत्तो । वन्दह अभित्थुणन्तो इमाहिं महुराहिं वग्गहिं ॥ ७ ॥
 लाभा हु ते सुलद्धा जंमिं तुमं धम्मचक्खवट्ठीणं । होहिसि दस चोदसमो अपच्छिमो वीरनामो सि ॥ ८ ॥
 आई य दसाराणं पोयणपुरसामिओ तिविहु त्ति । सूयाए विदेहस्मी पियमित्तो नाम चक्कि त्ति ॥ ९ ॥
 नवि ते पारीवज्जं वन्दामि अहं इमं च ते जम्मं । जं होहिसि तित्थयरो अपच्छिमो तेण वन्दामि ॥ १० ॥
 एवं सो थोऊणं काऊण पयाहिणं च तिकखुत्तो । आपुच्छिऊण पियरं विणीयनयरिं अह पविट्ठो ॥ ११ ॥
 तं वयणं सोऊणं तिवहं अप्फोडिऊण तिकखुत्तो । अब्भहियजायहरिसो तत्थै य मिरिई इमं भणइ ॥ १२ ॥
 जह वासुदेवपढमो होहं चक्की विदेहवासम्मि । चरिमो तित्थयराणं अहो ! अलं मज्झ सेसेणं ॥ १३ ॥
 अहयं च दसाराणं पढमो जणओ य चक्खवट्ठीणं । अज्जो तित्थयराणं अहो ! कुलं उत्तमं मज्झ ॥ १४ ॥
 एवं च कुलमएणं मीयागोयं समजियं तेण । जस्स चिवागेण इहं नीयत्तं पाविही बहुसो ॥ १५ ॥
 जह ताव एत्तिओऽविहु बहुनीयट्ठाणकारणं जाओ । भगवन्तस्स मओ ता बहुमयकारीण किं भणिमो ॥ १६ ॥
 जओ भणियं—

१ व-जंसि । २ अ-इहं । ३ व-°त्थ मिरिई । ४ व-होही ।

जच्चाइमथफलेणं नीयट्ठाणीहँ पावमाणो उ । भमइ चिरं संसारे तम्हा उ मए विवज्जेज्जा ॥ १७ ॥
सो अन्नया गिलाणो जाओ पडियगिओ न साहूहिं । अस्संजउ त्ति काउं ताहे चिन्तेउमाहसो ॥ १८ ॥
अस्संजयस्स सुणिणो किचं न कुणन्ति संजमपहाणा । न य कारिउं पि जुज्झइ वेयावचं इमे मज्झ ॥ १९ ॥
ता किञ्चि तहाल्लवं अप्पसहायं करेमि सीसमहं । भवियव्वयाएँ पउणो जाओ इय चिन्तमावन्नो ॥ २० ॥
तस्स सघासं पत्तो कयाइ कविलो त्ति नाम रायसुओ । पुच्छइ धम्मं सोऽवि य जइधम्मं अवितहं कहइ ॥ २१ ॥
न कुणत्ति कीस तुममिमं इय पुढे कहइ वहयरं निययं । कविलोऽवि हु धम्मत्थी जइधम्मं काउमस्समत्थो ॥ २२ ॥
पभणइ किं तुज्झ वए धम्मफलं नत्थि किञ्चि इय भणिए । गुरुकम्मो एसोऽवि हु जइधम्मं नेच्छए काउं ॥ २३ ॥
इय चिन्तिय सो भणिओ पडिपुणफलं जईण धम्मस्मि । भो कविल ! केत्तिथं पि हु मज्झवि दिक्खाएँ अत्थि त्ति ।
सीसत्थिणा उ एयं मिच्छत्तविट्ठिकारगं वोळुं । बद्धं असुभं कम्मं भवभमणनिवन्धणं घोरं ॥ १२५ ॥

भणियं च—

दुब्भासिएण एक्केण मिरीई दुक्खसागरं पत्तो । भमिओ कोडाकोळिं सांगरसरिनामधेज्जाणं ॥ २६ ॥
पव्वाविओ य कविलो तेण समं किं पि विहरिउं कालं । चुलसीह पुव्वलक्खे सव्वाउं पालिउं तत्तो ॥ २७ ॥
अप्पडिकन्तो दुब्भासियस्स कालं गओऽणसणविहिणा । दससागरोवभाज वग्गं कप्पे सुरो जाओ ॥ २८ ॥
आसुरिपसुहा सीसा कविलेणं दिक्खिया समायारं । कहिउं तेसिं नियमं बरुग्गं कप्पे गओ खोऽवि ॥ २९ ॥

ओदिं पञ्जिऊणं तत्तो नियदंसणापुराणं । नरलोए अवयरिउं कहइ ससीसाण सङ्गययं ॥ १३० ॥

तं पुण पणुवीस तत्तारूवं, ताणि य इमाणि—

पढमं तत्तं पयई सत्तरयतमाण जा समावत्था । तीए य महं जाई जं भणइ बुद्धिसदेणं ॥ ३१ ॥

तत्तो य अहङ्कारी सोलस तत्ता तओ समुप्पन्ना । पञ्च य तम्मत्ताइ एगारस इन्दियाइ च ॥ ३२ ॥

फासणरसणाघाणं चक्खूसोत्ताइ बुद्धिकरणाइ । करपायपाउवत्था मणवायाकम्माकरणाइ ॥ ३३ ॥

गन्धरसरूवफासा सद्धो तम्मत्ताया य मे तत्तो । पुढविजलतेयमारुय तह भूयाई अह कमेण ॥ ३४ ॥

पणुवीसइमं तत्तं आया पुरिसो य तस्स पज्जाओ । एएसिं तत्ताणं विन्नाणाओ हवइ मोक्खो ॥ ३५ ॥

सो पञ्चवणमण्डलयसण्ठिओ अन्तरट्ठिओ देवो । पणुवीसं तत्ताइं कहिऊण गओ नियं ठाणं ॥ ३६ ॥

आसुरिपमुहेहिं तओ सीसपसीसप्परम्पराए उ । काऊण कुसत्थाइं भागवयं दंसणं एयं ॥ ३७ ॥

वित्थारियं महियले इओ य सो वम्भसुरवरो मिरिहं । कोह्माणसन्निवेसे चविउं कोसियदिओ जाओ ॥ ३८ ॥

असिइं च सयसहस्सा पुन्वाणं पालिऊण सन्वाउं । परिवायगवयधारी मरिऊण गओ स सोहम्मे ॥ ३९ ॥

चविऊण चिरं कालं संसारं भमिय माहणो जाओ । थूणाएँ पूसमित्तो बावत्तरिपुण्वलक्खाऊ ॥ ४० ॥

घेत्तुं भागवयवयं सोहम्मसुरत्ताणेण उववत्तो । चविउं अगिगल्लोओ चेइयनयरे दिओ जाओ ॥ ४१ ॥

१ साङ्ख्यतत्त्वसंग्राहकमेतद्वाथापच्चकं अ-पुस्तके एवोपलभ्यते । २ व-सोहम्म । ३ अ-तत्तो य ।

चउसट्ठि पुव्वलक्खा तत्थाउं होइउं परिवाओ । ईसाणे उववन्नो तओ खुओ मन्दिरपुरम्मि ॥ ४२ ॥
 जाओ य अग्गिभूई माहण परिवायगो य होऊण । छप्पणपुव्वलक्खा सव्वाउं पालइत्ताणं ॥ ४३ ॥
 पत्तो सणकुमारं सेयवियाए य आउयखएणं । जाओ भारद्वाओ पत्तो परिवायगत्तं च ॥ ४४ ॥
 चोयालीसं लक्खा पुव्वाणं तत्थ आउयं जायं । मरिउं माहिन्दसुरो संजाओ मज्झिमठिईओ ॥ ४५ ॥
 तो संसारं हिण्डिय चिरकालं थावरो त्ति नामेणं । रायगिहे पवरदिओ तत्थवि परिवायगो जाओ ॥ ४६ ॥
 चउतीसपुव्वलक्खा परंसाउं पालिऊण बम्भम्मि । कप्पम्मि सुरो जाओ भमिओ तत्तो य संसारे ॥ ४७ ॥
 रायगिहम्मि पुरवरे राया नामेण विस्संनदि त्ति । भज्जा तस्स पियङ्गू विसाहनन्दी य ताण सुओ ॥ ४८ ॥
 रण्णो तस्स कणिट्ठो भाया नामं विसाहभूइ त्ति । सो जुवरज्जे ठविओ तस्स पिया धारिणी देवी ॥ ४९ ॥
 सो मिरिइजीवदेवो चैविऊणं बम्भलोगकप्पाओ । धारिणिपुत्तो जाओ नामेणं विस्सभूइ त्ति ॥ १५० ॥
 जणणिजणयाण इडो पञ्चहिं धाईहिं लालियसरीरो । चन्दो इव वहन्तो कमेण सो जोव्वणं पत्तो ॥ ५१ ॥

केरिसो य सो—

कुसलो सव्वकलासुं सुरो चाई य सत्तवन्तो य । धम्मप्पिओ अकूरो गुरूपणभत्तो अयसभीरू ॥ ५२ ॥
 पुप्फकरण्डुज्जाणं तम्मि पुरे पवरतरुवरसमिद्धं । कीलइ सो तत्थ सुहं अन्तेउरपरिगओ विविहं ॥ ५३ ॥

१ ब-परियायं । २ ब-चइऊणं । ३ ब-गुरुण भत्तो ।

कीलेउं तत्थिच्छं राधकुमारो विसाहनन्दि सि । नवारे न विरहं पावइ अहिट्टिए धारणिसुएण ॥ ५४ ॥
 पुष्फाईण निमित्तं तत्थ गयाहिं पियज्झदासीहिं । दिट्ठो सो कीलन्तो तो ईसावेसकलियाहिं ॥ ५५ ॥
 भणिया पियज्झुदेवी सांमिणे ! दोगुन्दुगो व्व उज्जाणे । कीलइ जुवरायसुओ तुम्ह सुओ न लहइ पवेसं ॥ ५६ ॥
 एवं सोउं वप्पन्नमच्छरा रोसमुवगया सावि । कोयहरम्मि पचिट्ठा ससंभमं पुच्छिया रण्णा ॥ ५७ ॥
 तं देवि ! कीस लुविया तीए भणियं न तुम्ह इह रज्जं । राया विसाहभूई जस्स सुओ कीलइ जहिच्छं ॥ ५८ ॥
 पुष्फकरण्डुज्जाणे विसाहनन्दी य न लहइ पवेसं । रण्णा भणियं सुन्दरि ! अम्ह कुले एस कप्पो त्ति ॥ ५९ ॥
 जं एगम्मि कुमारे पुव्वपचिट्ठे चिरेणवि न बीओ । पविसइ तत्थ कुमारो जाव न सो निग्गओ सुग्रणु ! ॥ ६० ॥
 णवरं जइ निव्वन्धो तुम्हं ता अवसरेण केणावि । जइ तुह पुत्तो पविसइ तत्थुज्जाणे तह करिस्सं ॥ ६१ ॥
 एवं तं संठविउं आलोचेऊण जन्तिणा सद्धिं । ताडविद्या सुघोरा पयाणभेरी कइयवेणं ॥ ६२ ॥
 तं सोउं संभन्तो उज्जाणाओ विणिग्गओ कुमारो । पत्तो रायसमीवं विणएण य पणमिउं भणइ ॥ ६३ ॥
 किं देव ! पयाणमिणं रण्णा भणियं विडत्थिओ अम्हं । नियवलगन्धियन्तिओ सामन्तो पुरिससीहो त्ति ॥ ६४ ॥
 मण्डलमुवद्देवई नो पडिवन्नं च सो करं देह । ता तस्सोवरि जत्ता इय कहिए भणइ सो कुमारो ॥ ६५ ॥
 वीसत्था इह चिट्ठइ तुम्हे को उवरि तस्स संरम्भो । देह ममं आएसं गन्तुं तं जेण साहेमि ॥ ६६ ॥

१ 'कइययेणं' इति कैतवेन माययेत्यर्थः । २ 'विडत्थिओ' इति पृथग्जातः ।

इय भणिउं सो चलिओ नियखन्धावारपरिगओ सहसा । आंगच्छन्तं सोउं सम्मुहमाओ पुरिससीहो ॥ ६७ ॥
नीओ तेण सनयरं कयसम्माणो य भोगणार्इहिं । वियरियसविसेसकरो विसज्जिओ विणयपणएणं ॥ ६८ ॥
परिभमिउं नियदेसं अदिट्ठउवद्दवो पडिनियत्तो । रण्णा विसाहनन्दी पवेसिओ तम्मि उज्जाणे ॥ ६९ ॥
सोऽवि य नियपुरपत्तो पुष्फकरण्डम्मि पविसमाणो उ । पडिहारेण निसिद्धो विसाहनन्दी पविट्ठो त्ति ॥ ७० ॥
इय सोउं सो रुद्धो मायाए नीणिओ अहं पत्तो । तो मुट्ठिपहारेणं तप्पुरओ पहणइ कविट्ठिं ॥ ७१ ॥
पाडइ सन्वकविट्ठे भणइ य तुम्हं सिराई पाडन्तो । एवं तु तुज्झ पिउणो पावा जइ हं न लज्जन्तो ॥ ७२ ॥
इय भणिय निगओ सो पियहुचेट्ठं चमुणियवुत्तन्तो । वेरगगओ चिन्तइ अहो ! अणज्जाओ महिलाओ ॥ ७३ ॥
अवि य—

महिला कुडिलसहावा बन्धवकुलभेयकारिणी महिला । महिला निदयहियया पच्चकवा रक्खसी महिला ७४
महिला आलकुलहरं महिला लोयम्मि दुच्चरियखेत्तं । महिला सकज्जनिट्ठा महिला जोणी अणत्थाणं ॥ ७५ ॥
किं च—

विसयासत्ता पुरिसा विडम्बणं तं जयम्मि पाँविन्ति । जं कहिउं पि न तीरइ धूलीबुक्कावणमहं व ॥ ७६ ॥
अवि य—

१ व-भागच्छन्तो । २ 'नीणिओ' इति गमितः । ३ अ-बुल्लपिं । ४ व-पुबत्तं । ५ व-पावेन्ति । ६ अ-गह । ७ °मह व्व ।

जोव्वणमयणुम्मत्तोहिं विसयतण्हाविमोहियमणेहिं । तं तं कीरइ पुरिसाऽहमेहिं जं जं कुगइहेउं ॥ ७७ ॥
 लहिउं मणुस्सजम्मं सोगइग्गणुग्गसाहणमणग्घं । रयणं वराडियाए व्व हारए विसयगिद्धीए ॥ ७८ ॥
 पुरिसत्तणं विवेयं कुलमज्जायं विसिद्धसंसङ्गिं । लज्जं गुरुयणसेवं चण्ड विसएहिं वेलविओ ॥ ७९ ॥
 विसयमुहलालसाणं सुधम्ममन्दायराण पुरिसाणं । अमुणियसारासाराण गलइ हस्थट्ठियं अमयं ॥ १८० ॥
 विसयासेवणदविणज्जणम्मि कुकुडम्बतत्तिकरणम्मि । निच्चक्खणिया अजराभर व्व चिट्ठन्ति मूढप्पा ॥ ८१ ॥
 ता उज्झिउं दुरन्ते बिसए पावस्स आसवद्दारे । साहेमि अणन्नमणो सप्पुरिसनिसेवियं धम्मं ॥ ८२ ॥
 इय वेरगगएणं दिट्ठो सिरिविजयसीहआयरिओ । कुमरेण तेण विणएण वन्दिउं पुच्छिओ एवं ॥ ८३ ॥
 भयवं भवाडवीए परिभामिज्जन्ति पाणिणो केणं । सासयसोक्खे मोक्खे केणं व वच्चन्ति मे कहसु ॥ ८४ ॥
 धम्मोवयारनिरओ एसो धम्मत्थिओ त्ति मुणिज्जणं । कुमरेण पुट्टमत्थं सो सूरी कहिउमाहत्तो ॥ ८५ ॥
 जम्मजरभरणवाहीविओगसोगाहुक्खपउरम्मि । संसारे भमइ जिओ कम्मणट्ठप्पयारेणं ॥ ८६ ॥
 नाणस्स दंसणस्स य आवरणं वेयणीय मोहणियं । आउ य नामं गोत्तं अट्टमयं अन्तरायं च ॥ ८७ ॥
 पञ्च नव दोन्नि अट्ठावीसा चउरो तहेव बायाला । दोन्नि य पञ्च य कमसो उत्तरपयडीओ कम्माणं ॥ ८८ ॥
 मिच्छदंसणमविरइकसायजोगा य बन्धहेउ त्ति । ओहेण तस्स संपइ विसेसहेऊ णिसामेहि ॥ ८९ ॥

१ व-०गमगसाहणमहग्घ । २ व-गेहीए । ३ अ-०निसाहेमि ।

पडणीयमन्तराइय उवघाए तप्पओसनिहवणे । बन्धइ पाणावरणं एवं चिय दंसणावरणं ॥ १९० ॥
 भूयाणुकम्पजिणभत्तिसंजुओ खन्तिदाणविणयपरो । बन्धइ सायावेयं विवरीओ बन्धए इयरं ॥ १९१ ॥
 अरहन्तसिद्धचेइयत्तिथाइसु पच्चणीयजोगेहिं । मिच्छत्तमोहणीयं बन्धइ संसारबुद्धिकरं ॥ १९२ ॥
 तिब्बकसाओ बहुमोहपरिणओ चरणकरणपडणीओ । बन्धइ चरित्तमोहं दुविहं पि चरित्तगुणघाई ॥ १९३ ॥
 कुणिमाइभक्खणरओ मिच्छत्तमहापरिगहारम्भो । नरयाउयं निवन्धइ पावमई रुद्धपरिणामो ॥ १९४ ॥
 उम्मगगदेसओ मगगनासओ अट्टज्झाणज्झाइह्लो । बहुनियडिसंपउत्तो निरियाउं बन्धइ जीवो ॥ १९५ ॥
 पयईए तणुकसाओ दाणरओ पयइभइगविणीओ । मज्झिमगुणेहिं जुत्तो मणुयाउं बन्धइ जीवो ॥ १९६ ॥
 अणुब्बयमहव्वएहिं बालतवाकामनिज्जराईहिं । देवाउयं निवन्धइ सम्मदिट्ठी उ जो जीवो ॥ १९७ ॥
 मणवयणकायवक्को गुणदोसी गारवेहिं पडिबद्धो । असुहं बन्धइ नामं तप्पडिवम्बो य सुहनामं ॥ १९८ ॥
 अरहन्ताइसु भत्तो सुत्तरुई पयणुमाण गुणरागी । बन्धइ उच्चागोयं विवरीओ बन्धए इयरं ॥ १९९ ॥
 पाणवहाईनिरओ जिणपूयादाणभोयविग्घर्करो । अज्जेइ अन्तरायं न लहइ जेणिच्छियं लाभं ॥ २०० ॥
 इय पावकम्मबन्धस्स हेउणो जाणिऊण सुविवेया । भवभमणभीरुणो जे पयत्तओ ते विवज्जन्ति ॥ १ ॥
 पाणाइगुणवसेणं असेसकम्मक्खए य निब्बाणं । होइ जियाणं तम्हा पाणाइसु चेव जइयव्वं ॥ २ ॥

१ ब-विवरीए । २ ब-बन्धई । ३ ब-बन्धए । ४ अ-विवरीए । ५ ब-बन्धई । ६ ०विग्घयरो ।

तहाहि—

नाणेण सुणइ भावे सदहइ य सम्मदंसणगुणेणं । चरणेण नासवेई कम्मं पुण सुज्झइ तवेणं ॥ ३ ॥
 इय सुणिघ विस्सभूई अइसयसंवेगभावि यमईओ । पडिवन्नो पव्वज्जं अणवज्जं गुरुसयासम्मि ॥ ४ ॥
 पञ्चसमिओ तिगुत्तो पञ्चिन्दियनिगगेण परिकलिओ । निजियच्चउक्कसाओ छक्कायदयाधरो धीरो ॥ ५ ॥
 समसत्तुमित्तभावो समतिणमणिलेद्धुकञ्चणो मइमं । जियउवसगगपरीसहसेन्नो विहरइ गुरुहिं समं ॥ ६ ॥
 कालेणं गीयत्थो जाओ विहरइ सगुरुअणुत्ताओ । एगल्लविहारेणं सव्वत्थ य अपडिवद्धो त्ति ॥ ७ ॥
 विहरन्तो संपत्तो महुरपुरिं तत्थ मासपारणए । भिक्खवद्धाय पविट्ठो दिट्ठो भवि यच्चमवसेणं ॥ ८ ॥
 पुरिसेहिं विवाहत्थं विसाहनन्दिस्स आगयस्स ताहिं । संजायमच्छरेहिं पविस्सन्तो तोहिं सिद्धो उ ॥ ९ ॥
 एत्थन्तरम्मि तेसिं गावीए अहिणवप्पस्सयाए । पेच्छन्ताणं सिंगेहिं पेह्लिओ महियले पडिओ ॥ १० ॥
 सो साहू तवसुसिओ उवहसिओ तोहिं कलयलं काउं । तं संपह कत्थगयं कविट्ठपाडणवलं तुज्झ ॥ ११ ॥
 तं सो उं तेय वियाणिऊण सो कम्मदोसओ रुद्धो । धेत्तूण य तं गाविं सिंगगेहिं भमाडेइ ॥ १२ ॥
 नियसीसोवरि तणपूलियं व सो खिवइ भूमिवट्ठम्मि । ते पभणइ भयभीए सो रुद्धो निदुरगिराए ॥ १३ ॥
 रे रे पावा ! किं कोल्हुएहिं सीहस्स दुब्बलस्सावि । लद्धिज्झइ देहवलं इय भणिउं निगओ तत्तो ॥ १४ ॥

१ अ—० निगहे य । २ व—कमसो । ३ अ—पयसिओ तस्स विण्णाओ ।

गुरुअहिमाणवसेण य रोसुच्छाइयविवेगरयणेणं । यद्धं तेण नियाणं धी धी कम्मस्स परिणामो ॥ १५ ॥
तं च केरिसं—

जइ होज्ज इमस्स फलं मएऽणुचिणस्स तवविसेसस्स । तोऽहं भविस्सकाले अतुलचलपरक्कमो होज्जा ॥ १६ ॥
वरकणंगेणं रीरिं रासहमेरावणेण अइमूढो । कप्पूरेण व छारं वेरुलिएणं व कायमणिं ॥ १७ ॥
गुञ्जाओ मोत्तिएहिं जह मग्गइ कोइ तह इमं तेण । मोक्खपसाहणतवसा देहवलं मग्गियमसारं ॥ १८ ॥
काडं नियाणमेयं अपडिक्कन्तो य तस्स ठाणस्स । सो मासियभत्तेणं कोडीवासाओ होडं ॥ १९ ॥
कप्पम्मि महासुक्के उक्कोसठिईं य सुरवरो जाओ । कयसुरकिच्चो सुज्जइ पञ्चविहे दिव्वकामगुणे ॥ २० ॥
इओ य—

अत्थि इह भरहवासे णयरं पोयणपुरं परमरम्मं । तत्थ पडिसत्तुराया तं सुज्जइ विजियपडिवक्खो ॥ २१ ॥
भद्दा य तस्स भज्जा अयलो नामेण तीए परमसुओ । चजहिं महासुमिणेहिं स्रूहयजम्मो समुप्पन्नो ॥ २२ ॥
भग्गिणी तस्स कण्णिट्ठा मिगावई पवररूवसंपन्ना । सा पढमजोव्वणत्था सन्वालङ्कारवरदेहा ॥ २३ ॥
पिडपायवन्दणत्थं जणणीए पेसिया वरनिमित्तं । नियउच्छङ्गनिविट्ठा पलोइया तेण सन्वङ्गं ॥ २४ ॥
अज्जुववन्नो तीए रूवम्मि मणोरमग्गि पुच्छेइ । सामन्तमन्तिवग्गं मेलेडं पउरलोयं च ॥ २५ ॥

१ अ—रिवुपडिसत्तू । २ व—रूयस० । * कसिय ।

जं एत्थ मज्झ भवणे रयणं उप्पज्जए तयं कस्स । भो आहंस्वं जाग्रह तो भणियं तेहिं सन्वेहिं ॥ २६ ॥
 असुणियपरमथेहिं सन्वस्मि वि तुज्झ मण्डले सामि ! । जं उप्पज्जइ रयणं तं तुम्हं किं पुण गिहम्मि ॥ २७ ॥
 जइ एवं ता एसा भिगावई पवरमिथिया रयणं । भज्जा मज्झ भविस्सइ जं वयणं अचित्तहं तुम्हं ॥ २८ ॥
 ते सवयणेण छलिया अहोमुहा लज्जिया गया सन्वे । णियणियठाणं पच्छा सन्वेसिं कूयमाणानं ॥ २९ ॥
 गन्धव्वविवाहेणं सयमेव विवाहिया निंया कत्ता । भद्दा निवारयन्ती न य गणिया राग्रसूदेणं ॥ ३० ॥
 सा खेयसमावन्ता चिन्तइ इमिणा अकज्जमायरियं । कुलगोत्तलञ्छणकरं अहो ! हु रागस्स माहप्पं ॥ ३१ ॥

अहवा—

ताव पुरइ वेरग्गु चित्ति कुललज्जवि तावहिं । ताव अकज्जहं तणियसंक गुरुयणभउ तावहिं ॥ ३२ ॥
 ताविन्दिदयहं वसाइ जसह सिरि सहायइ तावहिं । मयरद्धयवेयालवसिउ नरु होइ न जावहिं ॥ ३३ ॥
 एवं परिभाविन्ती अयलेण समं गया तओ भद्दा । दक्खिखणदेसे नयरिं माहेसरियं निवेसेइ ॥ ३४ ॥
 अयलो तत्थ ठवेउं जणणिं पिउमूलमागओ तस्स । जायं नामं च पयावइ त्ति रण्णो जहत्थमिणं ॥ ३५ ॥
 अह विस्सभूइजीवो सत्तमकप्पाउ सुरवरो चविउं । सत्तमहासुमिणेहिं वज्जरिओ केसवो पढमो ॥ ३६ ॥
 उववन्नो कयपुण्णो भिगाएँ देवीएँ कुच्छिसंभूओ । पुत्तो पयावइस्सा तिविडुनामो त्ति विक्खाओ ॥ ३७ ॥

१ व-आभव । २ अ-नियय० । ३ अ-वेरगस० । ४ अ-तत्थ । ५ अ-त्थमिणं ।

सो जोन्वणमणुपत्तो कलासु कुसलो य कीलइ जहिच्छं । अयलेण भाउणा सह बलदेवेणं विणयसङ्को ॥ ३८ ॥
इओ य—

अत्थि महामण्डलिओ आसगीवो पयण्डनरनाहो । सो पुच्छइ नेमिस्सि कस्स सयासाउ मज्झ भयं ॥ ३९ ॥
नेमिस्सिण भणिग्रं—

जो चण्डमेहदूयं धरिसेही तुज्झ तइ य बलवन्तं । जो सीहं मारेही तस्स सयासाउ तुज्झ भयं ॥ ४० ॥
इय कहिए सो भीओ दोऽवि पयावहणरिन्दपुत्ते य । बलवन्तं सोऊणं दूयं पेसइ पयावहणो ॥ ४१ ॥
तं चण्डमेहदूयं पेच्छणए संठियाण सो पत्तो । कोउगअक्खित्ताणं तिण्हं पि नरिन्दकुमराणं ॥ ४२ ॥
पेच्छाभङ्गो जाओ दूयागमणेण आसगीवस्स । रुद्धा दोऽवि कुमारो पेच्छाभङ्गो कओ केण ॥ ४३ ॥
कहियं च तेसि पिउणा जस्साणाकारिणो बहुनरिन्दा । भरइद्धवासिणो इह तस्सेसो आगओ दूओ ॥ ४४ ॥
सग्माणिओ य दूओ कयकज्जोपेत्थिओ सपुरहुत्तं । अद्धपहे गन्तूणं कुमरेहिं पिँट्टिओ गाढं ॥ ४५ ॥
तप्पुरिसा य पलाणा सोऽवि य भीएण तेसि जणएणं । चिउणं तिउणं दाउं खमाविओ विणयजुत्तेणं ॥ ४६ ॥
एण्हिं कुमारैहिं अयाणुएहिं सिंसुत्तदोसेणं । जं अवयरियं तुम्हं सब्वं चिय खमसु तं मज्झ ॥ ४७ ॥
ण य कहियव्वं एयं रणणो दुचेडियं कुमारानं । सामोवयारगहिओ सो चिय पचाह न कहिस्सं ॥ ४८ ॥

१ व-°हणाम । २ अ-पट्टिओ । ३ 'हुत्त' देशीशब्दोऽयमभिमुखार्थः । ४ अ-पेड्डिओ । - सिन्दुव ।

इय भणिय गओ दूओ पुव्वपलाणेहिं साहियं सव्वं । पुरिसेहिं दूयहणं ओसगीवस्स कुमरकयं ॥ ४९ ॥
 तं सोउं सो कुविओ दूओऽवि समागओ तयं पुट्ठो । तेणवि सच्चं कहियं पुव्वं चिय सुणिगमिमिण स्ति ॥ ५० ॥
 पुणरवि दूओ भणिओ गन्तूण पयावइस्स साहेसु । सालीखेत्तं रक्खसु कसिजमाणं तुमं मज्झ ॥ ५१ ॥
 दूएण य गन्तूणं आएसो साहिओ जहा भणिओ । केसवपिउणो तेणवि भीएण सुया उवालद्धा ॥ ५२ ॥
 धरिसन्तेहिं तहा तं तुव्वेहिं चण्डमेहदूयं ति । हो पुत्ता । किमयण्डे वीसत्थो खवलिओ मच्चू ॥ ५३ ॥
 जं अज्ज अकाले चिय सालीरक्खा उ मह समाइठा । तेहिं उ भणियं अम्हे रक्खिस्सामो तयं सालिं ॥ ५४ ॥
 सत्थो चिट्ठउ ताओ इय भणिउं ते गया भयविमुक्ता । जत्थ कसिजइ साली पुट्ठा ते करिसगा तेहिं ॥ ५५ ॥
 कह रक्खिज्जइ एसा केचिरकालं च तेहिं ते भणिया । चउरङ्गेण बलेणं रक्खिज्जइ जाव छम्मासा ॥ ५६ ॥
 भणियं तिचिट्ठुणा तो खिज्जिस्सइ को णु एत्तियं कालं । जो एत्थुवइवकरो तं मम दरिसेह किं वट्ठुणा ॥ ५७ ॥
 एत्थ गुहाए चिट्ठइ कुमार ! सीहो कयन्तसारिच्छो । सो वसहकरिसयाइं संहारइ अकयपडियारो ॥ ५८ ॥
 मो तं सीहस्स गुहं कुमरो अइवयइ रहसमारुढो । उट्ठइ वियम्भमाणो सीहो जणकल्लयलरवेणं ॥ ५९ ॥
 पयचारी एस अहं रहग्गि ता विसरिसं इमं जुद्धं । इय चिन्तिय असिफए घेतूण रहाओ उत्तरिओ ॥ ६० ॥
 एस वराओ दाढानहरत्थो सत्थपहरणो उ अहं । असमञ्जसमेयं पि हु इय कुमरो सुयइ सत्थाइं ॥ ६१ ॥

? व-अस्सगी० । २ 'अइवयइ' इति अभिन्नजतीत्यर्थः । ३ व-ओयरिओ । ४ अ-सत्थाणि ।

तं पेच्छवि सो रुसिओऽहो ! धारिष्ठं इमस्स पुरिसस्स । एगागी गुहमाओ बीयं परिचत्तरहसत्थो ॥ ६२ ॥
इय च्विन्ति य अवदारियवणो कुमरस्स देइ ओ खन्दं । तेणवि दोणिण विओट्ठे घेत्तूणं दोहिं वि करोहिं ॥ ६३ ॥
जुणपण्डओ व्व सीहो हेलाए फालिओ स दुट्ठप्पा । जो आसि पुव्वकाले विसाहनन्दि त्ति रायसुओ ॥ ६४ ॥
रोसेण फुरुफुरन्तो माणुसमेत्तेण मारिओज्जं ति । सारहिणा उवसमिओ सो सीहो महुर्वायाए ॥ ६५ ॥
पसुसीहो भइ ! तुमं नरसीहो एस पुण कुमारो त्ति । ता जइ सीहो सीहेण मारिओ को किरामरिसो ॥ ६६ ॥
अमयं पिव मन्नन्तो सारहिवयणं सुरोदपरिणामो । मरिज्जण गओ नैरए सीहो अइदुक्खपउरस्मि ॥ ६७ ॥
अह सन्निहियसुरेहिं सुक्कं कुमरोवरिं कुसुमवरिसं । केसरिचम्मं घेत्तुं चलिया कुमरा सपुरहुत्तं ॥ ६८ ॥
भणिया य करिस्सगा ते घोडियगीवस्स कहइ गन्तूणं । चिट्ठ तुमं वीसत्थो तुह सत्तु मारिओ सीहो ॥ ६९ ॥
कहियं च तेहिं गन्तुं वयणं तं आसगीवरायस्स । सोऽवि निसामिय दूयं पेसेइ त्ति विट्ठुजणयस्स ॥ ७० ॥
पेसेसु नियकुमारं जेणं पिच्छेमि देमि देसे य । इय भणिए सो गन्तुं आएसं कहइ तं तस्स ॥ ७१ ॥
तो भणह त्ति विट्ठुपिया सयमागच्छामि रायपासम्मि । अज्जवि बाला कुमरा सेवं काउं न याणन्ति ॥ ७२ ॥
दूएण य हैसिज्जणं भणियं किं जम्पिएण इह बहुणा । अह पेसेसु कुमारे अहर्वा भव जुज्झसज्जो त्ति ॥ ७३ ॥
इय भणिए सो दूओ कुमरेहिं धाडिओ गले घेत्तुं । तेण य तं सविसेसं नियपहुणो साहियं सञ्चं ॥ ७४ ॥
१ अ-दोणवि । २ अ-होडो । ३ व-फाडिओ । ४ अ-सुरुद्धं । ५ व-णरयं । ६ व-घोडगी० । ७ अ-रु (रु) सि० । ८ अ-ठायसु । ९ व-नान्तुं ।

कण्डोरिओ न्व सीहो सो तक्खणमेव रोसमावक्षो । बहुसामन्तसमेओ बहुदलअक्खोहणिससगो ॥ ७५ ॥
अक्खोहणीए पुण पमाणं—

इगवीससहस्साइं अट्टसया सत्तरा करिरहाणं । तिउंणां आसा अक्खोहिणीए सुहडा य षंणुणा ॥ ७६ ॥
अवसउणखलियगमणो तिविटुअयलाण पेत्थिओ उवरिं । अमरिसपहरियहियओ ताडियभेरीरवरउद्यो ॥ ७७ ॥
चिन्तियं चै तेण—

थेवं पि छिज्जह रिणं अग्गी थेवोऽवि विज्झवेयव्वो । मउओऽवि गओ छिज्जहवालो विधे हम्मए सत्तू ॥ ७८ ॥
विन्नायतयागमणो पयावई नियकुमारपरियरिओ । नियवलसहिओ थक्को देसन्ते तं पडिच्छन्तो ॥ ७९ ॥
मिलियाण नत्थ दोण्हवि वलाण जुद्धं सुदारुणं जायं । बहुदिवसाणि य बहुनरकरितुरयसहस्ससंहरणं ॥ ८० ॥
बहुजीवखयं पेच्छिय तिविटुणा भाणिओ स पडिसत्तू । किं निरवराहजणमारणेण बहुपावमूलेणं ॥ ८१ ॥
तुज्झं मज्झ य जुज्झं संपज्जउ वहरभावजुत्ताणं । इय भणिए ते^१ दोणिण वि जुज्झेण परोप्परं लग्गा ॥ ८२ ॥
खीणेषु पहरणेसुं आसग्गीवो उ सुयइ वरचक्कं । केसववहणनिमित्तं पडियं तुम्येण तं तस्स ॥ ८३ ॥

जओ—

कन्तारे जलमज्झे रिउगहणे भीमसावयसमूहे । वसणावडियं पि नरं रक्खइ पुव्वज्जिओ धम्मो ॥ ८४ ॥

१ अ-°रिउ न्व । २ अ-पडिओ । ३ अ-°विह° । ४ अ-चणेण । ५ ब-विय । ६ ब-तो । ७ ब-परोपर ।

तेणवि तं चिय धेत्तुं छिन्नं सीसं तु तुरयगीवस्स । भवियव्वयानिओगो न तीरण्ण काउं ॥ ८५ ॥
जइ पविसइ पायालं दुग्गगिरिं विसइ लङ्गइ समुदं । कुणइं य बहूपडियारे तहवि न भवियव्वया सुयइ ॥ ८६ ॥
उक्किट्टिनायपुब्बं देवहिं निवाडियं कुसुमवरिसं । भणियं च पढमकेसी उववन्नो एत्थ भरहम्मि ॥ ८७ ॥
कोडिसिला सीसोवरि धरिया छत्तं व बाहुदण्डेहिं । सुरतरपच्चयहेउं तिविहुणा सुबलकलिएणं ॥ ८८ ॥
परिहायन्तम्मि बले सेसेहिं ऊणमूणसुक्खित्ता । जा चरिमकेसवेणं नियजाणुयमेत्तसुक्खित्ता ॥ ८९ ॥

जओ केसवबलं—

सोलसरायसहस्सा सव्वबलेणं तु संकलनियद्धं । अब्बन्ति वासुदेवं अगडतडम्मि ठियं सन्तं ॥ ९० ॥
धेत्तूण संकलं सो वामगहत्थेण अञ्चमाणानं । सुञ्जेज्ज विलिम्पेज्ज व महुमहणं ते न चायन्ति ॥ ९१ ॥
पढमो एस दसारो जाओ इय मुणिय सव्वसामन्ना । आणाकारी जाया पणमियचलणा तिविहुस्स ॥ ९२ ॥
ओयवियं भरहद्धं सत्त य रयणाणि तस्स जायाणि । चक्कं छत्तं धणुयं मणि माला तह य गय संखो ॥ ९३ ॥
सोलससाहस्सीणं जाओ सो मउडबद्धराईणं । सामी बत्तीसाए अवरोहवहूसहस्साणं ॥ ९४ ॥
पालन्ताण य रज्जं अयलतिविट्ठूण गरुयनेहाणं । सेज्जंसजिणसमीवे पावियसम्मत्तरयणाणं ॥ ९५ ॥
बोलीणो बहुकालो अप्पडिहयसासणाण भरहद्धे । अह अन्नया तिविहुस्स असुहकम्मोदयवसेणं ॥ ९६ ॥

१ व-०इ वहू । २ 'अब्वन्ति' इति भाति । ३ व-अब्ब । ४ व-०ह गया ।

बाहुबलभोगसंपयनिवलच्छीपमुहगव्वकलियस्स । परिगलियं सम्मत्तं जं कुलहं भवसएहिं पि ॥ ९७ ॥

अवि य—

संपत्तो कप्पतरू अहवा चिन्तामणी अह निहाणं । अहवावि महाविज्जा जह नासइ मन्दपुणस्स ॥ ९८ ॥
तस्सवि तह संमत्तं दोगगइमहणं असेसगुणमूलं । सयलसुहाण निहाणं नट्टं मिच्छत्तउदएणं ॥ ९९ ॥
बुलसी उ वरिसलक्खा आउं अणुहविय बद्धनरयाऊ । मरिउं सोऽसुहलेसो सत्तमपुढवीए उववन्नो ॥ ३०० ॥
अयलोऽवि य भाइविओगसोगसंतत्तमाणसो जाओ । चिट्ठइ कयमयकिच्चो दुहेण वेरगमावन्नो ॥ १ ॥
अह तत्थ समायाओ आयरिओ नाम धम्मघोसो त्ति । नाणी बहुमुणिसहिओ सीसो सेज्जसणाहस्स ॥ २ ॥
अयलो तस्सागमणं णाउं गुरुहरिसपुलइयःसरीरो । उज्जाणे गन्तूणं तं वन्दइ पज्जुवासेइ ॥ ३ ॥
भवजलहिजाणवत्तं दुहहरणं सुहकरं च सो सूरी । दाऊण धम्मलाभं धम्मकहं कहिउमाढत्तो ॥ ४ ॥
दुहरूवो दुक्खफलो दुहाणुबन्धो य एस संसारो । तुसमुट्ठि व्व असारो भयकारी पेयभवणं व ॥ ५ ॥

जओ—

मत्तकरिकणचवला थिजुलयाचञ्चला मणुयलच्छी । संझभरागसरिसा वाउद्धुयवेजयन्तिसमा ॥ ६ ॥
जलबुब्बुओवमाणं कुसगजलविन्दुचञ्चलं जीयं । गिरिणइवेगसमाणं कयलीक्खम्भो व्व निससारं ॥ ७ ॥

१ अ—°च्छिप्प । २ अ—°सीइ । ३ व—°वासइ य ।

तरुबुडियकुसुमलावन्नसन्निभं इन्दियालकणगसमं । गन्धव्वपुरसरिच्छं जोव्वणमथिरं मणुस्साणं ॥ ८ ॥
जह रयणीए सउणाण सङ्गमो जह पहेय पहियाणं । जह सुमिणे निहिजोगो तह अथिरो इडसंजोगो ॥ ९ ॥
असुइनिहाणं देहं बहुवाहीवसणवेयणाविहुरं । जरकडं व धुणेणं धुणिज्जइ जराए मणुयाणं ॥ ३१० ॥
मच्चू कुणह अकाले बहुआसापासमोहियमणाणं । अणिवांरणिज्जपसरो आसाभेङ्गो मणुस्साणं ॥ ११ ॥

अन्नं च—

मन्नन्ति विसयसुक्खं जं पि य मूढा मणोरमं एत्थं । तं पि मद्धुविन्दुसरिसं न सुहं परमत्थओ होइ ॥ १२ ॥

सुणसु एत्थ दिडन्तं—

एगो दरिदपुरिसो उच्छन्नकुलो सुदुक्खिओ दीणो । देसन्तरं पयद्वो एगगी अह सुहासाए ॥ १३ ॥
वचन्तो य अरणे अणोरपारम्मि पिडओ नियह । आगच्छन्ती सियकत्तियाँकरा रक्खसीमिगं ॥ १४ ॥
अन्नो रुडवणकरी आगच्छइ तं करेण धेतुमणो । ते पेच्छिय सो भीओ धावइ वेगेण तेऽवि तहा ॥ १५ ॥
दिडो तत्थ महन्तो वडरुक्खो हत्थिरक्खसिअगम्मो । तम्मि य सो आरुहिउं न तरइ तो हेडओ नियइ ॥ १६ ॥
पेच्छइ य अन्धकूवं तम्मज्जे तेण धत्तिया झम्पा । तडसंठियसरथम्भे लग्गो चिडइ पलम्भन्तो ॥ १७ ॥

१ अ—वारिज्जं । २ व—भङ्गं । ३ ब—सोक्खं । ४ व—एत्थ । ५ व—असुहा । ६-७ एत्तपदद्वयं लुप्तद्वितीयान्तम् ।

८ व—एगा ।

कूवतडेसुं चउसु वि पेच्छइ चउरो य भीसणभुयङ्गे । तेह हेडा य पसारियवयणं गुरुअगरं नियह ॥ १८ ॥
 छिन्दन्ति य सरथम्भं सियकसिणा मूसगा दुवे सययं । तिक्खाहिं दाढाहिं वाहेइ करं करी तस्स ॥ १९ ॥
 जाहे य तं न पावइ ताहे दन्तेहिं हणइ वडरुक्खं । वडकम्पणेण भिणं महुयालं साहयन्नठियं ॥ २० ॥
 निवडन्ति य महुबिन्दू तस्स निडालोवरिं चिरलविरला । ते होइगगे पत्ता जीहाए लिहइ हिट्टमणो ॥ २१ ॥
 महुयालकण्डराहिं य खजइ सो निट्ठरं च सव्वङ्गो । बहुवसणसंकडे वि हु पडिओ मन्नइ सुहं चेव ॥ २२ ॥
 महुबिन्दुलिहणलोलो जा चिट्ठइ ताव खहयरो एगो । पत्तो तस्मि पएसे तं दहुं भणइ दयजुत्तो ॥ २३ ॥
 भो तं दुहगहणाओ इमाओ मोगमि वड्डुमं एयं । सव्वोवद्वरहियं आरोवेऊण जइ भणसि ॥ २४ ॥
 सो भणइ न कजं मे महुधिन्दुसुहं तरामि नो चइउं । गच्छ तुमं नियठाणं को लद्धसुहं परिचयइ ॥ २५ ॥
 खयरेण पुणो भणियं सरथम्भे मूसएहिं छिन्नम्मि । पडिहिसि अयगरवयणे खजिहिसि य दुट्ठभुयगेहिं ॥ २६ ॥
 सो पभणइ विजाहर ! को जाणइ किं भविस्सइ ममेत्थ । आसाएमि अपावियपुन्वे महुबिन्दुणो ताव ॥ २७ ॥
 इय भणिए सो खयरो दुब्बुद्धी एस न सुहभागि स्ति । चिन्तिय गओ सठाणं सुण उवणयमिणिहमेयस्स ॥ २८ ॥
 पहिओ संसारिजिओ भवो अरणं व रक्खसि व्वजरा । मत्तकरी य कयन्तो मोक्खो वडपायवसमाणो ॥ २९ ॥
 कूवो य मणुस्सभवो सरथम्भो आउयं च जीवस्स । सियकसिणा दो पक्खा आखूदाढा य दिणरयणी ॥ ३३० ॥

? अ-पयहे० । २ ब-वाहइ य । ३ 'महुयालं' इति मधुपटलमित्यर्थः । ४ मधुपटलमित्यर्थः । ५ अ-भणिओ । ६ अ-० ए य

दुद्धाहिणो कसाया नरओ पुण अयगरो व्व भयहेऊ । महुविन्दू विसयसुहं गेहिनिमित्तं च तुच्छं च ॥ ३१ ॥
 विविहाओ आवघाओ जीवं बाहिनित्ति कण्डेराउ व्व । विज्जाहरो य सूरौ मोक्खो जं पुण वडारोहो ॥ ३२ ॥
 जह सो पहिओ करिमाइवसणभीओऽवि सुहकरं नियमा । दिग्घविज्जाहरवयणं न गणइ महुविन्दुलोहेणं ॥ ३३ ॥
 तह मच्चूजराभीओ भवे भमन्तोऽवि नरयत्तोऽवि । बहुआवइविहुरत्ताणकोहाडकयत्थिओऽवि दढं ॥ ३४ ॥
 विसयसुहलेसल्लुद्धो जीवो दुक्खं भविस्समगणन्तो । धम्मो पवत्तयन्तं धम्मगुणं मणणइ न मूढो ॥ ३५ ॥

तम्हा—

विसया किंपागफलं विसया हालाहलं विसं परमं । विसया विसमं सल्लं विसया आसीविसमुयङ्गो ॥ ३६ ॥
 विसया उं कूडपासो विसया कण्डु ल्लुओ नरयमगो । इय सुणिय विसयसङ्गं धीरा वल्लन्ति दूरेणं ॥ ३७ ॥
 एमाईधम्मकहं पडिबुद्धो सोउमयलवलदेवो । संवेगभावियमणो निक्खन्तो सरिपासम्मि ॥ ३८ ॥
 गहिऊण दुविहसिक्खं सज्झायज्झाणविणयसंजुत्तो । निम्मलसंजमनिरओ दुक्करतवचरणसंपन्नो ॥ ३९ ॥
 खविऊण घाइकम्मं उप्पाडेऊण केवलं नाणं । लोयालोयपयासं अप्पडिहयमपडिवायं च ॥ ४० ॥
 पडियोहिऊण बहवे भविगजणे सयलकैम्ममलमुक्को । संपत्तो परमपयं जम्मणजरमरणदुहरहिंयं ॥ ४१ ॥
 नरगाओ उव्वट्ठिय तिविदुजीवो अरणमज्झम्मि । सीहत्ताए जाओ सरिऊण पुणो गओ नरयं ॥ ४२ ॥

१ व-०ओ व । २ व-०क्खे नयणं । ३ व-०यत्ता । ४ अ-उक्कडं । ५ व-०मउम्मुक्को ।

परिभभिडं संसारं कथय मणुयत्तणं च लहिज्जण । आवज्जियसुहकम्मो महाविदेहस्मि आधाओ ॥ ४३ ॥
 मूगाए पुरवरीए धणञ्जओ आसि पवरनराहो । तस्स च धारिणिभज्जा सो पुत्तो तेसिसुवववो ॥ ४४ ॥
 चोवसहिं महासुमिणेहिं सइओ पवरलक्खणसमेओ । जाओ कालकमेणं पियमित्तो नाम वरकुमरो ॥ ४५ ॥
 सो जोववणमणुपत्तो पिडणा संठाविओ निययरज्जे । अइरेण य संजाया वोहसरयणा इमे तस्स ॥ ४६ ॥
 सेणावइ गाहावइ पुरोहि गय सुरय वहुई इस्थी । चक्कं छत्तं चम्मं सणि कागणि खग्ग दण्डो य ॥ ४७ ॥
 चक्कं छत्तं दण्डो तिसि वि एयाई वामतुल्लाहं । चम्मं दुहत्थदीहं वत्तीसं अहुलाहं असी ॥ ४८ ॥
 चउरहुलो मणी पुण तस्सद्धं चैव होइ चित्थिण्णो । चउरहुलप्पमाणा सुवण्णवरकागिणी नेया ॥ ४९ ॥
 णेसप्पे पण्डुयए पिङ्गलए सववरयण महरयणे । काले य महाकाले माणवगे^३ नवमए संखे ॥ ५० ॥
 मणिकणगरयणपुत्ता अहोनिस्सिं चैव दिज्जमाणावि । निट्ठन्ति न पुन्नवसा ते निहिणो तस्स संजाया ॥ ५१ ॥
 नवजोयण चित्थिण्णा बारस दीहा समूसिया अट्ठ । जक्खसहस्सपरिबुडा चक्कपइट्ठिया नववि ॥ ५२ ॥
 छक्खण्डविजयत्तेत्तं साहिय आणावडिच्छिंयं काउं । पियमित्तो बलवन्तो पत्तो चक्कित्तणं पवरं ॥ ५३ ॥
 चउदसवि जस्स रयणा एक्केक्कणं च सुरसहस्सेणं । निचमहिट्ठियदेहा दोहिं सहस्सेहिं य सरीरं ॥ ५४ ॥
 चउसट्ठिसहस्साहं जस्स य अन्तेउरं मणभिरामं । वत्तीसं च सहस्सा जस्स वसे मउडवज्जाणं ॥ ५५ ॥

१ व-०संसारे । २ व-चउव० । ३ अ-०गमहानिही । ४ व-०सी जे वहज्ज० । ५ व-०च्छां ।

बुलसी करिरहलकला अठारस वरतुरङ्गकोडीओ । छन्नवह गामकोडी रिद्धी एमाइया जरस ॥ ५६ ॥
 सो चक्कवट्टिभोए सुञ्जन्तो संठिओ चिरं कालं । अह अन्नया कयाई विहरन्तो तस्थ उज्जाणे ॥ ५७ ॥
 संपत्तो सुणिजुत्तो पोदिलसूरी सुणाणचरणहो । चक्की य वन्दणत्थं तस्स गओ परमभत्तीए ॥ ५८ ॥
 वन्दिदुत्तु सुहणिसण्णस्स तस्स सूरी परेसि हियनिरओ । संसारुच्छेयकरिं धम्मकहं कहिउमाढत्तो ॥ ५९ ॥
 अइदुलहं मणुयत्तं जीवाणं कम्मपरिणई चित्ता । ता पाविय सामंगिं कीरउ जिणभासिओ धम्मो ॥ ६० ॥

तत्थ इमेहिं दिठ्ठन्तेहिं दुल्लहं मणुयत्तं—

बोह्लग पासग धन्ने जूए रयणे य सुमिण चक्के य । चम्म जुणे परमाणू दस दिठ्ठन्ता मणुयलम्भे ॥ ६१ ॥ इय दारगाहा ॥
 चोह्ल त्ति भोयणं चक्कवट्टिपरिवारभरहगेहेसु । भोत्तुं दियस्स दुलहं पुण चक्किगिहे तह नरत्तं ॥ ६२ ॥
 वरलद्धिच्छयपासयपडणे दीणारपत्तिज्यूम्मि । अण्णस्स जओ दुलहो जह तह मणुयत्तणं दुलहं ॥ ६३ ॥
 धन्ने त्ति भरहधन्ने सिद्धत्थगपत्थयस्स खेवम्मि । धेरीए अवसोहिय तं भेलण दुल्लहं एयं ॥ ६४ ॥
 जूयम्मि रज्जकह्विस्स जह जओ धेरनिवइत्तस्स । थम्मइसयंसीणं तहेव दुलहो मणुयजम्भो ॥ ६५ ॥
 रयणे त्ति भिन्नपोयस्स रयणनाले ससुइमज्झम्मि । अन्नोसणम्मि तल्लाभदुल्लहं माणुसं जम्भं ॥ ६६ ॥
 सुमिणिम्मि चन्दगिलणे रज्जफलं निवसुयस्स सोऊणं । दम्मगल्लेसियत्तस्सुमिणदंस्सणोवसम्मिह नरत्तं ॥ ६७ ॥

१ अ-पुट्टि° । २ व-तो । ३ अ-भगी ।

चंके ति निवृत्तुईए सयंवरे जहवि सिकवकुमरेहिं । चकउन्तरराहावेहो दुलहो तह नरत्तं ॥ ६८ ॥
 सेवालचम्पपिहिए दहम्मि पुव्वोवलङ्छिदस्स । कुम्मेण दंसणं जह पुण दुलहं तह उ मणुयत्तं ॥ ६९ ॥
 जलहिम्मि पुव्वदिसि खित्तजुंगयछिदम्मि दुल्लहं जह य । अवरदिसि द्वियसमिलापवेसणं तह नरत्तामिणं ॥ ७० ॥
 वीसियखम्भरणं भेरुसिरद्वियसुरेण नलियाए । जह फूमिएण दुलहं तैग्घडणं तह य मणुयत्तं ॥ ७१ ॥
 इध दुलहं पुण एयं अन्नाणपमायदोसवहुलस्स । जीवस्स पुठविमाइसु गयस्स जं तेसि कायठिई ॥ ७२ ॥
 अस्सखोसप्पिणितसपिणीओ एगिन्दियाण उ चउण्हं । ता चैव ऊ अणन्ता वणस्सईए उ बोद्धव्वा ॥ ७३ ॥

संपह कम्मपरिणहं निसामेहि—

कम्मेण विचित्तेणं संसारं भमइ चउगाइसमेयं । विविहाओ अवत्थाओ पावइ जीवो सक्कमेणं ॥ ७४ ॥

तथाहि—

जो मारओ जियाणं परधणपरदारहिंसओ चण्डो । भहआरम्भपरिगहसत्तो सुणिखिसणपरो य ॥ ७५ ॥
 कुणिमाहारपसङ्गी तन्दुलमच्छे व्व रुद्धपरिणामो । मिच्छविट्ठी मरिउं दुहपरे जाइ सो नरए ॥ ७६ ॥

तत्थवि—

पढमसन्नी वीधं सिरीसिवा पखिलणो य तइयम्मि । सीहाइया चउत्थि उरगा पुण पञ्चमं जन्ति ॥ ७७ ॥

१ अ—°कि ति । २ व—°जूयछि° । ३ व—तह घ° । ४ अ—गुरु° । ५ व—रोह° । ६ व—°उरगाई प° ।

छट्टं च नरित्थीओ मच्छा मणुया य सत्तमं नरयं । उक्कोसेणं एसा भणिया नरयम्मि उप्पत्ती ॥ ७८ ॥
 अट्टज्झाणोवगया परदुक्खुप्पायगा नियडिबहुला । बहुमोहंभाणपरा जीवा तिरियत्तणमुवेन्ति ॥ ७९ ॥
 अप्पकसाया दाणुज्झया य खमविणयमद्वपहाणा । दक्खिणपरा पर्यईएँ भद्दगा जन्ति मणुयत्तं ॥ ८० ॥
 जे य महव्वयधारी अविरयसम्मा य देसविरया य । जिणपूयणदाणरया बालतवाऽकामनिज्जरणा ॥ ८१ ॥
 परिणामविसुद्धीए देवाउयकम्मयन्धजोगाए । नरपञ्चिन्दियतिरिया सुरगइगमणं समज्जिन्ति ॥ ८२ ॥

अवि य—

साहू जा सव्वट्ठं सोहम्मा जाव अञ्जुयं सट्ठो । वावन्नदंसणो वि हु सुणिलिद्धी जाव गेवेज्जे ॥ ८३ ॥
 पञ्चिन्दिओ तिरिक्खो गुणधारी जाइ जा सहस्सारं । परिवायगा य बम्भे जोइसिए तावसा जन्ति ॥ ८४ ॥
 बालतवे पडिबद्धा उक्कडरोसा तवेण गारविद्या । वेरेण य पडिबद्धा मरिडं असुरेसु गच्छन्ति ॥ ८५ ॥
 रज्जुगहणे विसभक्खणे य जलणे य जलपवेसे य । तण्हाछुहाकिलन्ता मरिऊणं होन्ति वन्तरिया ॥ ८६ ॥
 असढा विणयपहाणा सुसहावा अप्पलोह खमजुत्ता । सच्चवया अचवला महिला पुरिसत्तणमुवेइ ॥ ८७ ॥
 अलियव्वभक्खानरओ असच्चभासी य बच्चलसहावो । साहसकारी परवञ्चणो य पुरिसो हवह महिला ॥ ८८ ॥
 जो तुरयवसहमहिसाइयाण निह्लच्छणं कुणइ कूरो । उक्कडमोहो य तहा जीवो संढत्तणमुवेइ ॥ ८९ ॥

१ अ-छट्टि । २ व-°हिंसा य नरा । ३ अ-अणुए । ४ अ-°वेति ।

पुढवाईवहनिरओ परलोयं नेय मणए सुढो । अहसङ्किलिढकम्मो अप्पाऊ सो भवे पुरिसो ॥ ३९० ॥
 सीलव्वयखन्तिजुयो अणुकरूपासंजुया महुरभासी । पाणिवहाओ नियत्ता दीहाऊ जन्तुणो होन्ति ॥ ३९१ ॥
 सयणासणवत्थं वा भत्तं पत्तं च ओसहं पाणं । साहूण देह तुढो सो भोगी जायए पुरिसो ॥ ३९२ ॥
 देह न निययं सन्तं दिशं हारेह वारए दिन्तं । देह य अमणुन्नं वा भोगेहिं विवज्जिओ होइ ॥ ३९३ ॥
 अगुणो वि गव्विओ जो अप्पं संथुणह निन्दह गुणहुं । माणी विडम्बओ जो सो जायइ दुब्भगो पुरिसो ॥ ३९४ ॥
 गुरुदेवाणं भत्तो विणयपरो खन्तिजुत्त मिउभासी । सव्वजणपियकारी सो पुरिसो जायए सुहंगो ॥ ३९५ ॥
 जो पढइ सुणह चिन्तइ अन्नं पाढेह देह उवएसं । सुयगुरुभत्तीजुत्तो मरिउं सो होइ मेहावी ॥ ३९६ ॥
 तवणाणगुणसमिद्धं अवमन्नह वइइ य विग्घस्मि । पढणसवणाइयाणं दुम्मेहो होइ सो पुरिसो ॥ ३९७ ॥
 पक्खीण सावयाण य विच्छोहं न य करेह जो पुरिसो । जीवेसु य कुणह दयं तस्स अवचाइं न मरन्ति ॥ ३९८ ॥
 जो परछिदाइं अदिट्ठयाइं दिट्ठाइं जम्पह अणज्जो । छायाभंसपयत्तो जच्चन्धो होइ सो मणुओ ॥ ३९९ ॥
 असुयं पि सुयं भासइ धम्मचिरुद्धाइं कहह लोयस्स । पिसुणो परतत्तिल्लो सो बहिरो होइ मूओ य ॥ ४०० ॥
 दहणं कणघायणछेयणेहिं दुक्खं जियाण पकरिन्तो । बहुरोगी होइ नरो विवरीओ जायइ अरोगो ॥ १ ॥
 जो कुणह अन्तरायं धणज्जणे णासगं व्वं अवहरइ । परधणहरणपसत्तो दोगच्चं लहइ सो पुरिसो ॥ २ ॥

१ व-वय० । २ व-त्ता । ३ अ-हओ । ४ व-व ।

महुघाय अग्निदाहं वह्णं जो कुणह इत्थिगार्हणं । बालवणस्सइघाई कुडी सो जायए पुरिसो ॥ ३ ॥
जो महिस खरं करहं अइभारारोवणेण पीडेह । अहवा मणुस्सजाइं सो पुरिसो खुज्जओ होइ ॥ ४ ॥
मण्टा वैडभा य सथा साहूणैमणज्जकारिणो होन्ति । विच्छोहकारयाणं न पयाण थिरत्तणं होइ ॥ ५ ॥
तवसीलसंजुयाणं जो जम्पइ विप्पियं असच्चं वा । सो पूहसुहो जायह कुण्ठो पुण पण्हियाएणं ॥ ६ ॥

तो सामग्गिं पावियत्ति संपह वणिज्जइ—

माणुस्सखेत्तजाई कुलरूवारोगमाउयं बुद्धिं । धम्मसुहअवधारणसद्धा धम्मस्स सामग्गी ॥ ७ ॥

तत्थ मणुयत्तं पढमं साहणं धम्मस्स—

जं माणुसजम्मे चिय पडिपुन्नो संजमो तवो होइ । दव्वत्थओ य परमो विसिद्धसग्गोऽपवग्गो य ॥ ८ ॥
तत्थवि आरियखेत्ते मगहादेसाइए मुणिविहारे । न उ सगजवणाईए विवज्जिए धम्मसद्धाए ॥ ९ ॥
रायगिह मगह चम्पा अङ्गा तह तामलित्ति वङ्गा य । कञ्चणपुरं कलिङ्गा वाणारसि चैव कासी य ॥ ४१० ॥
साएँय कोसला गयपुरं च कुरु सोरियं कुसदा य । कम्पिहं पञ्चाला अहिच्छत्ता जङ्गला चैव ॥ ११ ॥
वारवई य सुरदा मिहिल विदेहा य वच्छ कोसम्बी । नन्दिपुरं सण्डिब्भा भदिलपुरमेव मल्लया य ॥ १२ ॥

१ अ—मण्डा अनङ्गुलयः । २ 'वडभा' इति वामनाः । ३ अनाज्ञाकारिणः । ४ व—°चाए । ५ व—°केय । ६ व—°लए य ।

वहराड वच्छ वरुणा अच्छा तह मन्नियावह दसन्ना । सौत्तियमई य चेई य वीहैभयं लिन्धु सोवीरा ॥ १३ ॥
 मडुरा य सूरसेणा पावा भङ्गी य मासपुरिवट्टा । सावत्थी य कुणाला कोडीवरिसं च लाढा य ॥ १४ ॥
 सेयवियावि य नयरी केयहअद्धं च आरियं भणियं । जत्थुप्पत्ति जिणाणं चक्षीणं रामकण्हाणं ॥ १५ ॥
 सगजवणसवरबन्बरकायसुरुण्डोडुगोडपक्कणया । अरवागहोणरोमथपारसखसखासिया चेव ॥ १६ ॥
 डौविलवलउसवोक्कसभिह्लिन्दपुलिन्दकुम्भमररुया । कुञ्जा य चीणचुञ्चुयमालवदमिलाकुलग्घा य ॥ १७ ॥
 केकयकिरायहयसुहखरसुहगयतुरगमिण्हगमुहा य । हयकन्ना गयकन्ना अण्णे वि अणारिया बहवे ॥ १८ ॥
 पावा य चण्डकम्मा अणारिया निग्घिणा निरणुं कम्पा । धम्मो त्ति अक्खराइं तेसु न नज्जन्ति सुविणेऽवि ॥ १९ ॥
 माहससुत्था जाई जम्हा सा माहसुद्धिओ भणिया । पीहससुत्थं च कुलं जं पिउसुद्धं तयं भणियं ॥ ४२० ॥
 जाईए संपन्नो सुविणीओ होह सुस्सहावो य । लज्जइ अकज्जकरणे तम्हा जाईवि धम्मगुणो ॥ २१ ॥
 वयनियमतवचिसेसस्स पारगामी संयं पवन्नस्स । होइ न कुलपरिहीणो कुलं पि धम्मस्स हेउ त्ति ॥ २२ ॥
 हीणाहियदुवङ्गो विसमसहावो उ होइ पाएणं । ता ख्वं धम्मगुणो जत्थागीई गुणा तत्थ ॥ २३ ॥
 कुट्टजलोयरसोसाइएहिं रोगेहिं चिहुरियसरीरो । नालं वयगहणाइसु ता आरोगं पि धम्मगुणो ॥ २४ ॥
 कह कुणह नाणबुद्धिं तवबुद्धिं संजमस्स सो बुद्धिं । जो मणुओ अप्पाऊ धम्मगुणो आउयं तेण ॥ ४२५ ॥

१ व-०तीमं । २ व-चेई । ३ व-वीमं । ४ अ-०हुं । ५ अ-०लद्धं । ६ व-०को । ७ ०णुतावी ।

हेयमुवाएयं वा न जाणए विमलबुद्धिपरिहीणो । न य धम्माहपरिक्खं बुद्धी ता धम्महेउ त्ति ॥ २६ ॥
 संवेगो निव्वेओ नाणावरणस्स तह खओवसमो । तत्ताहिगमो जायइ गुरुवएसस्स सवणगुणा ॥ २७ ॥
 निसुयं पि छिड्डुकुडसंनिभस्स न हवइ विसिद्धगुणहेऊ । अवधारणरहियस्स य तम्हा अवधारणा परमा ॥ २८ ॥
 निसुयमवधारियं वा सद्धारहियस्स कं गुणं कुणइ । देवगुरुधम्मतत्ते सद्धा ता सव्वगुणहेऊ ॥ २९ ॥
 इय एसा सामग्गी दुलहा जीवाण भवसमुद्धम्मि । धम्मरहियाण जायइ निरत्थिया ता तयं कुणह ॥ ४३० ॥
 भवक्खुवे निवडन्तं हत्थालम्भो व धरइ जो जीवं । सो धम्मो त्ति पबुच्चह सो पुण जिणभासिओ चेव ॥ ३१ ॥
 रुक्खेसु कप्परुक्खो मणीसु चिन्तामणी जह पहाणो । अमयं रसेसु गोसीसचन्दणं चन्दणेसु जहा ॥ ३२ ॥
 तह पावकम्ममहणो सयलदुहनिवारणो सुहनिहाणं । सव्वेसिं धम्माणं जिणधम्मो चेव सुपहाणो ॥ ३३ ॥
 सव्वेसिं जीवाणं अहिंसणं चेव थावरतसाणं । सच्चइभासणं तह अदिन्नपरत्तथुपरिहरणं ॥ ३४ ॥
 अव्वग्गभवज्जनं तह सव्वाओ परिग्गहाओ वेरमणं । राईभोयणविई समिईओ त्तिन्नि गुत्तीओ ॥ ३५ ॥
 समसत्तुमित्तभावो समतिणमणिलेद्धुकञ्चणत्तं च । सव्वत्थ निम्ममत्तं असत्तिहीसंचओ चेव ॥ ३६ ॥
 खन्तीमइवअज्जवमुत्तीतवनियमवग्गभगुत्तीओ । पडिलेहणापमज्जनसज्झाओ ज्ञाणजोगो य ॥ ३७ ॥
 दसहा सामायारी इच्छाकारो य भिच्छकारो य । तइओ य तहक्कारो निसीहिधावस्सिया चेव ॥ ३८ ॥

१ अ-०त्ताभि० । २ ब-तहा ।

आपुच्छण पडिपुच्छा निमन्तणा छन्दणा य साह्वणं । उवसंपया गुरुणं एमाई साहुधम्मो य ॥ ३९ ॥

तथा—

पञ्च य अणुववयाइं गुणववयाइं च होन्ति तित्तेव । सिक्खावयाइं वउरो सावगधम्मो हुवालसहा ॥ ४४० ॥

अन्नं च—

सुधातियसुद्धीए पञ्चङ्गणामपुव्वयं विहिणा । कुणइ तिसज्झं सहो चीवन्दणमेगचित्तो उ ॥ ४१ ॥

तथाहि—

पुव्वणहे समणोवालगस्स पाणिं पि कप्पइ न पाउं । मो जाव चेइयाइं साहूवि य वन्दिया विहिणा ॥ ४२ ॥
मज्झणहे पुणरवि वन्दिऊण नियमेण कप्पए भोत्तुं । पुण वन्दिऊण ताइं पओससमयम्मि सो सुयइ ॥ ४३ ॥
एयस्स फलं मोक्खो तयभावे होइ सुरसुहसुयारं । सुकुलुप्पत्ती वोही पव्वज्जा मोक्खसंपत्ती ॥ ४४ ॥
इह लोकेऽवि न हाणी पायं निववण्हितक्कराईहिं । अन्नेऽर्विं य उवसग्गा न होन्ति एयम्मि जुत्ताणं ॥ ४५ ॥

तथा—

पहार्णविलेवणेवरवासैकुसुमधूर्वेक्खएहिं वंत्थेहिं । रयणकणर्गाइएहिं करेइ पूयं जिणिन्दाणं ॥ ४६ ॥
जत्थत्थि चेइयाइं जत्थ य साहूहिं होइ संजोगो । जत्थन्ने साहम्मो तत्थ निवेसे वसइ सहो ॥ ४७ ॥

१ व-पाण । २ व-क्षिय ।

साहुसगासै सवणं पञ्चकखाणं अपुठवपढणं च । दाणं च साहुवग्गे नित्थस्स पभावणं कुज्जा ॥ ४८ ॥
 तित्थाण वन्दणं सुहभावनवकारचिन्तणार्हयं । एमाह सावयाणं नरिन्द ! धम्मो समक्खाओ ॥ ४९ ॥
 इय सोउं सो चक्की परमं संवेगमागओ खिप्पं । अट्ठाहियमहिमाओ काऊण जिणिन्दभवणेसु ॥ ४५० ॥
 दाऊण महादाणं रज्जे संठाविऊण नियपुत्तं । निक्खन्तो सुपसन्तो पोडिलसूरिस्स पासम्मि ॥ ५१ ॥
 वासक्कोडिं पालिय सामणं निक्कलं महासत्तो । चुलसीइ पुव्वलक्खा सव्वाउं पालइत्ता णं ॥ ५२ ॥
 अणसणविहिणा कालं काउं सुहझाणभावणाजुत्तो । सव्वट्ठविमाणम्मि उववन्नो सुक्कक्कप्पम्मि ॥ ५३ ॥
 सत्तरस्स सागराऊ तम्मि य सो दिव्वभोगडुल्लिओ । नियमाउयमणुपालिय आयाओ मणुयलोगम्मि ॥ ५४ ॥
 नयरीएँ छत्तगाए जियसत्तू नरवई महिहीओ । भद्दा य तरस्स भज्जा सव्वन्तेउरपहाणा उ ॥ ५५ ॥
 सो तेसि सुओ जाओ परममहासुमिणस्सुहओ । रुव्वंसी बन्धुपिओ नन्दणनामो सुकयपुत्तो ॥ ५६ ॥
 सो पञ्चधाइकलिओ कलाकलावेण तणुउववणं । वहुन्तो चन्दो इव मणुणतारुणमणुपत्तो ॥ ५७ ॥
 परिणाविओ य पिउणा बहुयाओ पवररायक्कन्नाओ । रज्जे य तयणु ठविओ पव्वज्जं धेचुक्कामेणं ॥ ५८ ॥
 कयसव्वपयारक्खं रज्जसुदगं च विजियपडिक्खवं । बहु समईओ कालो नाएणं पालमाणस्स ॥ ५९ ॥
 न य परचक्कपवेसो न च वन्दिगहो न तक्करप्पसरो । न य किं पि य उडुभरं संजायं जस्स रज्जम्मि ॥ ४६० ॥

१ व-रुवंसी । २ व-°रज्जे तयणुडु ।

सो पयइ चिय कारुणसायरो पुरिसघारसोडीरो । सुमई य दाणनिरओ सुप्पियम्मो सहावेणं ॥ ६१ ॥
तत्थन्नया कयाई पोडिलसूरी समागओ महं । छत्तीसगुणसम्मगो उज्जाणे साहुपरियरिओ ॥ ६२ ॥
ते य गुणा पुण एए—

देसकुलजाइरुवे संघयणे धीजुओ अणासंसी । अविकत्थणो अमाइ थिरपरिवाडी गहियवक्को ॥ ६३ ॥
जियनिदो जियपरिसो मज्झत्थो देसकालभावणू । आसणलद्धपइओ नाणाविहदेसभासणू ॥ ६४ ॥
पञ्चविहे आयारे जुत्तो सुत्तत्थतदुभयविहणू । आहरणहेउकारणनयनिउणो गाहणाकुसलो ॥ ६५ ॥
ससमयपरसमयविजु गम्भीरो दित्तिमं थिरो सोमो । इय छत्तीसगुणजुओ आयरिओ होइ हु जहत्थो ॥ ६६ ॥
तस्सागमणं नाउं सहरिसचित्तो महाविभूईए । नीहरइ वन्दणत्थं मयगलखन्धं समारुहिउं ॥ ६७ ॥
वन्दिता य निसन्नो परितुडो घम्मलाभदाणेणं । भयवं पि महरवाणी उबएसं दाउमाहुत्तो ॥ ६८ ॥
संसारे नत्थि सुहं चउसुं पि गईसु वट्टमाणणं । जीवाणसओ भदा ! सोक्खत्थं आयरं कुणह ॥ ६९ ॥
तथाहि—

अच्छिनिमीलणमेत्तां पि नत्थि सोक्खं जियाण नरयम्मि । सारीरमाणसेहिं दुक्खेहिं पच्चमाणणं ॥ ७० ॥
उववन्नस्स उ नरए सुँडधडियालमज्झयारम्मि । सण्डासकट्टणाओ पढं चिय दारुणं दुक्खं ॥ ७१ ॥

१ अ-सिठो । २ व-उ । ३ अ-उत्तो । ४ व-उज्जम । ५ व-कुट्ठ ।

उणहनरयाउ गिम्हे पज्जलियच्चियाएँ नारगो खित्तो । देवेण सुहं मन्नहं अइउणहं उणहरएसु ॥ ७२ ॥
 कत्थइ य गाढसीयं इहच्चसीयाउ तं असंखगुणं । अयभारसहस्समओ गोलो जेणं विलिजेज्जा ॥ ७३ ॥
 केइवि कुम्भीपागं भडित्तपागं च भट्टपागं च । केइवि लोहीपागं कुणन्ति इय अगिगवियणाओ ॥ ७४ ॥
 कुव्वन्ति जन्नपीलं केइवि करवत्तदारुणं घोरं । केइवि सिलायलम्भी अच्छोडणमम्बरस्सेव ॥ ७५ ॥
 कुव्वन्तसिपत्तवणं पडन्तपत्तेहिं लुणइ अङ्गाइं । जं चक्कासिसमेहिं केइवि सुलासु रोवेन्ति ॥ ७६ ॥
 तिकखेहिं वासिपरसूकर्प्पणिचक्कासिखुरियमाईहिं । कण्णोडनासिकरचरणबाहुगीवाओ छिन्दन्ति ॥ ७७ ॥
 जीहच्छिमुखवणंति उ कुच्छीहियओदराणि भिन्दन्ति । सेल्लेहिं तिसूलेहिं य पहरन्ति यमोगगरोहिं सिरं ॥ ७८ ॥
 कुव्वन्ति कण्ठयाउलसिम्बलिरुक्खावरुण्णं करिउं । कड्डोकड्डीदुक्खं उक्कत्तन्ती य तणुखल्लं ॥ ७९ ॥
 तैम्बतउसीसयाइं केइवि पाइन्ति कढकढिन्ताइं । तिसिए परमाहम्मी नेरइए कन्दमाणे उ ॥ ४८० ॥
 वेयरणीएँ णईए जलन्तवसरुहिरपूयपुत्ताए । बोलन्ति यं लोलन्ति य अइतत्ते वालुयापुलिणे ॥ ८१ ॥
 खावन्ति समंसाइं खण्डेहिं जे भविंसु मंसासी । तत्तायसमहिलाओ आलिङ्गावन्ति परदारी ॥ ८२ ॥
 जोइत्तिय लोहरहे जलन्तसमिलालुगम्मि महिसे व्व । अवहन्ते पुण रुसिउं कुइन्ति य लउडघाएहिं ॥ ८३ ॥
 कत्थइ य रिच्छचित्तयवराहसद्वलसुणंयमाईहिं । वेउव्वियरुवेहिं खायन्ति सुतिक्खलुण्डेहिं ॥ ८४ ॥

१ अ-इय उ० । २ ब-प्पण च० । ३ ब-०हण० । ४ न-तउतम्भ० । ५ न-य अतितत्ते अन्ने पुण वा० । ब-६ ह० । ७ अ-०णह० ।

बन्धन्ति उद्धपाए जलन्तजलणोवरिं च तरुविडवे । पाडिन्ति अम्बराओ पडियं च सिलाहिं चुन्नन्ति ॥ ८५ ॥
 मोरेह हणह छिन्दह भिन्दह खहरं वं कुदह दहेह । एयस्स लेहवद्धे इय सहे ते पभासन्ति ॥ ८६ ॥
 हा ताथ ! पहू ! सामिय ! भाइय ! पणओऽम्हिह तुम्ह दासोऽहं । मा मं दीणमणाहं सरणागयमिय कयत्थेह ॥ ८७ ॥
 एवं पि विलवमाणं सेहिनति उ दढयरं विगयकरुणा । न मरन्ति ते अकाले सहस्ससो खण्डियत्तपूवि ॥ ८८ ॥
 इय नारयदुक्खाइं अपमाणाइं न साहिउं तरइ । अतिसयनाणविरिहो तमन्धयारेसु नरएसु ॥ ८९ ॥
 तीसु परोप्परजणियं परमाहम्मियकयं च पुढवीसु । दुक्खं नेरइयाणं सेसासु परोप्परकयं तु ॥ ९० ॥
 तिरियगईए दुक्खं पच्चक्खं चेव दीसइ जियाणं । पञ्चेन्दियपज्जवसाणयाणमेगिन्दियादीणं ॥ ९१ ॥
 सिसिरम्मि सीयदुक्खं गिम्हेसु य चण्डआयवससुत्थं । वासासु निरन्तरमेहवारिभूयं कओ सोक्खं ॥ ९२ ॥
 वाएण य वज्झडणं खुहापिवासाओ सत्थेघायं च । वाहण दोहण दहणंकणं च छविछेयस्खं च ॥ ९३ ॥
 केहवि आराविन्धणमन्ने पुण ताडणं कसादीहिं । अङ्कुसदारणमवरे सहन्ति अवरे य गुरुभारं ॥ ९४ ॥
 केह गलकत्तणाइं जालगहणं च पासबन्धं च । वागुरबन्धं पञ्जरबन्धं च सहन्ति दीणमणा ॥ ९५ ॥
 किञ्चि दुहं मणुयकयं किञ्चि परोप्परकयं तिरिक्खेसु । कालाहभावजणियं किञ्ची किञ्चि सयमेव ॥ ९६ ॥
 मणुयगईए दुक्खं असुईकीडियसमस्स गब्भम्मि । पढमं चिय अहदुसहं जायइ संकोडियङ्गस्स ॥ ९७ ॥

१ ब-घ । २ ब-तोत्तधा० । ३ अ-० हिनति । ४ ब-गलजालगहं । ५ ब-एवं मणुयगईए दुक्खं असुइमि कीडियसमस्स । गब्भंमी पढम चिय जायइ० ।

अणिमं च—

अग्निगव्वन्नाहिं सुहं हि संभिन्नस्स निरन्तरं । जावतिमं जायए दुक्खं गम्भे अट्टगुणं तओ ॥ ९८ ॥
गम्भाओ नीहरन्तस्स जोणीजन्तनिपीलणे । जं तं सयगुणं तत्तो सहस्सगुणमेव वा ॥ ९९ ॥
दन्तुम्भेयार्हसुं दुक्खं बालत्तणे जुवत्ते य । इच्छियवत्थुअजोगे अहवा पियविप्पओगम्मि ॥ १०० ॥
इन्दियहाणीकम्पणपरिभवणार्हं दुहं च थेरत्ते । मरणदुहं पुण सो चिय जाणइ अहवावि सव्वण्णू ॥ १ ॥
दारिदं दोहगं इडवियोगं च अत्थणासो य । दासत्तं पेसत्तं परसेवा आवर्हओ य ॥ २ ॥
चिन्ता सोगो बहुवाहिवेयणा तह कुभोयण कुवासो । कुकलत्त कुपुत्तत्तं सयणं वरवाहणाभावो ॥ ३ ॥
सयणविरोहो कन्नापेद्धत्तणं सीयतावद्धहतणहा । एमाइमणुयलोए पयडं चिय दीसए दुक्खं ॥ ४ ॥
देवाणवि णत्थि सुहं कोहाइकसायकलुसियमणाणं । समयम्मि जओ एए निदंसिया दुक्खहेउ त्ति ॥ ५ ॥

तथाहि—

सपरोभयाण संतावकारओ कुगइगमणहेउ य । पीईविच्छेयकरो कोहो ता दुक्खहेउ त्ति ॥ ६ ॥
माणोऽवमाणहेउ मन्नस्सवि कुणइ भाणिणोऽवलं । गुरुविणयअंसकारी भाणो इय दुक्खहेउ त्ति ॥ ७ ॥
माया कुविगप्पेहिं अवमाणेहिं परवच्चणनिमित्तं । चित्तस्स याउलत्तं कुणइ अतो दुक्खहेउ त्ति ॥ ८ ॥

१ व-तयं ! २ व-°बहु° । ३ व-माणओ ।

रक्खणवायामेणं सन्तेसु असन्तएसु कंक्खाए । अज्जणवाचारेणं लोभो दुक्खवस्स हेउ त्ति ॥ ९ ॥
 ईसा भयं विसाओ मदलियत्ताइ आभिओगित्तं । केसिञ्चि सुराण दुहं क्किविसियत्तं च केसिञ्चि ॥ ५१० ॥
 पियदेवीए चवणे गुरुदुक्खं रूसणम्मि वा तीए । छम्मासियवियणाए महिद्धियसुरस्स घाएणं ॥ ११ ॥
 सुररिद्धिं चिन्तेन्तो चवणं सग्गाउ गन्भवासम्मि । असुइम्मि य उववायं सहइ महन्तं सुरो दुक्खं ॥ १२ ॥
 इय चउगइयं दुक्खं नाऊण विवेइणो सुकयकम्मा । भवपरिभम्मैणुव्विग्गा कुणन्ति धम्मं जिणाभिहियं ॥ १३ ॥
 एवं निसामिउं सो तुरियं चिय भवविरागमावन्नो । राया पभणइ भयवं ! असंसयं एवमेवेयं ॥ १४ ॥
 काऊण रज्जसुत्थं दिक्खागहणेण तुम्ह पासम्मि । करिकन्नचलं माणुसजम्मं सफलं करिस्सामि ॥ १५ ॥
 देवाणुपिया ! तुज्झं अहासुहं मा करेह पडिबन्धं । किच्चमिणं भविघाणं इय भणिओ सूरिणा तुट्ठो ॥ १६ ॥
 गन्तूण नियं भवणं आपुच्छेऊण मन्तिसामन्ते । रज्जे संठविय सुयं काऊण जिणिन्दपूयाई ॥ १७ ॥
 सिवियारूढो गन्तुं उज्जाणं पवररिद्धिफलकलियं । नमिऊण सुगुरुचलणे जम्पइ पञ्जलिउडो एवं ॥ १८ ॥
 आलित्तो य पलित्तो भयवं ! सन्वो वि एस लोगो त्ति । आलित्तपलित्तोऽवि य जराए रोगेहिं मरणेणं ॥ १९ ॥
 जह गेहम्मि पलित्ते तस्स पहु सारवक्खरं गिण्हे । नित्थारियमेयं मे हियं सुहं होहिही नूणं ॥ ५२० ॥
 एवमहं अग्गपाणं नित्थारिस्सामि दुहपलित्तम्मि । भवरणो पडिबज्जिय दिक्खं सासयसुहनिमित्तं ॥ २१ ॥

१ अ-सुरगणानं । २ ब-०याए वियणा । ३ अ-०भव० । ४ ब-य गुरु० । ५ ब-नीणे ।

संयलएणवि रहिओ जो पडिवलइ महन्तमद्दाणं । सो वचन्तो पावइ दुक्खं तंणहाछुहाहिंतो ॥ २२ ॥
 एवं धम्ममकाउं सुहजणं परभवम्मि जो जाइ । सो होइ दुक्खभागी पए पए जम्ममरणत्तो ॥ २३ ॥
 ता पव्वावेह ममं काऊणाणुगहं सहत्थेण । सिक्खवह साहुकिरियं सीसोइहं तुम्ह पघसेवी ॥ २४ ॥
 पव्वाविओ य गुरुणा जहाविहाणेण सुद्धलेसिलो । विहरइ य तेहिं सद्धिं विणीयविणओ पसन्तप्पा ॥ २५ ॥
 अब्भसियसाहुकिरिओ सुत्तत्थविसारओ य अइरेण । भासोववासणिरओ निरन्तरं धीरसत्तो सो ॥ २६ ॥
 दोहिं पि बन्धणेहिं रहिओ दोहिं असुद्धज्ञाणेहिं । दण्डेहिं गारवेहिं य सल्लेहिं तिहिं वि परिसुक्को ॥ २७ ॥
 उवसन्तचउकसाओ विगहासन्नाहिं वज्जिओ चउहिं । पञ्चकिरियानियत्तो पञ्चसु कामेसु वि विरत्तो ॥ २८ ॥
 पञ्चसु सैमिइसु समिओ छल्लीवनिकायरक्खणपरो य । सत्तभयठाणरहिओ अट्टमयट्ठाणपरिहीणो ॥ २९ ॥
 नववम्भचेरगुत्तिसु उवउत्तो दसविहम्मि धम्मम्मि । अट्टारसविहवम्भे सूरुो बारसविहतवे य ॥ ५३० ॥
 पञ्च विहे सज्झाए उज्जुत्तो चउविहोवसणेहिं । अल्लियचित्तो धीरो बावीसपरीसहेहिं च ॥ ३१ ॥
 वीसाए ठाणेहिं बहुसो आसेविएहिं विमलेहिं । तित्थयरनाभकम्मं नन्दणमुणिणा अए निबद्धं ॥ ३२ ॥

वीसं ठाणाणि पुण इमाणि—

अरहन्तसिद्धपवयणगुरुधेरबुद्धसुए तवस्सीसुं । वच्छलं कुणमाणो तित्थयरत्तं समज्झिणइ ॥ ३३ ॥

१ अ-तण्णं । २ व-सगीसु । ३ च-० रुवहुसुयथेरसत्तव० ।

सद्धो पवयणमत्थं गुरुणो धम्मोवएसगंईया । सुत्तत्थोभयधारी बहुस्सुया हुन्तवेक्खाए ॥ ३४ ॥
 जाईसुयपरियाए पडुच्च धेरो तिहा जहकमेणं । सढीवरिसो समवायधारओ वीसवरिसो य ॥ ३५ ॥
 भत्तीपूयावन्नप्पयडणवज्जणमवन्नवायस्स । आसायणपरिहारो अरहन्तादीण वच्छल्लं ॥ ३६ ॥
 नायुवओगो भिक्खं दंसणसुद्धी य विणयसुद्धी य । आवस्सयजोगेसुं सीलवएसु य निरइयारो ॥ ३७ ॥
 संवेगभावणाघ्घाणसेवणं खणलवाइकालेसुं । तवचरणं जइजणसंविभागकरणं जहासत्ती ॥ ३८ ॥
 वेयावच्चं दसहा गुरुमार्हणं समाहिजणणं च । किरियादारेण तथा अपुव्वनाणस्स गहणं च ॥ ३९ ॥
 आगमबहुमाणो वि य तित्थस्स पभावणा जहासत्ती । एणहिं ठाणेहिं तित्थयरत्तं लहइ जीवो ॥ ५४० ॥
 इय सो पैचूयकालं सामन्नं निक्कलं चरेऊणं । पज्जन्ते आराहणमेयं काउं समाढत्तो ॥ ४१ ॥
 दुक्कडगरिहा जैन्तूण खामणं भावणा य चउसरणं । पञ्चण्ह नभोक्कारो अणसणमाराहणा एसा ॥ ४२ ॥

तत्थ दुक्कडगरिहा—

कालविणयाइओ खलु नाणायारो य अट्टहा भणिओ । जो मे तत्थइयारो कोइ कओ तमिह निन्दासि ॥ ४३ ॥
 निस्सङ्गियाइयम्मी अट्टविहे दंसणस्स आयारो । जो अइयारो विहिओ तिचिहेणं वोसिरे तं पि ॥ ४४ ॥
 सुहुमो य वायरो वा पाणिवहो मोहलोहजुत्तेणं । जो कोइ कओ पुंवि तिविहेणं वोसिरे तमहं ॥ ४५ ॥

१ व-०मार्ई । २ व-०न्तवि० । ३ व-बहुयं का० । ४ व-०मेवं । ५ व-जीवा० ।

जं किञ्चि सुसं भणियं हासभया कोहलोहमोहेहिं । तं सव्वं निन्दामिं पायच्छित्तं पवज्जामि ॥ ४६ ॥
 अप्पं बंहुं व कत्थह परदव्वमदिन्नयं च जं गहियं । रागेण व दोसेणं तं सव्वं मज्झ वोसिरियं ॥ ४७ ॥
 जं सुरतिरिक्खमाणुसंमेहुणमासेवियं मए पुड्वि । तिविहेणवि करणेणं तं निन्दे तं च गरिहामि ॥ ४८ ॥
 जो कोऽवि लोहदोसा धणधन्नचउप्पयाइवहुभेओ । गहिओ परिग्गहो मे वोसिरिओ सो मए इण्हि ॥ ४९ ॥
 राईए जो सुत्तो असणाइचउव्विहोऽवि आहारो । इन्दियवसगेण मए तं पि य निन्दामि भावेण ॥ ५० ॥
 जो पुत्तकलत्तेसुं बन्धुसु गित्तेसु गिहधणे धन्ने । एमाईसु ममत्तो सो सव्वो मज्झ वोसिरिओ ॥ ५१ ॥
 जो कोइ कओ कोहो माणो माया य दुडलोहो य । रागो दोसो कलहो पेसुन्नं परपरीवाओ ॥ ५२ ॥
 अब्भक्खाणं इय एवमाइ जं किञ्चि दुडुमायरियं । अज्जाणाइवसेणं तं तिविहं वोसिरे सव्वं ॥ ५३ ॥

जन्तुखामणं पुण—

जो कोइ मए वहिओ कहुयं भणिओ य जहस्स मे हरियं । अवयारी जस्स कओ सव्वोऽवि दु खमउसो मज्झं ५४
 भित्तो व अमित्तो वा सयणो वा परजणो व जो कोइ । सो खमउ मज्झ सव्वो समभावो मज्झ सव्वेसु ॥ ५५ ॥
 देवत्तणम्मि देवा तिरिया तिरियत्तणम्मि जे केइ । नरयस्मि वि नेरइया मणुया मणुयत्तणे जे उ ॥ ५६ ॥
 दुक्खम्मि मए ठविया खलन्तु ते मज्झ खामणपरस्स । अहम्मवि खमामि तेसिं भेत्ती मे सव्वंभूएसु ॥ ५७ ॥

१ व-बहुयं । २ व-कोइ । ३ व-खामणा पुण । ४ व-जीवेसु ।

भावणा पुण—

जीयं जोववणमिद्धी ख्वं पियसंगमो बलं सव्वं । विसमखरमारुयाहयकुसुगगजलबिन्दुणा सरिसं ॥ ५८ ॥
जम्मजरामरणेहिं अभिभूयाण बहुवाहितत्ताणं । जन्तूण नत्थि सरणं धम्मो जिणभासिओ मोत्तुं ॥ ५९ ॥
सव्वे जाया सयणा सव्वे जीवा य परजणा जाया । सव्वेसिं जीवाणं पडिवन्धं तेसु को कुणइ ॥ ६० ॥
एगो पावइ जम्मं एक्को चिय सरइ कम्मवसगो त्ति । एगो सुहदुक्खाइं जीवो अणुहवइ संसारे ॥ ६१ ॥
अन्नं इमं सरीरं अन्ना धणधन्नसंपया सयूला । अन्नो य एस जीवो बहुहा परिभमइ संसारे ॥ ६२ ॥
वसमंसरुहिरचम्मट्ठिविरइए असुइपरिए अन्तो । देहेऽसुइघरसरिसे सुच्छं को कुणइ जाणन्तो ॥ ६३ ॥
अइलालियं पि अइपालियं पि देहमइरेण मोत्तवं । भाडीगहियं व्व घरं विद्धंसणधम्मयं एयं ॥ ६४ ॥
धीरेणवि सरियव्वं काउरिसेणवि अवस्समरियव्वं । तह सरियव्वं विउसा जह मरणं पुण न संहवइ ॥ ६५ ॥

चउसरणं पुण इमं—

अरहन्ता मह सरणं सिद्धा साहू य बम्भवयजुत्ता । केवलिणा पँन्नत्तो धम्मो ताणं च सरणं च ॥ ६६ ॥
जिणधम्मो मह माया जणओ य गुरू सहोयरा साहू । सह धम्मयरा सह बन्धवा य सेसं पुणो जालं ॥ ६७ ॥
पञ्चनमोक्कारो इमो—

१ व-°मिद्धी । २ व-तेऽथु । ३ अ-°यणा । ४ व-°लिपन्नतो मे घ° । ५ व-°क्कारा इमे ।

उसभाईतिथ्यरे चउवीसं सुरनए नमंसासि । भरहेरवयविदेहे जे केई ते य वन्दासि ॥ ६८ ॥
 अरहन्तणमोक्कारो जीवं मोएइ भवसहस्साओ । भावेण कीरमाणो होइ पुणो बोहिलाभाए ॥ ६९ ॥
 सिद्धाण णमोक्कारं करेमि भावेण निष्ठियट्ठाणं । भवसयसहस्सवड्ढं दंडं कम्मिन्धणं जेहिं ॥ ७० ॥
 पञ्चविहं आचारं आयरमाणण पन्नवेन्ताणं । आयरियाणं पि णमो धारिज्जइ पवयणं जेहिं ॥ ७१ ॥
 उवझायाणं पि णमो सज्जोवड्ढं सुयं धरेन्ताणं । सीसगणस्स हियट्ठा झरमाणाणं तयं चेव ॥ ७२ ॥
 साहूण णमोक्कारं करेमि सीलव्वए धरन्ताणं । भवसयसहस्स वड्ढं जे किर निन्नासए पावं ॥ ७३ ॥

अणसणं चेमं—

सव्वं चिय सावज्जं जोगं उवहिं च वाहिरन्तरयं । तिविहेण वोसिरामी निविहमहं जाव जीवाए ॥ ७४ ॥
 असणं पाणं खादिम साइमयं वोसिरामि सव्वं पि । संपइ जावजीवं चरिसुस्सासेहि देहं पि ॥ ७५ ॥
 इय आराहणमिणमो आराहेऊण नन्दणो भयवं । धम्मआयरियं समणे समणीओ खामए सम्मं ॥ ७६ ॥
 वासाण सयसहस्सं परियायं पालिऊण सुहझाणो । पणुवीससयसहस्से सव्वाडं अणुभवेऊणं ॥ ७७ ॥
 संपुन्नकयाणसणो णिप्पडिकम्मो य निस्समत्तो य । आलोइयपडिकन्तो विहिणा कालं गतो धीरो ॥ ७८ ॥

१ अ-दडुं । २ व-घरं । ३ अ-भयं । ४ व-से य दे० । ५ व-मिडं ।

पाणयकप्पे पुप्फुत्तरस्मि विडलस्मि वरविमाणस्मि । उववायसहामज्झे सुरसयणिज्जस्मि उववन्नो ॥ ७९ ॥
 देवो महिहिओ सो अन्तमुहुत्तेण सन्वपज्जत्तो । अवणीय देवदूसं उवविट्ठो नियइ पासाइं ॥ ८० ॥
 दहुं तं सुररिद्धिं विमाणरयणाइं देवसद्दायं । विम्हइयमणो चिन्तइ दिव्विट्ठो पाविआ एसा ॥ ८१ ॥
 केण मए कम्मणं तवेण दाणेण देवभत्तीए । दुद्धरवयधरणेणं ओहिं च पउज्जए तत्तो ॥ ८२ ॥
 पेच्छइ पुव्वभवं सो निच्चलसामन्नपालणं सुणइ । चिन्तइ अहो पैभावो जिणवरधम्मस्स सुकयस्स ॥ ८३ ॥
 एत्थन्तरस्मि दहुं उप्पन्नं तं सुरं महिहीयं । हिट्ठमणा पज्जलिया मिलन्ति सुरकिंकरा बहवे ॥ ८४ ॥

भणन्ति य—

जय जय नन्दा जय जय भदा तं अम्ह सामिओ देवो । अजियं जिणाहि सुरपहुजियं पुणो पालयाहि त्ति ८५
 तुम्ह विमाणं एयं आणाकारी य एस सुरनियरो । उववणमेयं सुरतरुसुसमिद्धं कीलणट्ठाए ॥ ८६ ॥
 मज्जणवावी एसा मज्जणयसहाइयाओ एयाओ । एयं सिद्धाययणं अत्थाणसहा सुहम्मा य ॥ ८७ ॥
 एयाण तुमं सामी अम्हं पुन्नोदएण जाओऽसि । संपइ उट्ठह सामिय ! मज्जणयसहाए उवविसह ॥ ८८ ॥
 इय भणिओ सो गन्तुं मज्जणयसहाए बहुसुरसमगो । सीहासणे निसीयइ पुव्वाभिमुहो सपयपीढे ॥ ८९ ॥
 खीरोयाइजलेहिं अभिसित्तो विविहकलसखित्तेहिं । किंकरसुरेहिं तत्तोऽलंकारसहाए गन्तूणं ॥ ९० ॥

१ अ-°तवचरणेणं । २ ब-पसाओ । ३ ब-देव । ४ अ-°याहि° ।

निवसेह देवदूसे वरहरियन्दणविलेचणं कुणह । बन्धह सिरोहराए सुरपायवकुसुममालाओ ॥ ९१ ॥
 केऊरकडयकुण्डलहारलयामउडमाइ । सन्वसेसु पिणिन्धइ रेहइ नं कप्परुखो व्व ॥ ९२ ॥
 ववसेायसहं गन्तुं पोत्थयरयणं चै वायए पवरं । पुप्फाई पूयझं घेत्तुं सिद्धालयं विसइ ॥ ९३ ॥
 अट्ठोत्तरपडिमसयं ण्हावइ पूएइ वन्दइ शुणेइ । तो सोहम्मसहाए अत्थाणं देह सुरमज्जे ॥ ९४ ॥
 पेक्खणयगीयवाइयमहूसवं अणुहवेइ गुरुहरिसो । दिव्वे य कामभोए जहिच्छिणं माणए तत्थ ॥ ९५ ॥
 कल्लाणए जिणाणं आगच्छइ एत्थ तह विदेहेसु । वन्दइ जिणिन्दचन्दे निर्म्मलसम्मत्तगुणधारी ॥ ९६ ॥
 वीसं च सागराइं आउठिइं पालिउं तओ चविओ । तिहिं नाणेहिं समगो अवयरिओ एत्थ भरहम्मि ॥ ९७ ॥
 हत्थुत्तरजोगेणं आसाढे सुद्धपक्खछट्ठीए । विगए य अद्धरत्ते अग्गाहारे दिघवराणं ॥ ९८ ॥
 माहणकुण्डगामे कोडालसगोत्तामाहणो आसि । नामेण उसहदत्तो उववन्नो तस्स गेहम्मि ॥ ९९ ॥
 गयमाइमहासुभिणेहिं सुइओ माहणीए चोइसाहिं । देवाणन्दाए जियो कुच्छीए कुलमदवसेणं ॥ १०० ॥
 तुट्ठो य उसहदत्तो देवाणन्दा य पवरसुभिणेहिं । होही सुओ सि अम्हं वेदविज्ज दिक्खकुलपहाणो ॥ १ ॥
 अह दिवसे बासीई वसइ तहिं माहणीए कुच्छिसि । सक्को आसणकम्पे जाए तो ओहिणा नियइ ॥ २ ॥
 पेच्छइ जिणसुववन्नं चिन्तइ अ अहो ! अजुत्तमावन्नं । जं एसो चरिमजिणो उववन्नो माहणकुलम्मि ॥ ३ ॥

१ व-सिरे वराओ । २ व-°हारस° । ३ व-पवायए । ४ व-अहुत्त° । ५ व-°णगे । ६ व-निचलस° ।

जओ—

उगकुले भोगकुले इक्खागकुले य तह य हरिवंसे । नायकुले कोरव्वे उववज्जन्ती पुरिममीहा ॥ ४ ॥
एसो पुण नीयकुले तिलोयमहिओ जिणो समुववन्नो । अहवा न जिनवरेणवि लद्धिज्जइ कम्मपरिणामो ॥ ५ ॥
अच्छेरमिणं जायइ अणन्तकालाओ समयनिदिट्ठं । जीयं पुण सक्काणं जिणस्स गव्वभन्तरे नयणं ॥ ६ ॥

इओ य—

अतिथ इह भरहवासे मज्झिमदेस्सस्स मण्डणं परमं । सिरिक्कुण्डगामनयरं वसुमइरमणीनिलयभूयं ॥ ७ ॥
अमराउरि व्व अलयाउरि व्व लङ्काउरि व्व रमणीयं । बहुविहविलासकीलाणच्चणगेयाइमोहाहिं ॥ ८ ॥

जं च—

नियचउ[चउ]क्कचचरचउमुहरच्छामुहेहिं सोहिल्लं । उतुङ्गविग्रहमणहरबहुगोउरदारकग्रसोहं ॥ ९ ॥
कविसीसट्ठालयपरिगएण निठुरसिलानिवद्धेणं । सालेण वलइयमिणं सुपुरिसहिग्रयं व तुङ्गेणं ॥ १० ॥
पैरिहाए पइवयौए महासई सव्वगहिरमज्झाए । सव्वदिस्सिं परिखित्तं परपुरिसालद्धिणिज्जाण ॥ ११ ॥
आरामुज्जाणाहं नन्दणवणसन्निभाइ रेहन्ति । जैत्थ फलकुल्लपल्लवमणहरवणराइकलियाइ ॥ १२ ॥
वरवारिभरियसरवरवावीकूवेहिं परिसरं जैस्स । सव्वदिसासु विरायइ बहुकीलाठाणरसणिज्जं ॥ १३ ॥

१ व-० य व्व । २ व-फरि० । ३ अ-० भया० । ४ व-० ईइ व्व । ५ अ-तत्थ । ६ अ-तस्स ।

सरयवभखण्डपण्डुरपासायसएहिं तुङ्गसिहरेहिं । जतथ ग्वलिज्जह मन्ने रविणो रहतुरयसंचारो ॥ १४ ॥
 कम्हीरमलयगिरिणो उवहसई धुसिणचन्दणोहेणं । घणसारदीचमणुहरइ पचरकप्पूरपूरेणं ॥ १५ ॥
 बहुसुरहिदव्वपवभारपरिमलुगारवासियदियन्ता । आणन्दइ जतथ जणं गन्धियहड्डी बहुधणहुहा ॥ १६ ॥
 तत्थुव्वभवेहिं देसागएहिं वत्थेहिं पञ्चवन्नेहिं । जतथ विरायइ अइघणदोसियहट्टाग रिञ्जोली ॥ १७ ॥
 ततथ य रूपसुवन्नयपवालसुत्ताहलेहिं अइरम्मा । रेहइ वियहुत्ता सोवन्नियहट्टिया पन्ती ॥ १८ ॥
 कतथइ कइगजणघणा पूगीफलनालिएरनियरेहिं । बहुपडिपुत्ता हट्टा तप्फलदीव व्व रेहन्ति ॥ १९ ॥
 कतथइ जा सुयणोवमकुसुम्भसम्भारभरियभूमिनला । कतथइ सुगन्धविकिज्जमाणअणवरयघयतेल्ला ॥ २० ॥
 कतथइ गिरिगुम्करडिप्पयरा रेहन्ति विञ्जदेस व्व । कतथइ उडुनियरोवमउल्लकप्पासपव्वभारा ॥ २१ ॥
 कट्टिज्जमाणवलयाहकम्मपरिकम्ममाणकरिदसणा । कतथइ सुगन्धगेन्धाइदव्वसुरभा विवणिपन्ती ॥ २२ ॥
 कतथइ जिणसमया इव बहुविहसुत्तत्तसारपरिकलिया । कतथइ सुकट्टपउरा दारिदक्कन्तसेणि व्व ॥ २३ ॥
 सतरसविहधन्नाणं कुसुमाण फलाण पत्तसागाणं । दहिखीराणं दीसन्ति चिक्कया ठाणठाणेसु ॥ २४ ॥
 सालिजववीहिकोदवरालयतिलसुग्गमासचवलचणा । तुवारिमसूरकुलत्था गोहुमनिप्फावअयसिसणा ॥ २५ ॥
 इय केत्तियं व भन्नइ जहट्ठियं विवणिमग्गवन्नणयं । उक्कोसहीणमज्झिमविक्रयदव्वायरे तम्मि ॥ २६ ॥

१ अ-°यत्ता । २ अ-तरुफलदीवो व । ३ अ-°त्यय । ४ व-दवाइ° ।

चिन्तां सिप्पकला आभरणं वत्थमन्नवत्थुं वा । तं नत्थि वसुमईए ण होज्ज जं तस्मि वरनयरे ॥ २७ ॥

किं च—

लायन्नरुवैजोवैणविलाससिञ्जारचारुवेसाओ । जत्थ हरन्ति निरुमणं तियसाणवि वेसविलयाओ ॥ २८ ॥
उज्जलपसन्तवेसो परोवयारी य सुइसमाधारी । जत्थ महायणवगो रेहइ णयविणयसंपन्नो ॥ २९ ॥
मिडमहुरभासिणीओ विणयपहाणाओ सीलकलियाओ । उज्जलनेवत्थाओ जत्थ य पउराण जुवईओ ॥ ३३० ॥
वरकणयकलसकिरणावलीहिं पिञ्जरियगयणमगाइं । सरयव्वभविव्वभमाइं हिमगिरिस्थिहरं व तुज्जाइं ॥ ३१ ॥
णरकरितुरङ्गमणहरपडिरुवयैविम्बभत्तिकलियाइं । जणनयणागरिसणसालभञ्जियावल्लयकलियाइं ॥ ३२ ॥
वरसिप्पिविरइयाइं जत्थ विरायन्ति देवभवणाइं । उत्तुङ्गतोरणाइं सगगविमाण व्व पवराइं ॥ ३३ ॥
मणिमण्डियचामीयरपवरालङ्कारभूसियङ्गाहिं । महरित्तसुरपडिमाइं अहिसंसियगव्वभहरयाइं ॥ ३४ ॥
जगइपरिसंठिण्हिं पडिजिणभवणेहिं पुहइसारेहिं । निच्चपैवत्तियजत्तामहूसवाइं जिणहराइं ॥ ३५ ॥
खन्ताइगुणकलिया कव्वालङ्कारवागरणकुसला । सिद्धन्तमहोयहिणो जत्थ य विहरन्ति मुणिवसहा ॥ ३६ ॥
एको चिय दोसो णवरि तत्थ सावयकुलेसु सुपसिद्धो । अप्पधणोऽवि य धम्मे महन्तमत्थव्वयं कुणइ ॥ ३७ ॥
अन्नोऽवि तत्थ दोसो रायङ्गणरायमगगविपणिपहे । विघरन्तभगगपसरा निच्चं चिय मत्तमायङ्गा ॥ ३८ ॥

१ व-तन्नं । २ व-रुयं । ३ व-यणं । ४ अ-यणविं । ५ अ-पविं । ६ अ-ङ्गणि । ७ व-रायपहे । ८ व-हरं ।

तस्मि पुरे सुपसिद्धो गायनरिन्दकुलणहयलमियङ्को । पणिवद्वयवच्छलो वित्थरन्तनिवलच्छिपरिकलिओ ॥ ३९ ॥
सिरिसिद्धत्थनरिन्दो उदण्डपयावनिहयपडिवक्खो । गरुयपरक्कमसामन्तनमिरसिरधुद्वयजुयलो ॥ ४० ॥
तरणि व्व पयावेणं भीमो व्व परक्कमेण गरुएणं । पणयजणक्कप्पक्खो कन्नो विव चायसोडीरो ॥ ४१ ॥
सच्चपद्दो नीर्हिवियक्खणो परकलत्तविमुहो य । दुड्डजणनिग्गहपरो सन्वपयापालणेक्करसो ॥ ४२ ॥
दद्धुं जं गयत्थन्धे रुक्खेत्ताओ पउरजुवईओ । सुन्नमणाओ दिवसं पि गेहक्कमाइं न कुणन्ति ॥ ४३ ॥
देन्तपहारुप्पेल्लियभूमीभारेण सेसफणनिवैहं । जस्सोनामिन्ति दढं बलवन्तो मत्तमायङ्गा ॥ ४४ ॥
निट्ठुरखुरक्खएणं भूमिरओहेण जस्स वियरन्ता । अन्धारयन्ति गयणं दप्पुद्धुरतुरयसङ्गाया ॥ ४५ ॥
चक्कासिक्कुन्तकुन्तीकोदण्डपयण्डसेन्नविगराले । दद्धुं जस्स भडे नणु वेयालगणावि णासन्ति ॥ ४६ ॥
जम्मि य जत्ताभिमुहे उग्गपयावे भएण विट्ठुराइं । पडिवक्खमण्डलाइं खलहलयं जन्ति सन्वदिसिं ॥ ४७ ॥
तस्स य तिसला भज्जा रम्भा इव पवररुयलायन्ता । कामकरिक्कुम्भविब्भमपओहरा सरयससिवयणा ॥ ४८ ॥
वियसियकुवलयनयणा रम्भाखम्भसुक्कुमालसन्वङ्गा । गुरुखमदमविणयज्वसच्चदादाणसीलगुणा ॥ ४९ ॥
अह भणह नेगमेसिं देविन्दो एस एत्थ तित्थयो । लोगत्तमो महप्पा उववन्नो माहणकुलम्मि ॥ ५० ॥
खत्तियकुण्डगामे सिद्धत्थो नाम खत्तिओ अत्थि । तस्स घरे तं साहर तिसलादेवीए कुञ्चिसि ॥ ५१ ॥

१ अ-सन्तगे० । २ अ-दत्त० । ३ ब-वहो । ४ अ-जुङ्गी । ५ अ-तास० । ६ ब-परम० ।

बाढं ति भाणिऊणं वासारत्तस्स पञ्चमे पक्खे । साहरह पुव्वरत्ते हत्थुत्तरतेरसीदिवसे ॥ ५२ ॥
 गवभट्ठाणं परिसोहिऊण साहरह तिसिलकुच्छीए । सुमिणे य पडिनियत्ते ते पेच्छइ माहणी सावि ॥ ५३ ॥
 कहियं च इमं पइणो दोऽवि विसन्नाइ ताइ चित्ते णं । निहिलम्भे णयणुप्पाडणं व विहिणा कयमिणं ति ॥ ५४ ॥
 तिसलाऽवि सग्गिहम्मि सुहसुत्ता पेच्छए महासुमिणे । तिहुयणदिवायरम्मि गवभम्मि समारिज्जन्ते ॥ ५५ ॥
 कुन्देन्दुसंखवने गयवसहमयाहिवे पसन्नसुहे । लच्छीए अभिसेयं दामजुयं रयणकव्वुरियं ॥ ५६ ॥
 किरणकरालं तरणिं निम्मलजोणहं च पुन्निमाइन्दं । मणिमयदण्डं च झयं पउमपिहाणं च वरकलसं ॥ ५७ ॥
 पउमसरं पवरजलं महल्लकल्लोलमालियं जलहिं । मणिरयणमयविमाणं बहुविहरयणाण सुक्कुरुडं ॥ ५८ ॥
 निज्जूमसिहाजालं जलणं इय पेच्छिउं सुहपबुद्धा । अब्भहियजायहरिसा साहइ सिद्धत्थनरवइणो ॥ ५९ ॥
 तं सोउं सो राया पहिड्ढचित्तो य पुलइयसरीरो । कल्लाणभोगसुहअत्थकारया देवि ! तुह सुमिणा ॥ ६० ॥
 अइरेण य ते पुत्तो होही कुलकिरिवद्धणो सूरु । इय भणिउं तं तिसिलं विसज्जए निययपासाओ ॥ ६१ ॥
 पुव्वणहे अत्थाणे वाहरिउं सुमिणपाढगे राया । पुच्छइ सुमिणाण फलं तेऽवि य सत्थाणुसारेणं ॥ ६२ ॥
 कहयन्ति राय ! सत्थे बायालीसं हवन्ति सुमिणाइं । तीसं च महासुमिणा चोइस तं मज्झयारम्मि ॥ ६३ ॥
 तित्थयेरे चक्किम्मि य उववज्जन्तम्मि पेच्छए जणणी । सत्त उ केसवजणणी चउरो बलदेवजणणी उ ॥ ६४ ॥

ता तिसिला तित्थयरं चक्कहरं वावि पसविही नियमा । इय भणिय उवज्झाया कयपूया ते गया सगिहं ॥ ६५ ॥
 तं सोउं सा तिसिला अइसयहरिसुल्लसन्तरोमञ्चा । तं गवभं परिपालह भोज्जेहिं हियसुहकरेहिं ॥ ६६ ॥
 भयवं तिनाणसहिओ जणणीए पीडरक्खणनिमित्तं । संकोडियङ्गमङ्गो अच्छह अणुकम्पगयचित्तो ॥ ६७ ॥
 तं निप्फन्दं नाउं भीयमणा परमसोयमावन्ना । चिन्तह गलिओ गवभो मतो व्व हरिओ व्व केणावि ॥ ६८ ॥
 तो सा पणट्ठनिद्दा अजम्पिरी चत्तभोयणत्रिलासा । चिट्ठह नं गयजीवा हियरज्जा नट्टसव्वस्सा ॥ ६९ ॥
 हा पेच्छ अहन्नाए विहिणा चिन्तामणी ममं दाउं । हरिओ विडम्बणट्ठा धिरत्थु ता मज्झ जीवस्स ॥ ७० ॥
 इय सोगभरुच्छइयं जणणिं दहुं जिणेण संचलियं । निरुवहओ मे गवभो त्ति सावि पुण हरिसमावन्ना ॥ ७१ ॥
 भयवं पि अदिट्ठस्सवि अहो इमाए मसोवरिं नेहो । ता जइ जीवन्तीए दिक्खलागहणं करेमि अहं ॥ ७२ ॥
 ता मोहमोहियमणा मम विरहुप्पन्नसोयसन्तत्ता । अट्टज्झाणौवगया बन्धह असुहं बहुं कम्मं ॥ ७३ ॥
 दुप्पडियाराणि दढं अम्मापियरो हवन्ति लोगम्मि । ता एएसिं मैधिई रक्खेयव्वा मएऽवम्मं ॥ ७४ ॥
 इय चिन्तियमभिगिण्हह अभिगहं सत्तमम्मि सासम्मि । नाहं समणो होहं अम्मापियरम्मि जीवन्ते ॥ ७५ ॥
 तिसिला गवभगयस्मी भयवंते तिरियजस्सभा देवा । सक्कस्स समाएसा खिवन्ति सिद्धत्थभवणम्मि ॥ ७६ ॥
 उच्छन्नसामियाइं गामारन्नपुरपव्वयगयाइं । विविहाइं निहाणाइं जिणवरपुद्धानुभावेणं ॥ ७७ ॥

१ व-नूण । २ व-उवज्झाया सम्माणिय क० । ३ न-महं । ४ व-०वं अहि० । ५ मकारोऽराक्षणिक्स्ततोऽवृत्तिरिधः ।

अह चेत्तैरसीए सुद्धाए अण्डरत्तसमयस्मि । हत्थुत्तराहि जाओ तिहुयणचिन्तामणी वीरो ॥ ७८ ॥
आसणचलणानन्तरमोहिन्नाणेण सुणियजिणजम्मो । तक्खणभेत्तायाओ दिसाकुमारीण सद्धाओ ॥ ७९ ॥

तथाहि—

अहलोगउड्डुल्लोगा पुव्वार्इरुयगवासिणीओ य । अट्ठ विदिसि चउरो मज्झिमरुयगाउ चत्तारि ॥ ६८० ॥
छप्पन्न सुरवहूओ सव्वालङ्कारभूसियद्धीओ । नमिऊण जिणं तिसलं थुणन्ति परमप्पमोएणं ॥ ८१ ॥
तुज्झ नमो परमेसर ! जगमुद्धरिउं तुमं सिं अवयरिओ । भवचारयनिम्महणो जणपत्थियसोक्खकप्पनरू ॥ ८२ ॥
अत्थमिए पासजिणे लोगाइच्चे अणाहयं भरहं । उववन्ने नाह ! तुमे अज्ज सणाहं पुणो जायं ॥ ८३ ॥
तुज्झ नमो जय सुन्दरि ! सुकयत्था सव्वलक्खणा तं सि । जं नरयणं उयरे जगप्पईवो जिणो धरिओ ॥ ८४ ॥
इय एवमाइ थोउं दिसाकुमारीउ जीयमेयं ति । अणुजाणाविय जणणिं नियनियकिच्चाहं कुव्वन्ति ॥ ८५ ॥
अट्ठ विउव्वियवाया भूमी सोहन्ति अट्ठ कयमेहा । गन्धजलं वासन्ति य जाणुपमाणं च कुसुमोहं ॥ ८६ ॥
अट्ठ उ आयंसधरा अट्ठ उ भिङ्गारधारिया अट्ठ । वरतालियण्टहत्था अट्ठ उ वरचम्मरधारीओ ॥ ८७ ॥
दीवयधरा उ चउरो चउरो मज्झिमगरुयगवासाओ । कप्पिन्ति नालमुच्चियं निहणन्ति य रयणविग्रम्मि ॥ ८८ ॥
अवभङ्गिन्ति य दोन्नैवि सयपागसहस्सपागतेल्लेहिं । उव्वट्ठणं च काउं उदगेहिं तिहि उ ण्हावित्ति ॥ ८९ ॥

१ न-० लोगे । २ व-० सिमव० । ३ व-० निवि ।

हरियन्दणाणुलेवं सञ्चालद्वारमणहरं काउं । रक्खाक्रमं विविहं आसीसाएऽधिनन्दनि ॥ ३९० ॥
एवं किंच काउं सयणिले ठाविउं जिणं जणणिं । गायन्ति मङ्गलाइं सञ्चाओ मङ्गुरसहेणं ॥ ३९१ ॥
एत्थन्तरम्मि हरिणो सोहम्मपहुस्स आसणं चलियं । सो नियइ पउत्तोही कुण्डगामे जिणं जायं ॥ ३९२ ॥
अब्भुट्ठइ संभन्तो घोळिरहरो पलम्बवणमालो । कुण्डलविलिहियण्डो हरिसाडोवेण चलमउडो ॥ ३९३ ॥
सत्तट्ठपए गन्तुं पञ्चङ्गपणामपुन्वयं वामं । भूमिं निहित्तु जाणुं दाहिणमञ्चेवि पञ्जलिओ ॥ ३९४ ॥
हरिसुल्लसन्तपुलओ सक्कथयं पढइ एगवयणेण । भणइ य वन्दामि जिणं तत्थगयं नियउ मं भयवं ॥ ३९५ ॥
पच्चुट्ठिओ य सीहासणम्मि उवविसिय सुरविबोहट्ठा । ताडावेइ सुघोसं घण्टं हरिणेगमेसिसुरं ॥ ३९६ ॥
तीए य ताडियाए तस्सहेणं च काउमाहत्ता । वत्तीसघण्टलक्खा एग्गुणा कणकणारावं ॥ ३९७ ॥
घण्टासदं सोउं मिलिया सञ्चे सुरा सदेवीया । सक्कोऽवि हु सञ्चलिओ आरुहिउं पालगविमाणं ॥ ३९८ ॥
तस्सट्ठ अग्गमहिसी परिसाओ तिन्नि तह य चउरासी । सामाणियसाहस्सी चउग्गुणा आयरक्खाउ ॥ ३९९ ॥
सत्तेव अणीयाइं एमाईदिव्वरिद्धिसंजुत्तो । अहया विच्छेदुणं कुण्डगामे य संपत्तो ॥ ४०० ॥
भयवं पयविखणेउं वन्दिता भत्तिनिअरसरीरो । ओसोयणिं च दाउं पडिरूवं तत्थ ठविऊणं ॥ १ ॥
हरिणगंमेसिसमप्पियमह अयजन्तं सक्करयले धरिउं । पञ्चविउवियरूवो मेहं संपत्थिओ सक्को ॥ २ ॥

१ व-भिघा० । २ अ-०हिओ । ३ अ-स्वातो । ४ व-०गवे० ।

गहियजिनिन्दो एक्को दोन्नि य पासेसु गहियवरचमरो । धरियथवलायवत्तो एक्को य वल्लथरो । ३ ॥
मणिरयणकञ्चणमयं गत्तो सक्को खणेण मेरुगिरिं । सन्वेडवि तत्थ इन्दा समागया नियविभूर्हण ॥ ४ ॥

सो य केरिसो—

जोयणसहस्समेगं अवगाढो धरणिमज्झयारम्मि । नवनडइ उव्विद्धो चउवरवणसण्डरमणिज्जो ॥ ५ ॥
भूमिए अहसालं मेहलजुयलम्मि दोन्नि रम्माइं । नन्दणसोमणसाइं सिहरम्मि य पण्डगवणं तु ॥ ६ ॥
चउसुं वणेसु चउद्धिसि चउरो चउरो य होन्ति जिणभवणा । तस्सोवरिं तु चूला जिणभवणजुया दुवीसोच्चा ॥ ७ ॥
पण्डगवणम्मि चउरो सिलाओ चउसु वि दिसासु चूलाए । चउजोयणूसियाओ सन्वज्जुणकञ्चणमयाओ ॥ ८ ॥
पञ्चसयायामाओ तस्सज्जं चेव होन्ति रुन्दाओ । चन्दद्वसंठियाओ तासुं सीहासणा छच्च ॥ ९ ॥
पुब्बावरासु दो दो सिलासु सीहासणाइं रम्माइं । जम्माए उत्तराए सिलाए एक्केकयं भणियं ॥ १० ॥
दाहिणसिलाए सिंहासणम्मि करकमलधरियजिणचैन्दो । सक्को य समुवविट्ठो कयत्थमत्ताण मन्नन्तो ॥ ११ ॥
खीरोदहिस्स सलिलं मागहगङ्गाइयाण आणीयं । अभिओगियदेवेहिं अच्चुयसुरनाहवयणेणं ॥ १२ ॥
रूपस्स कञ्चणस्स य मणीण तह चेव रूपकणयाणं । रूपमणीणं मणिकञ्चणाण मणिकणयरूपपाणं ॥ १३ ॥
कलसाण सिउमयाणं पउमपिहाणाण पउमनिहियाणं । अट्टसहस्सं भरियं पत्तेयं गन्धवारिस्स ॥ १४ ॥

१ व-० सुन्नि वणेसु चउदि० । २ व-० सणे । ३ व-० इन्दो । ४ व-मिम्मया० ।

जिणवरमज्झणकज्जे उक्खित्ता भत्तिनिग्गरमणेहिं । चन्दणचच्चियकलसा अचुयइन्ददाहअमरेहिं ॥ १५ ॥
 तं कलसभरं दहुं सक्को चिन्तेह संकमावन्नो । लहुयसरीरो भयवं विसहिस्सइ किं व समकालं ॥ १६ ॥
 बहुकलससहस्सजलं सुरखित्तं मह इमा गरुयचिन्ता । भयवं पि य तं नाउं ओहीनाणेण सक्कस्स ॥ १७ ॥
 चलणगेणं चालइ मेरुगिरिं लेट्ठयं व्व लीलाए । इन्दस्स अलियसक्काअवणयणत्थं अतुलथामो ॥ १८ ॥
 चलमाणेण समन्ता सुरगिरिणा वसुमईवि हलहलिया । दलटलिया धरणिधरा चलन्तगुरुगण्डसेलोहा ॥ १९ ॥
 उच्छलिया मयरहरा महल्लकल्लोलहल्लिरजलोहा । संखुहियमच्छमयरा णइप्पवाहा य उत्थल्ला ॥ २० ॥
 उत्तत्था थलचारी दिसोदिसिं सव्वओ पलायन्ति । तंहुवियकन्नजुयला णासन्ति दिसागइन्दावि ॥ २१ ॥
 थरथरथरन्ति वाढं देउलपायारतुङ्गधवलहरा । भज्जन्ति कडयडन्ता फलफुल्लभरोणया तरुणो ॥ २२ ॥
 भुवणं हल्लोहलियं सुरअसुरतिरिक्खल्लयरणरकलियं । चिन्तइ किं किं एयं अकण्डविडुरमहो जायं ॥ २३ ॥
 किं एस पलयकालो किं कोइ महिहिओ सुरो कुयिओ । खलियारियस्स रिसिणो किं कोववियंभियं एयं ॥ २४ ॥
 आभग्गो फणनिवहो वसुमइभारेण किं फणिन्दस्स । जिन्नत्तणेण भग्गा आइवराहस्स किं दाढा ॥ २५ ॥
 इय एवमाइ जाए संन्नोभे सुरवई वि चिन्तेह । हा किं सन्तिविहाणे वेयालो उट्ठिओ एसो ॥ २६ ॥
 तो किं विडुरमेयं नि जाव जोएइ अवहिणा मम्मं । पेच्छइ य ताव जिणचलणकोटिसंचालियं मेऊं ॥ २७ ॥

१ ताण्हवितकर्णयुगला इत्यर्थः । २ व-० कोटिस० ।

तो लज्जिओ विलखलो पच्छायावेण दुस्मणो सक्को । चिन्तइ असङ्कणिल्लं पि संकियं पेच्छ मूढेणं ॥ २८ ॥
 कप्पहुंमो उ वियरइ नूणं कप्पियफलाइं लोयस्स । चिन्तामणी पयच्छइ चिन्तियवत्थूणि तणुओऽवि ॥ २९ ॥
 लहुयावि ह्नु दीवसिहा तमनियरं नासए महन्तं पि । अप्पोऽधि महामन्तो उच्चाडइ दुड्वेयालं ॥ ७३० ॥
 उत्थल्लिवि महिवट्ठं मन्दरदण्डं धरन्ति छत्तं व । जे किर ते सिमुणो वि ह्नु अतुलबला चैव तित्थयरा ॥ ३१ ॥
 इय चिन्तैउं सखेओ वीरजिणं खामए विणयपणओ । कुविगप्पेहिं जिणेसर ! अयाणमाणेहिं जा तुम्ह ॥ ३२ ॥
 आसायणा उ विहिया तं सव्वं खमह खन्तिसुपहाण ! । कुणह पसायं होइ ह्नु चुक्कखलियं सकम्मस्स ॥ ३३ ॥
 भयभीयं भुवणमिणं आसासह सामि ! करिय गुरुकरुणं । मत्तामि गुरुमणुगहमिय जं मिच्छत्तमवणीयं ॥ ३४ ॥
 उवसन्ते संखोहे जिणस्स वरमज्जणं समाढत्तो । काउं अच्चुयइन्दो भत्तिभरावज्जियसरीरो ॥ ३५ ॥
 गायन्ति केऽवि वायन्ति केऽवि नच्चन्ति तियसरमणीओ । जय जय करेन्ति केइ पढन्ति केइ सुरा तुट्ठा ॥ ३६ ॥
 वासन्ति केइ गज्जन्ति केइ केइ पुण विज्जुयाइन्ति । फलकुसुमरयणवन्नयत्थाइं केऽवि मुच्चन्ति ॥ ३७ ॥
 उक्किट्ठिसीहनाए करेन्ति वेग्गेन्ति दिन्ति किरणाइं । एमाइहरिसचेट्ठा कुणन्ति जिणमज्जणे अमरा ॥ ३८ ॥
 तित्थजलमडियाहिं सव्वकसाएहिं पुप्फगन्धेहिं । सव्वोसहीहिं गोसीसचन्दणाइहिं य ण्हवन्ति ॥ ३९ ॥
 एवं च ण्हाविऊणं सव्वालङ्कारभूसियं काउं । अच्चुयइन्दो पणमइ संथुणइ य महुरवग्गहिं ॥ ७४० ॥

१ व-°हुमपातोऽविहु । २ अ-°न्तियं । ३ व-°माणेण । ४ व-वग्गि° । ५ व-कर° ।

एवं कमेण सन्धे करेन्ति जिणमज्जणं सुरवरिन्दा । अन्ते य कुणह सक्को ईसाणो पञ्चरूवो य ॥ ४१ ॥
 धरइ जिणं उच्छङ्गे छत्तं धारेइ ढालए चमरे । एक्को य सूलपाणी चिट्ठइ पुरओ जिणवरस्स ॥ ४२ ॥
 चत्तारि धवलवसहे सक्को विउरुव्विऊण चउपासे । अट्ठचिसाणेहिंतो निस्सारइ वारिधाराओ ॥ ४३ ॥
 गोखीरसन्निभाओ उड्डं ता उप्पइत्तु एगत्थ । मिलिउं निवडन्ति म्भिरे वीरस्स भवारिमहणस्स ॥ ४४ ॥
 काऊण विहिं एयं कप्पो त्ति तओ य अच्चुइन्दो व्व । सव्वं करेइ ण्हाणं रूपसुवन्नाइकलसेहिं ॥ ४५ ॥
 हरियन्दणाणुलेवणमल्लालङ्कारमण्डणविहीए । मण्डित्तु जिणं वन्दइ गुरुआणन्दो थुइं कुणह ॥ ४६ ॥
 जय जय तिहुयणसामिय ! सिद्धत्थणरिन्दकुलनहमियक्क ! जय जय निन्नासियपावपङ्क ! अकलङ्क ! जिणवीर ! ॥ ४७ ॥
 जय परमरूय ! कारुन्नपुल्ल ! लावन्नविजियेतियलोक्क ! जगदप्पभञ्जणुदुरमयरद्धयमाणनिम्महण ! ॥ ४८ ॥
 कमलदलदीहलोयण ! पडिपुल्लमयक्कसरिसमुहसोह ! ! सिरिवच्छवच्छलञ्छिय ! जयभूसण ! जयपहु ! नमो ते ॥
 जगचिन्तामणि ! जयगुरु ! जगवन्धव ! जगपईव ! जगनाह ! ! सयलजगजन्तुरक्खण ! तारसु मं भवसमुदाओ ॥
 ते वञ्चिया वराया विहलं चिय तेसि माणुसं जम्मं । सयलसुहाण निहाणं णाह ! न दिट्ठो तुमं जेहिं ॥ ७५१ ॥
 ताव जरजम्ममच्चू ताव चिय रोयसोयसंतावा । हेन्ति जियाणं सामिय ! जाव न पत्तो पहु तं सि ॥ ५२ ॥
 भवचारयम्मि भीमे देव ! अहं रोइहुहसयाइहे । वसिओ कालमणन्तं कम्ममहासङ्कलनिबद्धो ॥ ५३ ॥

१ व-दोहि सियव० । २ व-उड्डणं उ० । ३ व-मज्जा० । ४ व-रूव० । ५ व-यतेलो० ।

तुह दंसणमलहन्ती करुणाघर ! ता करेसु कारुहं । नीसेसवसणसंतावविरहियं देसु सुहनिवहं ॥ ५४ ॥
 तं मह नाहो तं मज्झ बन्धवो तं जिणिन्द ! मह सरणं । तं चिय आसाठाणं पत्तो मे नाह ! पुद्गेहिं ॥ ५५ ॥
 एवं थोउं गहिऊण करयले सुरवई विभूईए । कुण्डगामे गन्तुं ठवेइ जणणीए पासम्मि ॥ ५६ ॥
 साहेरिउं पडिरूवं विज्जं अवसोयणिं च अवणेउं । घोसावह घोसणयं सुरनरमज्झे महासहं ॥ ५७ ॥
 उवरिं जिणस्स जिणजणणिए य जो महुलं मणो कुणह । फुट्टिस्सइ मुद्धाणं तस्सज्जगमज्जरि व्व फुडं ॥ ५८ ॥
 खिवइ हिरन्नसुवन्नयकोडीओ जिणगिहम्मि बत्तीसं । बन्धइ जिणसयणोवरि लम्बन्तं कणयलम्बूसं ॥ ५९ ॥
 खोमं कुण्डलजुयलं सिरिदामं चेव देइ सक्को से । मणिकणगरयणवासं वासन्ति य जम्भगा देवा ॥ ६० ॥
 एवं सक्काईया जिणजम्ममहूसवं करिय अमरा । नन्दीसरम्मि जत्तं काऊण गया उ सट्ठाणं ॥ ६१ ॥
 सिद्धत्थणरिन्देणं पहायसमए य सव्वनयरीए । घोसावियं महन्तं वद्धावणयं सुतोसेणं ॥ ६२ ॥

अवि य—

संमज्जिओवलित्तं वन्दणमालासहस्सरमणिज्जं । उब्भियचन्दणचच्चियजुगसुसलसहस्सपरिकलियं ॥ ६३ ॥
 मश्वाहमश्चपवरं उब्भउवेसं विमुक्कचारिगिहं । मुक्ककरदण्डसुक्कं वह्णियउम्माणमाणं च ॥ ६४ ॥
 गन्धव्वनट्टपउरं पारद्धोदारजिणभवणपूयं । दिज्जन्तमहादाणं उग्घोसियअभयदाणं च ॥ ६५ ॥

१ ब-आसट्ठा० । २ अ-० रियं ।

असियघयप्पडायं वरतोरणहट्टसोहरेहिल्लं । कुण्डगगमं नयरं सुरलोयसमं तहिं जायं ॥ ६६ ॥

किं च—

तुडाओ देवीओ देवा आणन्दिद्या सपरिसागा । भयवम्मि वद्धमाणे तेलोगसुहावेहे जाए ॥ ६७ ॥
सिद्धत्थो य नरिन्दो तिसिलादेवी य रायलोओ य । सन्वो तथा पुरजणो हरिसेण न माइ अङ्गसु ॥ ६८ ॥
वित्ते वद्धावणए कए य सन्वम्मि जायकम्मम्मि । नामं बारसनदिणे गुणनिप्पन्नं जिणस्स कयं ॥ ६९ ॥
गवभप्पभिइ वट्टह अम्हगिहं कणयरयणमाईहिं । तग्हा उ वद्धमाणो त्ति नामओ होउ अम्हसुओ ॥ ७० ॥
बालत्तणेऽचि सरो पयईए गुरुपरक्कमो भयवं । वीरो त्ति कयं नामं संक्केण य तुट्ठचित्तेणं ॥ ७१ ॥
अह वट्टह सो भयवं दियलोयचुओ अणोचमसिरीओ । दासीदासपरिवुडो पारेकिन्नो पीढमहेहिं ॥ ७२ ॥
असियसिरओ सुनयणो विम्बोद्धो धवलदन्तपन्तीओ । वरपउमगवभगोरो कुट्ठप्पलगन्धनीसासो ॥ ७३ ॥
जाईसरो उ भयवं अप्परिवडिएहिं तिहिं उ नाणेहिं । कन्तीए बुद्धीए अब्भहिओ तेहिं मणुएहिं ॥ ७४ ॥
अह ऊणअड्ढवासो भयवं कीलह कुमारएहिं समं । आमलियाखेहेणं लोयपसिद्धेण पुरवाहिं ॥ ७५ ॥
तत्थ य खेहे लक्खं आरुहियव्वं तु खेलयनरेहिं । एत्थन्नरे य सक्को लोहम्मसहाए उवविट्ठो ॥ ७६ ॥
सन्तगुणुक्कित्ताणं करेइ वीरस्स अलरसज्झम्मि । वीरत्तगुणवियारे परगुणगहणम्मि तल्लिच्छो ॥ ७७ ॥

१ व-नाणाहिं । २ अ-°खेहेणं । ३ अ-लणं । ४ व-धीरं ।

मालो अथालभावो अब्बालपरधमो महावीरो । न ह्रु सक्का भेसेउं देवेहिं सहन्दएहिं पि ॥ ७८ ॥
 तं पयणं सोज्जणं सिच्छदिडी उ अह सुरो एगो । चिन्तह माणुसमेणं तत्थवि सिसुभावमावन्नं ॥ ७९ ॥
 देवेहिं वि नो तीरइ भेसेउं सदहाभि णो एणं । ता गन्तुं भेसेमी इय चिन्तिय आगओ तत्थ ॥ ८० ॥
 कीलइ जत्थ जिणिन्दो कीलणकक्खं च वेढइ खमन्ता । कज्जलवन्नं काउं फणिरुवं दीहरं भीमं ॥ ८१ ॥
 तं दइण पलाणा भयभीया कीलमाणया कुमरा । सन्वेऽवि ठिओ वीरो फणिणावि कओ फणाडोवो ॥ ८२ ॥
 सो घेत्तूण करेणं उल्लालेज्जा घट्ठिओ दूरं । अयरहिएण जिणेणं तो मिलिया ते पुणो डिम्भा ॥ ८३ ॥
 चिन्तइ सुरो न भीओ एत्थं ता अन्नहा पुणो भेसे । एत्थन्तरस्मि वीरो तिन्दूसयकीलणं कुणइ ॥ ८४ ॥
 तेहिं हुमारेहिं समं सोऽवि सुरो डिम्भरुवयं काउं । कीलइ वीरेण समं जिओ य सो भगवया तत्थ ॥ ८५ ॥
 तप्पट्ठीए वीरो आरुढो तस्स वाहणनिमित्तं । एसो चिय तत्थ पणो जियस्स जं पुट्ठिआरुहणं ॥ ८६ ॥
 सो वह्ठिउं पयत्तो वेयालाकारघारओ रुद्धो । सत्ततलमाणदेहो संजाओ भेसणट्ठाए ॥ ८७ ॥
 जिणणारेणवि पहओ पट्ठीए वज्जकट्ठिणमुट्ठीए । सो आराडिं काउं भएण ससगो व्व संकुडिओ ॥ ८८ ॥
 पायडियामररुवो रञ्जियहियओ य पणमइ जिणिन्दं । भणइ तुहं परमेसर ! वीरसं तारिसं चेव ॥ ८९ ॥
 जारिसयं सुरवहणा सुरमज्जे वच्चियं तिं ता खमसु । मज्झ तुमं भेसविओ परिकखणत्थं जमेवं ति ॥ ९० ॥

१ अ-अम्हहा । २ ब-पोटि० । ३ ब-धीर० । ४ अ-तु ।

सुज्जो सुज्जो खामिय पणमिय वीरं गओ स सोहम्मं । भयवं पि गिहं चिठ्ठइ विसिट्ठकीलाविणोएणं ॥ ९१ ॥
 मोहेणम्मपियरो जाणित्ता अहियअट्ठवासं तु । ण्हायं विलिसदेहं कयकोउयमङ्गलं वीरं ॥ ९२ ॥
 सव्वालंकारधरं सोहणदिवसे कलाण गहणत्थं । कयपूयासक्कारस्स उवज्झायस्स उव्वणिन्ति ॥ ९३ ॥
 एत्थन्तरस्मिं सक्को आसणकम्पेण संपउत्तोही । चिन्तइ अहो ! महन्तो मोहो सिद्धत्थरायस्स ॥ ९४ ॥
 तिहिं नाणेहिं समग्गो तित्थयरो सव्वसत्थतत्तच्चू । जं उव्वणिज्जइ पागयणरस्स अप्पप्पविज्जस्स ॥ ९५ ॥
 विजागहणनिमित्तं इय चिन्तिय आगओ तहिं तुरियं । उज्झायस्स निमित्तं रइए सीहासणे पवरे ॥ ९६ ॥
 तस्सेव य पच्चक्खं वीरकुमारं निवेसइ पहडो । वन्दित्तु सइलक्खणमह पुच्छइ मउलकरकमलो ॥ ९७ ॥
 भयवं पि वागरेई जहट्ठियमसङ्किंयं तयं पुडो । उज्झाओऽवि पमुइओ निसुणइ परमेण विणएणं ॥ ९८ ॥
 पेच्छ अहो ! अच्छरियं बालोऽवि ह्मु पढणसुणणरहिओऽवि । सव्वच्चू विव साहइ जहट्ठियं सइसत्थत्थं ॥ ९९ ॥
 तुड्ढा अम्मापियरो एवं नाउं वियक्खणं वीरं । सक्कोऽवि य सट्ठाणं वन्दिय वीरं गओ खिप्पं ॥ १०० ॥
 वीरजिणस्स सगासे अवधारिय सइलक्खणलत्थेणं । उज्झाएणवि रइयं वागरणं किर अइन्दं त्ति ॥ १ ॥
 उम्मुक्कबालभावं कमेण नवजोव्वणं ससणुपत्तं । भोगससत्थं नाउं जम्भापियरो दइावीरं ॥ २ ॥
 तिहिरिक्खम्मि पसत्थे महन्तसामन्तकुलपसूयाए । कारिन्ति पाणिगहणं जसोयवररायकन्नाए ॥ ३ ॥

१ व-°वणेन्ति । २ व-उवक्षा° । ३ व-उवक्षा° ।

पञ्चविहं माणुस्सं विसयसुहं तस्स अणुभवन्तस्स । ससिणेहा सोमतणू जाया पिपदंस्सणा धूया ॥ ४ ॥
 परिणीया समयस्मि य जमालिणा पवरनरचङ्खुणं । नीरस्सम्मापियरो दिवं गया एत्थ समयस्मि ॥ ५ ॥
 वीरस्स जेड्ढाया अहिसितो नन्दिवद्धणो कुमरो । वररायलक्खणधरो रत्ते सामन्ननन्नीहिं ॥ ६ ॥
 वीरोऽवि नन्दिवद्धणपसुहं आयुच्छए सयणवगं । पव्वत्तागहणत्थं पडिपुत्ताभिग्गहत्तेण ॥ ७ ॥
 तो भणइ जेड्ढाया मम जणणीजणयविरहदुहियस्स । तुह विरहगी सुन्दर ! खयस्मि खारोवमो होइ ॥ ८ ॥
 एवं भणिए जेहेण भाउणा परमपणयकलिएण । तस्सेव बोहणत्थं भणइ जिणो अवविरत्तमणो ॥ ९ ॥
 नडपेच्छणए पेच्छय जणाण जह दीहरो ण संजोगो । तह बन्धुसमाजोगो अथिरो चिय एत्थ संसारो ॥ ८१० ॥

किं च—

पीमाहभाहणीभज्जापुत्तत्तेण सव्वेऽवि । जीवा जाया बहुसो जीवस्स उ एगमेगस्स ॥ ११ ॥
 ता कस्मि कस्मि कीरइ पडिबन्धो कस्मि कस्मि वा नेय । इय नाऊण महायस ! मा किज्जउ सोयसंतावो ॥ १२ ॥

नन्दिवद्धणेण भणियं—

अहमवि जाणामि इमं किन्तु ममं बन्धणाहं तुट्ठन्ति । जीवियभूएण तए अज्जवि मुक्कस्स संयराहं ॥ १३ ॥
 ता मह उवरोहेणं वासाहं दोल्लि चिंहेसु गिहस्मि । उत्तमपुरिसा वट्ठं दुहियं करुणायरो होन्ति ॥ १४ ॥

१ 'सयराह' इति शीघ्रम् । २ व-°चेडु° । ३ व-परा ।

एवं चोवकूखेण भणियं वीरेण—

एवं होउ नरीसर ! किन्तु महंढा ण कोइ आरम्भो । कायव्वोऽहं फासुयभोयणपाणेण चिट्ठिस्सं ॥ १५ ॥
 एवं ति य पडिवन्ने चिट्ठइ सुहक्षाणभावणो वीरो । विसयसुहनिप्पिवासो दयावरो सव्वजीवेसु ॥ १६ ॥
 संवच्छरेण होही अभिनिक्खमणं तु सुणिय जिणचन्दो । आढत्तो दाउं जे संवच्छरियं महादाणं ॥ १७ ॥
 एणा हिरन्नकोडी अंढेव अणूणगा सयसहस्सा । सूरुदयाउ दिज्जइ जाव य मज्झणहसमओ त्ति ॥ १८ ॥
 वरह वरं वरह वरं इय घोसिज्जइ महन्तसंवेण । पुरतियचउक्कचच्चरच्छारायप्पहाईसु ॥ १९ ॥
 जो जं वरेइ तं तस्स दिज्जए हेमवत्थमाईयं । वियरन्ति तत्थ तियसा सक्काएसेण सव्व पि ॥ ८२० ॥
 तिचेव य कोडिसया अट्टासीहं च हेन्ति कोडीओ । असिंइ च सयसहस्सा एयं संवच्छरे दिन्नं ॥ २१ ॥

एत्थन्तरम्मि य—

सारस्सय भाइच्चा वण्णी वरुणा य गहत्तोया य । तुस्सिया अन्वावाहा अगिच्चा चेव रिट्ठा य ॥ २२ ॥
 एए समयं नाउं निययं लोगन्तिया सुरा पत्ता । पभ्रणन्ति विणयपण्या वन्दित्ता मङ्गुरवग्गूहिं ॥ २३ ॥
 हत्थालम्बोऽसि तुमं सामिय ! निवडन्तयाण भवकूवे । सव्वजगज्जीवहियं ता पट्ठु ! तित्थं पवत्तेहि ॥ २४ ॥
 पुट्ठो य पुणो भाया जिणेण वीरेण विगयमोहेणं । तुह सन्तिओ हूं अवही पुत्तो निणहाभि दिक्खम्महं ॥ २५ ॥

१ व-णरेस० । २ व-ममडा । ३ व-मड । ४ व-सियं । ५ अ-य ।

वयगहनिच्छयमेवं नाउं वीरस्स जेट्ठाया उ । बाहजलाउलनयणो निक्खमणमहं समाइसह ॥ २६ ॥
 धयहइसोहंवन्दणमालामञ्चाइमं च रमणिजं । कुण्डगामं नयरं सुरलोयसमं कथं तहया ॥ २७ ॥
 जेम्मोत्तकलसनियरेण ठाविओ नन्दवद्धणनिवेणं । निक्खमणतथं परमो अहिसेओ वद्धमाणस्स ॥ २८ ॥
 चलिघासणा य इन्दा सन्वेडवि समागया सपरिसागा । सक्केणावि तह चिय उवँठविओ कलससइआओ ॥ २९ ॥
 दोडवि य परोपरं ते अन्तब्भूया समाणकलसेसु । तो रत्ता सक्केण य महाविभूइएँ अभिसित्तो ॥ ८३० ॥
 सुरचन्दणाणुलित्तो सुरतरुवरकुसुममालचिञ्चइओ । सियवत्थपाउयज्जो जस्स उ मोहं सयसहस्सं ॥ ३१ ॥
 आसुरकिरीडमउली हारविरायन्तकण्ठवच्छयलो । केऊरकडयमण्डियभुघडण्डो कुण्डलाहरणो ॥ ३२ ॥
 सिवियाएँ समारोहइ वीरो चन्दप्पहाभिहाणाए । मणिरयणकञ्चणमए निविसइ सिंहासणे तत्थ ॥ ३३ ॥

केरिस्सी य सा सिविया—

पन्नासं आयामा धणुइं रुन्दा य पन्नवीसं तु । छत्तीसं उन्विद्धा मणिकञ्चणरयणविच्छुरिया ॥ ३४ ॥
 उत्तुङ्गपवरसिहरा महघवरवत्थविरइउल्लोया । उम्मुक्कहारदामा परिलम्बिरकुसुममालोहा ॥ ३५ ॥
 णरवइआएसेण य उक्खित्ता सा नरोहिं बहुएहिं । तरुणेहिं सरुवेहिं सन्वालङ्कारधारीहिं ॥ ३६ ॥
 पच्छा वहन्ति सीयं सक्कीसाणयल्लिचमरइन्दाओ । कोणेसु चउसु अमरा सेसावि जहारिँहं लग्गा ॥ ३७ ॥

१ अ—यव० । २ ब—जम्मु० । ३ अ—निक्क० । ४ अ—ठविओ कलसाण सङ्गाओ । ५ अ—सिथा । ६ अ—विहं ।

भणियं च—

चलचवलभूसणधरा सच्छन्दविउव्वियाभरणधारी । देविन्ददाणविन्दा वहन्ति सीयं जिणिन्दस्स ॥ ३८ ॥
कुसुमाणि पञ्चवन्नाणि सुयन्ता दुन्दुभीउं वायन्ता । देवगणा उ पह्वा भूमिं गयणं च छायन्ति ॥ ३९ ॥
वणसण्डो उव्वं कुसुमिओ पउमसरो वा जहा सरयकाले । सोह्मइ कुसुमभरणं इय गयणयलं सुरगणेहिं ॥ ४० ॥
अयस्सिवणं व कुसुमियं सिद्धत्थवणं व चम्पगवणं उव्वं । तिलगवणं व कुसुमियं इय गयणयलं सुरगणेहिं ४१ ॥
वरपडहभेरिद्धल्लरिदुन्दुभिसङ्गसहिण्हिं तूरेहिं । धरणियले गयणयले तूरनिनाओ परमरम्मो ॥ ४२ ॥
निग्गच्छन्तो य तथा कुण्डगामणयरस्स मज्जेणं । अभिनन्दिज्जइ वीरो आसीसाहिं बहुविहाहिं ॥ ४३ ॥
जय जय नन्दा जय जय भद्दा धम्मं य होअविग्घं ते । जय जय खत्तियवरवसभ ! तुज्झ दुक्खक्खओ होउ ॥
अग्घे पडिच्छमाणो गयणसहस्सेहिं दीसमाणो उ । अवरोप्परं च दरिसिज्जन्तो अहुलिसहस्सेहिं ॥ ४५ ॥
एवं सदेवमणुयासुराएँ परिसाएँ परिवुडो भयवं । अभियुव्वन्तो गिराहिं संपत्तो णायसण्डवणं ॥ ४६ ॥
उज्जाणं संपत्तो ओरुहिउं उत्तमाएँ सीयाए । छेहेणं भत्तेणं लेसाहिं विसुद्धपरिणामो ॥ ४७ ॥
ओमुयइ अलङ्कारं पडिच्छँए तं च आमयाइओ । हत्थुत्तरजोएणं मग्गसिरे किण्हदसभीए ॥ ४८ ॥
लोयं च पध्मुट्ठिं करेइ सक्को पडिच्छँए केसे । अणुणविय जिणवरिन्दं खीरसमुदस्स पविल्लवइ ॥ ४९ ॥

१ व-ओ । २ व-व । ३ व-व । ४ अ-साइं । ५ अ-च्छइ ।

दिवो मणुस्सघोसो तुरियणिणाओ य सक्खवयणेणं । खिप्पामेव निल्लक्को जाहे पडिवज्जह चरित्तं ॥ ८५० ॥
 सिद्धाण नमोक्कारं काऊण अभिगगं तु सो गिणहे । सव्वं मे अकरणिज्जं पावं ति चरित्तमारूढो ॥ ५१ ॥
 भन्ते त्ति सद्धवज्जं सव्वं उच्चरह सामहयसुत्तं । पडिवज्जे य चरित्ते मणपज्जवनाणसुप्पन्नं ॥ ५२ ॥

अणियं च—

तिहिं नाणेहिं समग्गा तित्थयरा जाव होन्ति गिहवासे । पडिवन्नम्मि चरित्ते चउनाणी जाव छउमत्था ॥
 एणं च देवदूसं सक्खविइन्नं खिवेइ खन्धम्मि । सीसाण सचेलं चिय धम्मविहिं पन्नविस्सामि ॥ ५४ ॥
 सक्काइया देवा भयवन्तं वन्दिउं सपरितोसा । कयनन्दीसरजत्ता नियनियठाणां संपत्ता ॥ ५५ ॥
 वीरोऽवि बन्धुवगं आपुच्छिय पत्थिओ विहाराए । सोऽवि य विसन्नचित्तो वन्दि य भयवं पडिनियत्तो ॥ ५६ ॥
 एत्थन्तरम्मि एगो आजम्मं चैव निज्जणो भट्ठो । धणलाभत्थी पत्तो आसं काउं जिणसयासे ॥ ५७ ॥
 सो पुण दाणावसरे जिणस्स देसन्तरं गओ आसि । लाहत्थमेव रडिओ भज्जाए आगओ सन्तो ॥ ५८ ॥
 एवं जिणेण दिन्नं सव्वस्सै ढणक्कए तुमं देसि । तो निल्लक्खण ! अज्जवि गन्तूण तमेव मग्गेसु ॥ ५९ ॥
 अणियं च तेण भयवं ! दीणोऽहं दुत्थिओ अभग्गो य । मग्गन्तभम्मन्तस्सवि न किञ्चि मे सामि ! संपडइ ॥ ८६० ॥

किञ्च—

१ व-एवं । २ व-०म्ममहं । ३ अ-०ज्जहं । ४ व-०रुवन्तं ।

किं किं न कथं को को न पतिथओ कथ कथ न य भूमिओ । दुम्भरउयरस्स कए तं पि कयं जं न कायव्वं ॥ ६१ ॥
 दिन्नं च तए दाणं सव्वस्स जहिच्छियं चिरं कालं । नासि तथा एत्थाहं ता सामि ! करेवि कारुन्नं ॥ ६२ ॥
 देसु मह किञ्चि दाणं सव्वस्स जगस्स तं सि कारुणिओ । इय विन्नत्तो भयवं करुणेक्करसोऽणुकम्पाए ॥ ६३ ॥
 वियरइ सुरदूसद्धं अन्नं मह नत्थि किं पि इय भणिउं । सोऽवि गओ पणमित्ता महापसाओ त्ति तं गहिउं ॥ ६४ ॥
 तुत्तागस्सुवणीयं दसियाकज्जम्मि तेण सो भणिओ । भमसु जिणमगओ तं खन्धाउ पडिस्सइ तमद्धं ॥ ६५ ॥
 न य धेच्छी सो भयवं निस्संगो तो तुमं तमाणेज्ज । दोऽवि अहं तुत्तेउं अद्धे सगलं करिस्सामि ॥ ६६ ॥
 दीणारसयसहस्सं लहिही तं विक्कयम्मि तो तुज्झं । मज्झं च अद्धमद्धं होही भणिओ इय गओ सो ॥ ६७ ॥
 भयवं पि महावीरो तीसं वासाइ वसिय गिहवासे । पडिवल्लिऊण दिक्खं विहरन्तो तम्मि चेव दिणे ॥ ६८ ॥
 संज्झाए संपत्तो कुमारगामम्मि तस्स बाहिम्मि । पडिमाएँ ठिओ भयवं धम्मज्झाणं छियायन्तो ॥ ६९ ॥
 गोवो य तत्थ एगो दिवसं सव्वं हलस्मि वाहेउं । निययवइल्ले घेत्तुं संपत्तो वीरपासम्मि ॥ ७० ॥
 तस्सासन्ने मोत्तुं गामस्सव्वभन्तरं पविट्ठो सो । गोदोहाइनिमित्तं तेऽवि चरन्ता गया रन्नं ॥ ७१ ॥
 गोवो तत्थायाओ न वइल्ले तत्थ पेच्छइ तओ य । सामी पुच्छइ वसहे कत्थ गया ते इसी कहसु ॥ ७२ ॥
 सामी मोणेणच्छइ न सुणइ एसो त्ति सव्वराहं पि । सो मग्गिउं पवत्तो न य लद्धा तो विसन्नमणो ॥ ७३ ॥

१ व-भमियं । २ व-पेइस्स । ३-व-जं म० । ४ अ-पेच्छी । ५ व-धीगं । ६ व-पयत्तो ।

पुण आगओ पहाए सामिसमीवे य पेच्छए वसहे । ते पुण रत्ति चरिउं माणुसनिस्सं समल्लीणा ॥ ७४ ॥
 तो सो कुविओ एए इमिण चिय नूण आसि ओहरिया । संपइ पुण पायडिया रयणीए न सकिया नेउं ॥ ७५ ॥
 उगगामिऊण सेलं पहाविओ भगवओ पहणणत्थं । एत्थन्तरम्मि सक्को चिन्तइ किं कुणइ अज्ज जिणो ॥ ७६ ॥
 दइण तमुवसगं वेगेणागम्म पहणए गोवं । पुच्छइ य सुहविहारं सामी वन्दइ नमंसइ य ॥ ७७ ॥
 भणइ य भयवं तुमं बारसवरिसाई सोवसगं ति । ता तेसि वारणेणं वेयावच्चं करेमि अहं ॥ ७८ ॥
 नो भूयं नो भव्वं न भविसं देवराय ! जं होज्जा । परनिस्साए केवलणणुप्पत्ती जिणिन्दाणं ॥ ७९ ॥
 नियबलपरक्कमेणं कम्माण खयं कुणन्ति तित्थयरा । मोक्खो अवेइयाणं तेसिं जं होज्ज न कयाइ ॥ ८० ॥
 एत्थन्तरे सहरिसो माउसियसुओ उ वद्धमाणस्स । वन्दणहेउं पत्तो सिद्धत्थो वन्तरसुरोऽवि ॥ ८१ ॥

सो य सक्केण भणिओ—

भो सिद्धत्थ ! न मन्नइ भयवं मं वारयन्तमुवसगं । करिसद्धे सीहो अहिलसइ किमन्नसाहेजं ॥ ८२ ॥
 ता चिंठ तुमं बारसवरिसाई भगवओ समीवम्मि । पाणन्तियमुवसगं वारेज्जसुं अप्पमत्तो उ ॥ ८३ ॥
 इय तंजिऊण सक्को सिद्धत्थं नयजिणो गओ सगं । इयरोऽवि भत्तिमन्तो चिद्धइ सामिस्स सन्निहिओ ॥ ८४ ॥
 कोल्लागसन्निवेसे भयवं पि य छँट्ठखमणपारणए । भिक्खव्हाए पविट्ठो दिगस्स बहुलस्स गेहम्मि ॥ ८५ ॥

१ व-य ह० । २ अ-सगे । ३ व-सिहो । ४ व-चैडि । ५ व-सुमप्प० । ६ तर्जयित्वा शिक्षयित्वेत्यर्थः । ७ व-तत्थ० ।

घयमहुसंजुत्तेणं परमञ्जेण पडिलाभिओ तेणं । हरिसुद्धरेण पञ्च य पाउब्भूयाणि दिव्वाणि ॥ ८६ ॥
 गन्धजलकुसुमबुद्धी हिरन्नबुद्धी पभूयकोडीओ । चेलुक्खेवो सुरदुन्दुही य छुहं अहो ! दाणं ॥ ८७ ॥
 बहुलेण तेण तइया दाणेणं गाहगाइसुद्धेणं । देवाउयं निबद्धं कओ परित्तो य संसारो ॥ ८८ ॥
 सामी तं पारेउं विहरइ गामनयराउलं पुहइं । पञ्चसमिओ तिगुत्तो जिह्न्दिओ जियकसाओ य ॥ ८९ ॥
 अममो विसुद्धलेसो उवसगगपरीसहाण य अभीओ । वाउ व्व अपडिबद्धो निक्कम्पो मन्दरगिरि व्व ॥ ९० ॥
 सीहो व्व भयविमुक्को सोडीरो कुञ्जरो व्व मयमुक्को । चन्दो व्व सोममुत्ती तवतेणं दिणयरो व्व ॥ ९१ ॥
 गयणमिव निरुवलेवो संखो व्व निरञ्जणोऽविगारेहिं । धरणि पिव सव्वसहो महासमुद्धो व्व गम्भीरो ॥ ९२ ॥
 लाभम्मि अलाभम्मि य जीवियमरणे खुहे य दुक्खे य । सव्वत्थवि समभावो समो य माणावमाणेसु ॥ ९३ ॥
 दुक्करतवचरणरओ खन्तिखमो उग्गवम्भवेरो य । अप्पपरतुल्लचित्तो मोणव्वय पाणिभोई य ॥ ९४ ॥
 दूईज्जन्तगतावसगामम्मि गओ य विहरमाणो उ । तत्थच्छइ पीमित्तो जयपहुणो तावसाहिवई ॥ ९५ ॥
 दद्धूण जिणं सो साइयत्थमब्भुद्धिओ गरुयेनेहं । कहवि दिणे तत्थच्छिय वच्चन्तो तेणिमं अणिओ ॥ ९६ ॥
 आगच्छेज्जह एत्थं वासावासत्थमरहसुवरोहा । सामी वि विहरिऊणं वासासमए सखायाओ ॥ ९७ ॥
 तग्गामे कुलवइणा समप्पिए तणगिहम्मि तत्थठिओ । चारिमपावन्ताइं तणाइं उडयाण कहन्ति ॥ ९८ ॥

१ व-व । २ व-दूई । ३ व-पिइमि० पितुमित्रम् । ४ स्वागतार्थमित्यर्थः ।

भुविखयगोरूवाइं सामी नो वारए विगयसंगो । तो कुलवइणा भणिओ कुमार ! सउणी वि नियनीडं ॥ ०९ ॥
 रक्खइ ता किं न तुमं रक्खसि निययं उवस्सयं एयं । मज्जनं इय भणिए अचियत्तो उगगहो म्मो ॥ १०० ॥
 धम्मतिथणा य कस्सइ अपत्तियं सव्वहा न कायव्वं । इय चिन्तिय निक्खन्तो पाउस्ससमयम्मि पढमम्मि ॥ १ ॥
 भणियं च—
 हन्त कालेऽवि ॥ २ ॥

धम्ममात्थणा य कस्सइ अत्थं तं भणियं च—
 सौ तावसासमाओ तेसिं अप्पत्तियं सुणेऊणं । परमं अबोहिबीयं तओ गओ हन्त कालेडवि ॥ २ ॥
 सो तावसासमाओ तेसिं अप्पत्तियं सहरियव्वं इयरम्मि सतत्तच्चिन्ताओ ॥ ३ ॥

तथाहि—

तथाहि—
जिणभवणसाहुदंसणसाई वि हु जेण होइ केसिंचि । अप्पत्तियस्स हेउं कुन्तलनमुयाइयाणं व ॥ ४ ॥
निगगन्तूण य तत्तो अडियगामे गओ महावीरो । तत्थ ठिओ आययणे जक्खस्स उ सूलपाणिस्स ॥ ५ ॥
सो पुण दुट्ठसहावो वासं कस्सइ न देइ रयणीए । सो पुव्वभवे वसहो आसी धणदेववणियस्स ॥ ६ ॥
पञ्चसए सगडाणं उत्तारेउं नईएँ सो तुट्ठो । गामस्स वद्धमाणस्स बाहिं भोत्तुं गओ वणिओ ॥ ७ ॥
पाणियचारिनिमित्तं दव्वं गामेल्लयाण दाऊण । तेहिं य न किञ्चि दिन्नं तण्हाए छुहाए सो मरिउं ॥ ८ ॥

पाणिन्यचा ॥ २ ॥ (नाम १५) १ व-भूखियगोरुवाइं । २ 'अचियत्तो' अयोग्य इत्यर्थः । ३ व-एस
नास्ति । ६ व-०ण ह । ७ व-वसभो । ८ अ-ई उ । ९ अ-मुपुं ।

जाओ य सूलपाणी रुद्धो उवरिं च तस्स गामस्स । मारिं विउव्विऊणं निवाहओ बहुजणो तेणं ॥ ९ ॥
 लोणेणं विव्वत्तो तव्वयणेणं च देउलं काउं । तप्पडिमा कारविया जत्तं पूयं च कारेन्ति ॥ ११० ॥
 तम्ममारियजणअड्डीनियरो दीसइ पए पए तत्थ । तो सो अट्ठियगामो ति लोयमज्जम्मि विक्खाओ ॥ ११ ॥
 तस्सेव बोहणत्थं भयवं पडिमाए सण्ठिओ रत्तिं । तस्साययेणे सो चिय दद्धं रुद्धो जिणस्सुवरिं ॥ १२ ॥
 उव्वसगिउमाडत्तो संज्झाए कुणइ भूमिभेयकरं । अट्ठहाससहं मणुयतिरिक्खाण तासणयं ॥ १३ ॥
 तत्तो य हत्थिरुवं पिसायरुवं च नागरुवं च । काउं उव्वसगेई खुहइ मणागं पि नो भयवं ॥ १४ ॥
 सिरकन्ननासनइअच्छिदन्तपट्ठीसु वेयणं कुणइ । पक्खेफ्फा जा जीवियहरणे अन्नस्स सुसमत्था ॥ १५ ॥
 जाहे य सव्वरयणिं भयवं उव्वसगिओऽवि नो खुट्ठिओ । तो उव्वसन्तो खामइ संयुणइ य गरुयसहं सो ॥ १६ ॥
 अट्ठन्नमिच्चविज पासावचिज्जओ तहिं गामे । निट्ठइ आगमकुसलो उप्पलओ सिद्धपुत्तो ति ॥ १७ ॥
 सो देवचयकहिंयं सामिसरुवं सुणेइ उव्विगगो । मत्ते वीरजिणिन्दो उउमत्थो एत्थ आयाओ ॥ १८ ॥
 सुम्मइ य किलंकिरवो जक्खाययणम्मि ता न नज्जेत्ता । इं पि अवत्थं जक्खो सो इट्ठो कुणइ सामिस्स ॥ १९ ॥
 समइक्कन्ता रयणी इय चिन्ताए अलद्धनिदस्स । तस्स पट्ठाए य गओ जक्खाययणे जिणं दद्धं ॥ २० ॥
 भयवं पि सव्वरयणिं सुरेण संतापिओ पहायम्मि । उव्वसन्तमन्ववियणो सुहुत्तमेतं गओ निदं ॥ २१ ॥

१ व-विन्नविओ । २ अ-यण । ३ व-ताहे सए रयणिं । ४ व-चलइ । ५ व-त्ता । ६ व-सुणेवि । ७ व-किलिकिलिं ।

जक्खेण थुव्वमाणो निच्चं चिय अद्धमासखवणेहिं । सरयन्ते निगगन्तुं गओ य मोरागवासम्मि ॥ ३६ ॥
 उज्जाणे तत्थ ठिओ अच्छन्दो नाम तत्थ पासण्डी । जोहसमन्तनिमित्तेहिं जीवए लोयविवक्खाओ ॥ ३७ ॥
 तस्स विगोयणक्खे केलिपियत्तेण तह जिणिन्दस्स । पूयाए जणणत्थं सिद्धत्थो बाहरेऊण ॥ ३८ ॥
 आसन्ने गेच्छन्तं एगं गोवं च कहइ जिणरूवो । जं तेण कयं मुत्तं दिट्ठं संपत्थिओ जत्थ ॥ ३९ ॥
 एमाइं नियं चिट्ठं सोउं सो रज्झिओ गओ गामे । सव्वजणाणं साहइ तीयाणागयनिमित्तविऊ ॥ ४० ॥
 उज्जाणगओ चिट्ठइ एगो देवज्जगो तओ लोगो । सव्वोऽवि समागन्तुं पुच्छइ सोऽवि य परिकहेइ ॥ ४१ ॥
 सो आउट्ठो वीरं वन्दइ पूएह पज्जुवासेह । कहइ य एत्थवि चिट्ठइ अच्छन्दो जाणओ एगो ॥ ४२ ॥
 सिद्धत्थेण य अणियं न किं पिं सो सुणइ वञ्चए लोणं । एमेव तओ लोगो गन्तूणं तस्स तं कहइ ॥ ४३ ॥
 सो अमरिसिओ पभणइ जइ पुरओ मउद्ध सुणइ तो सव्वं । जाणइ सो देवज्जो गओ य जणसंजुओ तत्थ ॥ ४४ ॥
 ठाउं जिणस्स पुरओ तणं च घेत्तूण दोहिं वि करेहिं । भणइ इमं अज्जिस्सइ न वत्ति सो चिन्तइ इमं ति ॥ ४५ ॥
 जं एस किं पि भणिही चिवरीयं चेव तं करिस्सामि । सिद्धत्थेण य अणियं न भज्झिही सोऽवि आढत्तो ॥ ४६ ॥
 भजेउं सक्खेणवि दिट्ठुवओगेण पक्खविय वज्जं । अच्छन्दगस्स छिन्ना करज्जुलीओ दसवि रुसिउं ॥ ४७ ॥
 इय विग्गुत्तो लोएण खिसिओ आगओ य वेलक्खं । सामी परमपसिद्धिं संपत्तो परमपूयं च ॥ ४८ ॥

१ अ-धामंमि । २ व-अच्छन्तं । ३ अ-संपत्तिओ तं । ४ व-ई नियचिं । ५ व-चि । ६ व-लोयं ।

सिद्धत्थो पुण रुद्धो लोयस्स कहंइ एस चोरो ति । किं चोरियमेणं अत्थि इहं वीरयोसो ति ॥ ४८ ॥
 एगो पणमिय पभणइ एस अहं तुज्झ अमुगकालस्मि । वट्ठं दसपलमाणं नट्ठं आमं तयं हरियं ॥ ४९ ॥
 इमिणा तं कत्थच्छइ महसिन्दुतरस्स हत्थमेत्तेणं । पुव्वदिसाए निहिंयं एयस्स पुरोहट्ठे चेव ॥ ५० ॥
 गिण्हइ तं खणिज्जं गया य दिट्ठं च आगया तत्थ । कलकलरवं कुणन्ता अन्नं पि सुणेह एयस्स ॥ ५१ ॥
 अत्थेत्थ इन्दसम्भो एसोऽहं तुज्झ ऊरणो नट्ठो । अमुगे काले आसं एणं चेव सो खइओ ॥ ५२ ॥
 उक्कुरुडिगाँए वयरीए दाहिणे अट्ठियाणि चिट्ठन्ति । ते तत्थ गया दिट्ठाणि आगया कुक्कयन्ता य ॥ ५३ ॥
 तइयमवचमकज्जं कहिही एयस्स भारिया चेव । सा पुण तस्स विरत्ता चिट्ठइ छिद्वाणि मग्गन्ती ॥ ५४ ॥
 अक्कोसदाणनिरया तस्मि दिणे चेव पिट्ठिया तेण । लोणेण य सा पुट्ठा मा गेण्हइ एयनामं ति ॥ ५५ ॥
 एसो अकज्जकारी इय भणिउं साहए इमो पावो । भणिणीए समं अच्छइ तं सोउं खिसए लोगे ॥ ५६ ॥
 धी एस महापावो फलियं अजेव दुक्कयमेयस्स । अड्डुलिछेएणेवं तह सो सव्वत्थ विग्गुत्तो ॥ ५७ ॥
 जहभिवक्खं पि न पावइ ताहे दीणो रहे पणमिज्जं । पभणइ सामी तुब्भे अन्नत्थवि पूयणिज्जाओ ॥ ५८ ॥
 मम नत्थि अन्नथामं मा भज्जइ मज्झ जीवियं तम्हा । अचियत्तमिमं नाउं सामी विट्ठु विहरिओ तत्तो ॥ ५९ ॥
 वच्चन्तस्स य पडियं खन्धाओ सुवन्नवाल्लयापुलिणे । वत्थं कण्ठियलग्गं घेत्तूण य सो दिओ वलिओ ॥ ६० ॥

१ व-आमंति ते । २ अ-विहिं । ३ अ-स अहं । ४ व-गाइ । ५ अ-ता । ६ व-चमीकाउं अप्रीतिकमतिकृत्वा ।

तुष्ठागस्तुवणीयं तुल्यमेण लकलमोल्लं च । जायं अद्धेण य दन्वं दोहिं पि तं गहिंयं ॥ ६१ ॥
संपत्थिओ य भयवं उत्तरचावालसन्निवेशम्मि । तत्थ य उल्लू वङ्को दो मग्गा उल्लुणा वलिओ ॥ ६२ ॥
गोवालेहिं निसिद्धो एत्थच्छह दिट्ठिविसहरो भुयगो । तप्पडियोहणेउं गन्तुं तेणेव कणगखले ॥ ६३ ॥
आसमपयम्मि पत्तो मण्डवियाए य जक्खभवणस्स । पडिमाएँ ठिओ दिट्ठीविसस्स सप्पस्स आसन्ने ॥ ६४ ॥

सो य पुब्बभवे को आसी—

एगम्मि सन्निवेशे सुणिगच्छे आसि खमरिसी एगो । भिक्खहा य पविट्ठो पारणए खुट्ठुएण समं ॥ ६५ ॥
खमरिसिणा अक्कन्ता एगा मण्डुक्किया मया तत्थ । खुट्ठेण तस्स कहिया सो भणइ इमा न मे वहिया ॥ ६६ ॥
किं दुट्ठसेह ! झङ्गसि जणेण एयाउ पेच्छ वहियाओ । खुट्ठो चिन्तइ छुहिओ एसो ता वोयणेऽसमओ ॥ ६७ ॥
पुण पडिकमणे सारइ खुट्ठो मण्डुक्कियं खमरिसिस्स । सो रुट्ठो आहन्तुं पहाविओ खुट्ठुयस्सुवरिं ॥ ६८ ॥
खम्भम्मि समावडिओ पडिओ य मओ य रोसमावन्नो । जोइसियसुरो जाओ तओ बुओ कणयत्तलयम्मि ॥
कुलवइणो संजाओ पुत्तो पञ्चणहतावससायाणं । अहिवइणो तस्स तहिं नामं पुण कोसिओ त्ति कयं ॥ ७० ॥
सो पुब्बसहावेणं चण्डो तो चण्डकोसिओ जाओ । पियरम्मि य कालणए सो तेसिं कुलवई जाओ ॥ ७१ ॥
न य देइ तावसाणवि वणसण्डे सुच्छिओ फले घेचुं । तेऽवि य अन्नत्थ गया अलहन्ता सो य एगागी ॥ ७२ ॥
हिण्डइ वणं समन्ता गोवाईयं पि तत्थ पविसन्तं । धाडेइ फरसुहत्थो कोहन्थो निवयसहावो ॥ ७३ ॥

आसन्नपुरवरीए कयाइ आगन्तुरायपुत्तेहिं । तस्स परोक्खं भग्गो उडवो मोडेवि वणसण्डं ॥ ७४ ॥
 गोवेहिं तस्स कहियं कण्ठियहेउं गयस्स जहवत्तं । सोउं च आसुरुत्तो वहणत्थं धाविओ ताणं ॥ ७५ ॥
 घेतूण तिवक्खफरुसं अक्खुडिओ खाणुयम्मि सो पडिओ । चण्डेण फरसुणा सो दुहजायसिरो मओ तुरियं ॥ ७६ ॥
 रोसवसेणुववन्नो तम्मि वणे चव मोहमूढमणो । दिट्ठीविसो सुयङ्गो मसिवन्नो भीसणायारो ॥ ७७ ॥
 मुब्बाए वणसण्डं रक्खइ जे तत्थ तावसा आसि । ते दहा केई पुण नट्ठा वेगेण भयभीया ॥ ७८ ॥
 पैरियञ्चइ वणसण्डं सोऽवि तिसंज्झं पि तत्थ जं नियइ । सउणं पि तं सरोसो दिट्ठिविसेणं दहइ सहसा ॥ ७९ ॥
 दिट्ठो य तेण सामी चिन्तइ य अहो उ एस धिट्ठो त्ति । वीसत्थो इह चिट्ठइ असुणन्तो मज्झ सामत्थं ॥ ८० ॥
 तो आसुरत्तचित्तो सूरं निज्झाइऊण भयवन्तं । जोयइ पुणो पुणो सो तवतेएणं न पहवेइ ॥ ८१ ॥
 सुट्ठुयरं आरुट्ठो डसिउं ओसरइ झत्ति दूरम्मि । पडिही ममोवरिं चिय इय चिन्तिय न य विसं कमइ ॥ ८२ ॥
 सामिसरीरे सोऽविहु पुणो पुणो डसइ नियइ भयवन्तं । जिणकन्तिसोमयाए दिट्ठी वि हु तस्स विज्जाया ॥ ८३ ॥
 णाउं बोहावसरं भणिओ सो भयवयाणुकम्पाए । उवसमसु चण्डकोसिय ! कोवो जं दारुणसहावो ॥ ८४ ॥

तथाहि—

न सुगन्ति परं अप्पं हियमहिं सुन्दरं च इयरं वा । धणमित्तणासमरणं वेरं न गणन्ति कोहन्धा ॥ ८५ ॥

१ अ—कुडिओ । २ अ—अडुणं । ३ परिभ्राम्यतीत्यर्थः । ४ अ—रुतं ।

तं चिय जन्तुं पढमं कोवो निदहह जत्थ उववन्नो । जत्थुप्पन्नो तं चेव इन्धणं धूमकेउ व्व ॥ ८६ ॥
सुहसंपयाण विग्घो अणत्थमूलं विवेयपडिवक्खो । कोहो दुग्गईहेऊ तवसंजमनेहखयकारी ॥ ८७ ॥
सुमरसु तं खमगभवे कोवफलं चण्डकोसियभवे य । इय एवमाइ सोउं ईहापोहं करेन्तस्स ॥ ८८ ॥
जायं जाईस्सरणं संवेगं आगओ य सो परमं । तिक्खुत्तो भत्तीए पयाहिणं भगवओ कुणह ॥ ८९ ॥
पच्चक्खिऊण भत्तं सुहपरिणामो विले सुहं छोडुं । नवकारपरो चिट्ठइ जिणोणुकस्पाए तत्थ ठिओ ॥ ९० ॥
सामिं दडुं गोवाइयावि तत्थागया सुविम्हइया । पाहाणखिवणकड्डाइघट्ठणेहिं परिक्खन्ति ॥ ९१ ॥
जाहे कहवि न फन्दइ ताहे लोगस्स कहियमेएहिं । सो आगन्तुं सामिं वन्दइ सण्णं च पूएइ ॥ ९२ ॥

भणह य—

पेच्छ रिसिणो पहावो इमस्स जं एरिसो फणी दुड्डो । उवसमिओ नत्थ तवस्स अहव इह किंश्चि वि असज्झं ॥ ९३ ॥
मक्खिन्ति घयाईहिं बहुमाणेणं व्वं गौडलित्थीओ । तगन्धेण य घेप्पइ नियरेण पिपीलियाणं सो ॥ ९४ ॥
तं वेयणमैहियासिय सम्मं मासद्धमणसणं काउं । सहसारे उववन्नो मरिऊण महिड्डिओ देवो ॥ ९५ ॥
संपत्थिओ य भयवं सुरहिपुरं तत्थ अन्तरे गड्ढा । तो सिद्धदत्तनावं आरुढो लोगमज्झम्मि ॥ ९६ ॥
रविण य कोसिएणं खेमिलओ सउणजाणओ भणह । पाणन्तिथसुवसगं कहइ इमो अम्ह जलमज्झो ॥ ९७ ॥

१ व-०इकेऊ । २ व-करि० । ३ व-किं पिवि । ४ अ-व । ५ अ-०णअहि० ।

तस्सोवससं च पुणो इमस्स रिसिणो महापभावेणं । इय कहिए संचलिया नावा पत्ता अगाहजले ॥ ९८ ॥
 तस्सोवससं च पुणो इमस्स रिसिणो महापभावेणं । पुवं निविट्टमारियेकेसरिजीवेण सो कुविओ ॥ ९९ ॥
 दिट्ठो य तत्थ अयं सुदाढनामेण नागकुमरेणं । एत्थन्तरे य कम्बलसयलाणं आसणं चलयं ॥ १०० ॥
 कयसंवट्ठगवाओ उब्बोलइ नावसुदगमज्झस्मि । एत्थन्तरे य कम्बलसयलाणं आसणं चलयं ॥ १०१ ॥
 तेसिं पुण उप्पत्ती भण्णइ महुराए सावओ आसि । जिणदासो नामेणं जिणदासी भारिया तस्स ॥ १०२ ॥
 जीवाइपयत्थविज्ज जिणपवयणरागरत्तमिज्झडी । धम्ममाउ न चालिज्झइ देवासुरजक्खरक्खेहिं ॥ १०३ ॥
 पञ्चहिं अनुव्वएहिं गुणव्वएहिं च तिहि वि परिसुद्धो । बहुवीयणन्तकाइयकम्मादोणेण विणियत्तो ॥ १०४ ॥
 सामइयसुभयसंज्झं वीवन्दणपूयणं च तिक्कालं । अट्ठमिच्चइसीसु य चउव्विहं पोसहं कुणइ ॥ १०५ ॥
 असणं पाणं पत्तं उवस्सयं सयणमासणं वत्थं । ओसहमाइ वियरइ अइहीणं संविभागस्मि ॥ १०६ ॥
 पढइ गुणेइ सुणेइ य एगगो द्वायए नमोक्कारं । तवनियमभावणाइसु सावगकिच्चेसु उवउत्तो ॥ १०७ ॥
 तेहि य पच्चक्खायं जाजीवं चउप्पयस्स सव्वस्स । गिणहन्ति दहियमाइ निच्चं गोउलियहत्थाओ ॥ १०८ ॥
 जाया सिणेहवुद्धी परोप्परं तेसिमिन्तजन्ताणं । गोउलियविवाहस्मि य कयाइ सोहा कया तेहिं ॥ १०९ ॥
 वत्थाहरणाइहिं तेहि य तुंहेहिं तस्स सहुस्स । उवणीया सियवन्ना गोणजुवाणा दुवे पवरा ॥ ११० ॥
 सो भणइ मज्झनियमो परिग्गहे चउप्पयस्स काउं जे । ताणि पुणो तस्स गिहे बन्धेत्तु गया नियट्ठाणं ॥ १११ ॥

सोऽवि य सद्धो चिन्तइ बाहिं सुक्का इमे हु लोगेहिं । बाहिज्जन्ति चरन्ति य अफासुयहरियमाईयं ॥ ११ ॥
 ताहे गिहद्धियाणं फासुयचारीए गलियमुदएणं । खाणेण य सो तेसिं करेइ सखं पि अक्खुणं ॥ १२ ॥
 अट्ठमिचउदसीसु य उववासं करिय धम्मसत्थाइं । बाएइ तेसि पुरओ ते सक्की ताणि सोऊणं ॥ १३ ॥
 भदयचित्ता जाया जद्धिवसं सावओ न जीवेइ । तद्धिवसं सुहभावा आहारं तेऽवि वज्जन्ति ॥ १४ ॥
 सट्ठस्स तेसु जाओ बहुमाणो समहिओ सिण्हो य । एए उवसन्तप्पा भावियचित्तं सि नाऊणं ॥ १५ ॥
 भण्डीरमणे जत्ता जाया नीया य ते अपुच्छाए । सावगेमेत्तेण तहिं जोएत्ता नियफिरिक्काए ॥ १६ ॥
 अन्नस्स एरिसा णत्थि एव सिङ्गारसुव्वहन्तेणं । अन्नलोहिं य सद्धिं धवाडिया तेण वसहेहिं ॥ १७ ॥
 ते यं मिलाणा छिन्ना सट्ठगिहे तेण आणिलं यक्खा । न चरन्ति नेय उदगं पिबेन्ति अहविहुरसव्वङ्गा ॥ १८ ॥
 विन्नायवइयेरेणं सट्ठेण य खिज्जियं बहुपयारं । भत्तं पच्चक्खाविय दिन्नो तेसिं नमोक्कारो ॥ १९ ॥
 तो मरिलं सुहभावा नागकुमारा महिद्धिया जाया । पेच्छन्ति य ओहीए उवसगं वट्ठमाणस्स ॥ २० ॥
 तुरियं तत्थागन्तुं जिणवरभत्तीए गिण्हए नावं । बीओ य तं सुदाढं निज्जिण्ह महिद्धियत्तेणं ॥ २१ ॥
 जं तस्स चवणकालो नवजाया ते य सो तओ नट्ठो । पणसन्ति ते य चलणेअहिंसं च करिन्ति वीरस्स ॥ २२ ॥
 लोगोऽवि तह करेई सुरेहिं बुढं च छुसुअजलवरिसं । नावाए उत्तिन्नो वीरो अट्ठरा पेडिगया य ॥ २३ ॥

१ अ-अनरेहिं । २ अ-मित्तं । ३ व-तेय । ४ अ-मिमं । ५ व-यन्ति । ६ अ-ए । ७ व-य ते । ८ व-करे । ९ परिणं ।

दग्गतीरे पडिकमिउं हरियावहिद्या य पत्थिओ भयवं । नइपुलिणे तत्थ पया दीसन्ति सुलक्खणा पवरा ॥ २४ ॥
 ते दद्धुणं चिन्तइ पुस्सो सामुदलक्खणफलंणू । पयचारेणं गच्छइ भविस्सचक्की फुडं एसो ॥ २५ ॥
 ता ओलगामि इमं साहेमि भविस्सलक्खणफलं च । जेणाहं लच्छीए आजम्मं भायणं होमि ॥ २६ ॥
 धूणागसन्निवेसे बाहिं पडिमं ठियं च सो वीरं । दद्धुं विसन्नचित्तो चिन्तइ मे निप्फलमहीयं ॥ २७ ॥
 जं चक्किलक्खणजुओ हिण्डइ अप्पत्तनिवसणाहारो । एसो हु समणरूवो ता लक्खणसत्थमुज्झामि ॥ २८ ॥
 एत्थन्तरस्मि सक्को आभोइय ओहिणा तहिं एइ । वन्दइ नमंसइ जिणं पभणइ सामुद्धियं तं च ॥ २९ ॥
 भो पूस ! किं विसन्नो अमुणन्तो लक्खणाण परमत्थं । एसो तिहुयणमहिओ अहुत्तरलक्खणसहस्सो ॥ १०३० ॥

अभिभन्तरलक्खणं पुण तुमं न याणासि—

रुहिरं गोखीराभं मंसं संखुज्जलं च निन्विस्सं । देहं आमयमलसेयवज्जियं सुरहिनीसासं ॥ ३१ ॥ इच्चाइ ॥
 धम्मवरचक्कवट्ठी असुरिन्दसुरिन्दवन्दिओ एसो । तिहुयणवरकप्पतरू अमोहवयणो महावीरो ॥ ३२ ॥
 संवच्छरं च दाणं वरवरियाघोसणेण दाऊणं । सासयसुहमोक्खवट्ठा तवसंजमरज्जमल्लीणो ॥ ३३ ॥
 ता सत्थमवित्तहं चिय मा निव्वेयं करेसु मग्गसु य । जं ते रोयइ आसा मा जायउ निप्फला तुज्झ ॥ ३४ ॥
 सामिं उद्दिसिय कया इय भणिउं देइ सुरवई तस्स । जं मग्गियं हिरन्नं सो तुट्ठो पणमए वीरं ॥ ३५ ॥

१ व-°याए । २ अ-लं च । ३ अ-°वरं च । ४ व-थोणा° । ५ अ-अट्ठो° । ६ अ-°त्थ अ° । ७ अ-सामिय उ° । ८ अ-°णिओ ।

पत्नो य पाउसम्मी रायगिहे तन्तुवायसालाए । तत्थ ठिओ णालन्दाबाहिरयाए महावीरो ॥ ३६ ॥

इओ य—

मङ्गलिमङ्गस्स सुओ भद्दाए उयरसंभवो अत्थि । गोसालाएँ पसूओ तो सो गोसालनामो त्ति ॥ ३७ ॥
अब्भसियमङ्गसिण्णो जोव्वणपत्तो य चित्तफलमकरो । एगागी हिण्डन्तो रायगिहे सोऽवि संपत्तो ॥ ३८ ॥
वासावासनिमित्तं सांमिं अनुनविय सालकोणम्मि । नियसिप्पदंसणपरो पुरलोयाणं ठिओ सोऽवि ॥ ३९ ॥
भयवं पि पढममासक्खमणस्स उ पारणम्मि भिक्खद्धा । विजयस्स गिहं पविसइ सो पासिय एज्जमाणं तं ॥ ४० ॥
अब्भुद्धइ अभिगच्छइ सत्तट्ठपए पयाहिणं कुणइ । हिट्ठमणो पडिलाहइ विउलाए भोयणविहीए ॥ ४१ ॥

भणियं च—

“पडिलाहिस्सामि त्ति तुट्ठे पडिलाहेमाणे तुट्ठे पडिलाहिए वि तुट्ठे ।”

एवं तिकालतुट्ठीसुद्धेणं परमपत्तदाणेणं । पुल्लं सुहाणुबन्धं उत्तममायज्जियं तेण ॥ ४२ ॥

किञ्च—

देवाउयं निबद्धं भवो परिस्सीकओ य अन्नोसिं । जणियं च बोहिबीयं पसंसणाहेउभावणेणं ॥ ४३ ॥

जओ—

१ ब-सामी । २ ब-०णं ति ।

एकं पि सयलकल्याणकारणं होइ परमसुद्धाए । दाणं सुणीण दिन्नं जहेव धणसालिभदानं ॥ ४४ ॥
जायाणि पञ्च दिव्वाणि ताणि दहूण रिद्धिलोभेण । गोसालो भणइ जिणं भयवमहं दुज्झ खीमो त्ति ॥ ४५ ॥
भयवं मोणेण ठिओ भासवखमणं करेइ बीयं तु । पारणाए आणन्दो पडिलाहइ खज्जगविहीए ॥ ४६ ॥
तइयम्मि पुणो नन्दो पारावइ सव्वकामगुणिएण । गोसालोऽवि निओदरभरणपरो सेवए वीरं ॥ ४७ ॥

कत्तिथपुत्तिमाए य ।

नाणी एसो सुम्मइ ता पाणपरिखणं करेमि त्ति । चिन्तिथ पुच्छइ बीरं अज्झाहं किं लभिस्सामि ॥ ४८ ॥
सिद्धत्थो भणइ तुमं कौदवकूरं च अम्बिलुम्मीसं । कूडं ख्वगमेगं दक्खिणकज्जे य पाविहिस्सि ॥ ४९ ॥
सो मगइ हिंडन्तो भण्डीसुणगो व्व भोयणं मिट्ठं । न य लहइ तओ संज्झासमए कम्मरयविडन्नो ॥ १०५० ॥
लद्धो कौदवकूरो सुक्खियतिसिएण अम्बिलुम्मीसो । तह ख्वगो य एगो परिक्खिओ जाव सो कूडो ॥ ५१ ॥
तो आगओ विलक्खो भयवं पि चउत्थखमणपारणए । नालन्दाओ विहरिय पत्तो कोल्लागगामम्मि ॥ ५२ ॥
बहुलदिएणं धयमहुजुत्तेणं पायसेण भसीए । पडिलाहिओ महप्पा पञ्च य दिव्वाणि सव्वत्थ ॥ ५३ ॥
गोसालो भयवन्तं अनियन्तो तुण्डसुण्डणं काउं । हिण्डइ विमग्गमाणो कोल्लागे आगओ मिलिओ ॥ ५४ ॥
वचइ सुवन्नखलयं सामी नत्थन्तरे अरत्तम्मि । महईए थालीए खीरिं रन्धन्ति गोवाला ॥ ५५ ॥
गोसालो भणइ पइ एत्थ पडिक्खेइ जेण भुज्झामो । निप्पज्जिही ण एसा खीरी इय आह सिद्धत्थो ॥ ५६ ॥

सोऽवि तमसइहन्तो ते गोवे भणइ एस देवज्जो । तीयाणागयवेया धालीए भइमाहसइ ॥ ५७ ॥
 ता रक्खह जत्तेणं तेऽवि य वंसविदलोहिं यन्धन्ति । रक्खन्ति तहवि फुट्ठा यट्टनन्दुलवेवपवभारा ॥ ५८ ॥
 गोवेहिं कवछाहं गहियाइं तेण किं पि नो लद्धं । ताहे विलक्खचित्तो धाविय मित्रिओ जिणवरस्स ॥ ५९ ॥
 सावत्थि संपत्तो कयाइ वाहिं ठिओ य पडिमाए । तो गोसालो पभणट्ठ भिक्खवांचलं त्ति पविमामो ॥ ६० ॥
 नयरीए सिद्धत्थो जम्पइ भो अज्ज अन्तरं अग्गह । सो भणइ ममं साहसु अज्जाहं किं लहिस्सामि ॥ ६१ ॥
 अज्ज तुमे भोत्तव्वं माणुसमंसं ति आह सिद्धत्थो । तमहं अज्ज गहिम्मं मंसस्स न संभवो जत्थ ॥ ६२ ॥
 सो हिण्डिउमाहत्तो तत्थ य गाहावई उ पियदत्तो । तवज्जा सिरिदत्ता सा निन्दू पुच्छए एगं ॥ ६३ ॥
 सिवदत्तं नेमित्तिं किह मे जीवेज्ज पुत्तभण्डाइं । सो भणइ नियं गव्वं पीसित्ता पायसं कुणह ॥ ६४ ॥
 सुतवस्सिस्स पयच्छह नियघरदारं च अन्नओ दुत्तं । कायव्वं सो नाउं नियतवनेण मा दहिही ॥ ६५ ॥
 इय ते पयाथिरत्तं सोउं चेमं तहाकयं तीए । गोसालो हिण्डन्तो तीए पविट्ठो घरे कह वि ॥ ६६ ॥
 तीए वि तस्स दिन्नो पुव्वुत्तो पायसो महुघयट्ठो । नत्थेत्थ नूण मंसं इय भुत्तो तुट्ठचित्तेणं ॥ ६७ ॥
 आगन्तूण य जम्पह वट्ठइ नेमित्तियत्तणं तुज्झ । कुणमाणस्स उ सुहरं अज्जं चुक्कं तुह निमित्तं ॥ ६८ ॥
 विहडइ मज्झ निमित्तं न कयाइ वि एवमाह सिद्धत्थो । पत्तियसि जह न तो वमसु तेण पमियं तओ दिट्ठं ॥ ६९ ॥

१ अ--०टले० । २ अ--०देवं । ३ अ--अवज्ज ।

नाओ तुम्ह पहावो छुटो एसो तुहाणु भावेणं । ता खमह मज्झ भयवं न याणिओ तुम्ह सीसो ति ॥ ८२ ॥
 गोसालो पुण पुच्छइ किमस जूयायो भणइ भयवं ! । कहियं च तेउलेसासामत्थं सामिणा तैस्स ॥ ८३ ॥
 तो संभन्तो पुच्छइ किह एसा होइ जो उ गोसाला । छटं छट्टेण तवं करेइ आयावणानिरओ ॥ ८४ ॥
 पारणए य नहन्तं सुञ्जइ कुम्मासपिण्डियं एगं । पियइ उदगस्स पसइं छम्मासं जाव तस्सेसा ॥ ८५ ॥
 जायइ एवं कहिउं कुम्मग्गामम्मि विहरिओ वीरो । चलिओ तेण पहेणं तिलथम्भो जत्थ दिट्ठो ति ॥ ८६ ॥
 सो महुसुओ पभणइ तिलथम्भो सामि ! सो न निप्फन्नो । निप्फन्नो गोसाला पुप्फजिया तह तिला जाया ॥ ८७ ॥
 उक्खणसि तुमं तइया मिच्छावाइत्तणं मम कुणन्तो । गोखुरनिहओ नवरं सुरकयवासेण सो लग्गो ॥ ८८ ॥
 लो य असइहमाणो तत्थ गओ पेच्छए तहेव तयं । पक्खोडइ सुंगणियं करम्मि दिट्ठा य सत्त तिला ॥ ८९ ॥
 कोइवियकूरभोयणपायसथालिनग्गमंसभोगम्मि । तिलनिप्फत्तीए तहा तेणं गहिओ नियह्वाओ ॥ ९० ॥
 तो सामिसयासाओ फिट्ठेउं सो गओ यं सावत्थि । साहेइ तेउलेसं कुलालसालाए पुवुत्तं ॥ ९१ ॥
 छहिं मासेहिं य जाया दासीए परिक्खिया य कूवतडे । तो दिट्ठपच्चओ सो गुरुहरिसो दप्पमावन्नो ॥ ९२ ॥
 मिलिया छ सिद्धपुत्ता अवितहनेमित्तिया नया तस्स । तेसि सयासेऽहीयं निमित्तमह लोयमोहणयं ॥ ९३ ॥
 अजिणो जिणप्पलावी अकेवली केवलप्पलावी य । सो हिण्डइ मयमत्तो बहुअन्तेवासिपरियरिओ ॥ ९४ ॥

१ व-तुह पहा० । २ व-तत्थ । ३ अ-०शुवो । ४ अ-०तिवा० । ५ व-उ ।

भयवं पि विहरभाणो दहभूमिं आगओ बहिं तीए । पेढाले उज्जाणे पोलासं चेइयं तत्थ ॥ ९५ ॥
 अट्टमभत्तेण ठिओ अइहुक्करमेगराइयं पडिमं । अनिमिसनयणो एगस्मि पोगलेऽचित्तहम्मि ॥ ९६ ॥
 निच्चलनिरुद्धदिट्ठी सुद्धज्झाणोपलम्बियसुओ य । ईसिं ओणयकाओ निक्कम्पो मन्दरगिरि व्व ॥ ९७ ॥
 सक्को य देवराया भगवन्तं ओहिणा पलोएउं । संजायवहलहरिसो बहुसुरपरिसाए मज्झगओ ॥ ९८ ॥
 सामिस्स नमोक्कारं काउं पञ्चङ्कयपणामो य । अच्चन्सुयजयपहुचरियरञ्जिओ भणइ गुरुसइं ॥ ९९ ॥
 सन्वं पि हु तेलोक्कं अभिभूय ठिओ अहो ! महावीरो । देवेहिं दाणवेहिं ज्ञाणाओ ण तीरए चलिउं ॥ १०० ॥
 गुरुपवणेहिं व मेरू इय सोउं चिन्तए अभव्वसुरो । पावमई संगमओ सुरवइसामाणिओ तत्थ ॥ १ ॥
 सच्छन्दवाइसक्को अहवा रागेण एवमुल्लवइ । को किर मणुस्समेत्तो चालिज्जइ नो सुरेहिं पि ॥ २ ॥
 चालेमि अहं गन्तुं सक्को पुण तं न वारए इन्तं । परनिस्साए अयवं कुणइ तवं मा इमं सुणउ ॥ ३ ॥
 सीहस्सेव सियालो तुच्छप्पा वायसो व्व गरुडस्स । वीरस्स खोहणत्थं पोलासे आगओ सोऽवि ॥ ४ ॥
 धूलीवरिसं बेहलं पिपीलियाओऽवि वज्जतुण्डाओ । दंसा धर्मेइल्ला विच्छुया य नउला अइकराला ॥ ५ ॥
 मूसा सप्पा य करी करेणुया वग्घदुइवेयाला । खरमारुयमण्डलिमारुया य सिद्धत्थतिसलाण ॥ ६ ॥
 करुणं विलवन्ताइं रेयाइं विउव्वए रुयन्ताइं । पक्कणओ जिणवरतणुविलइय बहुसउणपञ्जरओ ॥ ७ ॥

१ अ-सुणउ । २ अ-बहुल । ३ व-ओ य । ४ अ-यउ । ५ व-वाइ ।

जिणचलणन्तरमङ्गलरन्धओ विरइओ य सुयारो । एएहिं जा न खुहिओ ताहे र्हो वहनिमिच्चं ॥ ८ ॥
 अर्यभारसहससमयं सिरम्मि गयणाओ सुयइ सो चक्कं । पडिहाएणं जस्स हु चुन्निज्जइ पन्वयवरोऽवि ॥ ९ ॥
 भयवं पि जाणुमेत्तं खुत्तो धरणीए वज्जकट्ठिणाए । वालगं पि न भयवं क्षाणाओ चलइ धीरप्पा ॥ १११० ॥
 दंसइ स्सरसुदयं भणइ य देवज्जगा किं न वयसि । अयवं पि सुणइ अज्जवि चट्ठइ रयणी इमा माया ॥ ११११ ॥
 वीसइस्यो उवसगो अणुकूलो एस होइ नायव्वो । अहवावि इमो भणइ संगमओ भणइ जिणवीरं ॥ ११२ ॥
 तुट्ठोमि तुज्झ भयवं ! सगं तं नेमि अहव पाएसु । पाडेमि तुज्झ तिजगं अहवा जं मग्गियं देमि ॥ १३ ॥
 इय वीसं उवसग्गा एक्कनिसाए कया उ पावेणं । छम्मासं जाव पुणो अन्ने अणुकूलपडिक्कला ॥ १४ ॥
 जा चालिदं न सक्कइ सामी मण्यंयपि धम्मज्ञाणाओ । ताहे निट्ठिवन्नमणो आउट्ठो पडइ पाएसु ॥ १५ ॥
 खामेइ य अवरहं सच्चं तं सामि ! जं भणइ सक्को । तुम्हे सच्चपइत्ता भट्ठपइत्तो अहं जाओ ॥ १६ ॥
 संपइ हिण्डइ विहरइ सुज्झह न करेमि किञ्चि उस्सगं । इय भणिओ भणइ पट्ठ हो संगमया ण कस्सावि ॥ १७ ॥
 होमि अहं वत्तव्वो नियइच्छाए अईमि चिट्ठामि । संगमओ य विलक्खो कयगुरुपणइ गओ सगं ॥ १८ ॥
 इओ य—

१ अ—°तिमा° । २ व—°रिम्मि । ३ व पुस्तके—अस्या गाथाया उत्तरार्द्धमद्येवतगाथायाश्च पूवार्द्धं नास्ति । ४ अ—तह वि हु ।
 ५ अ—°यंति । ६ व—णाउट्ठो । ७ व—उवस° ।

सक्काईया देवा उड्विगगमणा य तत्थ चिट्ठन्ति । परिचत्तहासकीला पेच्छन्ता सामिउवसग्गे ॥ १९ ॥
संगमयमेज्जमाणं दट्ठूण परंमुहो ठिओ सक्को । जम्पइ भो भो तियसा ? एस दुरप्पा अदट्ठब्बो ॥ ११२० ॥
एएण चित्तरक्खा ण कया अम्हाण जं जिणिन्दस्स । विहिया महोवसग्गा तिहुयणजणवन्दणिज्जस्स ॥ २१ ॥
ता एस असंभासो निव्विसओ होउ एव भणियम्मि । सो नियदेविसमेओ मन्दरसिहरे ठिओ गन्तुं ॥ २२ ॥
भयनं पि बीयदिवसे घोसगओ वच्छवालथेरीए । पडिलाहिओ सुहरिसियमणाएँ दोसीण खीरीए ॥ २३ ॥
दिव्वाणि पञ्च भूयाणि विहरमाणो गओ य सावत्थि । बाहिं पडिमाएँ ठिओ उज्जाणे तत्थ लोएणं ॥ २४ ॥
जत्ताएँ खन्दपडिमा अलङ्किया पुप्फवत्थमाईहिं । रहआरोहनिमित्तं आढाइ न कोइ वीरस्स ॥ २५ ॥
णाऊण ओहिणा तो सक्को अणुपविसिऊण तं पडिमं । चलिओ वीराभिमुहो लोगो तुट्ठो इमं भणइ ॥ २६ ॥
सयमेव रहे देवो विलगिगही सोऽवि पणमए गन्तुं । वीरं ताहे लोगो आउट्ठो एस देवो त्ति ॥ २७ ॥
पूएइ महावीरं सक्कोऽवि हु होइऊण पच्चक्खो । वन्दइ नमंसइ जिणं सरीरखेमं च पुच्छेह ॥ २८ ॥
निइयसंगमयामरदुस्सहविविहोवसग्गकस्सवट्ठे । निव्वडियं जयपहुणो वीरत्तं थोउमाढत्तो ॥ २९ ॥

जय संगमयसुरेण देव ! दारुणपरिणामिण विरहघोरुवसगविविह तुहखोहणकामिण ।
नवरि न ज्ञाणह वलिउ चित्तु तुह वीर ! उदारह गुरुवाओविलिह चलिइ सिहरु किं कुलगिरिसारह ॥११३०॥

तणु संछाइउ बहलधूलिसंभारनिवाहण खण्डिउ तेण पयण्डतुण्डउडुंसन्निकाईण ।
 पीवरनउलुन्दुरेहिं दीहदाहुगोहिं विघलिउ तहवि समाहिहि बद्धलक्खु तुह चित्तु न तरलिउ ॥ ३१ ॥
 दुद्धपिपीलियकुलिसतुण्डघेइल्लमहिह्लिय केसरिकन्धररोमवन्नविह्वुयगणपेह्लिय ।
 छिन्दिउ भिन्दिउ डसिउ तेहिं तुह देहु करालिउ सुहज्झाणह सोडीर वीर ! मणु तुज्झ न चालिउ ॥ ३२ ॥
 सुण्डाडण्डेण लेवि गयणि तुह तणु उल्लालिउ पहणिउ दन्तगेहिं गैएण महियलि अप्फालिउ ।
 घोरघुरुक्कारोविवग्घरूवेहिं विहण्डिउ धम्मज्झाणु पहाणु तोऽवि तुह णाह ! ण खण्डिउ ॥ ३३ ॥
 खुहियकयन्तसमाणु फुरियभासुरकत्तियकरु दीहरदसणकरालवयणु तिहुयणह भयंकरु ।
 विरइउ गुरुवेयालु तेण तणु तुज्झ कयत्थिउ तुह मणु तोऽवि न वीर ! धीर ! उम्मग्गि पत्थिउ ॥ ३४ ॥
 सक्करेणुहिं निविडघाउ खरमारुइं ताडिउ मण्डलिवाइं कुलालचक्क जिह अड्डु भमाडिउ ।
 तेहिं न खोभिउ वीर ! तंसि न य दुद्धमुयङ्गिहिं खोहिज्झइ केसरिकिसोरु किं कैहिं वि कुरङ्गिहिं ॥ ३५ ॥
 पुण गयणग्गह कालचक्कु सिरिसुक्कु सुरुह्णिण गिरिगुरु तेण सुत्तिक्खधारु सुरनरह अणिट्ठिणो ।
 तसु घाएण तुह जाणु जाव तणु धरणिहिं खुत्तउ चलिउ न चित्तु समाहिमग्गि पसरन्तु निरुत्तउ ॥ ३६ ॥
 विहरिउ तणु छम्मासु जाव बहुविहउवसगेहिं छाणभड्डु पारसु वीर ! तुह नेगेहिं मग्गेहिं ।

१ व-०रण । २ अ-नेवमु० । ३ अ-गयणि । ४ व-०राव० । ५ अ-कहि । ६ व-०ट्टेण । ७ व-०ट्टेण । ८ व-०णिहि ।

विहडिउ तोऽवि न देव ! चित्तु सुविसुद्धह भावह विहडह किं कत्थइ सुवन्नु उत्तिन्नु सुतावह ॥ ३७ ॥
बहुसो सुरु पाविहु दुट्ट परिभहु पइन्नहि तिहुयणि भायणु विगयणुसु संपन्नु अवन्नहि ।

तेहु पुणु तिन्नपइन्नभारु तहं जसु वित्थारिउ कुन्दसमुज्जलु सुवणमज्झि पसरह अनिवारिउ ॥ ३८ ॥
गरुयपरक्कमसत्तसारभत्तिअरभारिउ तहं उवसग्गपडिक्खलंतु हउं देव ! निवारिउ ।

किं खरनहरपहारु घोरदाढालिविराइउ करिवरैणिसंघट्टि करइ हरि अवरु सहाइउ ॥ ३९ ॥
तहं पैहु घोरुवसग्गसोढ बारस संवच्छर सामि ! अकारणरुहुट्टजणजणियअमच्छर ।

धीरत्तणु तुह किं पि अन्नु निरुवसु अहुट्टिउ वीरैनाउं पैइं लोयमज्झि पायडिउ जहट्टिउ ॥ ११४० ॥
तेहु अतुलियवल्लु विमलनाणु गरुभीरथिरासउ सारथससहरकन्ति खन्तिकारुन्नह आसउ ।

निरुवमसत्तुपसन्तचित्तु तहं जणु आणन्दिउ तुहु पयजुयल्लु नरिन्दचन्ददेविन्दिहि वन्दिउ ॥ ४१ ॥
इय थोऊणं सक्को काऊण पयाहिणं गओ सग्गं । भयवं वेसालीए संपत्तो विहरमाणो उ ॥ ४२ ॥

समरे उज्जाणम्मी बलदेवगिहम्मि संठिओ भयवं । चाउम्मासियल्लमणं उवसंपजित्तु वासासु ॥ ४३ ॥
तत्थत्थि परमसहो जिणदत्तो जो जणम्मि विक्खाओ । विहवक्खएण सेट्ठिण्यचाइओ जिन्नसेट्ठि त्ति ॥ ११४४ ॥

जो य—

१ ब-पहु सो । २ अ-तुहं । ३ ब-रण । ४ अ-वहुं । ५ ब-वीरुं । ६ ब-पइं । ७ ब-तुहु । ८ ब-वेहिं विं । ९ ब-पडिमं ।

जीबाइपयत्थविऊ चीवन्दणमाइधम्मकिबेसुं । निचं चिय उजुत्तो उदारयाइगुणजुओ य ॥ ४५ ॥

किञ्च—

जह भिक्खुणं बारस मासाइया हवन्ति पडिमाओ । तह सावयाण दंसणमाई एक्कारस पडिमा ॥ ४६ ॥
दंसणवयसामाइयोसहपडिमा अबग्गमसच्चित्ते । आरम्भपेसउद्धिवज्जाए समणभूए य ॥ ४७ ॥
एमाई परिभाविअ जह सत्तीए य फासियप्पडिमो । सत्ताइसु मेत्ताइगुणेहिं पवरेहिं उववेओ ॥ ४८ ॥
दिट्ठो य तेण भयवं णाओ अरिहा इमो ये चरिमो त्ति । वन्दह य पज्जुवासह पइदियहं परमभत्तीए ॥ ४९ ॥
नाओ अ विहरणेणं मासक्खमणेण संठिओ भयवं । कत्तिगिदिवसे चिन्तह नूणं पारिस्सई अज्ज ॥ ११५० ॥
तो^३ जह कहमवि गेहे आगच्छह मज्झ पुन्नजोगेणं । ता पडिलाहेमि अहं इय चिन्तिय अच्छए पउणो ॥ ५१ ॥
पउणियवरभोजविही भिक्खवासमए य गोयंरं पविसे । मत्तवरवारणगई वीरो चउमासखवणन्ते ॥ ५२ ॥
अडमाणं दइणं हरिसियहियओ य कुणह सो चिन्तं । सत्तट्ठपयाइ अहं समुहं गन्तुं जिणवरस्स ॥ ५३ ॥
तिपयाहिणं करिस्सं पणमिस्सं भूमिनिहियभालयलो । पडिलाभिस्सामि तओ निययकरेहिं सुभत्तीए ॥ ५४ ॥
सफलं मज्झ भविस्सह जम्मं जीयं च माणुसत्तं च । आगच्छिस्सह भयवं मज्झ गिहे अज्ज जह कह वि ॥
इय जिणवरभत्तीए पइसमयसमुल्लसन्तपरिणामो । अज्जिन्तो सुहपुहं खवयन्तो पावकम्माइ ॥ ५५ ॥

१ ब-०पेसि । २ ब-उ । ३ ब-त्ता ।

जा चिद्वह ता भयवं अहिणवसेद्विस्स मन्दिरं पत्तो । तेण य उदासभावा भणियं रिसिणो दलह भिक्खवं ॥
 दिक्षा तो कुम्मासा गिहकम्मयरीएँ सेद्विवयेणं । जाया य पञ्चदिक्खा पारिय वीरो गओ तत्थ ॥ ५८ ॥
 दुन्दुहिसदं सोउं दूहुं देवागमं च सो चिन्ते । पडिलाभिओ जिणिन्दो केणह इह पुत्रमन्तेणं ॥ ५९ ॥

अवि य—

चिन्तामणी उ एसो कप्पतरू जङ्गमो तिहुयणम्मि । अम्हारिसाण गेहे नागच्छह पुत्तरहियाण ॥ ११६० ॥
 एवं विसन्नाहियओ दाणुल्लासपरिचट्ठणनियत्तो । बन्धइ अञ्जुयकप्पे आउं उक्कोसयं अह सो ॥ ६१ ॥
 खणमेत्तं न सुणन्तो दुन्दुहिसदं तु जइ सुपरिणामो । आरुहिय खवगसेहिं ता केवलमेव पाविन्तो ॥ ६२ ॥
 अहिणवसेही एत्थं कयउन्नो जस्स एरिसी जाया । रिसिदाणेणं रिद्धी एव पसिद्धी जणो कुणह ॥ ६३ ॥
 दाणुज्जयस्सवि इमा न जिन्नसेद्विस्स ता इमं सव्वं । अच्छी पसारिय चिय कज्जलयं वाउणा नीयं ॥ ६४ ॥
 पासजिणस्सें य केवलि तत्थुज्जाणे समोसढो तइया । तं वन्दिउं पुरजणो हिड्डमणो पज्जुवासेह ॥ ६५ ॥

केवलिणा भणियं—

धम्मे उज्जमियव्वं लद्धुं माणुस्समाइसासग्गिं । धम्माधम्माण फलं पयडं चिय दीसए जेणं ॥ ६६ ॥
 उत्तमकुलेसु धत्ता एगे जायन्ति खत्तियाईल्लुं । चण्डालभिल्लमाइसु अन्ने जायन्ति कयपावा ॥ ६७ ॥

१ त-०मेस । २ व-० स्स केवली । ३ अ-हेड्डं ।

चित्तिधवलहरेसुं गवक्खसारेसु केइ निवसन्ति । अन्ने उ तणकुडीरे नीए बिलघूलिकलियम्मि ॥ ६८ ॥
 वरभोज्जखल्लगनिही सव्वरसं केइ एत्थ मुञ्चन्ति । अन्ने कुलत्थकोर्धवकूरम्मिलमाइ न लहन्ति ॥ ६९ ॥
 पइंसुयाइपवरे सहगघवत्थे य केइ परिहन्ति । अन्ने उ जिन्नकम्बलिडण्डियखण्डां निवसन्ति ॥ ११७० ॥
 मणिकञ्चणल्लुरियासु य सेज्जासुं पवरतूलिकलियासुं । एगे सुयन्ति अन्ने खडसत्थरयं पि न लहन्ति ॥ ७१ ॥
 करिपुरजरहाईसुं एगे गच्छन्ति पवरजाणेसुं । अन्नेणुवाहण चिय ढणक्कयं देन्ति फुट्टपया ॥ ७२ ॥
 पाहालयसदेहिं केइ वि उज्झ(ड)न्ति गीयसदेहिं । अन्ने अरन्नवासी सियालरावेहिं जगन्ति ॥ ७३ ॥
 अन्तेउरमेगेसिं ख्वाइजुयं वियक्खणविणीयं । अन्ने निम्महिल चिय दुम्महिला अहव जायन्ति ॥ ७४ ॥

तथाहि—

आलत्तावि न आसइ भिउडिं कौंउं व देइ उल्लावं । अज्जाघरघण्टा इव छिक्का सुइरं कणकणेइ ॥ ७५ ॥
 एगे चार्इ ओगी अन्ने देहि ति जम्पणो रक्का । नग्गुघाउा अवरे करेन्ति कम्माइ परगेहे ॥ ७६ ॥
 सिस्सिरे गमन्ति रयणिं वरपाउरणेहिं पाउया एगे । अन्ने देसउडीए वायन्ति उ दन्तवीणाओ ॥ ७७ ॥
 केसिस्सि कुलुद्धरणा धम्मत्थपरा हवन्ति वरपुत्ता । अन्नेसिं बहुयाओ दुच्छरहण्डाओ धूयाओ ॥ ७८ ॥
 निसुणन्ति केइ निचं जिउ देव ! महापहु ! ति वयणाइं । अन्ने मदिइ ! पाविइ ! फिट्ठइय धरिणिमाईणं ॥ ७९ ॥

१ व-कुइ° । २ व-दिन्ति । ३ व-सीयालरेवेहि । ४ अ-काउं व । ५ य-मोह । ६ व-ज्जे ।

केइ विलेवणमङ्गे कुङ्कुमकंथूरिया य लायन्ति । अन्ने धूलीमलकदमाविला एत्थ हिण्डन्ति ॥ ११८० ॥
केइ वि नीरोयतणू केइ वि कुङ्काइदुट्ठगयविहुरा । केइ चिराज अन्ने बालावत्थाईसु मरन्ति ॥ ८१ ॥

एवं च नाऊण—

सयणे धणे असारे मोहं मोत्तण कुणह जिणधम्मं । जं परभवाणुगामी सो चिय जोहारमित्तो व्व ॥ ८२ ॥

किञ्च—

माणुस्सं मूलधणं पाविय लाभो बुहेण कायव्वो । न उ छेयमाइतिन्नि उ वणियसुया एत्थुदाहरणं ॥ ८३ ॥
एमाई सोऊणं पडिबुद्धा पाणिणो तहिं बहवे । पुब्बइ य पुरजणो तो भयवं ! को एत्थ पुन्नो त्ति ॥ ८४ ॥
जिज्ञेयरसेट्ठीणं भयवं पि हु आह जिन्नसेट्ठि त्ति । जं दाणुल्लाखेणं तेण बहू अज्झिओ लाभो ॥ ८५ ॥
अच्चयकप्पुप्पत्ती अहरेण य सिवसुहं चै सो लहिहि । तप्परिणामो य तहिं पुब्बुत्तो तेसि पक्किहिओ ॥ ८६ ॥
इयरस्स एगभविया हिरन्नबुट्ठी न पेच्चसुहहेऊ । सावि य जिणभत्तीए खित्ता नो तस्स बहूमाणा ॥ ८७ ॥
सद्धारहियमविहिणा दाणं पि न होइ सुहफलं जम्हा । दाणासंपत्तीयवि विसिद्धसद्धा महाफलया ॥ ८८ ॥
वीरोऽवि सुंसुमारे गन्तुं बाहिं ठिओ महापडिमं । तत्थ य चमरुप्पाओ जाओ सो भन्नाए इण्हि ॥ ८९ ॥
एत्थेव भरहवासे वेभेलो नाम सन्निवेसो त्ति । तत्थत्थि अइसमिद्धो गाहवई पूरणो नाम ॥ ११९० ॥

१ ब-°कप्पुरियाइ ला° । २ अ-°यसु । ३ ब-च होहीओ । ४ ब-पहु° ।

मज्झिमवयपत्तो सो धम्मसत्थी पुच्छिउं सयणवग्गं । दारुमयं चउपुडगं पट्टिगहं कारवेज्जं ॥ ९१ ॥
पट्टिवज्जो पव्वज्जं पाणायामं अभिगगहं गेण्हें । जावज्जीवं छट्ठंछेण तवं करिस्सामि ॥ ९२ ॥
पारणए पुण पढमे पुडए जं पडइ भिक्खवरियाए । तं पट्टियाणं दोच्चे वायससुणगाइयाणं च ॥ ९३ ॥
तच्चे य जलथराणं दायव्वं मच्छकच्छभाईणं । जं पुण चउत्थपुडए तं भुञ्जिस्सामि सयमेव ॥ ९४ ॥
कुणमाणस्स य एवं बारसवासा उ तस्स बोलीणा । अन्ते तवसुसियङ्गो पच्चक्खियभत्तपाणो उ ॥ ९५ ॥
पाओवगमनिर्वत्तो दिट्ठा रूढे जणे य खामेत्ता । अच्छइ समाहिचित्तो मासियसंलेहणाज्जुसिओ ॥ ९६ ॥
कालं काज्जण तओ उववन्नो चमरचञ्चनानामए । असुराण पुरवरीए चमरो नामेण असुरिन्दो ॥ ९७ ॥
सीहासणं निसन्नो सोहाभावेण ओहिणा उहुं । सोहम्मगयं सक्कं पासइ सुरभडसहामज्जे ॥ ९८ ॥
तं दहुमासुरुत्तो अप्पत्थियपत्थियाइगुणजुत्तो । को एस सुहं चेहुइ अवमन्नन्तो तिणं व जगं ॥ ९९ ॥
पुच्छइ य निँए देवे उहुं को एस रिद्धिमयमत्तो । चिट्ठइ मम सीसोवरि तेऽवि य साहेन्ति पञ्जलिया ॥ १०० ॥
एसोऽगवि देवराया सामी सोहम्मवासिदेवाणं । पट्टिवक्खमहणपच्चलवज्जधरो अतुलथलरिद्धी ॥ १ ॥
तं सोउं सुहुयरं परिकुविओ भणइ अज्ज टालेमि । नियमुयपरक्कमेणं विलसन्तो सुरवराण मिँरि ॥ २ ॥
असुराणवि एस पट्टइ हवेज्ज अहवा अहं सुराणं पि । एकम्मि न मायन्ति य पडियारे दोन्नि खगगाहं ॥ ३ ॥
१ अ-गेणइ । २ व-वन्नो । ३ अ-मेहु । ४ व-मेत्तो । ५ व-चिट्ठं । ६ व-ण व । ७ व-निययदे । ८ व-साहिं । ९ व-हु ।

असुरमहल्लएहिं भणिगं—

पुव्वज्जियपुत्तेहिं सामि ! सुरिन्दत्तणं इमो पत्तो । तं असुरिन्दो जाओ नियसुहकम्माणुसारेणं ॥ ४ ॥
सा नत्थि इह विरोहो परोप्परं तुज्झ पुव्ववहरं वा । नियठाणठिया दोऽवि दु उवमुअह सुरसिरिं पत्तं ॥ ५ ॥
अन्नं च न दालेउं सफ़इ तुम्हेहिं नियच्चलेणेसो । एरावणं निहन्तुं किं सफ़इ कोइ इयरकरी ॥ ६ ॥
नियसाअत्थणुरुवो होइ विरोहोऽवि बुद्धिअन्ताणं । अहियबले कीरन्तो जसत्थतणुभाणानिम्महणो ॥ ७ ॥
न य भाहणं सफ़रस तुम्ह लहुयत्तणं च कुणभाणा । एव भणेमो अम्हे किन्तु सरूवं इमं भणिगं ॥ ८ ॥
असरो पभणइ चेइह तुम्हे वीसत्थमाणसा एत्थ । एगोऽवि अहं गन्तुं हयमहिगं तं करिस्सामि ॥ ९ ॥
जं एक्को द्विय सीहो निहणइ भयअत्तकुअरसमूहं । एक्को विहङ्गराया विहवइ य उगगनायकुलं ॥ १० ॥
गुरुभिउडिआसुरसुहो एवं भणिऊण सो समुप्पहओ । दप्पन्धाणं अहवा गुणदोसचियारणा नत्थि ॥ ११ ॥
कुण्डलकिरीडकेअरहारवरकडयअण्डियसरीरो । दङ्खुण महावीरं संपत्तो तुंसुमारम्मि ॥ १२ ॥
कयत्तिपयाहिणकम्मो पणमित्ता भूमिनिहियभालयलो । रइयकरजुयलमउलो वीरं चिन्नवइ सो एवं ॥ १३ ॥
सामिय ! तुह पयजुयलं चिन्तामणिकप्पपायवसमाणं । सुहसंपयाण मूलं दुहआवइणासणं परमं ॥ १४ ॥
तुम्ह पभावेणाहं देविन्दं निज्जिणेज्ज जयनाह ! । वसणावडियस्सवि मज्झ सामि ! सरणं तुमं चेव ॥ १५ ॥

१ ब-तुम्ह । २ ब-चिट्ठं । ३ ब-विहं ।

तओ य—

असिमसिकज्जलघनं विगरालं सुरनराण तासणयं । जोयणसयसाहस्सं विउव्वए भीसणं रुवं ॥ १६ ॥
धेणूण महाफरिहं गज्जइ उल्लइ कुणइ एकाओ । दलइ य भूमिचवेडं करेइ पयदहरं घोरं ॥ १७ ॥
सीहो व नदइ तुरओ व हेसए गुलुगुलेइ हत्थि व्व । अडुडअडुलीए सुहं तिरिच्छं विडम्मेइ ॥ १८ ॥
खोहन्तो अहलीगं कम्पेमाणो य मेइणीपीढं । फोडेमाणो व्व नहं पकरेन्तो वणरयेग्घायं ॥ १९ ॥
तमुकायणज्जिविज्जं बुद्धिं च कुणन्तओ सधुप्पइओ । तासन्तो वणवरए जोइसिए दुहवि भयमाणो ॥ २० ॥
पत्तो सहं सुहम्मं एणं पायं सहाए नज्जम्मि । धीयं च वेइयाए काउं इय भणिउमाउत्तो ॥ २१ ॥
भो भो सक्का सामाणिघा ! य ओ आयरक्खदेवा ! य । सुमरह सा सुररिद्धी भुत्ता जा एत्तियं कालं ॥ २२ ॥
अज्जं मेहमि अज्जं वहेमि सग्गाओ अज्ज दालेमि । अहवावि भिच्चभावं पडिवज्जाह मज्झ सन्वेऽवि ॥ २३ ॥
चमरम्मि वि प्परोक्खे तुम्हं पि पटुत्तणं ईमं आसि । रविविरेहे ससिणोऽवि हु फुरइ पयावो नहयलम्मि ॥
संपइ सकं मोतुं सुररिद्धी संकमेव चमरम्मि । अमरयह तौ य इमा तस्सेवाराहगा होन्तु ॥ २५ ॥
सुरजोहावि हु चमरं समागयं पेच्छिऊण संभन्ता । कुव्वयणभासणेण य अमरिसिया भणिउमाउत्ता ॥ २६ ॥
भो चमरा ! कोऽसि तुमं भुल्लो अभिओ य किञ्च उम्मसो । किं तं वारुएरिओ जं पलवसि इय विरुद्धाहं ॥ २७ ॥

१ व-करं । २ व-रुं । ३ व-इहं । ४ व-तो । ५ ज-दोसु । ६ व-धंतं ।

केसरिशुहं सियालो एह जहा तस्स टालणनिभिच्चं । तह तं पत्तो इह सुरवइस्स दम्भोलिपाणिसस ॥ २८ ॥
 अहवा तुज्झ विणासो उवट्ठिओ जमइभूसिमायाओ । पक्खा पिपीलियाणं मच्चू समए चिय हवन्ति ॥ २९ ॥
 ता नत्थि तुज्झ मोक्खवो सुमरसु जो कोड अत्थि तुह सरणं । सुरभडपहारपहओ लहसि फुडं दुन्नयस्स फलं १२३० ॥
 इय भणिऊणं चमरं समकालं पहरिउं समाढत्ता । तेण छत्ति महिया पयडं पवणेण जलय व्व ॥ ३१ ॥
 ते चित्तोसिय समुहं अक्कोसन्तो य एह सक्कस्स । रोसावेमपरब्धो देविन्दो चिन्तए एव ॥ ३२ ॥
 नोवसमइ दप्पन्धो एसो हियकहणसामुवाएण । जलइ चिय जलसित्तं घयं सुतत्तं हुयवहेण ॥ ३३ ॥
 इय सुणिय तरस मुञ्चइ वल्लं जालासहस्सपजलन्तं । अङ्गारसहस्साइं चिक्खिन्नरमाणं फुल्लिन्दंहु ॥ ३४ ॥
 सो तं दहुं भीओ अहोसिरो उहुपयजुओ नट्ठो । कम्पन्तसव्वगतो हा निहओ मन्दभगो ति ॥ ३५ ॥
 परिगलियहारमउडो वेगेणणुगच्छमाणसयधारो । वीरस्स पविट्ठो कमजुयस्स मज्झम्मि अट्ठतुरिआ ॥ ३६ ॥

इओ य सक्को—

नो जिणवराइनस्सं मोचुं चमरो पहु इहागन्तुं । ता कस्स कया निस्सा इय चिन्तिय ओहिणा नियइ ॥
 पासइ य वीरनाहं तओ य हाहा अजुत्तमावडियं । जिणआसायणहेउं खडहडिओ अकयपुत्तोऽहं ॥ ३८ ॥
 वेगेण य आगन्तुं वल्लं पडिसाहरेइ अप्पत्तं । चउरहुलेहिं जिणवरचलणेसुं लल्लियमणो उ ॥ ३९ ॥

१ अ-°मय° । २ अ-°त्रासिय प° । ३ अ-°मवा° । ४ ब-पुल्लिगत्यं ।

तिपयाहिणं च काउं वन्दइ खामइ पुणो पुणो वीरं । कहिऊण चमरपरिहवहयमागद्धकरजुगलो ॥ १२४० ॥
 सुक्कोऽसि चमर ! चिहसु वीसत्यो भगवओ पभावेणं । इहरा बुक्को होन्तो वज्जहओ असुररिद्धीणः ॥ ४१ ॥
 चमर ! तए साहुकयं सामीसरणं पवज्जमाणेणं । जं सव्वस्सवि सरणं एसो चिय वसणएत्तस्स ॥ ४२ ॥
 जा यं तुमे गलगब्बी सुराण पुरओ कया विगयसङ्कं । निव्वडिया सावि तुहं सामीसरणं पवज्जस्स ॥ ४३ ॥
 इय जम्पिऊण सक्को गओ सठाणं जिणं पणमिऊणं । चमरोऽवि पायवडिओ थुणइ जिणिन्दं भयविमुक्को ॥ ४४ ॥

नाहु ! अणाहहँ वीर ! तं सि अप्पडिहयसासण दुडोवद्वदुडरिट्टकम्मट्टविणासण ।

सरणु अन्नु भवरत्ति देव दुक्खियहं न विज्जइ तुम्ह चैव ओलग्ग तेण इह विउसेहि फिज्जइ ॥ ४५ ॥

धञ्जु सलक्खणु सो कयत्थु जो पइ आराहइ वयणु करेविणु तुम्ह सग्गु अपवग्गु पसाहइ ।

पइं सामिउ को लहइ एत्थु पेडिहय सव्वावइ फलः पुहु जसु सो जि देव ! चिन्तामणि पावइ ॥ ४६ ॥

बलि किज्जउ नरजम्मु तासु बलि किउ देवत्तणु भत्तिभरेण करेइ देव ! जो तुह भिच्चत्तणु ।

मह लीणह पयकमलि एक्कपत्थण णिसुणिज्जउ जह तुह दंसणु लहिमि सांमि ! भवि भवि तह किज्जउ ॥ ४७ ॥

इय थोउं असुरिन्दो विलक्खवयणो गओ नियं ठाणं । भयवं पि विहरमाणो कोसम्भिपुरीणं संपत्तो ॥ ४८ ॥

तत्थ सयाणियनामो राया भज्जा मिगावई तस्स । तम्मन्ती य सुयुत्तो नन्दा पुण पणइणी तस्स ॥ ४९ ॥

१ ब-वि । २ अ-प्पडि० । ३ अ-०-भावइ । ४ व-न्दुलहु । * रोलाहत्तानि ।

नन्दासियावईओ परोपरसहीओ परमसहीओ । तत्थ य अयवं गिणहइ अभिगहं किणहपक्खम्मि ॥ १२५० ॥
पोसस्स पडिवयाए दण्वाइचउन्विहं पि दुरणुचरं । सुप्पट्ठियकुम्मासे कप्पन्ति उं दण्वओ मज्झ ॥ ५१ ॥
खेत्तम्मि एलुगाए अन्तो बाहिं च कम्मजुयं काउं । कालम्मि नियत्तेसुं भिक्खाचारीसु भावे य ॥ ५२ ॥
निवधूया दासत्तं पत्ता सुण्डियसिरा नियलबद्धा । रुयमाणी अट्ठमपारणम्मि जह देइ तो कप्पे ॥ ५३ ॥
कुणइ ये भिक्खायरियं पुरीए नीउच्चमज्झिमकुलेसु । तीए सव्वपरीसहउंदओ तो तेसि सहणत्थं ॥ ५४ ॥
हिण्डिय चउरो मासे अन्नम्मि दिणे गिहम्मि नन्दाए । भिक्खट्ठमणुपविट्ठो विन्नाणो तीए वीरजिणो ॥ ५५ ॥
परमायरेण भिक्खा आणीया निगओ य सो^३ भयवं । ताहे अहो ! अधत्ता इय नन्दा खेयमावत्ता ॥ ५६ ॥
दासीहि य सा भणिया एस रिसी पइदिणं इहागच्छे । ताए नायं नूणं अभिगहो सामिणो कोहं ॥ ५७ ॥
सुट्ठयरं उट्ठिगगा पुच्छइ उव्वेयकारणममच्चो । सा भणइ अम्ह मन्तित्तणेण किं पावमूलेणं ॥ ५८ ॥
किं वा तुह बुद्धीए अभिगहं जं न सुणसि जयगुरुणो । अज्झ चउत्थो मासो न लहइ मणचिन्तियं भिक्खं ॥ ५९ ॥
सो भणइ पिए चिट्ठसु वीसत्था ता करेमि कल्लदिणे । जह लहइ जिणो भिक्खं कप्पे य इम्मम्मि वट्ठन्ते ॥ १२६० ॥
तत्थागया मिगावइपडिहारी विजयनामिया कह वि । साहइ मिगावईए सा गन्तुं तं समुल्लावं ॥ ६१ ॥
सावि महादुक्खत्ता जाया रत्ता य पुच्छिया भणइ । किं रत्तेण मए वा तुह जं सामी विहरमाणं ॥ ६२ ॥

१ अ-य । २ अ-स । ३ ब-तो । ४ ब-कुणइ । ५ ब-जप्पे य ।

णियनयरीए न याणसि अभिगहं वावि तस्स न सुणेसि । एत्तियकालो वट्ठइ अलद्धभित्तलो भमइ सामी ॥ ६३ ॥
 मा कुणसु देवि ! अधिहं एत्तियकालं न किं पि मे नायं । संपइ सामिअभिगहपरणकज्जे जइस्सामि ॥ ६४ ॥
 अंबाडिओ अमच्चो अम्मं चिन्तेसि सयलकज्जाहं । जयगुरुपरणकज्जे कीस पमत्तोडसि इय भणिउं ॥ ६५ ॥

अमच्चेण भणियं—

सामि ! न नायं संपइ करेसुवायं तओ य वाहरइ । तच्चावाहं नामं ओज्जायं धम्मसत्थेविउं ॥ ६६ ॥
 भणिओ य—

तुह सत्थे आयारो वन्निज्जइ चेव सव्वधम्मीणं । ता सुणसु जिणाभिगहरूवं होऊण अभिउत्तो ॥ ६७ ॥
 सो भणइ नियचित्तवत्ता संभूयाभिगहा बहुपयारा । दव्वाइएहिं भणिया सत्त य पिण्डेसणा चेव ॥ ६८ ॥
 असंसद्धा उं संसद्धा उद्धडा अप्पलेविया । उग्गहिया पग्गहिया सत्तमुज्झियधम्मिया ॥ ६९ ॥
 ता सामि ! परविवक्खा न सुणिज्जइ राइणा तओ लोगो । सव्वोडवि समाइट्ठो जत्तेणं सामपुव्वं तु ॥ १२७० ॥
 वीरजिणोऽभिगहिओ गोयरचरियं कैरेउ ता तुब्भे । सामिस्स देह भित्तवं इमिणा इमिणा पयारेण ॥ ७१ ॥
 सो धम्मत्थी वियरइ बहुयपयारोहिं सत्थभणिएहिं । सामी न चेव गिणहइ जणो य सव्वोडवि उन्विगो ॥ ७२ ॥

इओ य पुव्वं—

१ व-०वायं । २ व-०त्थवियं । ३ व-०यावित्त्वा । ४ व-संसद्धा य । ५ व-करेइ । ६ अ-य ।

दहिवाहणगहणत्थं चम्पं वेढइ सयाणिओ राया । एगाए रत्तीए नावाकड्ढगेण गन्तूणं ॥ ७३ ॥
 दहिवाहणोऽवि नडो चगयाए जगहो नरिन्देण । घोसाविओ य सेणालोणेण य त्हुसिया नयरी ॥ ७४ ॥
 दहिवाहणस्स रत्तो वसुमइधूयाए संजुया गहिया । भगभीया एगेणं वण्ठेणं धारिणी देवी ॥ ७५ ॥
 वलिओ सयाणियनिवो सो वण्ठो भणइ एस से भज्जा । होही इमाएँ धूयं एयं पुण विक्किणिस्सामि ॥ ७६ ॥
 तो धारिणी विचिन्तइ एसा बाला अणज्जहत्थगया । कमवत्थं पाविस्सइ न नज्जेए हा ! विहिविलासो ॥ ७७ ॥
 मज्झं पि सीलखलियं होही तं तु जसधम्मनासणयं । खुद्धस्स वरं मरणं मा जीयं सीलखलियस्स ॥ ७८ ॥
 हा हियय ! किञ्च फुट्टसि बन्धुविउत्ताए वसणवडियाए । सज्झ तुमं इय दुस्सहदुक्खेणं सो उ कालगया ॥ ७९ ॥
 अव्वत्तसरं रोयइ जणणीमरणेण वसुमइ दीणा । तो सो वण्ठो चिन्तइ मरिही एसानि जइ किञ्चि ॥ १२८० ॥
 जम्पामि अजुत्तमहं तो मोल्लं वि हु न होइ इय नाउं । अणुयत्तंतेण दहं कोसम्बिपुरीए आणीया ॥ ८१ ॥
 वीहीएँ ओडिया सा दिट्ठा य धणावहेण इब्भेण । अणलङ्कियावि लावन्नपुअसव्वङ्गसोहिह्ला ॥ ८२ ॥

चिन्तियं चै णेण—

आगीएँ चेव नज्जइ ईसरधूया नरिन्दधूया यं । एसा विसमं पत्ता हन्त ! अवत्थं विहिवसेणं ॥ ८३ ॥
 ता मा वसणं दीहं पावउ करुणापवन्नचिच्चेणं । जं मग्गियमोल्लेणं गहिया सा सेट्ठिणा तेणं ॥ १२८४ ॥

१ अ-°ने लोणेणं लू° । २ व-°ज्जइ । ३ अ-°पडियाए । ४ अ-साहु । ५ व-ओड्ढीया दि° । ६ व-च तेण । ७ व-वा ।

नीया य नियघरम्मी कासि तुमं पुच्छिया न साहेइ । रुयइ परं पव्वालियगणइयला अंसुधाराहिं ॥ ८५ ॥
 पियवयणेहि सनेहं संठविया बेहिय सि पडिवन्ना । ण्हावणभोयणवत्थाइएहिं सम्माणिया घणियं ॥ ८६ ॥
 मूला य निययभज्जा भणिया धूया तुहेस ता सम्मं । तह कायव्वं जह सरइ नेव नियजणणिजणयाणं ॥ ८७ ॥
 चिहइ य कुलहरम्मि व सा निव्वुयमाणसा गिहे तम्मि । विणएणं सीलेण य सव्वोडवि य रोज्झओ लोगो ॥
 गिहवासी पुरवासी भणइ अहो ! सीलचन्दणा एसा । तो तीए धीयनामं संजायं चन्दण ति फुडं ॥ ८९ ॥
 एवं वचइ कालो मूला पुण मच्छिरिज्जए हियए । तीए उवरि घणावहवहुमाणं पेच्छमाणी उं ॥ १२९० ॥

चिन्तइ य—

सव्वोडवि जणो पायं अहिणववत्थुम्मि कुणइ अनुरायं । चिरपरिचियमवधीरइ ता जइ एसो इमं अजं ॥
 कुणइ गुरुरायरत्तो ता गेहअसामिणी अहं होमि । इय सा पावा तीए चिहइ छिहुइ ज्ञोयन्ती ॥ ९२ ॥
 सो सेढी मज्झणहे वीहीओ आगओ गिहे विजणे । एगम्मि दिणे नत्थि उ जो कोइ विसोयए चलणे ॥ ९३ ॥
 ताहे चन्दणबाला उवड्डिया तत्थ पाणियं घेतुं । वारन्तस्सवि य बला आढत्ता सोइउं चलणे ॥ ९४ ॥
 एत्थन्तरम्मि तीए छुट्टा केसा सहावसोहिल्ला । पडिहिनति कहमे इय चिन्तेउं सेट्टिणा झत्ति ॥ ९५ ॥
 हत्थडियलीलाजड्डियए धरिया तहेव बद्धा य । ओलोवणोवविट्ठा मूला चिन्नेइ तं दहुं ॥ ९६ ॥

१ व-विड्डिय । २ ब-य । ३ गवाक्षस्था इत्यर्थः ।

बूण विगडं कजं ता तरुणो चवं छिजए वाही । जह पुण परिणोइ रं ता मज्झ सुदेववड छारी ॥ १७ ॥

अन्नं व—

वरि हउं सुय वरि हउं मजाय वरि विसएरि खल्ली । वरि उन्धीसुलिघणिं अन्न वरि दुयवहि दल्ली ।
वरि उव्वन्धिअ लल्ललडालि वरि खलुहिं घल्लिअ । मं मेइ दिहु सवत्तिजुत्तु पित्ति हिअडासल्लिउं ॥ १८ ॥
इअ एवमाइ चिन्तिय सेट्ठिस्मि विणिगए गरुयरोसा । निइयचित्ता पहणइ सिरं च सुण्डावए तीसे ॥ १९ ॥
नियलेहि य बन्धावइ वलणेसुं ओर्यरम्मि पक्खिवइ । अणइ य जो सेट्ठिस्सा साहिम्सइ सो ममं वडरी ॥ २० ॥
गिहमागओ य पुच्छइ सेट्ठी ओ चन्दणा कहिं चेहे । मूलाए य भएणं न परियणो साहए कोइ ॥ १ ॥
सो सुणइ ॥ इइ कत्थंवि रत्ति जाणेइ नवरि सा सुत्ता । नीगदिवसे न दिट्ठा पुट्ठा य ण केणइ सिट्ठा ॥ २ ॥
तइयदिणे परिकुविओ अणइ य मरेयि जइ न साहेइ । ताहे एमा थेरी चिन्तइ किं मज्झ जीएणं ॥ ३ ॥
सा जियउ महाभागा मज्झवि जीएण पाविया एसा । मूला जं सियवीयाससिलेहानिक्कल्लए ॥ ४ ॥
एईए इमं ववसइ नरयनिमित्तं तओ य थेरीए । सेट्ठिस्स जहावत्तं मूलाए चेड्डियं कहियं ॥ ५ ॥
सेट्ठी वि अहो ! पावा मूला निद्धम्मनिइयसहावा । इय चिन्तन्तो ओयरगदारसुगघाडए खिप्पं ॥ ६ ॥

१ व-छिजए य जह । २ व-०ब्भासू० । ३ अ-ओलंघि० । ४ व-मइ । ५ व-०य । ६ व-उव्व० । ७ व-चिट्ठ० । ८ व-० त्यइ ।

* रोलावृत्तमिदम् ।

तं दहुं सुसिधयिं तिस्रसुषुप्तकिलामियं सुदीणसुहं । रे जीव ! सरसु दुष्प्रयकम्मफलं ऐस भावन्ती ॥ ७ ॥
 बाहजलभरियनयणो गुरुदुक्खं पावए जलं थोवं । नियह य भोयणजायं णत्थि य भवियव्वयवसेणं ॥ ८ ॥
 कुम्मास विप दिट्ठा न य दिट्ठं तत्थ भायणं किं पि । उस्सुगभावणं चिय सुत्ते काऊण कुम्मासा ॥ ९ ॥
 पासेसु पुत्ति ! एए तुह अज्जावेसि जाव नियलेऽहं । इय अनिय ते पणामिय लोहारघरं गओ सेट्ठी ॥ १३१० ॥
 सा तयवत्था सुमरिय पिउगेहं एत्थिणि व्व नियजूहं । सुत्ताहलसरिसाहं रोयह अंस्सुणि सुयमाणी ॥ ११ ॥
 जणपविओणं पत्ता जणणीसरणं च बन्धुविरहं च । परदेसमिअमवत्थं हा हा ! देवस्स परिणामो ॥ १२ ॥
 तारिसकुलजायाए तारिसलीलाएँ एरिसं वसणं । ता नत्थि सा अवत्था कम्मवसा जा न संपडह ॥ १३ ॥
 एवं चिन्तेमाणी उद्धठिया गरुयदुक्खपन्भारा । पुरओ कयसुप्पा सा चिट्ठह दारं पलोयन्ती ॥ १४ ॥
 जइ कोइ एज्ज अतिही ता अट्ठमपारणं करेसि अहं । एए चिय कुम्मासे दाउमवत्थोचिएं तस्स ॥ १५ ॥
 एत्थन्तरम्मि सामी पत्तो पुत्ताणुभावओ तीए । सा दहुं भयवन्तं खणेण जाया विगयदुक्खा ॥ १६ ॥
 गुरुहरिसभरा चिन्तइ दरिदगेहे हिरिबुद्धि व्व । संपत्तो मम भयवं कयपुत्ताए इहावसरे ॥ १७ ॥
 तो सुपुं दरिसित्ता पयमेणं काउमेलुया नाहिं । वीयं वन्तो पभणह भयवमणुगहए कुम्मासे ॥ १८ ॥
 पुत्तो अभिगगहो मे दव्वाइचउत्तिवहोऽवि इय नाउं । कुम्मासगहणत्थं पत्तारिओ साभिणा पाणी ॥ १९ ॥

१ व-दहुं ता । २ व-एव । ३ व-°कखो पायए । ४ व-थोय । ५ व-°सूहं । ६ व-पुरओ । ७ अ-°चिए । ८ व-°छा । ९ व-वन्तो ।

दिवा य चन्दणाण पञ्च य दिव्वाणि पाडभूयाणि । जिणपारणं जायं पञ्चदिणेणूणछम्मासे ॥ १३२० ॥
 देवा य सन्निवहया केसा तीए य वरतरा जाया । तुहा तड ति निघला सुवत्तमणिनेउरा भूया ॥ ३१ ॥
 असरेहिं य सा विहिया सञ्वालङ्कारभूसियावयवा । पहयमहिरेणुउदगं बुट्टं हरिचन्दणुम्मीसं ॥ ३२ ॥
 मुक्काहं अमरेहिं दसद्धवत्ताहं सुरहिकुसुमाहं । पहयाओ दुन्दुहीओ चेलुक्खेवो कओ परमो ॥ ३३ ॥
 बुट्टं च अहो ! दाणं गयणे सक्को समागओ तुट्ठो । कोडीओ अट्टतेरस तत्थ हिरत्तस्स बुट्ठाओ ॥ ३४ ॥
 गायन्ति य नच्चन्ति य वायन्ति पढन्ति तहवि मुच्चन्ति । उक्किट्टिनायममरा पारणए तम्मि वीरस्म ॥ ३५ ॥
 जाओ पुरे पघोसो चन्दणबालाए पुत्तकलियाए । पाराविओ मुणिन्दो धणावहो तो समावन्नो ॥ ३६ ॥
 राया सिगावहं वि य नन्दामच्चो य आगया तत्थ । दट्टं पारणमहिमं परमपमोयं गया सञ्चे ॥ ३७ ॥
 दहिवाहणस्स रत्तो संपुलओ नामक्कमुहं जो उ । बन्दित्तणाणीओ सो पेच्छवि चन्दणकुमारिं ॥ ३८ ॥
 चलणेसु पडिय रोय्ह रत्ता पुट्ठो य का इमा कत्ता । दहिवाहणस्स रत्तो एसा धूय ति सो आह ॥ ३९ ॥
 तं आल्लिय पभणइ मिगावहं एस भइणिधूया मे । राया हिरत्तबुट्ठिं गेण्हन्तो वारिओ हरिणा ॥ १३३० ॥
 जस्सेसा भो ! वियरइ तस्स इमा होइ पुच्छिया सा य । तायस्स माए दिन्नं हिरत्तत्तेयं ति पडिभगाइ ॥ ३१ ॥
 सक्केण निवो भणिओ एसा वीरस्स सिस्सिणी पढमा । होही चरिमसरीरा केवलनाणस्मि उप्पन्ने ॥ ३२ ॥

ता संगोवाहि तुमं परिवालसु आघरेण परमेणं । रत्ना तह त्ति भणिउं कन्नन्तेउरगिहे नीया ॥ ३३ ॥
मूला धणावहेणं निच्छूढा ताडिया तह जणेणं । निन्दत्ता खिसित्ता विगोइया नयरमज्जम्मि ॥ ३४ ॥
भयवं पि विहरमाणो छम्माणीगाममागओ तस्स । बाहिं पडिमाएँ ठिओ तत्थवि कुम्मारगामे व्व ॥ ३५ ॥
गोवो सामिसमीवे गोणे सुञ्चइ गया य ते अडविं । सो आगओ चिरेणं पुच्छइ देवज्जगा केत्थ ॥ ३६ ॥
मज्झ बइल्ला सामी मोणेणं चिट्ठए तओ कुविओ । कन्नेसु कडसलागा दोसु वि पक्खिवइ जा मिलिया ॥ ३७ ॥
दोन्नि वि मज्झे मूलाओ भञ्जए उक्खणेउ मा कोइ । कम्मं तिविट्ठुकाले जमब्बियं तं उइन्नमिणं ॥ ३८ ॥

भणियं च—

कन्नेसु तउयतत्तं गोवस्स कयं तिविट्ठुणा रत्ता । कन्नेसु वद्धमाणस्स तेण छूढा कडसलागा ॥ ३९ ॥
तित्थयरस्सवि एवं कडाण कम्माण नत्थि मोक्खो त्ति । इय मुणिय बन्धहेऊ बुहेहिं सह वज्जियव्वो त्ति ॥ ३४० ॥

भावेइ य भयवं—

सयमेव कंडं एयं इहइं पि अकज्जारिणो देण्डो । अकयं कोइ न पावइ भगीरही नागदर्हणं व्व ॥ ४१ ॥
सम्ममहियासमाणो सामी तं वेयणं विसुद्धमणो । मज्झिमपुरम्मि पत्तो सिक्खथो तत्थ अत्थि वणी ॥ ४२ ॥

१ अ—वाडिआ । २ अ—तत्थ । ३ ब—सय । ४ व—कयं । ५ ब—हण्डो । ६ अ—ववणं व ।

तस्य गिरिमि पविटो सामी दिटो य तस्य मितेणं । सल्लदियणा किलन्तो तत्थ ठिओ खरगवेजेणं ॥ ४३ ॥
 सिद्धत्थोऽवि य वन्दइ भयवन्तं धुणइ देइ वरभिव्वं । खरणोऽवि य अणइ अहो ! समत्थलक्खणजुओ भयव्वं ॥
 किन्तु ससल्लसरीरो संभन्तमणो य अणइ सिद्धत्थो । जोएह कहिं सल्लो पलोइओ तेण दिट्ठा य ॥ ४५ ॥
 कवेसु कउसलागा सिद्धासु य तासु अणइ सिद्धत्थो । अवनेसु इमा सिग्घं पुत्तं होही तुह महन्तं ॥ ४६ ॥
 निप्पडिकम्मो भयवं नेच्छइ किरियं तओ य पडियरिउं । उज्जाणठियरस गथा पडिमावत्थस्स वीरस्स ॥ ४७ ॥
 सिद्धत्थो खरओ तह बहुपुरिसजुया य ओसहजुया य । अब्भत्तिय सव्वं सव्वं सव्वं सव्वं ॥ ४८ ॥
 बहुपुरिसपरियतणुओ दोहिं उ सण्डासएहिं समकालं । उक्कहिया सलागा सुदक्खलवन्तपुरिसोहिं ॥ ४९ ॥
 तासु य सैसोणियासुं कहुज्जन्तासु वेयणवसेणं । सुक्को महन्तनाओ तत्थ महाभइरवं जायं ॥ १३५० ॥
 संरोहणोसहेणं संरोहिता वणे मणे तुट्ठा । वन्दिता खामित्ता गया गिहं सेट्ठिविज्जा उ ॥ ५१ ॥
 सव्वुक्कोसुवसगा सीयं कडप्पयणा कयं पढमो । वीओ य कालचक्कं सल्लुहरणं इमं तइओ ॥ ५२ ॥
 सत्तमपुहवीएँ गओ गोवो मरिऊण सेट्ठिवेज्जा य । सुरलोयं सुहभावा महन्तवियणं कुणन्तावि ॥ ५३ ॥

अओ चैव अणियं—

सुहपरिणामो निच्चं कायव्वो जेण बन्धमोक्खणाणं । सो चिय परमं अङ्गं नायं पुण्डरियकण्डरिया ॥ ५४ ॥

१ व-यहि कहिं स । २ ग-अप्प । ३ अ-लक्खं । ४ अ-सुतो ।

दिवादी उवसग्गा सम्मं अहियासिया इय जिणेणं । पडिक्कला भणुक्कला छउमत्थावत्थकालम्मि ॥ ५५ ॥
छउमत्थकालमाणं पुण इमं—

बारसवासा सट्ठा पवखी तवपारणादिणेहि इमो । वीरस्स दिक्खदिणसंजुओ य छउमत्थपरियाओ ॥ ५६ ॥
एयम्मि य परियाए जौ अणुचिन्नो तवो जिणवरेणं । वीरेण अगवया तं कहिल्लमाणं निसामेह ॥ ५७ ॥
नव चउममासियखमणे छ एण दोमसिए अकासी य । वारस य मासियाइं जावत्तरि अद्धमासाइं ॥ ५८ ॥
एणं पुण छम्मासं दोन्नि य तेमासियाइं खमणाइं । अट्ठाहयमासाइं दो दोन्नि दिवहुमासाइं ॥ ५९ ॥
दोहिं अहोरत्तेहिं भइप्पडिमं अकासि वीरजिणो । चउहिं च महाभइं दसहिं पुणो सन्वओभइं ॥ १३६० ॥
पढमाए उत्सग्गो चउजामा चउदिसिं पि पत्तेयं । बीयाए अहोरत्तं तं चिय तेइयाए दिसिदसणे ॥ ६१ ॥
पंचदिवसेहिं ऊणं खमणं छम्मासियं च कासी य । गोयरचरियसमेयं घोरायिग्गहजुयं वीरो ॥ ६२ ॥
वारस य एगराहयपडिमाओ अट्ठमेण भत्तेणं । चरिमाए रयणीए काउस्सग्गोववेयाओ ॥ ६३ ॥
दो चेव उ छट्ट सए अउणात्तीस्से अकासि जिणवसओ । कासी य निचअस्सं चउत्थभत्तं च न कयाइ ॥ ६४ ॥
अउणापन्नं तिन्नि य सयाणि वीरस्स पारणादिणां । जहुयसयाणि य आसी उज्जुयनिलेज्जपडिमाणं ॥ ६५ ॥
एवं तवो गुणरओ छउमत्तेओ विहरिणं अपडिबद्धं । घोरं परीसएचजुं अहियासिन्तो सएचीरे ॥ ६६ ॥

१ न-तइए दिसा० । २ न-धीरो । ३ न-वासी । ४ अ-०णेणं । ५ व-०मत्तं ।

जस्मिभयगामंस्मि गओ भयचं उज्जुवालिया नई तत्थ । तीए उत्तरकूले सामागकुलुम्बिणो लेत्ते ॥ ६७
 सालहुमस्स य हेट्ठा अपाणएणं च छट्ठभत्तेणं । उछुट्ठयनिसेजाए ठियस्स आयावमाणस्स ॥ ६८ ॥
 करणमपुब्बं पाविय सुक्कज्झाणेण मोहपयडीओ । अणमिच्छमीससम्मं अट्ठ नपुंसिथिवेयं च ॥ ६९ ॥
 हासाइल्लक्क पुंवेयमह य कोहाइए य संजलणे । खविऊण खीणमोहस्स गुत्तामणवयणकायस्स ॥ १३७० ॥
 हेत्थोत्तरजोगेणं वइसाहे सुद्धदसमिअवरणहे । वीरवरस्स भगवओ उप्पन्नं केवलं नाणं ॥ ७१ ॥

अवि य—

घणघाहकम्मरयणीखयम्मि तमतिमिरनासणो सुहओ । कयभविक्कमलओहो कुत्तिथिगहपहविणासयरो ७२ ॥
 केवलसहस्सकिरणो उइओ वीरस्स भुयणपणयस्स । लोयालोयपयासी अत्थमणविवज्जिओ विमलो ॥ ७३ ॥
 उप्पन्ने य अणन्ते नाणे वीरस्स सुरवरा सन्वे । चलियासणा सपरिसा समागया चउनिकायावि ॥ ७४ ॥
 आणन्दनिब्भरमणा सन्वे ते बहलपुलइयसरीरा । वीरस्स कुणन्ति तहिं केवलनाणुप्पया महिमं ॥ ७५ ॥

तहाहि—

वैरिसिउ गन्धोदगुप्फएरू अप्फालिउ विविहपयारू तूरू ।

तहिं ताडिय दुन्दुहि सुरगणेहिं जिणनाणमहिमहरिसियमणेहिं ॥ ७६ ॥

सुरगायण गायहिं गेउ तारु किवि पढहि वीरु तिहुयणह सारु ।
 उकुट्टि नाउ केइ वि कुणन्ति जय जयहि देव ! केइ वि भणन्ति ॥ ७७ ॥
 गजन्ति केइ नहि उल्ललन्ति किवि मयगलु नावह गुलुगुलेन्ति ।
 महिवट्टि केइ पुणु पुणु रुलन्ति मयमत्त जेमे केइ वि घुलन्ति ॥ ७८ ॥
 अट्टट्टहाससदं हसन्ति रोमञ्च सव्वगत्तेहिं वहन्ति ।
 इय हरिसचेट्ट बहुविह करेन्ति खणि अञ्जुणाहिं तहिं संभरन्ति ॥ ७९ ॥
 नचन्ति पवरकरणङ्गहार सुररमणिहिययघोलन्तहार ।

किउ अमरिहिं चारु समोसरणु तहिं जिणु निविट्टु गयजरमरणु ॥ १३८० ॥

सक्कोऽवि हट्टट्टो काऊण पयाहिणं च तिवखुत्तो । पणमित्तु महावीरं संथुणइ सुगहिरनिग्घोसो ॥ ८१ ॥
 जय जिणेसर ! जय जयाणन्द !, जय जीवरक्खणपरम !, जय समत्थतिहुयणदिवायैर ! । जय भीसण-
 भवमहण !, जय अपारकारुन्नसायर ! ।

जय सिवकारण ! सिवनिलय !, वद्धमाण ! जिणइन्द ! । तिहुयणपत्थियकप्पत्तरु !, जय जय पणयसुरिन्द ! ८२ ॥

१ अ-°ढहि । २ व-जेम्ब । ३ अ-°कर । * वत्तु रद्धा वा दृत्तम् ।

सरयससहरसरिसमुहसोह !, सिद्धत्थनिवकुलतिलय !, वरविंसिद्धकन्दुदलोयण !। चन्दद्वसमभालयल !,
परमरूपयुवणप्पमोयण !।

तुह दंसण भिच्छत्तहर, पावगणित्तुपण्डु !। अवसयसंचित मज्झु गड, गुणसायर ! सयखण्डु ॥ ८३ ॥
करणतक्करपसरनिट्ठवण !, झणमल्लवगणमहण !, चउकसायवणगहणमोडण !। कन्दप्पकुञ्जरदमण !,
मोहमूलभववेल्लितोडण !।

निकल निरञ्जण अजरमर, कयकम्मिन्धणदाह ! सरणु असरणह मज्झु तुहुं, वज्जमाणजिणनाह ! ॥ ८४ ॥
बहुपरीसहससरसंघट्ठोडीर ! दुद्धरधरियममभचेरगुरुभर ! सुलक्खण !। अहदुक्करतवियतव !, खन्तिस्सर !
तियलोक्करक्खण !।

जगबन्धव ! पइं विन्नवउं, करि महु एक्कु पसाउ । भवसायरि निवहन्तु मइं लहु उद्धरहि वराउ ॥ ८५ ॥
एत्थन्तरस्मि य—

पव्वज्जाहगुणाणं पडिवत्तिखमो न कोइ इह अत्थि । इय नाउं खणमेगं केवलमहिमं सुरेहिं कयं ॥ ८६ ॥
जीयं ति अणुभवेउं सुरकयवरकणयकमलनवगम्मि । चरणे विनिक्खिचन्तो चउविहसुरसङ्घपरियरिओ ॥ ८७ ॥

१ व—°सट्ठकन्दोदृ° । २ व—°रूव° । ३ व—°मज्झ° । ४ अ—°दवण । ५ व—°वह्ति° । ६ अ—°दाहु । ७ व—°मज्झ । ८ व—
°दुत्तर° । ९ व—°जय° ।

गन्तूण जोयणाइं बारसरयणीए संठिओ वीरो । नयरीए अपावाए महसेणवणम्मि उज्जाणं ॥ ८८ ॥
 तत्थत्थि सोमिलब्धो स्ति माहणो तस्स जागकालम्मि । बहवे दियाइलोया समागया जन्नवाडम्मि ॥ ८९ ॥
 एगन्ते य विविस्ते उत्तरपासम्मि जन्नवाडस्स । तो देवदाणविन्दा करिन्ति महिमं जिणिन्दस्स ॥ ९० ॥
 देवेहिं समोसरणं पुणोऽवि रइयं समन्तओ रम्मं । तं चिय संखेवेणं वज्जिज्जन्तं निसामेह ॥ ९१ ॥
 तणकट्टसद्धराइं केइ सुरा आहुणित्तु वाएणं । जोयणमेत्तं भूमिं सोहेन्ति समन्तओ पढमं ॥ ९२ ॥
 काज्जणमभवइलमन्ने गन्धोदगं तु वासन्ति । वरसुरहिपरिमलुगारमणहरं सहियमहिरेणुं ॥ ९३ ॥
 अन्ने उ जच्चकञ्चणसिलवद्धतलं कुणन्ति धरणिजलं । आगंसतलं व खमं भासुरमणिरयणविच्छुरियं ॥ ९४ ॥
 कप्पसुरा पायारं पढमं विरयन्ति जच्चरयणमयं । वरमणिकविसीसजुयं कमत्तणुयं मणहरुत्तुङ्गं ॥ ९५ ॥
 उत्तत्तकणयघडियं जोइसवासी कुणन्ति बीधं तु । रयणकविसीसयेंहुं किरणेहिं निवद्धसुरचावं ॥ ९६ ॥
 उज्जलकलहोयसिलाविणिम्मियं पवरकणयकविसीसं । तइयं बहिपायारं भवणवइसुरा उ विरयन्ति ॥ ९७ ॥
 उत्तुङ्गरयणतोरणरेहिह्ला वरपडायसोहिह्ला । उभओ पासे पडमप्पिहाणवरकलसपरिकलिया ॥ ९८ ॥
 वररुवसालिभञ्जियसयकलिया भयरसुहविराइह्ला । सरयवअखण्डपण्डुरहारावलिसारच्छत्तजुघा ॥ ९९ ॥
 विण्णुरियकिरणवहुभयरयणरइया मणोहराथारा । एद्धेक्के पायारे चउरो चउरो कया दारा ॥ १०० ॥

१ व-सोहि । २ व-यन्तु । ३ अ-परवा । ४ व-रणयथम्मविच्छिन्ना ।

कालागुरुहरिचन्दणकण्णरतुरुक्ककुन्दुरुक्कोहिं । महम्महमहन्तगन्धा विरयन्ति य धूयघडियाओ ॥ १ ॥
 चउसोयाणपरप्परकलिया वरकमलविमलजलपुन्ना । विरयन्ति सुरा वावी पुव्वाहदिसासु चत्तारि ॥ २ ॥
 तो पढमवीयसालन्तरस्मि पुव्बुत्तरस्मि दिसिभाए । विरयन्ति देवछन्दं विस्सामत्थं जिणवरस्स ॥ ३ ॥
 सीहासणं सपीढं चीरुत्तलं देवछन्दयं चमरे । छत्तत्तयमिच्चाई वन्तरदेवा चित्तवन्ति ॥ ४ ॥
 रइयम्मि समोसरणे एवं सूरुदेए जिणो एइ । दोहिं पउमेहिं पाए ठवयन्तो भगगओ सत्त ॥ ५ ॥
 आगच्छन्ति य पउआ तेसिं जं अपच्छिम्मं होइ । तं तं अग्गे गन्तुं पयठाणे ठाइ वीरस्स ॥ ६ ॥
 अह पुव्वधारेणं पविसिय कावं पयाहिणं वीरो । पणमिय तित्थं उवविसइ आसणे पुव्वदिसिसमुहो ॥ ७ ॥
 सेसदिसासुं अमरा जिणपडिख्वाइं तिन्नि उ कुणन्ति । तेसिं पि तयणुरूवं जिणप्पभावा हवइ रूवं ॥ ८ ॥
 उवचिइस्स भगवओ अट्ठवि रायन्ति पाडिहेराइं । कहमाणाइं तिहुयणसाभित्तं जिणवरिन्दस्स ॥ ९ ॥

तथाहि—
 तुङ्गवट्टुल्लं मसिणथुडनालु, वेरुलियसमब्बहलदल्लु, घणचिसालसमसालसालिउ । मयरन्दलालसभसलपि-
 ज्जमाणकुसुमोहमालिउ ।

वीरह उयरि असोयतरु रविकरपहहरू, भाइ । पवणन्दोलपवालकरु, हरिसिं नचइ नाइ ॥ १४१० ॥

विण्टसंठियसुरहिगन्धहु, जलथलर्यरुसंभवहं, पञ्चवन्न सुरगणविभुक्किय । आजाणुउस्सेह तहिं, गन्धलु-
द्धभमरहं अबुक्किय ।

सहइ समन्ता जिणवरह वियसियकुसुमहं बुद्धि । जिणदंसणि उप्फुल्लमुह नाइ पयासइ तुद्धि ॥ ११ ॥
हरिसवियसियवयणणयेहिं, हरिणेहिं सुयअइरसिण, विजियसजलजलवाहगजिय । अन्नाणतिमिरन्तरि-
यमुवणभावपायडणसजिय ।

जिणञ्जुणि पसरइ दसदिस्सिंहिं, तिहुयणजणियपणाम । नं गुरुतमनिदोवहयजणपडिबोहणकाम ॥ १२ ॥
खीरसायरलहरिडिण्डीरपण्डुरयरसरयससिकिरणसरिसचिहुरोहसुन्दरु । माणिक्कमण्डियपवरकणयडण्डु
रज्जियपुरन्दरु ।

सुरवइकरकमलद्धिउं चामरजुयलु ढलेइ । नावइ गुणगणुं सुइयमणु पुणु पुणु जिणह नमेइ ॥ १३ ॥
जच्चकञ्चणघडिउ मणिचित्तु, उलुहु वित्थरपवरु, नसियमज्जु पेरन्तउडुरु । बहुचित्तविछुरियतणु, पडिमरु-
ववरसीहसिन्धुरु ।

सीहासणु तिहुयणगुरुहु सोहइ निरुवमकन्ति । नं रुवन्तरि मेरुगिरि धारइ तणु गुरुभन्ति ॥ १४ ॥
अवभवज्जियगयणरविकिरणनियरो ँव परिभासुरह, विप्फुरन्ततणुकिरणरइयह । नहविवरपरिसक्किरह,
१ व-०तर० । २ अ-०सिहु । ३ अ-०दण्ड० । ४ व-०द्धियं । ५ व-०गण । ६ अ-०मणु । ७ अ-०रुय० । ८ व-०यहं ।

त्रिमिरनियरमहिवलयनईयह ।
 पसरन्तह भामण्डलह वीरह निरुवमसोह । नं जिणसेवहिं पट्टविय दिणयरि नियकिरणोह ॥ १५ ॥
 पउरपडिरवभरियनहविवरवाहिरीकयजणसवणगुरुचमक्खउक्कन्नवयणेहिं । आयन्निय पसुगणेहिं, कम्पमाण-
 तणुतरलनयणेहिं ।

सुरदुन्दुहि वज्जन्त तहिं गुरुनिग्घोसमहन्त । हक्कारइ जिणपासि किर सुर नर दूरि चरन्त ॥ १६ ॥
 धूलनिंतूलविमलविललुन्तमुत्तावलिसालियह, सरयसोममण्डलरवन्नह । मणिखण्डपरिमण्डियह, हरतु
 सारगिरिसरिसवन्नई ।

तिहुयणपहुछत्तत्तयह सोहइ उज्जलकन्ति । नं सुरसिन्धुपवाहनियफेणह संठिय पन्ति ॥ १७ ॥

अन्नं च—

रुइरं च धम्मचक्कं णवहरियविरायमाणकरपसरं । नीलमणिरयणमहं रेहइ पुरओ जिणिन्दस्स ॥ १८ ॥
 माणिक्खजडियकञ्चणडण्डो सिञ्जन्तकिङ्किणिकलावो । छज्जइ य महिन्दर्धओ पुरट्ठिओ सुवणनाहस्स ॥ १९ ॥
 सीहासणोवविट्ठे जिणस्मि परिसाउ ठन्ति सट्ठाने । बारस उ मज्झयारे पढ्ढे पायारवलयस्स ॥ १४२० ॥

भणियं च—

१ अ—पह । २ अ—जं । ३ अ—कन्न० । ४ ब—जन्ति । ५ अ—नेसुल० । ६ अ—लुर० । ७ ब—न्नइ । ८ अ—झओ ।

संजयेवैमाणित्थीसंजइ पुंवेण पविसिउं वीरं । काउं पयाहिणं पुंवेदक्खिणे ठन्ति दिसिभाए ॥ २१ ॥
जोइसियभवणवन्तरदेवीओ दक्खिणेण पविसिउ । चिट्ठन्ति इक्खिणावरदिसिम्मि तिगुणं जिणं काउं ॥ २२ ॥
अवरेण भवणवासी वन्तरजोइससुरा य अइगन्तुं । अवरोत्तरदिसिभागे ठन्ति जिणं ते नमंसित्ता ॥ २३ ॥
समहिन्दा कप्पसुरा राया अनारिओ उइक्षेणं । पविसन्ति पणमिज्जणं ठन्ति य पुंवुत्तरदिसाए ॥ २४ ॥

अवि य—

इन्तं भहिद्धिं पणिवयन्ति ठियसवि वयन्ति पणमन्ता । नवि जन्तणा ण चिकहा न परोप्परमच्छरो न भयं ॥ २५ ॥
वीयम्मि होन्ति तिरिया तरूए पायारमन्तरे जाणा । पायारबहिं तिरियावि केवला मणुयोमस्सा वा ॥ २६ ॥
सच्चवइ समणुगाए जुगवं चिय सव्वसंसयहराए । असयरससाविणीए जोयणनीहारिणीए य ॥ २७ ॥
वाणीए मणहराए कयकिच्चोऽवि हु कहेइ भव्वाणं । तित्थयरनामकम्मोदएण धम्मं महावीरो ॥ २८ ॥
धम्मत्थकाममोक्खा पुरिसत्था एत्थ होन्ति वत्तारि । धम्मओ जेण सेसा हवन्ति ता तम्मि जइयव्वं ॥ २९ ॥
पुरिसेणं बुद्धिमया, सो पुण दुविहो भवे समासेणं । धम्मो यं समणधम्मो सावगधम्मो भवे वीओ ॥ १४३० ॥
पव्वज्जापडिवत्ती आरम्भपरिग्गहाण चाएण । विहियाणुद्दाणपवित्तिओ य धम्मो जइणेसो ॥ ३१ ॥
सो पुण दुप्परियल्लो काउरिसाणं विवेगरहियाणं । दुद्धरपञ्चमहव्वचचारणमिंतं जओऽव्वरस्सं ॥ ३२ ॥

१ व-वरुव० । २ व-पागा० । ३ व-उ । ४ अ-परिगहो य । ५ व-सा । ६ व-परियल्ला । ७ व-मेत्थं ।

राईभोचणविरई असनिहीसंचओ अकिञ्चनं । पिण्डो उग्गमउप्पायेसणाएँ सया सुद्धो ॥ ३३ ॥
 पञ्चसु तहा समीसुं गुत्तीसुं तीसु तवविहाणे य । उल्लभियन्वं निचं समत्तभावो य न कहिञ्चि ॥ ३४ ॥
 असिणाणं जा जीवं भूमीसयणं च तं पि जामहुगं । केसुद्धरणं परजायणं च अवमाणसहणं च ॥ ३५ ॥
 गुरुकुलवासो सययं खुहापिवासाइयां य जेयन्वा । वावीसं च परीसहसत्तू दिन्वाइउवसेग्गा ॥ ३६ ॥
 सीलङ्गसहस्साणं भारो अट्टारसण्ह वोढव्वो । लद्धावलद्धभिक्षावित्ती तह उत्तमा खन्ती ॥ ३७ ॥

जओ—

खन्ती गुणाण सुलं विराहए कोहणो अहिंसाई । दहइ तवसंजमं पि य जेहेव मण्डुक्कियाखमओ ॥ ३८ ॥
 बरुभाईवधरणं तवकरणमरन्नवासवसणं च । सज्झाओ सज्झाणं अहलं चिय खन्तिरहियस्स ॥ ३९ ॥
 मद्दवमज्जवनिह्योभया य विणओ य अपडिक्कम्मत्तं । मासाइया य पडिमा पन्वज्जा दुक्करा एवं ॥ १४४० ॥
 निसिउग्गखग्गधारासंक्रमणं दुक्करं जहा होइ । लोहमयचणयचावणमग्गिसिहाजालपाणं वा ॥ ४१ ॥
 सायरबाहुत्तरणं मन्दरगिरितोलणं तुलाए य । चक्कट्टगमज्जेणं धीउल्लियविन्धणं चेव ॥ ४२ ॥
 अहवाऽवि जहा गयणे गङ्गापडिसोयगमणमइकडं । तह साहसरहिणं पन्वज्जा दुक्करा काउं ॥ ४३ ॥

भणियं च—

बुभ्रन्ति नाम भारा ते क्षिय बुभ्रन्ति वीसमन्तेहिं । सीलभरो वोढवो जावलीवं अविस्सामो ॥ ४४ ॥
अओ य—

विसयसुहपिवासाए अहवा बन्धवजणाणुरागेणं । अचइन्तो नावीसं परीसहे दुस्सहे सहिउं ॥ ४५ ॥
जइ न तरेज्ज विसुद्धं काउं अइदुक्करं समणधम्मं । समणोवासगधम्मं तो कुब्जा सत्तिओ मइमं ॥ ४६ ॥
पढइ पढसं च ताइं सुणेइ जाणेइ गुरुसमीवम्मि । तत्तो गिण्हइ पालइ उवओगपरो सया कालं ॥ ४७ ॥
दुविहतिविहेण पढमो दुविहं दुविहेण बीयओ होइ । दुविहं एगविहेणं एगविहं चैवं तिविहेणं ॥ ४८ ॥
एगविहं दुविहेणं एक्केक्कविहेण छट्ठओ होइ । उत्तरगुणसत्तमओ अविरओ चैवं अट्टमओ ॥ ४९ ॥

सो य इमो—

पच्च य अणुव्वयाइं गुणव्वयाइं च होन्ति तिन्नेव । सिक्खावयाइं चउरो सावगधम्मो दुवालसहा ॥ १४५० ॥
थूलपणासवविरेइं दिसिवयभोगवयणत्थदण्डो य । सम्मइयदेसवगासियपोसहतिहिसंविभागो य ॥ ५१ ॥
वोसिरइ जहासत्तिं थूलं संकप्पओ निरवराहं । जीवं पणुच्च हिंसं जयणं च करेइ सुहुमेसु ॥ ५२ ॥
थूलमुसावायवए कन्नालियमाइपञ्चभेयं च । गुरुसंक्किलेसहेऊ असच्चवयणं विवज्जेइ ॥ ५३ ॥
थूलमदत्तादाणं सच्चित्ताचित्तमीसविसयं च । जं इह अणत्थहेऊ तं वज्जे जावजीवाए ॥ ५४ ॥

१ व-वेय । २ व-सावगा० । ३ अ-प्पए ।

वज्रं धूलमवम्भं परनारितिरिक्खदेविविसयं च । होइ व सदारनिरओ अहव सदारं पि वज्जेइ ॥ ५५ ॥
 धणधनखेत्तवत्थू रूपसुवन्ने तेहेव कुवियम्मि । दुपए चउपयम्मि य अपरिमियपरिगहं वज्जे ॥ ५६ ॥
 गणिमं धरिमं मेज्जं पारिच्छिज्जं धणं चउद्धा उ । एयम्मि य पत्तेयं परिमाणं होइ कायच्चं ॥ ५७ ॥
 धनो सालिजवाई खेत्तं सेक्काइ वत्थु घरहट्ठा । रूपसुवन्नं दुविहं घडियमघडियं च विन्नेयं ॥ ५८ ॥
 कुवियं कडाहिमाई विविहं गिहवक्खरं वियाणाहि । दाससगडाइ दुपयं गोप्पाइ चउप्पयं नेयं (?) ॥ ५९ ॥
 उड्डुमहे तिरियम्मि य दिसिपरिमाणं तु सावओ कुज्जा । परओ सन्वजियाणं अभओ दिन्नो भवइ एवं ॥ १४६० ॥
 उवभोगे परिभोगे भोयणओ कम्मओ य वयगहणं । भोयणओ संसाई कम्मयओ पन्नरसकम्मा ॥ ६१ ॥
 संससहुसज्जमक्खणपञ्चुम्भवरिणन्तकायबहुवीयं । वज्जेइ राइभत्तं अमुणियफलकरगमाईयं ॥ ६२ ॥
 सच्चित्तदव्वविगईवत्थविलेवणविभूसणं मल्लं । तम्बोलपहाणमवभङ्गणं च असणाइ नियमेइ ॥ ६३ ॥
 इङ्गालीवणसाडीभाडीफोडीसु कम्मलक्खाए । दन्ते रसविसंकेसे वाणिज्जं जन्तपीलगयं ॥ ६४ ॥
 णिल्लच्छणकम्मदवग्गिदाणसरदहतलायसोसणया । असईपोसं च तथा जहसत्तीए य नियमेज्जा ॥ ६५ ॥
 इङ्गालविक्रयं इट्ठवायकुम्भारलोहगाराणं । ठट्ठारभाडिसुज्जाइयाण वित्तिं विवज्जेइ ॥ ६६ ॥
 दणछेयाओ वणविक्कएण फलकुल्लुपन्नपणिण । आरामविक्कएण य जा वित्ती तं विवज्जेज्जा ॥ ६७ ॥
 सगडाणं घडणघडावणेण तव्विक्कएण जा वित्ती । तं नियमे सगडाई भाडियकम्मं च वज्जेइ ॥ ६८ ॥

नियमेइ उडुसिलकुइयत्तहलखडणमाइणा वित्ती । सव्वेसिमागराणं ववहारे वोसिरेइ सया ॥ ६९ ॥
 नहदन्तवसरचम्मं कच्छूरियपूहए ससुत्तीणं । सुत्ताहलसंखवराडंया य जहसत्तिओ नियमे ॥ १४७० ॥
 वोसिरइ लक्खजजलोहभाइमहुमज्जलोणियाईणं । विससत्थसुसलजन्तणिउक्खलपैभिईण य वणिज्जं ॥ ७१ ॥
 मणुयाण तिरिक्खाण य केसवणिज्जम्मि विक्कयं नियमे । जन्ताण वाहणं घञ्चियत्तिलेत्तेल्लियं वज्जे ॥ ७२ ॥
 णिल्लिच्छणं च वसभाइयाण दाणं च पावकम्माणं । दवदाणं सरदहसोसणं च वज्जे असइपोसं ॥ ७३ ॥
 चउहा अणत्थदण्डो अवझाणपसायहिंसदाणे य । पावुवएसम्मि तहा तत्थावज्झाणविसयम्मि ॥ ७४ ॥
 अजराभरत्तदेसाइयाईविज्जाहरिन्दकिडुाइ । धाउव्वयाइ असंखज्झाणं चिवज्जेइ ॥ ७५ ॥
 वज्जइ पसायचेट्ठं परेसि तग्गाइहिंसगप्पिणणं । करिसणनिवसेवाइ पावुनएसं च नो देइ ॥ ७६ ॥
 सावज्जजोगवज्जणखुवं सामाइयं उअयक्कालं । बहुसो वावि करेज्जा समभावाचट्ठिओ सहो ॥ ७७ ॥
 भणियं च—

जो समो सव्वद्वएत्तु तसेखुं थावरेत्तु य । तस्स सामाइयं होइ इइ केवलिसासियं ॥ ७८ ॥
 सामाइयन्नि उ कए समणो इव सावओ इवइ जम्हा । एएण कारणेणं बहुसो सामाइयं कुज्जा ॥ ७९ ॥
 देसावगासियं पुण दिसापमाणस्स आवकहियस्स । पइदिणममइसमासो सव्ववयाणं च संखिवणं ॥ १४८० ॥

आहारपोसहो तह सरीरसक्कारबभवावारे । अट्टमिचउदसीसुं चउभेयं पोसहं कुज्जा ॥ ८१ ॥
चरमवए असणाई साहूणं देज्ज निज्जरट्ठाए । देसद्धसद्धसक्कारकमजुयं मोक्खव्हउ त्ति ॥ ८२ ॥

अणियं च—

निव्वाणं खलु कज्जं नाणाइतिगं तु कारणं तस्स । निव्वाणकारणाणं तु कारणं होइ आहारो ॥ ८३ ॥
पुव्वोइयधम्मस्स य संभत्तं मूलकारणमिमस्स । मूलाईउवभाए जं एयं वन्नियं समए ॥ ८४ ॥

तहाहि—

मूलं न दुमस्स इमं सुप्पायारनगरस्स दोरं व । पासायस्स न पीढं निहि व्व रथणाणमिच्चाइ ॥ ८५ ॥
देवत्तणपडिवत्ती जिणम्मि साहुसु गुरुत्तपडिवत्ती । तत्तत्थसद्धाणं च होइ संमत्तमेयं तु ॥ ८६ ॥
एगविह दुविह तिविहं चउहा पञ्चविह दसविहं सम्मं । मोक्खतत्तवीयभूयं तत्तत्था पुण इमे होन्ति ॥ ८७ ॥
जीवाजीवा पुन्नं पावासवसंवरो य निज्जरणा । बन्धो मोक्खो य तहा नव तत्ता होन्ति नायन्वा ॥ ८८ ॥
जीवा दुविहा संसारिणो य मुत्ता य णवविहा भविणो । पुढविदगागणिवाऊवणस्सइ चउव्विहा य तसा ॥ ८९ ॥
अहवा दुविहा तिविहा चउहा पञ्चविह छव्विहा चेव । नवविह चउदस भेया बत्तीसविहा उ ते भणिघा ॥ १४९० ॥
पाणा पज्जत्तीओ तणुमाणं आउयं च कायठिई । लेसा जोगुवओगा एएसिं जाणियन्वाइं ॥ ९१ ॥

तित्थअतित्थे सिद्धा तित्थयरा तह अतित्थकरसिद्धा । सयपत्तेयविबुद्धा बुहवोहियसन्नगिहिलिङ्गे ॥ ९२ ॥
 इत्थीपुरिसनपुंसा एगणेगसिद्धाइभेएणं । मुत्ता अणेगभेया असरीरा परमसुहजुत्ता ॥ ९३ ॥
 धम्माधम्ममागासा गइठिइअवगाहलक्खणा होन्ति । तह पुगलत्थिकाओ कालो अ इमे अजीवा उ ॥ ९४ ॥
 सायं उच्चागोयं सत्तत्तीसा य नामपगडीओ । तिन्नि य आजुणि तहा यायालं पुत्तपगडीओ ॥ ९५ ॥
 णाणन्तरायदसगं दंसण नव मोहपयडिछन्वीसं । णामस्स चउत्तीसं तिण्हं एक्केक्क पावाओ ॥ ९६ ॥
 अव्वयकसायइन्दियकिरियाजोगा य आसवो होइ । एएसि निरोहो पुण घोघन्वो संवरो चेव ॥ ९७ ॥
 अणसणभेयाइ तवो बारसहा तेण निज्जरा होइ । भइमहाभइाई अहव तवोऽणेगहा भणिओ ॥ ९८ ॥
 पयइठिईअणुभागप्पएसभेया चउन्विहो बन्धो । नीसेसकम्मविगमो मोक्खो इय नव उ तत्ताणि ॥ ९९ ॥
 चउसइहणतिलिङ्गं अइविहायारसुपरिसुद्धं च । पञ्चविहलक्खणजुयं संमत्तं छन्विहागारं ॥ १०० ॥
 परमत्थसंथवो वा सुदिट्ठपरमत्थसेवणा वावि । वावन्नकुदंसणवज्जणा य संमत्तसइहणा ॥ १ ॥
 सुत्तसधम्मराओ गुरुदेवाणं जहासमाहीए । वेयावच्चे नियमो सम्मदिट्ठिस्स लिङ्गाइ ॥ २ ॥
 निस्सङ्खिय निक्कङ्खिय निव्वित्तिगिच्छा अमूढदिट्ठी य । उववूहथिरीकरणे वच्छल्लपभावणे अट्ठ ॥ ३ ॥
 उवसमसंवेगोऽवि य निव्वेगोऽवि य तहाणुकम्प ति । अत्थिक्कं चेव तहा संमत्ते लक्खणा पञ्च ॥ ४ ॥
 छिण्डी रायभियोगो गणाभियोगो बलाभियोगो य । देवाभियोग गुरुनिगोहो य कन्तारवित्ती य ॥ ५ ॥

खीणैः सुवसन्तेऽसु य खीणुवसन्तेऽसु अहवणन्तेऽसु । मिच्छन्तस्मि य जीवो सम्मत्तं लहह न उ इहरा ॥ ६ ॥
जह चउरङ्गं सेनं नायगरहियं न साहए कज्जं । तह नाणाइगुणजुओ अदंसणो साहह न मोक्खं ॥ ७ ॥

जओ भणियं—

कुसमयसुईण महणं सम्मत्तं जस्स सुद्धियं हियए । तस्स जगुज्जोयगरं नाणं चरणं च भवमहणं ॥ ८ ॥
सम्मत्तस्मि उ लद्धे ठइयाइं णरयतिरियदाराइं । दिव्वाणि माणुसाणि य मोक्खवसुहाइं सहीणाइं ॥ ९ ॥
यन्दणमाइ न कण्हइ इह लोइयदेवलोइयगुरुणं । लोइयतवो य लोइयतित्थेसुं णहाणदाणाइं ॥ १० ॥
सम्मत्तमूलभेयं धम्मं नाउं समत्थसुहहेउं । भो भव्वा ! जहसत्ती इमस्मि चवुज्जमं कुणह ॥ ११ ॥
एत्थन्तरस्मि जागो वित्थरओ सोमिलेण पारद्धो । उवद्वाया एगारस वेयाइविज्ज तहिं पत्ता ॥ १२ ॥

भणियं च—

पढमेत्थ इन्दभूई बीओ पुण होइ अग्गिभूइ त्ति । तइए य वाउभूई तओ वियत्ते सुहम्मे य ॥ १३ ॥
मण्डिय मोरियपुत्ते अकम्पिए चैव अयल भार्योए । मेयल्ले य पभासे य गणहरा होन्ति वीरस्स ॥ १४ ॥
एत्थाइल्ला तिमि वि सहोयरा अन्नन्नमणुरत्ता । मण्डियमोरियपुत्ता य दोऽवि एक्कोयरससुत्था ॥ १५ ॥
सव्वे पण्डियमन्नू सव्वे चियं जच्चमाहणा एए । पढमेल्लुयसंघयणा समचउरंसा य सण्ठाणा ॥ १६ ॥

१ अ-वीए । २ ब-०या य । ३ ब-धिय ।

उकुट्टिनायमुहले अफ्फालियदुन्दुही नहाउ सुरे । आगच्छन्ते दहुं परितुट्ठो भणइ जन्नजणो ॥ १७ ॥
 जन्ने अहो ! सुजहं सक्खं चिय जं सुरा इह समिन्ति इय । तेसि वयन्ताणं देवा जन्नं अहक्कमिउं ॥ १८ ॥
 गच्छन्ति जिणसगासे ताहे जम्पन्ति ते विलक्खमणा । को एस इहायाओ कुणन्ति महिमं सुरा जस्स ॥ १९ ॥
 रुप्पाइसालत्तियगाइया उ रिद्धी विउव्विया एसा । जाणियपरमत्थेहिं अन्नेहिं विं तेसि परिक्हियं ॥ १५२० ॥
 सव्वञ्जुसव्वदंसी तित्थयरो एत्थ आगओ वीरो । तिहुयणमहिओ सव्वे सुरासुरा किङ्करा जस्स ॥ २१ ॥
 तं सोऊण दियवरो गोतमगोत्तो उ इन्दभूइ सि । गुरुअमरिसगहविहुरियचित्तो चिन्तइ अहम्माणी ॥ २२ ॥
 मोत्तूण ममं लोगो किं धावइ एस तस्स पानूलं । अन्नोऽवि जाणइ मए ठिअग्गि कत्तो चियं एयं ॥ २३ ॥
 वच्चेज्ज व मुक्खजणो देवा कहणेण विक्कयं नीया । नन्दन्ति संश्रुणन्ति य जेणं सव्वञ्जुद्वीए ॥ २४ ॥
 अहवा जारिसओ चिय सो णाणी तारिसा सुरा तेऽवि । अणुसरिसो संजोगो गामनडाणं च मोक्खवाणं ॥ २५ ॥
 काउं हयप्पयावं पुरओ देवाण दाणवाणं वों । नासेहं नीसेसं खणेण सव्वञ्जुवायं से ॥ २६ ॥
 इय वोत्तूणं पत्तो दहुं तियलोयपरितुडं कीरं । चउतीसाइसयणिहिं स सङ्किओ सो ठिओ पुरओ ॥ २७ ॥

उत्तरं च—

“साक्षादुद्गन्धर्वभूतिः समवसृतिस्तुत्रो भूषणत्यान्तिकस्या—

१ व-य । २ अ-चियं व-चयं । ३ न-मोक्ख । ४ व-य ।

नायातानङ्गनाभिः सह वरविबुधान् पञ्चवर्णैर्विमानैः ।

रूपं चाश्चर्यभूतं क्षमिति दशदिशो भासयन् स्फारकान्त्या

तस्थौ क्षोभात्सशङ्को मुनिपतिपुरतो हा किमेतत् किमेतत् ? ॥ २८ ॥”

आभासिओ जिणेणं जाइजरामरणविप्पमुक्केणं । नामेण य गोत्तेण य सवन्नू सव्वदंसी य ॥ २९ ॥

हे इन्दभूइ ! गोयम ! सागयमुत्ते जिणेण चिन्तेइ । नामं पि मे दियाणइ अहवा को मं न धोणेइ ॥ १५३० ॥

जइ किर^३ हिययगयं मे संसयमन्नेज्ज अहव छिन्नेज्जां । ता होज्ज विस्सओ मे इय चिन्तन्तो पुणो भणिओ ॥ ३१ ॥
किं अत्थि जिओ देहे उयाहु नत्थि त्ति संसओ तुज्झं । वेयपए य भणित्ता जीवो अत्थि त्ति तुह बुद्धी ॥ ३२ ॥

वेयपयं च इमं—“स वै अयं आत्मा ज्ञानमयः ।”

पच्चस्खाइपमाणाम्मो मुत्तत्तणाइभावाओ । जं ता नत्थि त्ति मई ण य जुत्ता तुज्झ सा काडं ॥ ३३ ॥

चेयन्नमणुहविज्जइ जीवन्ततणुस्मि तं च जीवगुणो । देहस्स गुणो णेयं भूयाणमचेयणत्तणओ ॥ ३४ ॥

सुहदुहचेयणधारणमरणानुस्सरणमाइ न घडेइ । अणुहवसिद्धं जीवाभावे ता अत्थि सो नियमा ॥ ३५ ॥

एवं जिणेण कहिए सव्वन्नू चेव एस इय मुणिउं । हिट्ठमणो संविगो पडिबुद्धो वन्दए वीरं ॥ १५३६ ॥

किञ्च—

१ व-सीणं । २ व-याणा० । ३ व-जइ वा हि० । ४ अ-वा । ५ अ-वो भा० ।

छिन्नस्मि संसयम्भी जिणेण जरमरणविप्पमुक्केणं । सो समणो पव्वहओ पञ्चहिं सह खण्डियसएहिं ॥ ३७ ॥
 तं पव्वहयं सोऽं अग्निभूहं वि अमरिसावन्नो । चिन्तह भायरमाणेमि तं पराजित्तु समणमहं ॥ ३८ ॥
 सो छलवाई अहविन्दजालिओ छलह सत्थचित्तजणं । इहरा उ इन्दभूहं वाए को तरह जेऽं जे ॥ ३९ ॥
 ता सो जह मस पक्खं जाणिस्सह अह निरागरिस्सह य । ताहं पि तस्स सीसो इय भणिय गओ जिणसयासो १५४०
 णामेण य गोत्तेण य जिणेण आभासिओ संसंकमणो । भणिओ य विम्विओ सो कम्मं तुह संसओ अत्थि ॥ ४१ ॥
 पच्चक्खाइअगम्मं कम्मं मुत्तं च कह इमं जीवे । बज्झइ अमुत्तस्सवे उवघायाणुग्गहा य कहं ॥ ४२ ॥
 मुत्तेण अमुत्तस्स उ कम्मं जियस्स सो य नो जुत्तो । पच्चक्खं चिय कम्मं अइसयनाणीण मज्झं च ॥ ४३ ॥
 तुज्झाणुमाणगम्मं इह जियवहचित्तदंसणाओ उ । कम्माओ चिय सुहहुहविकलेयरमाइभावाओ ॥ ४४ ॥
 दीसह य सुत्तघडमाइणा उ जोगो अमुत्तगयणस्स । नाणे सुरोसहेहिं य उवघायाणुग्गहा मुत्ते ॥ ४५ ॥
 वेदेऽप्युक्तम्—“पुण्यः पुण्येन कर्मणा पापः पापेन कर्मणा ।”

छिन्नस्मि संसयम्भी जिणेण जरमरणविप्पमुक्केणं । सो समणो पव्वहओ पञ्चहिं सह खण्डियसएहिं ॥ ४६ ॥
 ते पव्वहए सोऽं वाउव्वहं वि चिन्तए एवं । सव्वन्नू चेव इमो भयवं ता वन्दिमो गन्तुं ॥ ४७ ॥
 सीसत्तं पडिवत्ता संपह इन्दग्गिभूहणो जरस्स । तिहुयणकयप्पणामो स महाभागोऽभिगमणिज्जो ॥ ४८ ॥

ता तस्स वन्दणनमंसणाइणा होमि पूयपावोऽहं । वोच्छिन्नसंसओ वा वोत्तुं पत्तो जिणसयासं ॥ ४९ ॥
तो खवरिद्धिदंसणपरितुट्ठो सो जिणेण आभ(पु)ट्ठो । तज्जीवतस्सरीरं ति संसओ तुज्झ हिमयम्मि ॥ १५५० ॥
पच्चदखाइअगहणा जीवो नत्थेत्थ देहवहरित्तो । जलबुब्बुउ व्व सलिले देहे संमुच्छइ पसो ॥ ५१ ॥

इमं च न जुत्तं—

देसेण स पच्चनखो जीवगुणाणं अवगगहाईणं । पच्चवखत्तणओ चिय तहाणुमाणेणवि स गम्सो ॥ ५२ ॥
देहिन्दिद्याहरित्तो आया जं इन्दियाण विगमेऽवि । इन्दियदिट्ठे अत्थे सुमरइ मरणं च पावेइ ॥ ५३ ॥
वेदेऽप्यु त्थम्—“सत्थेन लब्धस्तपसा छेप ब्रह्मचर्येण । नित्तं ज्योतिर्भयो हि शुद्धोऽयं पश्यन्ति धीरा
यत्तयः संघत्तात्मानः ॥”

छिन्नाम्मि संसयम्मि जिणेण जरमरणविप्पमुद्धेणं । सो समणो पव्वहओ पञ्चहिं सह खण्डियसएहिं ॥ ५४ ॥
तयणन्तरं विद्यत्तो आगच्छइ भगवओ सयासम्मि । आभासिओ जिणेणं भूएसुं संसओ तुज्झ ॥ ५५ ॥
भूयाणि ण विज्जन्ति उ तप्पडिवत्ती दुचन्दरूवं ति । तो सव्वसुन्नया इद जुत्ता वेए जओ भणियं ॥ ५६ ॥

“खमोपमं वै सकलं” इमं च अजुत्तं, जेओ—

सुमिणासुमिणविभागो गन्धव्वपुरेयराइभेओ य । सव्वपसिद्धो जुज्झ न सव्वसुन्नत्तपक्खम्मि ॥ ५७ ॥

अधुवत्तमसारत्ताणकहणेणं वेयवयणमेयं तु । संसारियवत्थूसुं पडिवन्धनिवारणपहाणं ॥ ५८ ॥
न उ सव्वसुनभावस्स साहगं किञ्चि अत्थि अन्नं पि । वेयपयं भूयाणं सत्तासंस्तयगं तं च ॥ ५९ ॥

“पृथिवी वै देवता, आपो वै देवता, तेजो वै देवता, वायुवै देवता” इत्यादि ॥

छिन्नस्मि संसयम्भी जिणेण जरमरणविप्पमुक्केणं । सो समणो पव्वहओ पञ्चहिं सह खण्डियसएहिं ॥ १५६० ॥
तो एइ सुहम्मदिओ विम्बियचित्तो उ जिणसयासम्मि । आभासिओ जिणेणं आमन्तेज्जण नामेणं ॥ ६१ ॥
जो जारिसो इह भवे सो तारिसो उ परभवे होइ । इय संसओ तुह मणे वेयपयाणत्थभन्तीए ॥ ६२ ॥

वेयपयं च—“पुरुषो वै पुरुषत्वमभ्रुते पशवः पशुत्वमभ्रुवते ।” इत्यादि ॥

अन्नं च तुज्झ बुद्धी कज्जं किर कारणस्स अपुरुवं । ण जणेइ सालिदीजं जं कइयवि गोहुमङ्करं ॥ ६३ ॥

इमं च न जुत्तं, जओ—

कारणरूवं कज्जं नेगन्तो सिंगओऽवि होइ सरो । जायइ तह गोलोमा विलोमओ एत्थ दुव्वत्ति ॥ ६४ ॥

जं पुरिसो पुरिसत्तं पावइ इचाइ भासियं वेए । तं मइवज्जवाईगुणजुत्तो सो तयं लहइ ॥ ६५ ॥

मायाईगुणजुत्ता पुणो पसुत्तं लहन्ति पसुणोऽवि । न उ नियमेणं जं इह कम्ममावेक्खा अनुप्पत्ती ॥ ६६ ॥

कम्मं च चित्तरूवं ता कारणरूवमेव कज्जन्ति । एयं पि जुल्लइ चिय किञ्चन्नं वेयवयणं नि ॥ ६७ ॥

१ अ-किञ्च । २ न-हासि° । ३ न-नीयं । ४ अ-क्याइ यवि । ५ अ-वेवं ।

“शृगालो वै एष जायते यः सपुरीषो दह्यते ।” इत्यादि ॥
 छिन्नस्मि संसयम्मी जिणेण जरमरणविप्पमुक्केणं । सो समणो पव्वहओ पच्चहिं सह खण्डियसएहिं ॥ ६८ ॥
 तयणन्तरमागच्छह मण्डियपुत्तो जिणस्स पासम्मि । भणिओ जिणेण भो तुह संदेहो बन्धमोक्खेसु ॥ ६९ ॥
 विरुद्धवेदपदनिबन्धनश्चायं, तानि चामूनि—“स एष विगुणो विभुर्न बध्यते संसरति वा मुच्यते मो-

चयति वा ॥” इत्यादि ॥
 भुत्ते पडुच्च एयं देयपयं भासियं न उ भवत्थे । बन्धाहअभावम्मि य दिक्खाह निरत्थयं सव्वं ॥ १५७० ॥
 किञ्च—“न ह वै सशरीरस्य प्रियाप्रिययोरपहतिरस्ति, अशरीरं वा वसन्तं प्रियाप्रिये न स्पृशतः ॥”
 इच्चाहवैयवक्कातो बन्धमोक्खत्वा उ होन्ति विन्नेया । इय छिन्नसंसओ सो अडुडसएहिं पव्वहओ ॥ ७१ ॥
 वीरजिणस्स सयासे मोरियपुत्तो य तो समागच्छे । भणिओ य भगवया सो देवेसु संसओ तुज्झ ॥ ७२ ॥
 “को जानाति मायोपमान् गीर्वाणानिन्द्रयप्रवरुणकुबेरान्” ।

इच्चाहवैयवक्का तुज्झ सुराभावपच्चओ जाओ । सो य ण जुत्तो जम्हा अणिच्चयावेयगं च्वे ॥ ७३ ॥
 मायोक्खत्तमेयं देवाणं न उ अभावसंकहगं । पच्चक्खं पेच्छ इमे देवा मम पासमल्लीणा ॥ ७४ ॥
 किञ्च—“स एष यज्ञायुधी यजमानोऽञ्जसा स्वर्गं लोकं गच्छति ।”

एयस्मि य वेयपए सुरसत्ता स्रहया तुह मयस्मि । इय छिन्नसंसओ सो अचुटसएहिं पव्वइओ ॥ ७५ ॥
आगच्छइ जिणपासे अकस्मिओ सो जिणेण आलत्तो । तुह नारएसु जाओ सन्देहो वेयवयणाओ ॥ ७६ ॥

तं च इमं—“न ह वै प्रेत्य नरके नारकाः सन्ति ।”

एयं च वेयवयणं सुहकरमाणो न नारया होन्ति । एयत्थसाहगं चिय न य तदभावं पसाहेइ ॥ ७७ ॥
केवलिणो पच्चक्खा जुत्तीगम्मा भवारिसाणमिमे । जे वेइन्ति पगिइ पावफलं ते उ नेरइया ॥ ७८ ॥

किञ्च—“नारको वै एष जायते यः शूद्रान्नमश्नाति ।”

वेउत्तीए इमाए विज्जन्ते नारय ति बोधव्वं । वोच्छिन्नसंसओ सो पव्वइओ तिहिं सएहिं समं ॥ ७९ ॥
संपइ य अयलभाया आगच्छइ भयवओ समीवस्मि । भो तुज्झ पुन्नपावेसु संसओ इय जिणो आह ॥ १५८० ॥
ओ य न जुत्तो जम्हा पच्चक्खं चेव दीसए पयडं । पुअस्स य पावस्स य फलमिह लोगागमपसिद्धं ॥ ८१ ॥

सुकुलुप्पत्ती ख्वं विहवो भोगा पहुत्तमारोगं । एमाई पुन्नफलं विवरीयं होइ पावस्स ॥ ८२ ॥

सुतिवयणं एत्थत्थे जहग्गिम्मूइस्मि तह उ दट्ठव्वं । इय छिन्नसंसओ सो पव्वइओ तिहिं सएहिं सबं ॥ ८३ ॥
मेयज्जो आगच्छइ जिणयामूलस्मि तं जिणो भणइ । मेअज्ज ! संसओ तुह परलोगतित्तणे अत्थि ॥ ८४ ॥
सो य ण जुत्तो जम्हा आया चयन्नलिङ्गओ सिद्धो । सो परलोगं वच्चइ सो वज्जियकज्जजोएणं ॥ ८५ ॥

परलोगस्साभावे दिक्खातवदाणजन्नपूयाइ । सव्वं निरन्थयमिहं इमे सुरा पेच्छ परलोगो ॥ ८६ ॥

किञ्च—

“अद्धान्नेनोदरस्थेन यो वै ह म्रियते द्विजः । श्वानयोनिशतं गत्वा चाण्डालेषु प्रजायते ॥ ८७ ॥”
परलोगो मन्निज्जइ एयाओ चेव समयवक्काओ । इय छिन्नसंसओ सो पव्वइओ तिहि सएहिं समं ॥ ८८ ॥
तयणन्तरं पहासो सव्वजयपहासयस्स पासम्मि । आगच्छइ कुसलमणो जिणेण आभासिओ सोऽवि ॥ ८९ ॥
निव्वाणे संदेहो तुह हियए सो य होइ नो जुत्तो । जं निव्वाणं भोक्खो सो पुण नीसेसक्कमाणं ॥ ९० ॥
विगमो भन्नइ एत्थं कम्मं पुण वेयसिद्धमन्नं च । हीणुत्तमाइजीवावत्थावइचित्तदसणओ ॥ ९१ ॥
नाणतवदंसणेहि य सुद्धेहिं होइ कम्मविगमो उ । इय छिन्नसंसओ सो पव्वइओ तिहि सएहिं समं ॥ ९२ ॥
उत्तमसंदेगपरा ते उत्तमचरणकरणसंपन्ना । सव्वे उत्तमवन्ना जयपहुणो गणहरा जाया ॥ ९३ ॥
उप्पन्नविगमधुवपयतियम्मि कहिए जिणेण तो तेहिं । सव्वेहिं चि य बुद्धीहिं बारस अङ्गाइं रइयाइं ॥ ९४ ॥
आयारो सूयगडो ठाणं समवाय भगवई चेव । णायाधम्मकहाओ सत्तमयमुवासागदसाओ ॥ ९५ ॥
तह अन्तगडदसाओ अणुत्तरोवाइयाण य दसाओ । पण्हावागरणं तह एक्कारसमं विवागसुयं ॥ ९६ ॥
एक्कारस अङ्गाइं दुगुणादुगुणाइं गन्थमाणेणं । बारसमं पुण अङ्गं चउदसपुव्वेहिं नायव्वं ॥ ९७ ॥

ताणि य इमाणि—

उत्पायपुञ्चमगेणियं च तहयं च वीरियं पुञ्चं । अत्थीनत्थिपवायं तत्तो नाणप्पवायं च ॥ ९८ ॥
सच्चप्पवायपुञ्चं तत्तो आयप्पवायपुञ्चं च । कम्मप्पवायपुञ्चं पच्चक्खाणं भवे नवमं ॥ ९९ ॥
विज्जाअणुप्पवायं अवज्झप्पाणा उ वारसं पुञ्चं । तत्तो किरियविलासं पुञ्चं तह विन्दुसारं च ॥ १०० ॥
गणहरपयम्मि ठविया ते तित्थयेरेण सुहसुहुत्तम्मि । गन्धे निक्खिविय सिरे सुरोवणीए सुगन्धहे ॥ १ ॥
जाओ य तत्थ सङ्गो चउन्विहो जिणवरस्स पढम्मिल्लो । सीसो गोयमसामी चन्दणवाला य सिस्सिणिघा ॥ २ ॥
भवियारविन्दपडिवोहदिणयरो विहरए महीवीहं । चउतीसअइसयजुओ वीरो बहुगामनयरहुं ॥ ३ ॥

ते य इमे—

वररुवसुरहिरयमलआमयपासेयवज्जियं देहं । गोखीरसंखघवलं निव्विरसं संसरुहिरं च ॥ ४ ॥
आहारो नीहारो दीसइ न जिणस्स संसरुवखूहिं । वरफुल्लुप्पलसुरही निस्सासो दसदिसामोओ ॥ ५ ॥
जोयणमेत्ते खेत्ते मायन्ति सुराइयाण कोडिसया । सव्वसभासाणुगया जोयणनीहारिणी वाणी ॥ ६ ॥
पणवीसजोयणाइं चउदिसिं भगवओ उवस्समन्ति । पुव्वुप्पन्ना रोगा पसमेइ वहरमारी य ॥ ७ ॥
अहवुद्धि अणावुद्धी दुब्बिभक्खं तह न होइ डमरं च । आमण्डलं रविसमं विरायए षट्ठिभायम्मि ॥ ८ ॥
आगासगयं चक्कं छत्तं इन्दज्झओ चमरजुयलं । सीहासणं विच्चित्तं सपायपीढं सहविहारि ॥ ९ ॥

कणगमया णवपउसा पायारतिथं च चउमुहत्तं च । वरदुन्दुही असोगो नहरोमन्नवद्धियं चैव ॥ १६१० ॥
 मगम्मि कण्टया किर अहोमुहा ठन्ति अवन्नमन्ति दुमा । होन्ति मणुवा पञ्च उ सद्धाई इन्दियत्था य ॥ १११ ॥
 वणराइसु छप्पि रिऊ मणोरसा अवयरन्ति समकालं । अणुकूलो भूभागं विसोहए सुरहिपवणो य ॥ १२ ॥
 विहगा पयाहिणगई गन्धोदयपञ्चवन्नकुसुमस्स । बुद्धी होइ समन्ता सुरेहिं विहिया जिणिन्दस्स ॥ १३ ॥
 कप्पसुरा जोहसिया अवणवई वाणमन्तरसुरा य । चिट्ठन्ति समोसरणे कोडिपमाणा जहन्नेणं ॥ १४ ॥
 इय चउतीसमइसया चउरो जम्मप्पभीइ जिणिन्दस्स । एक्कारस कम्मक्खयसंभूया सुरकया सेसा ॥ १५ ॥
 केवलमहिमं काउं वीरस्स सुरेसरा सपरिवारा । अट्ठाहियानिमित्तं दीवे नन्दीसरम्मि गया ॥ १६ ॥
 बहुनन्दिरुक्खवणसण्डमण्डिए सुरवरच्छरनिवासे । तत्थ य चउदिसासुं नीलुप्पलमणिमया चउरो ॥ १७ ॥
 अञ्जणगिरिणो तुङ्गा बहुविहवणराइरेहिरा वट्ठा । विच्छिन्नोवरिमतला तेस्सि पुण चउसु पासेसु ॥ १८ ॥
 चउरो पुक्खरिणीओ पत्तेयं विमलवारिभरियाओ । गहिरपरिमण्डलाओ जम्बूदीवप्पमाणाओ ॥ १९ ॥
 तासि बहुमज्झदेसे धवलुज्जलमणिमया सुरम्मतला । परिवट्ठुलोरुत्तुङ्गा दहिवन्ना दहिमुहा गिरिणो ॥ १६२० ॥
 इय अञ्जणसु चउसुं सोलससुं दहिमुहेसु उवरितले । सासयजिणभवणाइं चउरदुवाराइं रेहन्ति ॥ २१ ॥
 जोयणसयदीहाइं पत्तासं वित्थडाइं रम्माइं । बावत्तरुसियाइं मणिरयणसुवन्नमइयाइं ॥ २२ ॥

उच्छुङ्गितोरणां मन्दरचूलं व उच्चसिहरां । मंगिरयणकिङ्किणीगणपडागपन्तीसणाहां ॥ २३ ॥
 हयगयरहविज्जाहरपाडिरुवयपवरपन्तिजुत्तां । सव्वज्जमणोहरसोलभञ्जियावलकलियां ॥ २४ ॥
 गम्भहरमज्जभागे तेसिं मणिपीडिया य एगेगा । पवरा तासु य चिट्ठइ विसिट्ठसंठाणसाराणं ॥ २५ ॥
 पणवन्नमणिमग्धाणं अट्टमहापाडिहेरजुत्ताणं । वरलोमहत्थघण्टियधूयकडुच्छुयसमेयाणं ॥ २६ ॥
 उस्सभजिणपमाणाणं उक्कोसेणं जिणिन्दपडिमाणं । वीरजिणिन्दपैमाणां जहन्नओ अट्टसयमेगं ॥ २७ ॥
 जिणभवणदुवाराणं पुरओ मुहमण्डवा चउण्हं पि । वरथम्भपन्तिरम्मा विचित्तचित्ता उ त्तिदुवारा ॥ २८ ॥
 तण्णुरओ पेच्छामण्डवा उ सुरपेच्छणाण ते जोगा । मुहमण्डवसारिच्छा तेसिं पुरओ य वरधूमा ॥ २९ ॥
 चउरो जिणपडिमाओ धूमाभिमुहाउ चउदिसिं होन्ति । मणिपेडियाडियाओ पसन्तमुहनयणसोहाओ ॥ ३० ॥
 स्तिरिउसभवद्धमाणयचन्दाणवारिसेणणामाओ । धूमाण तेसिं पुरओ चेइयरुक्खा परमरम्मा ॥ ३१ ॥
 तेसिं पुरओ मणिपेडियां य इन्दज्जया य अइउच्चा । तेसिं पुरओ होन्ति उ पुक्खरणीओ सुरम्माओ ॥ ३२ ॥
 इय एवंविहरूवा सिद्धाययणा जिणेहिं पन्नत्ता । णन्दीसरम्मि वीसं संपत्ता तेसु सुरवसम्मा ॥ ३३ ॥
 सुत्तावलिकणगावलिदिव्वंसुरइयरइयरउल्लोयं । सुरतरुविकोसकुसमोहविहियकुल्लहरयससिद्धं ॥ ३४ ॥
 जिणणहवणच्चणसारं तूररुद्धामनट्टगीयहं । सव्वजिणायणेसुं कुणन्ति अट्टाहियामहिमं ॥ ३५ ॥

१ व-कणिरकलिकं । २ अ-सालिं । ३ व-समाणं । ४ व-यासु ।

सौलसपुत्रखणीसुं उभओ पासेसु केइ रहकरगा । दो दो हेममयगिरी भवन्ति सन्वे च वत्तीसं ॥ ३६ ॥
 तेसु वि जिणभवणाइं अमहन्ततराइं केइ साहन्ति । इय नन्दीसरदीवो वावन्नजिणालओ होइ ॥ ३७ ॥
 अयवं पि महावीरो विहरन्तो पुरवरम्मि रायगिहे । गुणसियलचेइयम्मी समोसढो सुद्धदेसम्मि ॥ ३८ ॥
 रहयस्मि समोसरणे सुरेहिं सीहासणम्मि उवविट्ठो । तो जाणियवुत्तन्तो सेणियराया सपरिवारो ॥ ३९ ॥
 निट्ठरखुखल्यक्खमहेसारवमुहल्लतुरयचहुथ्हो । कयमत्तमयगलुद्धाअगज्जियाकालघणसङ्को ॥ ४० ॥
 वामीयरछुरियरहोरुघणघणारावबहिरियदियन्तो । दिप्पन्तखगकुन्तीतडिच्छडाडोवभीमअडो ॥ ४१ ॥
 ताडियभेरीभाणयअम्भापडुपडहकाहलानियरो । सामन्तनिरन्तरधवलच्छत्तनहरइयसरयघणो ॥ ४२ ॥
 उदण्डपुण्डरीओ उभओ कयचारुचामरुक्खेवो । पढमाणभट्ठहो वाउडुगधयवडसमूहो ॥ ४३ ॥
 आबद्धवीरवलओ केऊरकिरीडहारसोहिल्लो । सेयणयगयारुढो सक्को अइरावणगओ न्व ॥ ४४ ॥
 आरुढेहिं समन्ता हयगयरहकरहजाणसिवियासु । अणुगम्ममाणमगो अन्नोहिं वि पायचारीहिं ॥ ४५ ॥
 नियपुत्तेण चउन्विहवुद्धिसमिद्धेण सुपियधम्मेण । अभयकुमारेण ससं नाणाविहपुरजणससग्गो ॥ ४६ ॥
 आगन्तूणुज्जाणं तिपयाहिणपुन्वयं जिणं नमिडं । उवविट्ठो नियठाणे जिणदंसणहिट्ठमणनयणो ॥ ४७ ॥
 अयवं पि कहइ धम्मं असेसदुरिओहवारणसमत्थं । भवजलहिजाणवत्तं भन्वाण विवोहणट्ठाए ॥ ४८ ॥

१ ब-ते उ । २ ब-महिंसा । ३ ब-हर° । ४ अ-°छुहिय° । ५ ब-°क्खेत्तो । ६ ब-आविद्ध° । ७ ब-पिय° ।

लब्धूण माणुसत्तं सुदुल्लहं जलहिपडियरणं व । बुद्धिमया पुरिसेणं जत्तो घम्मम्मि कायब्बो ॥ ४९ ॥
 सो पुण दाणं सीलं तवो य तह भावणा चउविगप्पो । दाणं तिविहं नाणाभयधम्मोवग्गहकराणं ॥ १६५० ॥
 दिक्खेण जेण जीवो विन्नाया होइ बन्धमोक्खाणं । तं होइ नाणदाणं सिवसुहसंपत्तिसंजणं ॥ ५१ ॥
 एयं उं नाणदाणं जं सुयदाणं तयत्थकहणं च । भव्वाणमहव सुयणाणकारणं सुयलिहावणयं ॥ ५२ ॥
 नाणाओ भवविरागो संवेगो इन्दियाण य निरोहो । कोहाइयाण जायइ खंडवसमो भावसत्तूणं ॥ ५३ ॥
 सयलपयत्थपईवं निरुवहयं निम्मलं इमं चक्खुं । नाणविहीणो मणुओ पसु व्व अन्धो व्व नहिरो वा ॥ ५४ ॥
 जिणवयणं च लिहावइ जो सो अन्नाण अप्पणो हणइ । अन्नाण य भव्वाणं उस्मगं तह पणासेई ॥ ५५ ॥
 पयडेइ मोक्खस्सग्गं कैस्सेण तो घाइकस्सखवणेणं । पावइ कैवल्लाणं लोयालोयप्पयासयरं ॥ ५६ ॥
 सव्वेसिं जीवाणं हिंसापरिवज्जणं जमिह स्सस्सं । तं होइ अभयदाणं इदं तं चेव सव्वेसिं ॥ ५७ ॥
 देसं चयन्ति रजं सुयन्ति उज्झन्ति बन्धुवग्गं पि । वियरन्ति य सव्वस्सं पडन्ति पाएसु रिउणोऽवि ॥ ५८ ॥
 जीवियकल्ले मणुया नत्थि तयं किं पि जं न कुब्बन्ति । ता सव्वपियं नं चिय दायव्वं सोक्खकामेण ॥ ५९ ॥
 दीहाऊ वरसुत्ती निरुजो जणवल्लहो परमविहवो । जीवो उ सुलहबोही संजायइ अभयदाणेणं ॥ १६६० ॥
 घम्मोवग्गहदाणं असणं पाणं च वत्थु पत्तं च । ओसहसासण सयणं वसहिं च षडुत्तं जं दाणं ॥ ६१ ॥

१ व-नु । २ व-कम्माणं वा० ।

जो देह असणमाई साहूण ससत्तिओ सुविहियाणं । नाणाइगुणोवग्गहहेउं सो पुन्नफलभागी ॥ ६२ ॥
 सो पावइ सुररिद्धिं सुकुलं रुवं च उत्तमे भोगे । सोहगं वरकित्ती घम्मपवित्ती तओ सुत्ती ॥ ६३ ॥
 सद्धाजलेण रहियं बीयं च न होइ बहुफलं दाणं । सुक्खेत्तवाविधं पिहु ता सद्धापुव्वगं देयं ॥ ६४ ॥
 मोक्खो नाणाईहिं ताणि पुणो देहजायणाए उ । असणाइएहिं सावि हु सिवहेऊ तेण तद्दाणं ॥ ६५ ॥

वसहिदाणफलं पुण—

गई तेण दिन्ना मई तेण दिन्ना ठिई तेण दिन्ना सुहं तेण दिन्नं ।

गुणश्रीसमालिङ्गियाणं वराणं सुणीणं वरो जेण दिन्नो निवासो ॥ ६६ ॥

तहा—

संजमतबुजैयाणं वसहिं साहूण देह जो भइसं । वत्थन्नपाणसयणाइयाई तेणं विइन्नाइं ॥ ६७ ॥

तवसंजमसज्झाओ नाणवभासो जणोवयारो य । जो साहूणमुवग्गहकारी सेज्जायरो तस्स ॥ ६८ ॥

दाऊण वसहिदाणं पमुइयचित्तो चरित्तजुत्ताणं । साहूण गिही पुन्नं सुहाणुबन्धं समज्जेइ ॥ ६९ ॥

वररयणरासिपुन्ने अच्छरगणसंक्कुले सुरविमाणे । उववज्जइ तियसवरो सुहकलिए वसहिदाणेणं ॥ १६७० ॥

उत्तमकुले विसाले विभवाइजुए नरत्तणं लहइ । तत्तो सुओ सुदुलहं पावइ तह बोहिलाभं च ॥ १६७१ ॥

१ व-°वित्ति° । २ व-मुत्ति° । ३ अ-°वज्जु° ।

पारम्परेण पावइ परमपयं नरयतिरियगइमुक्को । जत्थ न जरा न मच्चू न वाहिणो नेय वसणाइं ॥ ७२ ॥
सेब्बावसही तीए सुदुत्तरं तरइ जेण भवजलही । सेब्बायरो त्ति तेणं भणन्ति जं परमनाणी वि ॥ ७३ ॥
अन्नं च—

जह जह सज्झायञ्जुणी निसुणिज्जइ जिणवराण दुहदलणी । तह तह पावमलोहो गलइ जहा अञ्जलीसलिलं ॥
इय साहुवसहिदाणं कल्लाणपरम्परासुहनिहाणं । जिणवयणाओ नाउं जहसत्तीए उ दायब्बं ॥ ७५ ॥
मूलुत्तरगुणख्वं सीलं समणाण सावयाणं च । कम्मासवाण पिहणं महव्वयाणुव्वयाइणं ॥ ७६ ॥
सव्वगुणालङ्कारो कुगदुववारम्मि अगगला सीलं । सोवाणपन्तिया इव सीलं सग्गापवग्गाणं ॥ ७७ ॥
सीलं कुलुन्नइकरं लोयपियत्तजणं जसकरं व । सीलं सुइत्तणकरं सीलं चिय संपयामूलं ॥ ७८ ॥
सीलस्स पहावेणं कुव्वन्ति सुरासुरावि सन्निज्झं । सीयारेवइभद्दामणोरम्मासावियाणं च ॥ ७९ ॥
अणसणमूणोयरिया वित्तीसंखेवणं रसच्चाओ । कालकिलेसो संलीणया य वज्झो तवो होइ ॥ १६८० ॥
पायच्छित्तं विणओ वेयावच्चं तहेव सज्झाओ । ज्ञाणं उस्सग्गोऽवि य अब्भिन्नरओ तवो होइ ॥ ८१ ॥
सिद्धिदुरमग्गजाणं संसारसमुदरुन्दबोहित्थो । कम्मिन्धणस्स जलणो पत्थियवत्थूण कप्पत्तरु ॥ ८२ ॥
वायायवेण सुस्सइ तलायसलिलं व पावकम्मं पि । तवसा हेममलो विव डज्झइ जलणोहेत्तावेणं ॥ ८३ ॥

१ व-°मुक्को । २ व-मुणिवराण । ३ अ-°णीयं । ४ अ-सिद्धं ।

जं नेरइओ कम्मं खवेइ बहुयाहिं वासकोडीहिं । पाणी पसन्तचित्तो तं श्रेवतवेण नासेइ ॥ ८४ ॥
 सन्वं सवस्स सज्झं तवो उ सन्वेसि पूयणिज्जथरो । हरिकेसरिसिं तुट्ठा सुरावि जं पज्जुवासन्ति ॥ ८५ ॥
 सन्वमणिच्चयमाईभावगाजालमेगचित्तेणं । भववेरगनिमित्तं अट्टमयट्ठाणछेयकरं ॥ ८६ ॥
 धणसयणरूवजोव्वणजीवाईयं अणिच्चमिह सन्वं । धम्मं मोत्तणन्नं न य सरणं किं पि संसारं ॥ ८७ ॥
 विविहाओ अवत्थाओ पावइ जीवो नडो व्व भवरङ्गे । रोगजरमरणजम्मणइक्खं पि यं वेयए एगो ॥ ८८ ॥
 अन्नो य एस जीवो अन्नं धणसयणदेहमाईयं । वससोणिगयाइनिम्मियमसुहनिहाणं इमं देहं ॥ ८९ ॥
 आसवइ जिओ कम्मं मिच्छत्ताईहिं असुहपरिणामं । तस्सेव य संवरणं करेइ तेसिं निरोहेणं ॥ ९० ॥
 बारसविहेण तवसा कम्मं निज्जरइ पुव्वक्खं पि । सो नत्थि लोयदेसो जत्थ न जाओ जिओ न मओ ॥ ९१ ॥
 बोही वि ऐत्थ दुलहा पुढवाइजिएसु संसरन्तस्स । मणुयत्तेऽवि हु दुलहो धम्मगुरू अकयपुन्नस्स ॥ ९२ ॥
 एमाइभावणाओ भाविन्तो सुक्खलेसपरिणामो । भरहइहापुत्तो इव उप्पाडइ केवलं नाणं ॥ ९३ ॥
 एमाई धम्मकहं सोजं सेणियनिवाइया भन्वा । संमतं पडिक्खा केई पुण देसविरयाइ ॥ ९४ ॥
 एवं च पइदिणं सो सेणियराया सुणेइ जिणपासे । निचलसम्मदिट्ठी धम्मं अच्चन्तजिणभसो ॥ ९५ ॥
 पुव्वण्हे पहरन्ते आणावइ उज्जलक्खवयल्लं च । मङ्गलतूरवेणं जिणपूयत्थं जओ भणियं ॥ ९६ ॥

१ व-विवेय० । २ अ-तत्थ । ३ अ-सोऊण सेणियाइया ।

राया य रायमच्चो तस्सासह पउरज्जणवओ वावि । दुव्वल्लिखण्डियवलिच्छियतन्दुलाणाढगं कलमा ॥ १७ ॥
 भाविय पुणानियाणं अखण्डफुडियाण फलगसरियाणं । कीरह बली सुरावि य तत्थेव छुहन्ति गन्धाहं ॥ १८ ॥
 बलिपविसणसमकालं पुव्वदारेण ठाह परिकहणा । निगुणं पुरओ पाडण तस्सद्वं अवद्धियं देवा ॥ १९ ॥
 अद्धवं अहिवइणो अवसेसं होह पागयजणस्स । सव्वामयप्पसमणी कुप्पइ नं नो य छम्मासं ॥ १७०० ॥
 तयणन्तरं च भयवं देवछन्दम्मि कुणह विस्सामं । वीयाए पोरिसीए गणहारी कहइ परिसाए ॥ १ ॥

भणियं च—

राओवणीयसीहासणम्मि विट्ठो य पायपीढम्मि । जेट्ठो अण्णग्रो वा गणहारी कहइ वीयाए ॥ २ ॥
 संखाईए उ भवे साहइ जं वा परो उ पुच्छेज्जा । नय णं अणईसेसी विग्याणई एस छउमत्थो ॥ ३ ॥
 खेयविणोओ सीसगुणदीवणा पच्चओ उभयओऽवि । सीसायरियकमोऽवि य गणहरकहणे गुणा होन्ति ॥ ४ ॥
 अभयकुमारो संवेगसंगओ परमधम्मसद्धालू । पुच्छइ विहारसमए किं किञ्च सावगाण पहू ॥ ५ ॥

भगवया भणियं—

चीवन्दणमावस्सयं सज्झायं चैव अपुव्वपढणं च । कायव्वं निच्चं चिय धीरेहिं भवविरत्तेहिं ॥ ६ ॥
 अत्थं परिभावेन्तो गुणरागं विग्गहं भवभयं च । हियए समुव्वहन्तो करेज्ज चीवन्दणं सट्ठो ॥ ७ ॥

१ व-अणाइ० । २ व-कहियं । ३ अ-वीरेहि० ।

अरिहन्तो अरहन्तो अरहन्तो अहव तह य भयवन्तो । एसाई चीवन्दणसुत्तपयत्थं विभावेइ ॥ ८ ॥
 रागदोसकसाया पञ्चेव इन्दियाणि दुदम्माणि । एए अरिणो तेसिं हन्तारो होन्ति अरिहन्ता ॥ ९ ॥
 अट्ठविहं पिय कम्मं अरिभूयं होइ सब्वजीवाणं । तं कम्ममरिं हन्ता अरिहन्ता तेण वुच्चन्ति ॥ १७१० ॥
 अरहन्ति वन्दणनमंसणाणि अरहन्ति पूयसक्कारं । अरहन्ति सिद्धिगमणं अरिहन्ता तेण वुच्चन्ति ॥ ११ ॥
 दहुस्मि जहा बीए वुत्तेऽवि न होइ अङ्कुरपत्ती । तह दहुकम्मबीया रोहन्ति भवङ्कुरे न जिणा ॥ १२ ॥
 एसो सुहस्स हेऊ सब्वन्नू परहि एकनिरओ य । सब्भूयवत्थुवाई वन्देयव्वो जिणो भयवं ॥ १३ ॥
 कप्पडुमो सुक्कसहीहरे व्व दरिद्दगामे व्व महानिहाणं । सरोयसण्डो व्व मरुप्पहस्मि दिट्ठो जिणो एत्थ मएज्ज चित्तं ।
 जम्मजरामरणजलो अणाइमं वसणसावयाइन्नो । जीवाण दुक्खहेऊ कट्ठं रुद्धो भवससुद्धो ॥ १५ ॥
 णिच्चं अणोरपारे एयम्मि निबुडुणाइं पकरेन्तो । जिणवैयणजाणवत्तं जह एत्थ अहं अपाविन्तो ॥ १६ ॥
 नवकारेण जहन्ना दण्डयथुइजुयलमज्झिमा नेया । संपुन्ना उक्कोसा विहिणा खलु वन्दणा तिविहा ॥ १७ ॥
 दव्वेणै य भावेण य सुद्धा एसा य बहुफला होइ । जह दङ्कदव्वसुद्धो सफलो काहावणो होइ ॥ १८ ॥
 चीवन्दणाउ सम्मं जायइ भावस्स जो समुल्लासो । तत्तो कम्मस्स खओ तओ य कल्लाणसंपत्ती ॥ १९ ॥
 ता तिपयाहिणतिपणइमुद्दातियसंजुयं तिपणिहाणं । पूयातियपुव्वं चिय कुणइ तिसंज्झं इमं पयओ ॥ १७२० ॥

सामइयं चउवीसत्थओ य वन्दणयमह पडिक्कमणं । काउसग्गो पच्चक्खाणं आवस्सया छच्च ॥ २१ ॥
समभावो सामइयं तम्मि कए समणसन्निभो होइ । ता तं जिणदत्तो विव निच्चलचित्तो करेज्जाहि ॥ २२ ॥

अन्नहा—

सामाइयं पि काउं घरचिन्तं जो य चिन्तए सहुो । अट्ठवसट्ठोवगओ निरत्थयं तस्स सामइयं ॥ २३ ॥
दव्वत्थयभावथए उसभाइजिणाण सावओ कुणइ । एहवणाई दव्वथए सन्तगुणुक्कित्तणा भावे ॥ २४ ॥
दारिदं दोहगं परपत्थणमिन्दिद्याण विगलत्तं । दीणत्तरोगसोगा जिणथयकारीण नो होन्ति ॥ २५ ॥
जो वन्दणयं सम्मं साहुण करेज्ज सीलकलियाणं । सो लहइ सगमोक्खे हरि व्व गुणलाभमज्झिणइ ॥ २६ ॥
खवइ य मिच्चागोयं उच्चागोयं च बन्धए कम्मं । सोहगं निव्वत्तइ आणासारं जणेपियत्तं ॥ २७ ॥
मिच्छाउक्कडवियडणनिन्दणगरिहानियत्तणं सोही । पायच्छित्तविहीए नियदुच्चरियस्स पडिक्कमणं ॥ २८ ॥
कयपावोऽवि मणुस्सो आलोइयनिन्दिओ गुरुसगासे । होइ अइरेगलहुओ ओहरियभरो व्व भारवहो ॥ २९ ॥
मिच्छत्तपडिक्कमणं तहेव अस्संजमे पडिक्कमणं । कसायाण पडिक्कमणं जोगाण य अएपसत्थाणं ॥ १७३० ॥
काउस्सग्गे जह सुट्ठियस्स भज्जन्ति अङ्गमङ्गाइं । इय भिन्दन्ति सुणिवरा अट्ठविहं कम्मसंघायं ॥ ३१ ॥
जह करकओ णिकिन्तइ दाउं इन्तो पुणोऽवि वचन्तो । इय किन्तन्ति सुविहिया काउस्यग्गेण कम्माइं ॥ ३२ ॥
अलं इमं सरीरं अन्नो जीवो सि एव कयवुद्धी । छिन्दिदय देहममत्तं काउस्सग्गं कुणइ साहु ॥ ३३ ॥

नेणहइ पच्चक्खाणं कालम्मि विऊ विउस्स पासम्मि । उवउत्तामणो सस्सं तं पि य इणमो दसविहं तु ॥ ३४ ॥
 णवकारपोरिसीए पुरिमहेक्कासणेगठाणे य । आयच्चिलभत्तहे चरिमे य अभिगहे विगई ॥ ३५ ॥
 दो चेव णमोक्षारे आगारा छच्च पोर्लसीए उ । सत्तेव य पुरिमहे एक्कासणगम्मि अट्टेव ॥ ३६ ॥
 सत्तेगहाणस्स उ अट्टेव य अच्चिलम्मि आगारा । पञ्चेव अब्भत्तहे छप्पाणे चरिमे चत्तारि ॥ ३७ ॥
 पच्च चउरो अभिगहे निव्वीए अहु नव य आगारा । अप्पाउरणे पच्च उ हवन्ति सेसेसु चत्तारि ॥ ३८ ॥
 णवणीत्तोगाहिमए अएवरूत्ते गुले दहिघए य । नव आगारा तेसि सेसदवाणं तु अट्टेव ॥ ३९ ॥

विगईओ पुण—

गोमहिखुट्टिपसूणं एलगखीराणि पच्च चत्तारि । दहिघयनवणीयाइं उट्ठीणं ताणि नो होन्ति ॥ १७४० ॥
 चत्तारि होन्ति तेह्हा तिलअयसिक्कुसुम्भसरिसवाणं च । दो गुलपिण्डदधगुडा चलचलपक्कं च पक्कन्नं ॥ ४१ ॥
 कुत्तिय मच्चिछय आमर तिहा महुं कट्ठपिट्ठयं मज्झं । चम्मं सोणिय पिसियं मंसतियं जलयमाई वा ॥ ४२ ॥
 दहिमत्यू घयघट्ठो विगईवीसन्दणं च केसिद्धि । एयासिं परिमाणं कुणह अब्भक्खाण नियमं च ॥ ४३ ॥
 दधत्ताखण्डार्णं निव्वीयाणं पि क्कारणायेक्कसो । उक्कोसगदव्वाणं परिभोगो नाधिसेसेणं ॥ ४४ ॥
 फासियं पालियं चेव सौहियं तीरियं तारा । कित्तियमाराहियं चेव एरिसयम्मि पयहयव्वं ॥ ४५ ॥

१ अ-० दहिपिसियघयगुडे चेव ।

आगारेहिं विसुद्धं जं गहियं फासियं तयं नेयं । तह पालियं तु असहं सम्मं उवओगपडियरियं ॥ ४६ ॥
 गुरुदत्तसेसभोयणसेवणयाए उ सोहियं जाण । पुंनेडवि थेवकालावत्थाणा तीरियं होइ ॥ ४७ ॥
 भोयणकाले अमुगं पच्चक्खायं ति सुअ किसियं । एएहिं पगारेहिं सम्मं आराहियं होइ ॥ ४८ ॥
 पच्चक्खाणस्स फलं इह परलोगे य होइ दुविहं तु । इह लोए चम्मिलाई दामझगमाइ परलोए ॥ ४९ ॥
 बारसबिहस्मि वि तवे सन्निभन्तरयाहिरे कुसलदिट्ठे । नचि अत्थि पविय होही सज्झायस्सं तवोकम्मं १७५० ॥
 सज्झाएण पसत्थं ज्ञाणं जाणइ य सव्वपरमत्थं । सज्झाए बट्ठन्तो खणे जाइ वेरगं ॥ ५१ ॥
 णाणावरणस्स खओ संवेगो सुयरसो नवनवो य । तित्थयरत्तनिबन्धो अपुव्वपढणं कुणन्तस्स ॥ ५२ ॥
 एवं सोउं अभओ परितुट्ठो वन्दिउं महावीरं । नियए भवणम्मि गओ सुसावगो एरिसो जाओ ॥ ५३ ॥

अहे दित्ते विच्छिन्नविउलसयणासणवाएणाइने बहुधणबहुजायरुवरयए आओगपओगसंपउत्ते विच्छ-
 द्धिपउरभत्तापाणे बहुदासीदासगोमहिसगवेलगभूए बहुजणस्स अपरिभूए अइगयजीवाजीवे उवलद्धपुन्न-
 पावे आसवसंवरनिज्जराबन्धओक्खकिरियाहिगरणकुसले असेहेज्जेदेवासुरनागसुवन्नजन्मलरक्खसकिन्नरकिं-
 पुरिसमहोरगाइएहिं देवगणेहिं निगन्थाओ पावयणाओ अणइक्खमणिज्जे निगगन्थे पावयणे निस्सङ्किए निक्क-
 द्धिए निव्वित्तिगिच्छे लद्धे गहियहे पुच्छियहे विणिछियहे अट्ठिभिज्जपेक्खानुरायरत्ते अयमाउसो निगगन्थे

१ व-० किचीयं । २ व-० सेहज्जं । ३ व-० पेमा० ।

पाचयणे अट्टे घ अगं परमट्टे सेसे अणट्टे ऊसियफालिहे अवजुयदुवारे चियत्तान्ते उरपरघरप्पवेसे बहूहिं सीलव्व-
यगुणव्वयवेरमणपच्चखाणपोसहोववासेहिं अत्ताणं भावेमाणे चाउदसट्टमुद्धिदुगुणिमासीसुं तिहीसु
पडिपुन्नं पोसहं पडिवालेमाणे फासुएसणिज्जेणं असणपाणखाइमसाइमेणं वत्थपडिगहकम्बलपायपुच्छणेणं
पाडिहेरेण य पीढफलगसेज्जासंथारएणं ओसहभेसजेण य समणे निगगन्थे पडिलाभेमाणे तवसा संजमेण य
अप्पाणं भावेमाणे विहरह ॥

पिड्ढीचरूपं पत्तो वीरजिणो तत्थ रागजुवराया । सालो य महासालो वन्दिय वीरं उवासन्ति ॥ ५४ ॥
अयवं पि कहइ धम्मं दोगगइगमवारणं खुगहमूलं । अणुवकयपरहियरओ तेसिं पडिबोहणनिमित्तं ॥ ५५ ॥

तंजहा—

अएसु संसरन्तस्स जइमत्तं पि दुल्लहं । तम्मि पञ्चिन्दियत्तं च तत्तो वि मणुयत्तणं ॥ ५६ ॥
नरत्ते आरियं खेत्तं खेत्तेऽवि विमलं कुलं । कुलेऽवि उत्तमा जाई जाईए ख्वसंपया ॥ ५७ ॥
ख्वेऽवि बलसंपत्ती बलेऽवि चिरजीवियं । हियाहियाहविन्नाणं जीविए खलु दुल्लहं ॥ ५८ ॥
संमत्ताममलं तम्मि संमत्ते सीलमुत्तमं । सीलेऽवि खाइओ भावो सव्वकम्मवयक्करो ॥ ५९ ॥
णाणं च केवलं तत्थ लोयालोयपयासयं । परमं तम्मि नेव्वाणं जम्ममच्चुविवज्जियं ॥ ७१६० ॥

१ ब-० सु णं ति० । २ ब-० पुच्छ० ।

इय सयागा एत्थं दुलहा जीवाण कुणह ता धम्मं । इय सोउं पडिबुद्धा सालमहासालरायाणो ॥ ६१ ॥
 रज्जम्मि भाहणेज्जं पिढरसुयं जसमईए अङ्गरुहं । संठाविय पव्वइया संविग्गा सामिपासम्मि ॥ ६२ ॥
 कालन्तरेण केणह चरूपानयरीए विहरिओ भयवं । सालमहासालावि य गोयमगगहारिणा सहिया ॥ ६३ ॥
 पिड्डीचरूपाए गया तत्थ य वन्दन्ति परमभत्तीए । जसमइगगलिपिढरा सपरियरं गोयमगणिन्दं ॥ ६४ ॥
 सुररइयकणयकमले उवविट्ठो गोयमो चउझाणी । उवइसइ इमं भव्वा धम्मो चिय एत्थ सुहमूलं ॥ ६५ ॥
 कसंछेयतावसुद्धं जहा सुवन्नं सुवन्नयमुवेह । तह एएहिं सुद्धो धम्मो धम्मत्तणमुवेह ॥ ६६ ॥

ते य इमे—

पाणवहार्इयाणं पावट्ठाणाण जत्थ पडिसेहो । द्धाणज्झयणार्इणं जोयविही एस धम्मकसो ॥ ६७ ॥
 वज्झाणुट्ठाणेणं जेण न बाहिज्जए दुगं पि तयं । संभवह य परिसुद्धं सो पुण धम्मम्मि छेउ त्ति ॥ ६८ ॥
 जीवाहभाववाओ वन्धाइपसाहगो इहं तावो । एएहिं अपरिसुद्धो कारिमकणगोवमो धम्मो ॥ ६९ ॥

अवि य—

एएहिं जो न सुद्धो अन्नयरम्मि वि न सुट्ठुनिव्वडिओ । सो तारिसओ धम्मो नियम्वेण फले विसंवयह १७७० ॥
 एमार्इ धम्मकहं सोउं संठाविउं सुयं रज्जे । अम्मापिईसमेओ पव्वइओ गगलिनरिन्दो ॥ ७१ ॥
 आगच्छन्ताण पहे तेसिं सामिहस वन्दणनिमित्तं । सुहपरिणामविसेसा केवलणाणं ससुप्पन्नं ॥ ७२ ॥

चम्पाउरीए पत्ता ते पञ्चवि केवली जिणसयासे । गोयमसहिया काउं पयाहिणं वीरनालस्स ॥ ७३ ॥
 तित्थपणासं काउं केवलपरिसाए पत्थिया तेऽवि । गोयमसामी पभणह मा वचह वन्दह जिणिन्दं ॥ ७४ ॥
 भयवं पि भणह गोयम ! मा आसाएहि केवली एए । तो सो विम्हियचित्तो संविगो खामए ते उ ॥ ७५ ॥
 मिच्छाजल्लडपुव्वं कुणह थ खेयं मणम्मि हा मज्झं । नो उप्पज्झ नाणं किमिह भवेत्तं न सिज्झेज्जा ॥ ७६ ॥
 सुणह य अमरुल्लावं वागरियं अज्ज भो ! सुवणपटुणा । जो नियसत्तीए नरो वन्दह अट्ठावयं तित्थं ॥ ७७ ॥
 भो तेणेव भवेणं सिज्झह विटुणियसव्वकम्मंसो । तो गोयमो वि सोउं अट्ठावयवन्दणं महइ ॥ ७८ ॥
 तस्स अधिहविगमत्थं तावससंवोहणं च नाऊणं । पभणह वीरो गोयम ! वन्दसु अट्ठावयजिणिन्दे ॥ ७९ ॥
 इय सोउं परितुट्ठो वन्दिय वीरं गओ य सो तम्मि । सासयसुहेक्खरसिओ चारणलद्धीए संपन्नो ॥ १७८० ॥

इओ य—

अट्ठावयं विलग्गा लोगसुईए सुणेत्तु जिणकहियं । कोडिन्नदिन्नसेवालनामया तावसा तिन्नि ॥ ८१ ॥
 पढमो कुणह चउत्थं पारह कन्दफलाइयं सो य । पञ्चसयतावसजुओ आरुढो मेहलं पढमं ॥ ८२ ॥
 बीओ य कुणह छट्ठं सुक्खफलाई य सुज्झइ निरीहो । सो मेहलं विलग्गो बीयं पञ्चहिं सएहिं जुओ ॥ ८३ ॥
 सेवाली अट्ठमयं करेइ सुज्झइ य सुक्खसेवालं । सो पञ्चसओ तइयं आरुढो मेहलं जाव ॥ ८४ ॥
 परतो ते अचयन्ता आरोहुं उम्मुहा विसन्ना य । चिट्ठन्ति ताव पत्तो गोयमसामी सुतवत्तेओ ॥ ८५ ॥

उत्तत्तकणयवन्नो सुन्दरलावन्नरुवसंपन्नो । तं ददुं ते सव्वे परोप्परं भणितमाढत्ता ॥ ८६ ॥
 अम्हे सुक्खा इमं न सत्ता गिरिं विलग्गेउं । एधस्स थूलरिसिणो एत्थारुहणस्मि का सत्ती ॥ ८७ ॥
 इय तेसि भणन्ताणं पेच्छन्ताणं च विम्भियमाणं । तुरियं समारुहन्तो खणेण अदंसणीहूतो ॥ ८८ ॥
 ते आवट्टियचित्ता भणन्ति ते पेच्छिमस्स सामत्थं । एस महप्पा कोइ वि परसरिसी पयडतवत्तेओ ॥ ८९ ॥
 ता जइ एसो एही सीसा अम्हे इमस्स होहामो । इय ते निच्छियचित्ता गोयममिन्तं पडिच्छन्ति ॥ ९० ॥
 अट्ठावयसिहरट्ठियमाययणं गोयमो वि संपत्तो । नन्दीसरसिद्धालयपडिच्छन्दो जं विणिम्मवित्रं ॥ ९१ ॥

अवि य—

आयासु जासु जोयणपमाणु जहिं रिसहपट्ठ मोक्खपयाणु ।
 गाउयइं तिन्नि उच्चलु कहिउ तं पवरु तित्थु असरेहि स्सहिउ ॥ ९२ ॥
 रयणुज्जलमणिमयचउदुवारु निम्भविग्रविहचिसण्यारु ।
 मन्दरचूला चिव शिहरु जासु को वन्निउ सक्कइ सोइ तासु ॥ ९३ ॥
 तहिं घडियपवरपुत्तलियपन्ति अवयरियवरच्छर नं सुकन्ति ।
 पणवन्नरयणकरविच्छरन्ति नं इन्दचावसयविष्णुरन्ति ॥ ९४ ॥
 उत्तत्तकणयवरकलसु भाइ रविविम्बु उदयगिरिसिहरि नाइ ।

धयदण्डु रुईरमाणिकजडिउ माणवयलम्भु विहरेविव घडिउ ॥ ९५ ॥
 तुङ्गत्तणि सो नहसिहरि लग्गु नं भविमहं दरिसइ मोक्खलमग्गु ।
 जोइज्जइ जं जं तासु अहु उप्पायइ तं तं मणह रडु ॥ ९६ ॥
 गळभहरमज्झि मणिपेढियाए उसहाइयाण समसेढियाए ।
 पडिमाओ जिणाण पसन्नियाओ नियवन्नमाणसमन्नियाओ ॥ ९७ ॥
 जहिं मुहमण्डव सोहहिं चउदिसिमणहरण पुरओ पेळ्ळामण्डव वरथम्भाहरण ।
 पडिमथूभचीरुक्खलमहिन्दज्झयपवर एवमाहनन्दीसरजिणहरसरिसपर ॥ ९८ ॥
 काउं पयाहिणाओ तिन्निउ हरिसुल्लसन्तरोमच्चो । उसभाइजिणे वन्दिद्य थुणह तओ गोघमो भयवं ॥ ९९ ॥
 उसभाई जयगुरुणो इमाए ओसप्पिणीए उप्पन्ने । पढमपवत्तियत्तित्थे थोसामि जिणेसरे पयओ ॥ १०० ॥
 जय उसहजिणेसर ! पढमदेव ! जय अजिय ! सुरासुरविहियसेव ! ।
 जय संभव ! भवभयभीयसरण ! अभिनन्दण ! जय सुरपणयचलण ! ॥ १ ॥
 जय सुमइ ! कुमयसारङ्गसीह ! पेउमप्पह ! जय जैसपत्तलीह ! ।
 जय जय सुपास ! ससिसोमवयण ! चन्दप्पह ! जय कन्दोइनयण ! ॥ २ ॥

जय सुविहि ! विहियसंसारभङ्ग ! जय सीयल ! ववगयसयलसङ्ग ! ।
सेलंस ! जयहि जयजन्तुरक्ख ! जय वासुपुल्ल ! सिक्खद्वलक्ख ! ॥ ३ ॥
जय विमल ! दलियगुरुक्कम्मकन्द ! जय जय अणन्त ! महिवलयचन्द ! ।
जय धम्म ! धम्मधुरधरणधीर ! जय सन्ति ! वसणघणरयसमीर ! ॥ ४ ॥
जय कुन्थुदेव ! सुवणप्पयास ! जय अरजिण ! सिक्खपुरकयनिवास ! ।
जय मह्लि ! मह्लसमसोहमहण ! सुणिसुन्वय ! जय अवरत्तदहण ! ॥ ५ ॥
जय नमिजिण ! चिन्तामणिपक्कप्प ! जय नेल्लि ! अगगकन्दप्पसेप्प ! ।
जय पास ! पणासियसयलदुक्ख ! जय वीरनाह ! जय कप्पक्खल ! ॥ ६ ॥
सन्नाणपयासियवत्थुजाय वत्तीससुरेसरनमियपाय ।
रागाइसत्तुनिम्महणसूर अन्वारविन्दपडिबोहसूर ॥ ७ ॥
चउवीसवि कक्खणारसनिहाण चउवीसवि पावियसिद्धेठाण
चउवीसवि सुवणुद्धरणखम्भ चउवीसवि दुद्धरधरियवम्भ ॥ ८ ॥
चउवीसवि अट्ठावयमण्डण चउवीसवि आर्यामयल्लण्डण ।

१ अ--०सुरं । २ व--०दप्पं । ३ ०द्धां । ४ व--०महं ।

चउवीसवि अरहेसरकारिय वन्दह नियनियनामुचारिय ॥ ९ ॥

एवं थोऊण जिने निगन्तुं जिणहरस्स मज्झाओ । उवविट्ठो सिलपट्ठे असोगरुक्खस्स हेट्ठस्मि ॥ १८१० ॥
सुरदाणवत्थयेहिं य गणहारी वन्दिओ सबहुमाणं । धम्मकहाअवसाणे य पुच्छिओ तेहिं सो भयन्वं ॥ ११ ॥
केणेमं जिणभवणं कारविं सुकयकम्मुणा रहयं । कहइ य गोयमसामी आसी इह पढमत्तिथयरो ॥ १२ ॥
उसओ नाम महप्पा तस्स सुओ आसि पढमचक्कि त्ति । भरहो तेण य निसुया उसभसमीवे जिणाईया ॥ १३ ॥
अरहम्मि जे अविस्सा सत्तासु ठाणेसु दविणविणिओगो । होइ य गिहीण स्सम्मं सद्धाजोगेण कीरन्तो ॥ १४ ॥
वीयस्सवि निक्खेवो सुक्खेत्तेसु बहुफलो चेव । एमाइओ य निसुओ धम्ममुवएसो तथा तेण ॥ १५ ॥

सत्तहाणाणि पुण--

जिणभवणं जिणविम्बं जिणागमो चउविहो य सिरिसङ्खो । संजयसमणीसावयसावियख्वो गुणनिहाणं ॥ १६ ॥
जो अहिगारी विहिणा जिणमवणं कारवेइ जहसत्ती । सो सुरनरसिवसोक्खं अइरेणं लहइ कयपुन्नो ॥ १७ ॥
एवं च बिम्बकारी जिणागमुदीवणं च कुणमाणो । सुहफलभागी जायइ तित्थयरत्ताइ अज्जेइ ॥ १८ ॥
सत्तीए संघपूया अविसेसेणं गिहीण कायन्वा । जं एस सुए भणिओ तित्थयरानन्तरं सङ्खो ॥ १९ ॥
पत्तं सिवतल्कीयं भववल्ली दुहफलाउला छिन्ना । सायत्ताइं कयाइं सुहाइं इह तेण सन्वाइं ॥ १८२० ॥

दारिद्रं धीवहयं बद्धं तित्थयरनामकम्मं ति । सद्धासंवेगेपरं सहो परिपूहओ जेण ॥ २१ ॥
 एसा उ महादानं एस चिय होइ भावज्जो ति । एसा गिहत्थसारो एस चिय संपयासूलं ॥ २२ ॥
 एयाएँ फलं नैयं परमं नैवाणमेव नियमेणं । नरसुरसुहाइँ अणुसंगियाइँ इह किसिपलालं व ॥ २३ ॥
 भरहेण इमं सोउं अट्ठावयपव्वयम्मि एयम्मि । मोक्खगए उसभजिणे एयं कारावियं तित्थं ॥ २४ ॥
 जिणपडिभाचउवीसं आउयपडिमासयं च एगूणं । नियमुत्ती य जिणिन्दे कारविया पज्जुवासन्ती ॥ २५ ॥
 धूमसयं भार्हेणं परिपेरन्तेसु रक्खणनिमित्तं । चीभवणस्सुलुङ्गं चहुइरयणेण निम्ममवियं ॥ २६ ॥
 लोहमया पडिहारा जन्तमया कारिया दुवारम्मि । अट्टेव मेहलाओ ते छिन्ना दण्डरयणेणं ॥ २७ ॥
 इगजोयणन्तराओ एगपए अट्टजोयणुस्सेहे । एयम्मि रक्खणत्थं तो पच्छा सगरपुत्तेहिं ॥ २८ ॥
 फरिहा कया अगाहा भरिया गङ्गाजलस्स आणेउं । डण्डमहारयणेणं समन्ताओऽलङ्घणिज्जस्स ॥ २९ ॥
 इय कहिऊण गोयमो रयणिं गमिउं पहायसमयम्मि । उत्तिन्नो तो दिट्ठो तेहिं सहरिसं तावस्सेहिं ॥ १८३० ॥
 पणमिय भणन्ति अम्हे सीसा तुम्हाण अम्ह तंसि गुरु । अम्हं तुम्हं च गुरु वीरो इय गोयमो आह ॥ ३१ ॥
 सो केरिसो ति पुट्टे वीरगुणकित्थणं तओ ऊणइ । खुहुमे खेत्तन्तरिए कालन्तरिए मुणइ सन्वे ॥ ३२ ॥
 सो भावे सन्नाणी उम्मुक्को रागदोसओहेहिं । बत्तीसं पि खुरिन्दा किङ्करभावं गया जस्स ॥ ३३ ॥

१ व-भो व० । २ अ-वेयेणं । ३ अ-०सओ । ४ व-निष्ठा० । ५ अ-एयं । ६ व-०पहे । ७ व-दण्ड० ।

बहुअहस्यसंपन्नो वीरो भवियारचिन्ददिणणाहो । सव्वज्झियरूवेणं कन्तीए तिहुयणभहिओ ॥ ३४ ॥

अणियं च—

सव्वसुरा जह रुवं अद्भुटपमाणयं विउवेज्जा । जिणपायद्भुटं पइ न सोहए तं जहिङ्गालो ॥ ३५ ॥

इय सोउं ते तुट्ठा पव्वइया गोयमस्स पासम्मि । देवयविइन्नलिङ्गा गोयससहिआ पहे चलिआ ॥ ३६ ॥

एगम्मि सन्निवेसे भिक्खावेलाए पुच्छिआ ते उ । किं आणिज्जइ तुम्हं पारणए ते वि जम्पन्ति ॥ ३७ ॥

आणेह पायसं णे गोयमसामी वि लद्धिसंपन्नो । आणइ सोदैरमेत्तं खीरिं सपडिगहे काउं ॥ ३८ ॥

उवविसह त्ति अणिए इमेण किं एत्तियाण होहि त्ति । किन्तु गुरु चिय जाणइ जुत्ताजुत्तं ति चिन्तेउं ॥ ३९ ॥

उवविट्ठा तिप्पविया अक्खीणमहाणसीए सव्वेऽवि । पच्छा सयं पमुत्तो गणहारी विम्हिआतेऽवि ॥ ४० ॥

भवक्खयकरालम्बो पत्तो सामी सुदुल्लहो वीरो । धम्मंगुरू जणयसमो अणभबुट्ठि न्व एसो य ॥ ४१ ॥

बोही सुहावहा तह पत्तो भवसयसहस्सदुल्लम्भा । ता कयपुत्ता अम्हे एम्माई भावयन्ताणं ॥ ४२ ॥

सुहपरिणामवसेणं सुञ्जन्ताणं तु केवलं जायं । सेवालभक्खगाणं मग्गे पुण दिन्नमार्इणं ॥ ४३ ॥

पिच्छन्ताण य वीरं कोडिन्नाईण तक्खणं चेव । छत्ताइछत्तकलियं उप्पन्नं केवलं नाणं ॥ ४४ ॥

काउं पयाहिणं ते केवलिपरिसं पहाविया सव्वे । वन्दह एह जिणिन्दं भवमहणं गोयमो भणइ ॥ ४५ ॥

१ ब-०यद्भुटं प० । २ ब-०रपूरणमेत्तं स० । ३ ब-वीर । ४ अ-०गुरुजणयसम्मो । ५ अ-०ता जा भवसह । ६ ब-मज्जे ।

भणइ जिनिन्दो गोयम ! मा आसाएहि केवली एए । तो खामह संविगो सिच्छामीदुक्कडं देह ॥ ४७ ॥
 कुणइ महन्तमधीइं नाहं सिञ्झामि नूण गुरुकम्मो । सिग्घमिमे लहुकम्मा कयपुत्ता केवली जाया ॥ ४७ ॥
 भयवं पि तं सखेयं नाऊणं भणइ गोयमा ! कहसु । तित्थयराणं वयणं गज्झसुयाहो तुहागेज्झं ॥ ४८ ॥
 एगन्तओ उ गज्झं ता खिज्जसि कीस जं तुममहं च । दोणिण वि अम्हे गोयम ! अन्ते तुल्ला भविस्सामो ॥ ४९ ॥

अन्नं च—

गोयम ! चत्तारि कडा सुण्ठकडो वि दलचम्मकडगा य । कम्बलकडो ममोवरि कम्बलकडउं व तुह नेहो १८५० ॥
 चिरसंसिद्धो चिरपरिचिओ य जं मज्झ तंसि ता मोहो । आवरइ केवलं तुह विगए य इमम्मि तुह होही ॥ ५१ ॥
 तम्मि य समए गोयमनिस्साए पन्नवेइ अज्झयणं । दुमपत्तं वीरजिणो दिन्तो सिस्साणमणुसट्ठि ॥ ५२ ॥
 दुमपत्तए पण्डुयए जहा निवडइ राइगणाण अच्चए । एवं मणुयाण जीवियं समयं गोयम ! मा पमायए ॥ ५३ ॥
 कुस्सग्गे जह ओसविन्दुए थोवं चिट्ठइ लम्बसाणए । एवं मणुयाण जीवियं समयं गोयम ! मा पमायए ॥ ५४ ॥

तहा—

मणुयत्तमारियत्तं अहीणपञ्चिन्दित्तधम्मसुइं । सद्धण धम्मचरणं जहुत्तरं एधमइदुल्लहं ॥ ५५ ॥
 इय नाऊणं गोयम ! समयं पिहु मा करेज्जसु पमायं । एमाइ तमणुसासिय चम्पाओ विहरिउं भयवं ॥ ५६ ॥

१ अ-संसडो । २ व-विहरिओ ।

सावत्थि संपत्तो समोसढो कोट्ठगम्मि उज्जाणे । भेत्तीए वन्दणत्थं च आगया तत्थ पुरिपरिसा ॥ ५७ ॥

कहिओ धम्मो भयवया—

वज्झन्ति जहा जीवा सुच्चन्ति जहा भवे य जह दुक्खं । जह सिद्धाणं सोक्खं कम्मविवागं च सुहमसुहं ॥ ५८ ॥
गोसालो तत्थच्छइ हालाहलकुम्भयारसालाए । भत्तो निमित्ततेजलेसाहिं ससीसपरियरिओ ॥ ५९ ॥
छट्ठं छट्ठेण तवं कुणभाणो गोयमो अनिक्खित्तं । सावत्थीनयरीए भिक्खनिमित्तं अणुपविट्ठो ॥ १८६० ॥
सुणइ य बहुजणसदं जिणप्पलावी जिणो य गोसालो । तं सोउं संसइओ विहरित्ता आगओ वीरं ॥ ६१ ॥
वन्दित्ता परिपुच्छइ एत्थ जिणत्तेण घोसए भयवं । गोसालो लोए णं ता को सो कहह परमत्थं ॥ ६२ ॥

मम सीसो एस आसित्ति भणिऊणं—

मद्धलिपुत्तत्ताईवुत्तन्तं तस्स तेउलेसन्तं । कहइ जिणो परिसाए मज्झे गणहारिणा पुट्ठो ॥ ६३ ॥
जणपासाओ य इमं गोसालो सोउमामुरुत्तो धे । आणन्दं अणगारं गोयरचरियागयं दट्ठुं ॥ ६४ ॥
पभणइ भो आणन्दा ! तव धम्मायरिओ मए समं अज्ज । खवलइ सुरकथपूओ नियइट्ठीगारववसेणं ॥ ६५ ॥
ता आगच्छामि अहं तस्स सयासम्मि एस जइ किञ्चि । सो पडिक्कलं सासइ तं तेएणं दहेमि तओ ॥ ६७ ॥
तं सोउं भयभीओ आणन्दो गन्तु वन्दिउं वीरं । साहइ गोसालुत्तं तं भन्ते सो पहू दहिउं ? ॥ ६८ ॥

भयं भणइ पइ सो आणन्दा ! किं परं न अरिहन्ते । परियावणे समत्थो तेसिं पिहु ता तुमं कहसु ॥ ६९ ॥
 गोयममाइसुणीणं गोसालं किं पि कोइ मा भणउ । सो कुद्धो आगमिही भणिओ तेएण य दहेइ ॥ १८७० ॥
 आणन्देण य कहियं सुणीण तं सो उ आगओ तुरियं । गोसालो बहुसीसो उद्धठिओ भणइ भयवन्तं ॥ ७१ ॥
 किं भणसि कासवा ! तं गोसालो आसि एस मम सीसो ? । अन्नो सो तुह सीसो अहं तुं तत्रामओ अन्नो ॥ ७२ ॥
 जह तेणो पारद्धो नगररक्खिबडेहिं गोसाला ! । पुरओ देइ तणाइं आवरणत्थं सरीरस्स ॥ ७३ ॥
 छाइज्जइ तेण तैयं गोवैसि तुमं पि एवमप्पाणं । न य अन्नो होसि ति य भणिओ वीरेण अइरुद्धो ॥ ७४ ॥
 उच्चावयमक्कोसइ बेइ विणट्ठो सि मम सयासाओ । सन्वाणुभूइसाहू तं सोउं सामिभत्तीए ॥ ७५ ॥
 जम्पइ हा गोसाला ! एकं पिहु अक्खराइ जो जत्तो । सिक्खइ सो तं वन्दइ गुरुत्ति काउं कुणइ भत्तिं ॥ ७६ ॥
 तं पुण सीसत्तेणं पडिवन्नो भगवया य सिक्खविओ । तेज्जलेसा वसणाउ सोइओ बहुसुओ य कओ ॥ ७७ ॥
 पडणीयत्तं संपइ किं पडिवन्नो सि दुट्ठु तुज्झ मई । इय भणिओ सो रुद्धो तं साहुं भाससा कुणइ ॥ ७८ ॥
 पुणरवि जिणमक्कोसइ तओ सुनक्खत्तमहरिसी तत्थ । धम्मगुरुपरमभत्तो चिन्तइ नियजीवनिरवेक्खो ॥ ७९ ॥
 मा जम्मउ सो पुरिसो जाओऽविहु जियउ मा चिरं कालं । जो पेच्छन्तो वि सहइ धम्मगुरुपराभवं भूढो १८८० ॥
 इय चिन्तिय पडिचोयइ गोसालं सो तहेव तेएणं । सोऽवि तयं परितावइ बाढं तो वीरपासम्मि ॥ ८१ ॥

आलोह्यपडिक्कन्तो उच्चरियमहन्वओ समाहिजुओ । खामियसंजयसाहुणिवगो सव्वत्थ समभावो ॥ ८२ ॥
 कालगओ सो वीरो पुणो य अक्कोसए जिणं सो य । पडिचोइओ जिणेणं तहेव तेयं तओ सुग्रइ ॥ ८३ ॥
 जह वातोली सेले पक्कमइ न चेव तह जिणसरीरे । सावि न पहवइ काउं अहिवियडिं तओ उहं ॥ ८४ ॥
 उप्पइया पडिनिहया गोसालसरीरगं अणुपविट्ठा । तीए अन्ताइट्ठो सो विमणो जम्पए एवं ॥ ८५ ॥
 मम तेएणं ऐत्तो छण्हं मासाण कासवा तंसि । दाहत्तो छउमत्थो करेसि कालं जिणो आह ॥ ८६ ॥
 सोलसवासाहं अहं अन्नाइं वि विहरिऊण गोसाला ! । केवलपेरियाएणं पच्छा मोक्खं गमिस्सामि ॥ ८७ ॥
 तं पुण नियतेएणं अन्ताविट्ठो य दाहजरघत्थो । कालं करेसि अन्तो सत्तण्ह दिणाण छउमत्थो ॥ ८८ ॥
 भणिया जिणेण सुणिणो धम्मियपडिचोयणाए चोएह । गोसालं हयनिहओ विज्झायगि न्व जं एसो ॥ ८९ ॥
 पडिचोयन्ति य ते तं कुणन्ति निप्पट्ठपसिणवागरणं । कोवग्गिजलन्तोऽविहु सो न तरइ किं पिकाऊणं ॥ ९० ॥
 उद्धियदाढो न्व फणी सीसा विहु तैत्थ तं निएऊणं । वीरजिणं आलीणा केह वि अन्नेऽवि तं चेव ॥ ९१ ॥

गोसालोऽवि—

दीहुणहे नीसासे सुञ्चन्तो दाढियाउ लुञ्चन्तो । पार्थिहिं कुट्ठिन्तो भूमिं रोसेण कम्पन्तो ॥ ९२ ॥
 निगगन्तूण य तत्तो निययट्ठानम्मि सो गओ तुरियं । तत्थवि दाहजरेणं चिट्ठइ बुन्नो विगयपुन्नो ॥ ९३ ॥

१ ब-अचिचियंवि । २ ब-अन्ना° । ३ ब-अन्तो । ४ ब-अन्ना° । ५ ब-तत्स । ६ ब-°एहि य ।

भगवयाऽवि समणाण साहियं—

जो मुक्को नियतेओ गोसालेणं वहाय मह समणा । सो अङ्गवङ्गमाई सोलसदेसे अलं दहिउं ॥ ९४ ॥

इओ य—

अम्बंविलियापाणगमाई दाहस्स पसमणनिमित्तं । गोसालो पियइ बहू करेइ सीओवयारे य ॥ ९५ ॥
मज्जं पिएइ गायइ नच्चइ हालाहलाइ पकरेइ । अञ्जलिकम्मं मूढो सिञ्चइ मद्दियजलेण तणुं ॥ ९६ ॥
सत्तमअहरत्तन्ते नियमरणं जाणिउं भणइ सीसे । मं कालगयं तुब्भे सिणाणमाईहिं पूएउं ॥ ९७ ॥
सिबियारूढं काउं घोसिज्जह एत्थ सव्वनयरीए । चउवीसमतित्थयरो गोसालो भरहवासम्मि ॥ ९८ ॥
केवलणाणी सिद्धो देवाणुपिया इहेज्ज इय महया । इट्ठीसक्कारेणं नीहरणं मम करेज्जाह ॥ ९९ ॥
खणमेत्तेण पुणो सो कहिञ्चि मिच्छत्तत्तव्वयउवसमेणं । संमत्तभावियमणो चिन्तइ नाहं जिणो होमि ॥ १०० ॥
मङ्गलिपुत्तो उ अहं समणाणं वायगो अणत्थखणी । गुरुपडणीओ धम्मस्स अयसकारी महापावो ॥ १ ॥
नियतेएणं दहो करोमि कालं सकम्मदोसेणं । भयवं पि महावीरो तित्थयरो केवली एत्थ ॥ २ ॥
एवं परिभावेन्तो नियसीसाणं कहेइ सो सव्वं । पुवुत्तं ते भणिया तुब्भे मं सुणियकालगयं ॥ ३ ॥
सुंवेणं बन्धेत्ता वामे पायम्मि थोक्कह मुहम्मि । तिक्खुत्तो पुणं पच्छा कहुविकट्ठि करेमाणा ॥ ४ ॥

१ व-°लाए । २ व-°हं जह य । ३ अ-°गय° । ४ व-तो । ५ अ ठोक्° ।

घोसिज्जह नयरीए दुच्चरियं मज्झ तुम्ह जं कहियं । वीरस्स जिणत्ताईगुणकित्तणयं करेज्जाह ॥ ५ ॥
 सहईए अवन्नाए कहुत्ता भह कलेवरमणजं । पेयवणे छडुज्जह इय ते सवहेहिं सावेत्ता ॥ ६ ॥
 गोसालो कालगओ सीसेहिं सवहसोकखणनिमित्तं । दारं पिहित्तु मज्झे रेहमया सा कया नयरी ॥ ७ ॥
 तब्भणियं तेहिं कयं बन्धणठोकणयघोसणाईयं । तो महया नीहरणं सक्कारेणं कयं तस्स ॥ ८ ॥
 भयवं सावत्थीए निक्खमिऊणं बहिजणवयविहारं । कुणइ पडिबोहयन्तो भविए सूरु ओ व्व कमलवणं ॥ ९ ॥
 विहरन्तो य कमेणं सिग्घियगासे पुरस्मि संपत्तो । फासुयदेसम्मि ठिओ उज्जाणे साणकोट्टम्मि ॥ १० ॥
 पञ्चभिगमेण सह्वा समागया तत्थ कोउणेणणे । संसयछेयट्ठणे भयवं पुण कहइ सव्वेसिं ॥ ११ ॥
 देवाणुपिया ! धम्मो कायव्वो भवविरत्तचित्तेहिं । तस्स पसाहणकज्जे जं कायव्वं तयं सुणह ॥ १२ ॥
 गुणरागो कायव्वो नो कायव्वा कुसीलसंसग्गी । वज्जेयव्वा कोहादओ य समयं पमाओ न ॥ १३ ॥
 जम्मन्तरेऽवि जीवो पावइ बोही गुणाणुरागाओ । सुहपरिणामवसेणं तेणगणायं इहं नेयं ॥ १४ ॥
 दुट्ठयरजोगओ दोसाण गुणाण भायणं होन्ति । गिरिसुयपुप्फसुया इव ता कायव्वा सुसंसग्गी ॥ १५ ॥
 पढमकसाया सम्मं हणन्ति बीया य देसविरइं ति । तइया य सव्वविरइं चउत्थया पुण अहक्खायं ॥ १६ ॥
 केरिसा य ते—

१ व-०त्थीओ । २ अ-सवे वि ।

जलरेणुपुढविपञ्चयराईसरिसो चउव्विहो कोहो । तिणसलघाकट्ठियसेलत्थम्भोवमो माणो ॥ १७ ॥
 मायावलेहिगोसुत्तामिण्डसिङ्गघणवंसमूलसरिसा उ । लोहो हलिक्कदमखञ्जणकिमिरागसम्माणो ॥ १८ ॥
 पक्खवउमासवच्छरजावल्लीवाणुगाणिणो कमसो । देवनरतिरियनारयगइसाहणहेयवो भणिया ॥ १९ ॥

पमाओ पुण—

वरं महाविसं सुत्तं वरं अग्गीपवेसणं । वरं सत्तुहिं संवासो वरं सप्पेहिं कीलियं ॥ १९२० ॥

मा धम्मम्मि पमाओ जमेगमच्चू विसाहणो । पमाएणं अणन्ताणि जम्माणि मरणाणि य ॥ २१ ॥

एवं हिओवएसा पडिबुद्धा तत्थ पाणिणो बहवे । सामिस्स तदा जाओ रोगायक्को सकम्माओ ॥ २२ ॥
 तिब्बो उ दुरहियासो जिणस्स वीरस्स पित्तजरजुत्तो । लोहियवच्चायं पि य करेइ जायइ य अबलत्तणू ॥ २३ ॥
 रोगकिलन्तं दट्ठु सामी सव्वो चउव्विहो सट्ठो । तह देवदेविवग्गो महन्तमुव्वेयमावन्नो ॥ २४ ॥

चाउवन्नो य जणो जम्पइ गोसालतेउलेसाए । छण्हं मासारणन्ते करिही कालं महावीरो ॥ २५ ॥
 तं सोउं सीहसुणी एगागी विसिय मालुयाकच्छे । रोयइ कहकहसदेण गरुयदुक्खं समावन्नो ॥ २६ ॥

सामी साहू पेसइ सुणिय इमं तस्स बाहरणकल्ले । अणिओ अ तेहिं गन्तुं सीहा ! सद्दाइ तं वीरो ॥ २७ ॥
 सीहोऽवि समागन्तुं वन्दित्ता एजुवासए अयवं । अणिओ जिणेण सीहा ! कीस अधिइ तुभं कुणसि ॥ २८ ॥

१ व-०इं पि य । २ व-०णन्तो ।

छण्हं सासाणन्तो नाहं कालं जओ करिस्सामि । अन्नाइं अद्धसोलसवासाइं एत्थ विहरिस्सं ॥ २९ ॥
ता गच्छ तुमं मिण्हियगामं मग्गाहि रेवई मज्झ । गाहार्वईण कज्जे पजुसियं ओसहं कप्पं ॥ १०३० ॥
सीहो य गओ तीए गेहं अब्भुद्धिओ ये हिट्ठाए । सत्ताट्ठपए अहिगम्म वन्दिओ परमभत्तीए ॥ ३१ ॥
भणिओ साहेहि तुमं देवाणुपिया इहागमणकज्जं । तेण य भणियं अमुगं पजुसियं ओसहं अत्थि ॥ ३२ ॥
तुज्झ गिहे तं वियरसु सा भणइ इमं रहस्सनिम्मवियं । कहमुणसि तुमं कहियं केवलिणा वीरनाहेण ॥ ३३ ॥
तं सोउं सा तुट्ठा वियरइ सीहस्स ओसहं तं तु । दब्बाइविसुद्धेणं ओसहदाणेण सा तेण ॥ ३४ ॥
देवाउयं निबन्धइ परित्तसंसारियत्तणं कुणइ । दिव्वाणि तत्थ पच्च य पाउब्भूयाणि सयराहं ॥ ३५ ॥
सीहो वि य पडिगन्तुं आलोइय दंसिऊण वीरस्स । णिसिरइ पाणिम्मि तयं भुत्तममुच्छेण य जिणेण ॥ ३६ ॥
खिप्पं चिय उवसन्तो रोगायङ्को य तम्मि भुत्तम्मि । निरुओ वलियसरीरो जाओ समणो महावीरो ॥ ३७ ॥
तुट्ठा समणा समणी य सावगा साविगा य तुट्ठाओ । देवा देवी य तहा सदेवमणुयं जगं तुट्ठं ॥ ३७ ॥
वन्दिदु इन्दभूई पुच्छइ वीरं कहिं समुववन्तो । सव्वाणुभूइसाहू तहा सुनक्खत्तअणगारो ॥ ३८ ॥
पढमो उ सहस्सारं गोयम ! बीओ उ अच्चुए कप्पे । उक्कोसठिई जाया सिज्झिस्सन्ती विदेहम्मि ॥ ३९ ॥
भन्ते ! तुम्ह कुसीसो गोसालो समणघायगो कत्थ । उववन्तो इय पुट्ठे कहिओ पज्जन्तवुत्तन्तो ॥ १०४० ॥

गोसालस्स जिणेणं सुहपरिणामाउ तेण सम्मत्तं । पत्तं तस्स पभावा अञ्चुक्कप्पे गओ सो वि ॥ ४१ ॥
 सम्मदिट्ठी मणुओ विमाणवत्तं न बन्धए आउं । जइ वि न संमत्तजढो अहवा बद्धाउओ पुत्तिं ॥ ४२ ॥
 कप्पाओ च्चुओ सन्तो किं किं सो सामि ! पाविही एत्थ । भरहम्मि सयदुवारं नयरे होही महाराया ॥ ४३ ॥
 नामेण महापउमो सो समणाणं उवद्देव बहुए । मिच्छत्तं पडिवन्नो कारेही दुट्ठपरिणामो ॥ ४४ ॥
 अक्कोसणनिव्वअच्छणवन्धणरुम्भणयउवदिहरणं च । छविच्छेयं कारेही निवासेही य नयराओ ॥ ४५ ॥
 चित्तन्तो य जणेणं मिच्छाभावेण उवरमं काही । चरियाएँ रहारूढो निग्गमिही अन्नया सो उ ॥ ४६ ॥
 उज्जाणे अणगारं आयाकित्तं सुमङ्गलं नाम । दट्ठणमासुरुत्तो नोल्लावेही रहसिरेणं ॥ ४७ ॥
 सो सणियं उट्टेत्ता पुणो वि आयाविही सुधीरमणो । इयरो नोल्लेइ पुणो वीयं वारं पुणो तइयं ॥ ४८ ॥
 आभोएही य तओ ओहिन्नाणेण सो अईअद्धं । गोसालभवे दट्ठु दुच्चरियं तस्स गुरुरोसा ॥ ४९ ॥
 सहयं सरहं दहिही नियतवतेण तं महापउमं । आउखए सो जाही सव्वेडुत्तरविमाणे ॥ १९५० ॥
 सत्तमपुढविं जाही सो राया होहिई^३ य सो मच्छो । पुण सत्तमिए जाही एवं एगेगपुढवीए ॥ ५१ ॥
 दो दो बारा जाही तत्तो पच्चिन्दिएसु सव्वेसु । बहुसो उववज्जिस्सइ सव्वत्थवि सत्थवज्जो त्ति ॥ ५२ ॥
 वउरिन्दियतेइन्दियविइन्दिएसु सव्वेसु । छिन्नो भिन्नो दट्ठो मरिही सव्वत्थ विघणत्तो ॥ ५३ ॥

१ व-आउक्खयंमि जा० । २ अ-०हई ।

एवमणन्तं हिण्डिय संसारं माणुसत्तणं लहिही । पावियजिणिन्दधम्मो देवगइं एस गच्छिहिही ॥ ५४ ॥
 कहवि भवगहणाइं महाविदेहे तओ य रायसुओ । नामेण दढपइन्नो होही दिक्खं च पडिच्चो ॥ ५५ ॥
 केवलमुप्पाडेही सुचरियतवसंजमो तओ समणे । आमन्तेत्ता कहिही नियदुत्तन्तं सवित्थारं ॥ ५६ ॥
 गोसालगमार्इयं ता अज्जा ! को उ मा हवउ तुब्भं । गुरुआइपच्चणीओ भमिज्ज मा सो वि संसारं ॥ ५७ ॥

अणियं च—

तित्थयरपवयणसुयं आयरियं गणहरं महिड्डीयं । आसायन्तो बहुसो अणन्तसंसारिओ होइ ॥ ५८ ॥
 तं सोउं ते समणा भीया उ तह त्ति पडिसुणेहिन्ति । मोक्खं च वच्चिही सो दढप्पइन्नो महाभागो ॥ ५९ ॥
 इय भावी बुत्तन्तो कहिओ गोसालगस्स वीरेणं । गोयममाइसभाए संवेगोवन्नचित्ताइ ॥ १९६० ॥
 विहरइ य वद्धमाणो गामागरनगरसंकुलं पुहइं । परिवद्धमाणसद्धो सवत्थ गुणेहिं सुमहग्घो ॥ ६१ ॥
 उद्धरियकुमयकन्दो चउविहसिरिसेद्धकुसुयवणचन्दो । तिहुयणकयआणन्दो करुणामयसारनिससन्दो ॥ ६२ ॥
 उद्दामकित्तिसद्धो दुज्जयकम्मारिचक्कसंमद्धो । चोदससमणसहस्सो पडिबोहइ पाणिणो बहवे ॥ ६३ ॥
 मेहमिगावइसुलसानन्दोदायणदसन्नभइ य । अइसुत्तसालिभइ धन्नाणन्दाइकयउत्ते ॥ ६४ ॥

तत्थ सालिभइपडिबोहणं विसेसेण भन्नइ—

सालिगामे आसी दुगो कुलपुत्तओ उ ओलगो । धन्ना य तस्स भज्जा तेसिं पुत्तो य संगमओ ॥ ६५ ॥
 भवियद्वयावसेणं तीसे पद्यत्तमुवगओ भत्ता । सा परघरकम्माइं कुणमाणी भरइ नियपोट्टं ॥ ६६ ॥
 संगमओ पुण चारइ सिंसुभावे गामवच्छरूवाइं । तेणन्नया वणम्मी दिट्ठो पडिमं ठिओ साहु ॥ ६७ ॥
 निच्चलनिरुद्धकाओ लम्बिरवाहु सिलायलोवगओ । उग्गतवसोसियद्धो धम्मज्झाणं अियायन्तो ॥ ६८ ॥
 जाया य तस्स सद्धा महारिसीए सधम्मपिण्डो ति । सो तं वन्दइ चलणे पमज्जिउं मलइ भत्तीए ॥ ६९ ॥
 समुहं च पलोइन्तो खणमेत्तं चिट्ठए उपासन्तो । कुणमाणस्स य एवं के विं दिणो वोलिया तस्स ॥ ७० ॥
 जायम्मि कम्मि वि छणे गिहे गिहे तत्थ रज्झए खीरी । सो दहूणं पभणइ अम्बे ! मह देसु परमन्नं ॥ ७१ ॥
 सा रोविउं पयत्ता सुयराहाडिं निएवि मनुइया । आसन्नगिहाहिन्तो तत्तो मिलियाउ महिलाओ ॥ ७२ ॥
 पुट्टं च ताहिं भइ ! किं रोयसि तीए तासि परिक्हियं । न सुणइ अत्थि अणत्थि मम पुत्तो निययगेहम्मि ॥ ७३ ॥
 एसो मग्गइ खीरी सामग्गीचिरहओ य सा कत्तो । दन्तेहिं विणा जम्हा न सिण्टेणं होइ कइयावि ॥ ७४ ॥
 तो पायसोवगरणं अनुकम्पाए विइन्नमेयाहिं । चिन्तिय दसाविभागो कैस्सित्थ न जायए विससो ॥ ७५ ॥
 रद्धा य तीए खीरी भरियं भाणं च भोयणट्ठाए । पुत्तस्स घयमहुजुयं उवविट्ठो झुञ्जिउं सो वि ॥ ७६ ॥
 एत्थन्तरे सुणी सो सभागओ सासखमणपारणए । जुगसेतनिहियदिट्ठी तस्स गिहे पुट्टजोमेणं ॥ ७७ ॥

१ व-°सम्मि । २ व-कैह । ३ अ-दिणे । ४ व-°ण्टुणं । ५ व-कस्से° ।

तं दहुं परितुटो धन्नो पुन्नो अहं कयत्थो त्ति । जमिहागओ अचिन्तियहिरन्नवुट्ठीसमो एसो ॥ ७८ ॥
 उट्टेज्जण य तत्तो वन्दित्ता भायणं च तं धेतुं । साहुस्स देइ सबं परमन्नमखण्डपरिणामो ॥ ७९ ॥
 चिन्तामणिम्मि पत्ते तप्पयाए उ होइ जा सद्धा । जो सयलसिद्धिकारयमन्तस्सरणे रसावेसो ॥ १०८० ॥
 पत्ते महानिहाणे रोरस्स य होइ जो मणाणन्दो । तत्तोऽहिगभावेणं साहू पडिलाहिओ तेणं ॥ ८१ ॥
 दवार्इहिं विसुद्धं नाउं अच्चन्तियं च तस्सद्धं । धम्मन्तरायभीरु गिण्हइ साहू तयमसेसं ॥ ८२ ॥
 पत्ताइविसुद्धेणं तिकालतुट्ठीजुएण दाणेणं । सुहभोगफलं पुन्नं मुकुलुप्पत्ती य बन्धेइ ॥ ८३ ॥
 भुत्तो य सयं पच्छा आकण्ठं पायसो य गेहीए । रत्तिं विसूइयाए सुहपरिणामो य कालगओ ॥ ८४ ॥
 उववन्नो रायगिहे भद्दाए सुयत्तणेण कुञ्छिसि । सालीसुमिणसूइओ सुइब्भगो भद्द भज्जाए ॥ ८५ ॥
 वहुइ य सो सुहेणं गब्भो इब्भो गओ वणिज्जेणं । परतीरं पोएणं जन्तस्स य पवहणं भिन्नं ॥ ८६ ॥
 अत्थो गओ अणत्थो गोभदो वि य विसायमावन्नो । संपत्तो पञ्चत्तं अहो ! हु सोवक्कमं जीयं ॥ ८७ ॥

तथाहि—

सत्थग्गीजलसावयसप्पविसार्इहिं विविहहेज्जहिं । सूलविसूइयसोगाइएहिं जीयं उवक्कमइ ॥ ८८ ॥

अओ चेव भणियं—

ववहरह नरा धेतुं बहुलाभं धम्मभण्डमणवरयं । जे पुव्वण्हे दिट्ठा अवरण्हे ते न दीसन्ति ॥ ८९ ॥

इओ य—

कालक्लमेण जाओ देवकुमारोवमो सुओ तीए । विहियं वन्धुजणेणं वद्धावणयं अइमहन्तं ॥ १९९० ॥
तस्स परिपालणत्थं ठवियाओ तेण पञ्चधावीओ । धावणमज्जनमण्डणकीलावणअङ्कुधाईओ ॥ ११ ॥
जं सालिखेत्तसुमिणं दिट्ठं गव्भंगयम्मि एयम्मि । भद्दाए कयं नामं सुयस्स तो सालिभद्दो स्ति ॥ १२ ॥
भद्दाए सुयं किर मे पवहणभङ्गेण उवरओ भत्ता । मुच्छइ रोयइ कन्दइ विलवइ सोआउरा ताहे ॥ १३ ॥
हाहा हयविहि ! निइय ! निह्लज्ज ! अणज्ज ! मज्झ किं विहियं । वसणमसज्झमयण्डे सुहिसज्जनसोयणिज्जमिणं ॥ १४ ॥
रे दइय ! जइ ममोवरि लुज्झ धिणा नत्थि कूरचित्तास्स । ता किं एयम्मि चि वालयम्मि करुगा न तुह जाया ॥ १५ ॥
एवं सा चिलवन्ती संठविद्या सयणमित्तवग्गेणं । कालेण विगयसोगा जाया घरकज्जसंलग्गा ॥ १६ ॥
जाओ य सालिभद्दो परिवहुन्तो कलागहणजोगो । गेहे चिय सिद्धविओ कलाउ कलम्वरिणा मइमं ॥ १७ ॥
लायन्नरुवमणहरसव्वं जोव्वणं च संपत्तो । रमणीयणमणहरगो पिओ य सव्वस्स लोयस्स ॥ १८ ॥
चाई भोई दक्खिन्नसायरो सच्चमासणो सोमो । पियवाणी दयसारे धम्मपिओ विणयसंपन्नो ॥ १९ ॥
उत्तमकुलव्वभवाओ मणहरतारुद्धकान्तिक्कलियाओ । सारयससिचयणाओ कुवलयदलदीहनयणाओ ॥ २००० ॥
अमरकरिक्कुम्भविब्भमपओहराओ य सुरवहुसमाओ । तिवलियतणुमज्झाओ कयलीखम्भोरुज्जुयलाओ ॥ १ ॥
अलिउलसमचिहुराओ सुरसरियापुलिणरम्मरमणाओ । परिणेइ एगदिवसं बत्तीसं इब्भकत्ताओ ॥ २ ॥

गोभदो विथ तइया मरिडं जाओ गुरो भवणवासी । ओहिं पउझइ तओ सभारियं नियसुयं नियड ॥ ३ ॥
 मुणिदाणोवज्जियपवरपुन्नआगरिसओ इहं एह । चिउरुवइ सत्ततलं पासायं सालिभइस्स ॥ ४ ॥
 सुरपासायसमाणं सघोउयतरुसमिद्धवणसण्डं । विमलजलजन्तवावीकलियं अच्छेरयब्भूयं ॥ ५ ॥
 बत्तीसत्तूलिकलियं पल्लङ्कं देइ सालिभइस्स । मणिरयणकञ्चणमयं तप्पत्तीणं च एगेगं ॥ ६ ॥
 अमरविलेवणआभरणवत्थकुसुमाइसयलभोगङ्गं । अन्नन्नं पइदियहं देइ सभज्जस्स सो तस्स ॥ ७ ॥
 बहुविहकीटानिरओ जणयसुराणीयभोगडुल्लिओ । दोणुन्दुगो व देवो गयं पि कालं न याणाइ ॥ ८ ॥
 सबं गिहवावारं भइ चिय पइदिणं विचिन्तेइ । कयविक्कयमार्इयं अन्नं पि य कुणह ववहारं ॥ ९ ॥
 तत्थन्नया कयाई कम्बलरयणाण विक्कयनिमित्तं । देसन्तराउ वणिया समागया लक्खमोह्छाणं ॥ २० ॥
 जाहे कोइ न गिणहइ ताणि महग्घत्तणेण अन्नजणो । ताहे सेणियरन्नो गन्तुं दरिसिन्ति अत्थाणे ॥ २१ ॥
 रञ्जियहियओ पुच्छइ मोल्लं कहियं च लक्खमोह्छाणि । रायाह न मे कज्जं एरिसमोह्छिहिं एणहिं ॥ २२ ॥
 तो ते विसन्नचित्ता निगन्तुं रायमन्दिराहिन्तो । तो सालिभइरिद्धिं सुणिडं भद्दागिहं पत्ता ॥ २३ ॥
 गहियाणि ताणि तीए जहुत्तमोह्छेण हेट्टहिययाए । ते वि परितुट्टचित्ता निययावासं गया सद्धे ॥ २४ ॥
 कम्बलरयणसरूवं सुणिऊणं चेल्लणा भणइ रायं । ाक मम कज्जे पिययम ! एक्कं पि नं तं तुमे गहियं ॥ २५ ॥
 तिट्ठा किमेरिसी तुह कत्ताणयज्जियधणस्स व महन्ती । अहवा रोभणवत्थुं मम दिन्नं तुह न पडिहाइ ॥ २६ ॥

किञ्च—

तुज्झ पसिद्धिं सोऽं जे वणिणो आगया इह नरिन्द ! । तेसिं पुरओ तुमए एवं लहुईकओ अप्पा ॥ १७ ॥
तं मोहं नो पुज्झइ जइ तुह रयणावलिं इमं गेण्ह । किणसु य कम्बलरयणं विगयासा ते वि मा होन्तु ॥ १८ ॥
एवं च उवाल्हो भज्जाए सेणिओ तओ वणिए । मग्गइ कम्बलरयणं तेहिं य भद्दागहो कहिओ ॥ १९ ॥
तं सोऽं सुट्ठुयं रुद्धा सा चेल्लणा भणइ एवं । वाणिगिणीए वि समं सत्तं तुह नत्थि नरनाह ! ॥ २० ॥
तो नरवइणा भद्दा भणाविया अज्ज जे तुमे गहिया । कम्बलरयणा तेसिं एगं मे देहि मोल्लेणं ॥ २१ ॥

ताहे पडिभणियं—

ते तक्खणमेव मए नरिन्द ! नियपुत्तसालिभइस्स । बत्तीसभारियाणं फालिय पयत्तूहणा विहिया ॥ २२ ॥
अत्थि य चिरन्तणाइं मज्झ गिहे ताइं गिण्हउ देवो । जइ कज्जं मोल्लेणं विणावि मेऽणुग्गहो एस ॥ २३ ॥
तो सुयमभयं पुच्छइ चउविहवुद्धीसमिद्धमइ राया । को एस सालिभदो तेण वि कहियं जहावत्तं ॥ २४ ॥
तो विम्भिओ विचिन्तइ रायाऽहो ! सालिभदसायग्गी । ता सुकयत्थो अहयं जरस्स पुरे एरिसावणिणो ॥ २५ ॥
भद्दा य समाइद्धा तस्सुयदं सणसकोउगमणेणं । पेसेसु निधं पुत्तं रायउले जेण पेच्छामि ॥ २६ ॥
तो तीए पडिभणियं अहसुकुमालो सुओ न मह सामि ! । गिहबाहिं कुणइ पयं न पेच्छए चन्दस्सरावि ॥ २७ ॥

१ व-ताए । २ अ-सूरो वि ।

ता तुम्ह सयासम्मी आगच्छउ कह इसो इय सुणेउं । आ अम्हाणं उवरिं अपसायपरो हवउ देवो ॥ २८ ॥
 तो रजा आणत्तं सयसागच्छामि तुज्झ गेहम्मि । तुह सुयदंसणकले इय भणिए सा इमं आह ॥ २९ ॥
 गरुओ अणुगहो मे गेहमलङ्करइ जमिहमागन्तुं । सामी नवरं कहयवि देउ दिणे होमि पउणाहं ॥ २०३० ॥
 पडिवन्ने नरवइणा रायघराओ य नियघरं जाव । संमज्जिओवलित्तो मण्डणपउणो कओ मग्गो ॥ ३१ ॥
 डज्झन्तनिरन्तरपवरअगरुकप्पूरसुरहिगन्धहो । पेच्छणयगीयवाइयेच्छयजणजणियआणन्दो ॥ ३२ ॥
 उल्लोओ य विरइओ महघपणवन्नरुहरवत्थेहिं । सुत्तावल्लिमाल्लो सणहरकुल्लहररहिल्लो ॥ ३३ ॥
 गिहमवि तीए कयं कसणीयं हारुल्लोयमल्लरमणीयं । वन्दणमालाऽलङ्कियदारं दारनिवेशिय तलमसुतारं ॥ ३४ ॥
 जाणाविओ य तत्तो पहाणपरिवारपरिवुडो राया । भद्दा गिहमागच्छइ पए पए कोउगक्खिल्लो ॥ ३५ ॥
 रज्जियचित्तो उ दढं उवविट्ठो पवरचन्दणचउक्के । सीहासणे विसाले तवभवणसिरीं नियच्छन्तो ॥ ३६ ॥
 वरवत्थमोत्तिथार्ह भद्दा उवणेइ खुट्ठु परितुट्ठा । गिण्हह तुम्ह गिहमियं राया न य गिग्गह किं पि ॥ ३७ ॥
 भणइ सपुत्तं दंससु गन्तूणं बेइ सालिभइं सा । ओयर पासायाओ पुत्त ! तुमं सेणिओ हेट्ठे ॥ ३८ ॥
 चिट्ठइ गिहमायाओ सो भणइ न किं पि अम्ब ! जाणामि । मोल्लं कयाणगाणं सयमेव करेसु जं जुत्तं ॥ ३९ ॥
 जाय ! कयाणगमेयं न होइ एसो हु सेणिओ राया । सामी तुज्झं मज्झ य सव्वजगाणं इहं देसे ॥ २०४० ॥
 मज्झ वि अन्नो सामी इय सुणिउं चिन्तए गुरुविसाओ । एत्थ अहो ! अकयसुहा परस्स सेवाकरा होन्ति ॥ ४१ ॥

भणियं च—

न करेन्ति जे तवं संजमं च ते तुल्यपाणिपायाणं । पुरिसा समपुरिसाणं अवस्सपेसत्तणमुवेन्ति ॥ ४२ ॥
धन्ता मुणिणो एगे जे विसयपरम्मुहा निरासंसा । मोत्तुणं देवगुरुं अन्नस्स कुणन्ति न पणामं ॥ ४३ ॥
संसारिया उ रिद्धी परमा विबुहाण नो रई कुणइ । ईसाविसायभयपरवसत्तमाईहिं जमसारा ॥ ४४ ॥
विसयाभिलासधिसधारियाण पुरिसाण निव्वियेयाण । न पुरइ धम्मस्मि मई तुच्छसिरीए मघन्धाणं ॥ ४५ ॥
एवं अहिमाणघणो तं चिय संवेगकारणं धरिउं । धम्मकरणुज्जयमई संजाओ सो महासत्तो ॥ ४६ ॥
इय विमणो ओयरिओ पासायाओ गतो निवसमीवं । सवालङ्कारधरो पच्चक्खो कप्परुक्खो व ॥ ४७ ॥
पसरन्तवहलपरिमलवासियदिसिमण्डलो सलीलगई । नियपणइणीसमेओ अच्छरसहिओ व सुरकुमरो ॥ ४८ ॥
निवचलणेसु निवडिओ आलिङ्गिय राइणा कओ अङ्गे । दहुं सरीरसोहं विम्हइओ चिन्तए एवं ॥ ४९ ॥
नूणं नत्थि असज्झं सुचरियधम्मस्स जीवलोगम्मि । जं इय माणुसमेत्ता अमरविभूहं विडम्बन्ति ॥ ५० ॥
संभासिओ निवइणा न जम्पए जायए य साममुहो । अंसुजलपुत्तनचणो भदाए निवो तओ भणिओ ॥ ५१ ॥
सुरभोयणेहिं नव नव सुरभोगेहिं लालियसरीरो । न सहइ मणुस्सतणुपरिमलं इमो सुयह ता देव ! ॥ ५२ ॥
गच्छसु वच्छ ! सठाणं इय भणिओ सेणिएण सो मुक्को । आरुढो पासायं उट्टिउकामो उ नरनाहो ॥ ५३ ॥
भदाए चिन्नत्तो जोडियहत्थाए गरुयपणएणं । देव ! पसाएणडम्हं सागयकिंच पडिच्छेह ॥ ५४ ॥

उवरोहसीलयाए पडिवन्नो राइणा उ तदयणे । अब्भङ्गिओ य संवाहिओ य वरवेसविलयाहिं ॥ ५५ ॥
 उवट्ठिओ य राया वाविजले मज्झिओ कराउ तहिं । पडियं सुद्धारयणं तो संभन्तो पलोएइ ॥ ५६ ॥
 किं देव ! नियह तुब्भे संखुब्बा पुच्छियं च भद्दाए । रत्ता कहियं तीए सुद्धारयणस्स जलपडणं ॥ ५७ ॥
 भद्दाए तं सोउं जन्तपओगेण तं जलं खिप्पं । आइसिउं नियदासिं संकामियसन्नवावीए ॥ ५८ ॥
 निज्जलतलस्मि तीसे भूस्सणनियरं फुरन्तकिरणिल्लं । पेच्छइ तेसिं मज्झे सुद्धारयणं तयं नियइ ॥ ५९ ॥
 इङ्गालो व विसोहं पुच्छइ य सकोउगो किमेयं ति । भद्दाए कहियमिमं निस्मल्लं सालिभद्दस्स ॥ ६० ॥
 जेण सुरो पइदियहं आभरणमिमस्स पणइणिजुयस्स । देइ तयं निस्मल्लं काउं खिप्पइ य वावीसु ॥ ६१ ॥
 अइसयविन्निहयहियओ सुद्धारयणं नियं च धेत्तूण । मणहरकयनेवच्छो रम्मं नन्दणवणं नियइ ॥ ६२ ॥
 पासायं च समन्ता गच्छइ देवालयं जिणं नमिउं । पूइयजिणवरविम्बो भत्तीए संथुइं कुणइ ॥ ६३ ॥

जगचिन्तामणि ! जगह नाह ! जगशुरु ! जगरक्खण !, जगबन्धव ! जगसत्थवाह ! जगभाववियक्खण !;
 जय जय जिणवरवद्धमाण ! सरणागयवच्छल ! । जय करुणारस ! सुहनिहाण ! भवतारणपच्चल ! ॥ ६४ ॥
 जे पेच्छन्ति थुणन्ति सामि ! पूएन्ति प्हवन्ति य, जे गायन्ति नमन्ति पायसुमरं तुह सन्ति य ।
 ते नरधन्न सउन्न तेहिं सुरसिरिआवज्जिय । सिवसुहसंपय ते लहन्ति जरमरणविवज्जिय ॥ ६५ ॥

तुह सेवकरंतह निरुनरह पावपङ्कु उहिल्लइ । तं नत्थि किं पि भुवणे वि सुहु जं न सामि ! संपल्लइ ॥ ६६ ॥

भद्दाए चिन्नत्तो भोयणकल्लम्मि निग्गओ तत्तो । भोयणसहसुवविट्ठो नियपरियणपरिगओ राया ॥ ६७ ॥

भुत्तो य अहाविहिणा तम्बोलाईकयोवयारो य । संभासिज्जण भद्दं नियभवणम्मी गओ राया ॥ ६८ ॥

चिट्ठइ य सालिभद्दो विसयविरत्तो सुधम्ममगयचित्तो । पत्तो य तत्थ सूरी तक्कालं धम्मघोसो त्ति ॥ ६९ ॥

वन्दणवडियाएँ गओ रायां य जणो य तस्स सूरिस्स । जणणिं च पुच्छिज्जणं तत्थ गओ सालिभद्दो वि ॥ ७० ॥

वन्दिय उवविट्ठाए परिसाए भवविरागेजणणीए । सो धम्मदेसणाए पडिबोहं काउमाढत्तो ॥ ७१ ॥

कोडिं वराडियाहेउं जहा हारेज्ज कोइ णं । मणिं वेरुलियं वावि दलेज्जा सुत्तकारणा ॥ ७२ ॥

नावं जलहिमज्झम्मि लोहकज्जेण भिन्दए । सारं च चन्दणं भासहेउं मूढो दहेज्ज णं ॥ ७३ ॥

छेलुं कप्पूरसण्डं च कोदवाणं वद्दं करे । धन्तं जच्चसुवन्नं च कुक्काए हारए नरो ॥ ७४ ॥

एवं माणुस्सयं जम्मं धम्मसाहणसंजुयं । असारविसयासत्ता सत्ता ! नासेह मा हु णं ॥ ७५ ॥

इय धम्मकहं सोउं पडिबुद्धा पाणिणो गया सगिहं । संविग्गो भद्दाए सुओ वि पत्तो सभवणस्मि ॥ ७६ ॥

तो पणमिज्जण जणणिं सो पभणइ अम्म ! अज्ज मे निसुओ । गुरुणो पासे धम्मो सा जम्पइ पुत्त ! सुहुकयं ॥ ७७ ॥

तो पवज्जामि अहं तं अणुजाणेखु सा य तं सोउं । कत्तकहुयं च वयणं धसत्ति धरणीयले पडिया ॥ ७८ ॥

१ व-°याइ ज° । २ व-°राय° । ३ व-°कारणे ।

परसुनिकित्त व लया मुच्छाए तो जलेण सितझी । वीयनएणं वीया लहिकुण य चेयणं दीणा ॥ ७९ ॥
 अंस्तुणि य सुयमाणी रोयन्ती भणइ तं सि मे एगो । पुत्तो उम्बरपुप्फं व दुल्लहो जीवियंभहिओ ॥ २०८० ॥
 ता जीवन्तीएँ मए दिक्खं मा गेण्ह सो वि तं आह । अम्ब ! न नज्जइ एय को पुब्बि जाइ को पच्छा ॥ ८१ ॥
 सा भणइ जाय ! तुज्झं नीरोगसुलक्खणं सुखं च । देहं ता एयगुणं माणेसु विलासकरणेणं ॥ ८२ ॥
 सो आह असुइ एयं बहुवसणहयं जराएँ घुणियं च । आममिउभण्डगसमं विट्ठंसणधम्मयं एयं ॥ ८३ ॥
 तो को अम्ब ! इमम्मी पडिबन्धो कीरए विवेगीहिं । धम्मविहाणेणं चिव सफलत्तं होइ एयस्स ॥ ८४ ॥

माता—

रूवाइगुणजुयांओ अणुरत्ताओ य तुज्झ जायाओ । बत्तीसमिमाहिं समं ता भोए सुज्झ जा तरुणो ॥ ८५ ॥

पुत्रः—

असुइसमुत्था परिणामदारुणा थेवकालिया भोगा । नरयाइदुक्खहेऊ ता को भोएसु कुणइ रहं ॥ ८६ ॥

माता—

मणिकणगरयणमाईअत्थो आसत्तमं कुलं तुज्झ । दाउं भोचुं च अलं ता तं विलसेसु जाय ! तुमं ॥ ८७ ॥

पुत्रः—

रायग्गिचोरदाइयमच्चसुराईण साहिओ अत्थो । बाहिरमलो व अथिरो को मुज्झइ एत्थ जाणन्तो ॥ ८८ ॥

माता—

असिधारगमणअयचणयचावणादुक्करं खु समणत्तं । भूसयणलोयभिक्षन्नबम्भचेराइ जं एत्थ ॥ ८९ ॥

पुत्रः—

संसारसूयराणं विवेयरहियाण कायरनराणं । दुक्करमिह समणत्तं न उ धम्मियधीरपुरिसाण ॥ २०९० ॥

माता—

सुकुमालो वच्छ ! तुमं सुहोइओ सह अदिट्ठदुहलेसो । कह उवसग्गपरीसहसहणसमत्थो तुमं होसि ॥ ९१ ॥

पुत्रः—

नरयम्मि सुघोराओ बहुसो वियणाउ मे विसहियाओ । तयविक्खाए केत्तियमेयं उवसग्गमाइदुहं ॥ ९२ ॥

माता—

जह एवं ता पुत्तय ! समीहिं कुणसु किन्तु कहवि दिणे । परिकम्मसु अप्पाणं एवं दिक्खा सुहं काउं ॥ ९३ ॥

जणणीउवरोहेणं पडिवज्जिय तं गओ सपासायं । भज्जाओ आमन्तिय पडिवोहन्तो इमो भणइ ॥ ९४ ॥

पुरिसेणं बुद्धिमया परभवचिन्ता अवस्सकायवा । न ह्नु विसयविमूढेणं हारेयवो मणुयजम्मो ॥ ९५ ॥

जं विसएसु पसत्ता बम्भसुभूमाइया गया नरयं । विसयविरत्ता उ गया भरहनरिन्दाइया मोक्खं ॥ ९६ ॥

१ ब—पडिवोहत्थं ।

जीवरस नत्थि तित्ती चिरं पि ओत्तेहिं विसयसोक्खेहिं । ता विसयविरमणेणं पव्वजमहं करिसामि ॥ ०.७ ॥
तुम्हं जा उ ससल्ला सावचाओ य ता हे गिहिधम्मं । कुवन्तु सेसियाओ कुणन्तु दिक्खं सहच्छाए ॥ ०.८ ॥
एवं अणुसासेउं भज्जाओ थेवथेवभोगेउं । परिहरमाणो चिट्ठह निच्छियचित्तो य दिक्खाए ॥ ०.९ ॥ हओ य—
धन्नेणं परिणीया भइणी तत्थेन सालिभइस्स । अब्भइन्ती दइयं सैदुक्खसंस्सूणि सा सुयह ॥ २१.०० ॥

यन्नेणं तो पुडा किं तुह उव्वेयकारणं सुयणु ! । सा आह सालिभइो पव्वजं इच्छए घेतुं ॥ १ ॥

परिकम्मं कुणमाणो दिणे दिणे वयइ तूलिभेगेणं । भज्जं च एवमाइ कहिए धन्नो तयं भणइ ॥ २ ॥

काउरिसो सो सुन्दरि ! जो वयगहणुज्जुओ वि कीवत्तं । कुणह न एक्खए चिय सणङ्कुमारो व गिहचायं ॥ ३ ॥

जइ सुकरो गिहचाओ ता किं न तुमं करेसि सप्पुरिसे ! । इय भणिए अहिमाणी सो तं पडिभणइ संविग्गो ॥ ४ ॥

तुह वयणसवेक्खन्तो ठिओ म्हि पिच्छसु करेमि जं इण्हि । तीए भणियं पिययस ! हासो विहिओ खमह मज्झं ॥ ५ ॥

किं बहुणा भणिएणं संपइ भइणीसमा तुमं मज्झ । ता जइ तुह उच्छाहो तुमं पि गेणहाहि पव्वज्जं ॥ ६ ॥

अह वीरो संपत्तो थुवन्तो अमरचारणगणेहिं । रहयम्मि समोसरणे धम्मकहं कहिउमाढत्तो ॥ ७ ॥

सेणियनरिन्दप्पमुहो वन्दणहेउं जणो गओ तत्थ । धन्नो वि धम्मकज्जे विणिजोजिय नियधणं कुणइ ॥ ८ ॥

पव्वज्जासामग्गिं तवभज्जा तरस्स निच्छयं नाउं । कयमाणी गन्तूणं जइवत्तं कहइ भाउस्स ॥ ९ ॥

धत्तेणं तरिओऽहं इय चिन्तिय संठवेत्तु तं भइणि । भदं तह भज्जाओ संभासिय उस्सुयमणो सो ॥ २११० ॥
 दाऊण विउलदाणं मइसं कारिय जिणिन्दभवणेषु । पूइत्तु समणसद्धं घोसाविय अभयदाणं तु ॥ ११ ॥
 सिधियारूढो भद्दाए संजुओ भारियासयणसहिओ । तित्थं पभावयन्तो जणाभिनन्दित्तमाणो य ॥ १२ ॥
 तं रिद्धिं सगगसमं पडलगतणं व सब्बमुज्झित्ता । महया विच्छेदुणं समागओ जयगुरुसगासे ॥ १३ ॥
 पुरओ धिय संपत्तो धत्तो ते दो वि तत्थ भयवन्तं । तिपयाहिणी करेत्ता वन्दन्ति इमं च भासन्ति ॥ १४ ॥
 भयवं ! अणुगहेत्ता भवसहणिं अमह देहि पव्वजं । तुमह पथकमललगा असेसदुक्कलक्खयं कुणिमो ॥ १५ ॥
 भद्दाए वि य भणियं भयवमिसे मज्झ पुत्ताजामाऊ । इय सालिभइधन्नयनामा इच्छन्ति पव्वजं ॥ १६ ॥
 ता पव्वाविह एए तिहुयणणाहेण दिक्खिया तत्तो । कयपञ्चमुट्ठिलोया सिक्खविद्या साहुकिरियं च ॥ १७ ॥
 गुरुगच्छवसहिसेसणिभत्तउवगरणतववियारेसु । आवणविहारजहक्कहठाणेषु य ते समणुसट्ठा ॥ १८ ॥
 विहरन्ति जिणेण समं चउत्थछट्ठमाइकुवन्ता । सुस्समणा संजाया अहरेण अहीयसुत्तथा ॥ १९ ॥
 सुक्का किडिक्किडि भूया जाया दुक्करतवेण ते धीरा । पुण रायणिहं पत्ता सहिया तियलोयनाहेण ॥ २० ॥
 परिसा मिलिया कहियं चउरासीजोणिलक्खभैयरूवं । पच्छा उच्चिए लसए भिनत्तवुहं पत्थिया दो वि ॥ २१ ॥
 छट्ठस्स उ पारणए भयवन्तं पुच्छिऊण कयकिद्या । ते धम्मसालिभए अणिया य जिणेण ते जन्ता ॥ २२ ॥

१ व-तेलोक्कनाहेण । २ व-भवत्तु ।

जणणी अज्ज करिस्सइ पारणयं सालिभइ ! तुह हिट्ठा ! तो ते भइएँ घरं पत्ता तवसोसियसरीरा ॥ २३ ॥
वीरजिणस्सागमणं नाउं तह सालिभइधन्नाणं । भइइओ गिहजणो जाओ हल्लप्फलो सबो ॥ २४ ॥
न य केणइ विन्नाया ते सुणिणो आगयावि तो तत्थ । खणमेत्तं चिट्ठित्ता अदीणचित्ता पडिनियत्ता ॥ २५ ॥

अणियं च—

सुन्दरसुकुमालसुभोइएहिं विविहेहिं तवविसेसेहिं । तह सोसविओ अप्पा जहनविणाओ सभवणे वि ॥ २६ ॥
आगच्छन्ता य पहे गोउलथेरीए पवरदहिणं । पडिलाभिया सहरिसं पत्ता जिणवरसयासम्मि ॥ २७ ॥
विहिणा तं आलोइय पुच्छन्ति जिणं न अम्ह पारणयं । जणणीए कयं भयवं ! ता तं कह तुम्ह आइहुं ॥ २८ ॥
भयवं पि आह जीए दिन्नं दहिं अईयजम्ममि । सा सालिभइजणणी आसी धन्न ति नामेणं ॥ २९ ॥
वज्जरिओ पुवभवो भोयफलं दाणपच्चयं कहियं । तं सुणिय सालिभइ सुमरइ पोरणयं जम्मं ॥ २१३० ॥
तो ते संविग्गमणा दहिं पारित्तु जिणमणुन्नविउं । खामियचउविहसङ्गा सुद्धप्पा अणसणं घेतुं ॥ ३१ ॥
कयआराहणकिच्चा वेभारट्ठियसिलायलं गन्तुं । उल्लसियसुक्कलेसा पाओवगमं पवज्जन्ति ॥ ३२ ॥
एत्थन्तरे भयवओ वन्दणहेउं समागया भइ । वन्दिइ पुच्छइ धन्नो कत्थच्छइ सालिभइो य ॥ ३३ ॥
जहवत्तं परिकहिं जिणेण सबं पि तो ससोयमणा । तेसि समीवम्मि गया पेच्छइ ते निच्चलसरीरे ॥ ३४ ॥
वन्दित्ता संभासइ पुणो पुणो ते न किं पि जम्पन्ति । गयसंगा ताहे सा रुइइ महासोगभरभरिया ॥ ३५ ॥

गेहगओ वि न नाओ हा पुत्तय ! मन्दभाइणी अहयं । संभासिओ न दिहो न वन्दिओ पावकम्माए ॥ ३६ ॥
 अमराणियमाहारं भोत्तुं कहमन्तपन्तयं सुत्तं । यत्तीसतूलियासुं सुबिडं कह सुर्वसि सिलवट्ठे ॥ ३७ ॥
 हरियन्दणानुलेवं काजं कह सेयपङ्कसुवहसि । कागलिगीयं सोडं सुणसि कहं घूयसिवरावे ॥ ३८ ॥
 पुबिं तुज्झ मओवरि भत्ती विणओ य तारिसो आसि । संपह उल्लावं पिहु न देसि किं पुत्त ! दीणाए ॥ ३९ ॥
 गुरुदुक्खसल्लियमणा एमाई बहुविहं विलवमाणी । तेसिं वन्दणकज्जे गएण रत्ता समणुसट्ठा ॥ ४० ॥
 धन्ना एए जेहिं उ भवदुक्खाणं विमोइओ अप्पा । तं पि कयत्था जीसे सुएण आराहियं एवं ॥ ४१ ॥

अन्नं च—

वयणचलणाइचेट्ठा कायद्वा नेय एस कप्पो त्ति । पाओवगमे ता तं मा कुणसु अकारणे खेयं ॥ ४२ ॥
 एमाइ सेणिएणं महुरगिरिं संठवित्तु सवहूया । नीया घरम्मि भद्दा अक्कन्दणवीणगलसद्दा ॥ ४३ ॥
 ते चियं सुणिवरवसभा कालगया पुत्तरेसु उववत्ता । तत्तो चुया विदेहे उववज्जिय उत्तमकुलम्मि ॥ ४४ ॥
 भोगसमिद्धिं पाविय दिक्खं घेचूण निम्मलचरित्ता । निहुवियसयलकम्मा सिद्धिपुरीए गमिस्सन्ति ॥ ४५ ॥
 इय एवं दाणफलं जणस्स विम्भयकरं सुणेज्जणं । जइयवमगारीहिं विसेसओ दाणघम्मम्मिस्स ॥ ४६ ॥

भणियं च—

१ व-०यसि । २ व-सवहु । ३ व-विद्य । ४ व-देक्ख । ५ व-मुणेज्जणं ।

दाणसीलतवभावण संसिउ वीरेहि धम्मु चउव्विहु दंसिउ ।

उत्तम तिविहधम्म असमत्थहं दाणधम्मु परजियह गिहत्यहं ॥ ४७ ॥

इय जीहन्तो अविए पज्जन्ते विहरिओ अपावाए । रइयं च समोसरणं देवेहिं चउनिकाएहिं ॥ ४८ ॥

अयवं कहेइ धम्मं सदेवमणुयासुराए परिसाए । पुट्ठो य गणहरेणं अयवं ! किं कालचक्कस्स ॥ ४९ ॥

अरहे एत्थ सरूवं भूयं अबं समासओ कहह । उस्सप्पिणिओस्सप्पिणिरूवस्स कहेइ तो अयवं ॥ २१५० ॥

सुसमसुसमा य सुसमा सूसमदुसमा य दुसम अइदूसमाचि य ओस्सप्पिणिए उ छच्च समा ॥ ५१ ॥

चउरो कोडाकोडी अयराणं सुसमसूसमा होइ । तीए य मिहुणयनरा कोसतिगुच्चा तिपलियाऊ ॥ ५२ ॥

ते सुरहिगन्धदेहा निरामया निवभया सुरूवा य । वत्तीसलक्खणधरा जरचिन्तासोयपरिहीणा ॥ ५३ ॥

पयइए तणुकसाया अहमिन्दा उत्तमा य सङ्खयणे । माणुग्माणपमाणोवचन्नदेहा सकरुणा य ॥ ५४ ॥

पुहवीपुष्फफलाणं रसो तथा आसि सक्कराअहिगो । पुक्करणीओ धयखीरउदगइक्खुरसनीराओ ॥ ५५ ॥

दसविहा य कप्पक्खत्वा—

अजङ्गया य भिज्जा तुडियङ्गा दीवजोइचित्तङ्गा । चित्तरसा मणियङ्गा गेहागारा अनिगिणा य ॥ ५६ ॥

अजङ्गेसु य अज्जं उप्पज्जह भायणाइं भिङ्गेसु । तुडियङ्गेसु य संगयतुडियाइं बहुपयाराइं ॥ ५७ ॥

दीवसिहा जोइसनामया य एए करेन्ति उज्जोयं । चित्तङ्गेसु य अल्लं चित्तरसा भोयणट्ठाए ॥ ५८ ॥

मणियङ्गेषु य भूषणवराहं भवणाहं भवणरुक्मेषु । जायन्ति य वत्थाहं अनिगिणनामेषु रुक्मेषु ॥ ५९ ॥
आलयसेसे सिद्धुणं पसेवेत्ता ते सुरालयं जन्ति । तवसंजमरहिया विहु अकूरपरिणामभावेण ॥ २१६० ॥
अयरतिकोडाकोडीपरिमाणा सुस्समा तहिं मणुया । कोसदुग्धा दोपलियजीविया सेस पुषसमा ॥ ६१ ॥
पलिओवममार्हए पजान्ते होह पुवकोडीए । तहयाए उ समाए दोकोडाकोडिमाणाए ॥ ६२ ॥
आर्हए कोससुचा अन्ते पुण पञ्चचावसयमाणा । कालकमेणं हाणिं गच्छन्ति ये कप्पतरुणो वि ॥ ६३ ॥
पुढविजलोसहिफलफुल्लमाहवथू वि हायमाणरसा । बलरुववन्नखभमुत्तिअज्जवाई ये हायन्ति ॥ ६४ ॥
तहयसमाए अन्ते उप्पन्नो पढमज्जिणवरो उसभो । सत्तमकुलगरपुत्तो सुणीण धयदाणधणजीवो ॥ ६५ ॥
रौ दंसियसयलठिहं होज्जणं धम्मसारही पढमो । सिद्धो तिवाससद्धमाससेसे तहयअए ॥ ६६ ॥
देसूणायरकोडाकोडीमाणे चउत्थअरयम्मि । तेवीसं तित्थयरा उप्पन्ना एत्थ गणनोहा ! ॥ ६७ ॥
ओक्खंगयस्स मज्झं पञ्चमअरगो उ दूस्समा रोही । सद्धमासअहिएहिं तीहिं वासेहिं अहएहिं ॥ ६८ ॥
छहिं वासाण सएहिं पच्चहिं वासेहिं पञ्चनासेहिं । मय निवाणगयस्स उ उप्पजिस्सइ सगो राया ॥ ६९ ॥
तेरसवाससहिएहिं नवुत्तरेहिं सगाव कुसुमपुरे । होही कक्की पेन्ते कुलम्मि केउ व दुट्ठप्पा ॥ २१७० ॥
बहुकोहमाणमायालोभयघत्थस्स तस्स जम्मम्मि । सरसा तत्थ पडिस्सइ देवउलं रामकण्हाणं ॥ ७१ ॥

१ व-ओ । २ व-उ । ३ व-०पहा० । ४ व-०नाह । ५ अ-उन्ते ।

चोरा रायविरोहा रायभयं क्षिजिहिति गन्धरसा । दुर्निभस्वमणावुड्डीईबहुला तथा देसा ॥ ७२ ॥
 अट्टारस य कुमारो वासाइं तत्तियं च डामरिओ । अवसेसं पुण कक्की राया होही अहपयण्डो ॥ ७३ ॥
 नगरं आहिण्डन्तो पेच्छस्सइ सो उ पञ्चथूआइं । केणेमाइं कयाइं इय पुट्टा तेण पुरवुट्टा ॥ ७४ ॥
 कहिहन्ति नन्दराया अत्थसमिद्धो इहं जयपसिद्धो । तेण इमेसु हिरन्नं अइबद्धयं निक्खयं चिट्ठे ॥ ७५ ॥
 न तरन्ति इमं घेचुं पट्टु ! अन्ने नरवई इमं सोउं । सो थूअे खाणेही मसीकरिस्सइ हिरन्नं तं ॥ ७६ ॥
 अह सवओ पुरं तं खाणोही अत्थलुद्धओ कक्की । सो दप्पन्धो सेसे तणं व गणिही महीचाले ॥ ७७ ॥
 धरणीयलाओ उम्मज्जिएण आरुट्ठगाविरुवेणं । तइया सिलासएणं भेसेही साहुवगं च ॥ ७८ ॥
 अह अधिगा उ देवी रायपहाईसु ते परिघडन्ते । तुण्डेणं नोल्लेही अिद्धं अमिहिनित्ति किच्छेणं ॥ ७९ ॥
 वोच्छन्ति तत्थ थेरा एसा सूयइ भविस्सकालस्मि । घोरं जलोवसगं कहियसिणं वीरनाहेण ॥ ८० ॥
 ता वयह अन्नदेसं इय कहिए के वि तत्थ वक्कन्ता । अन्ने वि भत्तवत्थाइएसु सिद्धा अपिस्सन्ति ॥ ८१ ॥
 जं कालपरिणईए कम्मवसेणं च भावि सुहमसुहं । तं तरद् निवारुं को फिर हइ बुद्धिमन्तो वि ॥ ८२ ॥

अणियं च—

दूरं बच्चह पुरिसो तत्थ गओ निब्बुहं लहिस्साभि । तत्थवि पुच्चकयाइं पुवगयाइं पडिच्छन्ति ॥ ८३ ॥

१ ब-विरोहो । २ व-णेही । ३ अ-अकान्ता ।

सबे वि य पासण्डे रुम्भेजं सो करे वि मग्गेही । कक्किनिवो दाहन्ति य सारम्भपरिगहा ते वि ॥ ८४ ॥
रुद्धो य समणसद्धो करदाणत्थं च भासिही रायं । भिक्खाविप्पी निक्किञ्चना य अम्हे अणायाणा ॥ ८५ ॥
ता अम्ह धम्मलाभं मोत्तूणं नत्थि किं पि अन्नं ति । इय नाऊण नराहिव ! जं रोयइ तं करेसु तुमं ॥ ८६ ॥

अन्नं च भणियं पुराणे—

सज्झायज्झाणनिरए तवुज्जए धम्मयारिणो दन्ते । जइणो परिरक्खन्तो छट्ठसं लहइ धम्मस्स ॥ ८७ ॥
ता उवरम एयाओ अज्झवसाणाओ होइ न य खेमं । जइणं उवद्वेणं कीरन्तेणं पुरे देसे ॥ ८८ ॥
एवं भणिओ जाहे न मन्निही रोसपरवसो होही । तो नगरदेवया तं भणिही किं रुच्छसे मरिजं ॥ ८९ ॥
जं बाहसि सुणिसद्धं इय भणिओ भीयमाणसो पडिही । पाएंसुं संघस्स उ भयवं ! मे खमह इय वेन्तो ॥ ९० ॥
होहिन्ति य उप्पाया तइया पुरनाससूयणा बह्वे । सत्तरस्स अहोरत्ता निरन्तरं वासिही उदयं ॥ ९१ ॥
गङ्गादहो य सोणो उवत्तिस्सइ य गरुयजलवेगो । तो कुसुमपुरं नगरं समन्तओ बुज्झिही तेणं ॥ ९२ ॥
पाडिवओ आयरिओ सद्धजणो कोइ कोइ पुरलोगो । कक्की राया फलगाइएहि तरिऊण हुंइही ॥ ९३ ॥
बहुओ जाही निहणं तत्थ जणो उवरए य जलवसणे । अन्नं नयरं काही कक्की गन्दस्स अत्थेणं ॥ ९४ ॥
होहिन्ति य आययणा साहुविहारो य सम्मबुद्धी य । सस्ससई पडिएणं कुम्भेणवि को वि न किणेही ॥ ९५ ॥

१ अ-अन्नं पि । २ व-पाएसु समणसद्धस्स समइ मम सासि इ० । ३ व-वो । ४ अ-उज्झि० । ५ व-छुट्ठिहिही ।

पद्मानं वासां सुभिक्षलकालो भविसहै धणियं । पुणरचि कक्को राया सूढो आसन्नजरपत्ता ॥ ९६ ॥
 पासण्डणो सलिङ्गे मेलावेही उवदवेही य । सुणिवगं तइया पुण पाडिवओ नाम आयविओ ॥ ९७ ॥
 होही जुगप्पहाणो तं सो रुम्भित्तु समणसङ्गजुयं । भिक्खवाए छट्ठभागं मग्गेही दुट्ठपरिणामो ॥ ९८ ॥
 काही काउस्सगं सक्खस्साराहणाए तो सद्धो । गोवाडम्मि निरुद्धो जक्खं वा वारिहन्ति नयं ॥ ९९ ॥
 ओ कक्किराय ! सङ्गं मा बाहसु सुन्दरं न तुह एयं । एत्थन्तरम्मि सक्को काउस्सगप्पभावेणं ॥ १०० ॥
 वलियासणो मुणेउं ओहीए खिप्पमेव तत्थेही । बुद्धदियखवधारी भणिही कक्किं च अत्थाणे ॥ १ ॥
 सीहासणे निविट्ठं एए किं साहुणो तए रुद्धा । भिक्खस्स छट्ठभायं पि मग्गिया दिननि नो मज्झं ॥ २ ॥
 निवसन्ति य एत्थ पुरे सवे करदायगा उ पासण्डी । मम जाया थद्धौ पुण एए नो किञ्चि वियरन्नि ॥ ३ ॥
 सक्को भणिही नत्थि उ एएसिं किञ्चि भिक्खभायं पि । दिननि न कस्सवि एए तुमं च भिक्खवं विमग्गन्नो ॥ ४ ॥
 लज्जसि न लोयमज्जे निप्फुट्ठ ! विसुञ्च ता इमे साहू । इहरा तुज्झ अणिट्ठं होही इय जम्पिण कम्मिउं ॥ ५ ॥
 भणिही इमं गलत्थह भट्टमसंबद्धभासणं सिग्घं । इय भणिए तो सक्को गल्लचवेडाए नाडेउं ॥ ६ ॥
 काही छारुकुल्लं छासीवासाणि आउयं भोत्तुं । नए उववज्जिस्सइ अणन्तदुहवेयणापउरे ॥ ७ ॥
 तरस य दत्तं पुत्तं इन्दो संठाविज्जण जिणधम्मो । वन्दित्तु समणसङ्गं नियए ठाणम्मि संपत्तो ॥ ८ ॥

१ व-०माला म० । २ व-०भागं पि । ३ व-थट्ठा । ४ अ-हसिउं ।

तयणन्तरं च काही दत्तो जिणभवणमण्डियं वसुहं । इगुवीससहस्राहं होही धम्मुन्नइं परमा ॥ ९ ॥
घणघन्नत्थसम्भिद्धं भारहवासं जिणिन्दकालम्मि । पुरगामागरपउरं आसी सुरलोगसंक्रासं ॥ २२१० ॥
गामा नगरउभूया नगराणि य देवलोगसरिसाणि । रायसमा य कुहुम्भी वेसमणसमा य रायाणो ॥ ११ ॥
चन्दसमा आयरिया अम्मापियरो य देवयसमाणा । साम् वि य माइसमा ससुरो चिहु पीसमो आसि ॥ २२ ॥
धम्ममाधस्सविहिन्नू विणयपरो सच्चसोयसंपन्नो । गुरुदेवपूयणरओ सदरनिरओ जणो तइया ॥ १३ ॥
अग्घइ य सविन्नाणो अग्घइ सीलं कुलं च विज्जा य । परचक्कइइतक्करभयसोयविवज्जिओ लंगो ॥ १४ ॥
जिणभत्ता रायाणो पाएण कुत्तिथिया य अवीया । दससु वि वासेसु तहा दस दस अच्छेरया जाण ॥ १५ ॥
उवसग्ग गवभहरणं इत्थीतित्यं अभाविआ परिसा । कणहस्स अवरकङ्का अवयरणं चन्दसूराण ॥ १६ ॥
हरिवंसकुलुप्पत्ती चमरुप्पाओ य अट्टसयसिद्धा । अरुसंजयाण पूया दसवि अणन्तेण कालेणं ॥ १७ ॥
लोशुत्तमपुरिसेहिं चउप्पत्ताए इहं अईएहिं । केवल्लिमणपज्जवओहिणाणिसुयकेवलीहिं च ॥ १८ ॥
दूसमकाले लोगो कोहाइकसायविसहयविवेगो । अचोदगो व वप्पो जाओ संभिन्नमज्जाओ ॥ १९ ॥
जहजह वच्चइ कालो तह तह दयदाणसच्चपरिहीणो । अहिंयं अहम्मसीलो कुत्तिथिओहिंयमई हाही ॥ २२२० ॥
गामा मसाणभूया णगराणि य पेयलोयसरिसाणि । दाससमा य कुहुम्पी जम्पदण्डसमा य रायाणो ॥ २१ ॥

लुद्धा य पुहइपाला भिच्चे गिण्हन्ति ते वि इयरजणो । खायन्ति ये अन्नोन्नं मञ्छा इव दुब्बले बलिया ॥ २२ ॥
 जे अन्ता ते मज्झा जे मज्झा ते कमेण पचन्ता । अपडागा इव नावा डोह्यन्ति समन्ताओ देसा ॥ २३ ॥
 चोरा सुसन्ति अत्थं नरिन्दकरपीडियाहं रडाहं । भूयगहपायसेणी लञ्चाइपरा य कारणिया ॥ २४ ॥
 सयणे निच्चविरोहो सकज्जनिरओ परत्थनिरवेक्खो । चप्फलभासी लोगो पाएणमवोल्लसरो त्ति ॥ २५ ॥
 धणधन्ने अवियण्हो घरकज्जे चेव सोहिधमईओ । दक्खिन्नलज्जरहिओ धम्मसुइविवज्जिओ लोगो ॥ २६ ॥
 स्त्रीसा नारोहिन्ति उ आयरिए दूसमाणुभावेणं । ते विहु तेसिं पढणं न दिन्ति सुयनाणसिक्खिआओ ॥ २७ ॥
 फिट्ठइ गुरुकुलवासो मन्दा य मई जणस्स धम्मम्मि । सत्ताउलां य पुहई देवा ए न दरिसणं देन्ति ॥ २८ ॥
 पुत्ता अम्मापियरो अवमन्नन्ति कहुयाहं भासन्ति । सुण्हा सुयङ्गितुल्ला सासू वि य कालकन्नसमा ॥ २९ ॥
 हसिएहिं जस्मिएहिं य अन्धिवियारेहिं विगयलज्जाओ । सविलासनियत्थेहिं बहुया सिक्खन्ति वेसाणं ॥ २२३० ॥
 सावगसाविगहाणी भावणतवदाणसीलपरिहाणी । समणाणं समणीणं असह्मडं थेवकज्जे वि ॥ ३१ ॥
 कूडतुलकूडमाणं धम्मे वि सदत्तणं संपेसुन्नं । पहवन्ति दुज्जणा तह सीयन्ति य सज्जणा पायं ॥ ३२ ॥
 विज्जाण मन्ततन्तोसहीण मणिपुप्फफलरसाणं च । रुवाउयरिद्धीणं संठाणुच्चत्तधम्माणं ॥ ३३ ॥
 दूसमकाले होही सुहभावाण सवेसि परिहाणी । एगन्तदूसमाए असुहतराणं इमं सव्वं ॥ ३४ ॥

१ न-गेण्हं । २ व-उ । ३ व-लंति । ४ व-यायं । ५ व-राहेन्ति । ६ व-उरा । ७ द-दिन्ति । ८ अ-कन्निमं । ९ अ-चपे ।

एवं परिहायन्ते लोए चन्दो व कालपक्खस्मि । जे धम्मिया भगुस्सा सुजीवियं जीवियं तेलिं ॥ ३६ ॥
 दुप्पसहो आयरिओ फणुसिरी साहुणी णयपहाणा । सहो नाहलनाओ सच्चसिरी सावियाणं च ॥ ३७ ॥
 तह विमलवाहणो वि य राया सुउहो व तरस उ अमचो । एए उ दूसमाए होहिति अपच्छिमा भरहे ॥ ३८ ॥
 दोरयणिपमाणतणू वीसयवासाउया य होहन्ति । दुप्पसहाई चउरो उल्लोसेणं च छट्तवो ॥ ३९ ॥
 दसवेयालियधारी चोदसपुवी व पुज्जिही सच्चो । दुप्पसहो तित्थं पि व ता वेहिही जाव सो वेव ॥ ४० ॥
 जो अणह नत्थि धम्मो ण य सामइयं न चेव य वयाइ । सो समणसद्धवज्जो कायवो समणसङ्घेणं ॥ ४१ ॥
 वारस वासाइ गिहे गमिऊणं अट्ट चेव सामने । दुप्पसहो गच्छिहिही अट्टमभत्तेण सोहम्मं ॥ ४२ ॥
 पुवणहे वोच्छेओ चरित्तधम्मस्स रायधम्मस्स । अज्झणहे पुण होही अवरणहे जायवेयस्स ॥ ४३ ॥
 एवं दूसमकालो इगवीससहरस्स होइ वासाणं । एगन्तदूसमावि य एवइयं चेव नायघा ॥ ४४ ॥
 नट्टे चरणाइम्मि उ हाहाभूओ अणाहभूओ य । कालो अमाइपुत्तो गोधम्मसमो जणो तैत्थ ॥ ४५ ॥
 रयवहुला खरफरुसा अणिट्ठवाया तया य वाहन्ति । धूपायन्ति दिसाओ अयज्जणीओ य सव्वेलिं ॥ ४६ ॥
 चन्दो सुइही सीयं अहिंयं अहिंयं च खूरिओ तविही । जेण इहं नरतिरिया सीउणहया किलिस्सन्ति ॥ ४७ ॥
 तह अरसविरसमेहा अम्बिलजेहा य खारमेहा य । अग्गिविसअसणिमेहा अभिक्खणं वासिहन्ति तया ॥ ४८ ॥

१ व-०सइ वा० २ व-०पुव व । ३ व-०सहा तित्थं पिय । ४ व-०वहिहिइ । ५ व-०गत्थ । ६ अ-०सारामेहा लद्धमेहा य ।

जेण इहं मणुयाणं कासो सोसो जलोयरो कोहो । जरसूलसीसवियणा हवन्ति रोगा भणेगच्चिहा ॥ ४८ ॥
 काही तिरिए दुहिए जलथलखहचारिणो उ सवे वि । आरामछेत्तकागणरुक्खत्तणाई खयं नेही ॥ ४९ ॥
 वेयहुउसभक्खे गङ्गासिन्धु य भुत्तुमवसेसं । गिरिकूवनहतडांगे थलाइ सवं समं होही ॥ २२५० ॥
 हङ्गालसुम्भुरसमा छारब्भूया भविस्सई धरणी । कहयावि धूलिवहला घणच्चिक्खणकद्दमागम्मा ॥ ५१ ॥
 मणुया खरफरुसतणू उब्भडघोडासुहा चिविडनासा । दुवन्ननिट्ठुरगिरा बहुरोगा कोहणसहावा ॥ ५२ ॥
 रयणीपमाणदेहा नरितिथओ वीससोलसाज य । बहुपुत्तनत्तुयजुया निह्लजा विगयवसणा य ॥ ५३ ॥
 छव्वरिसी गब्भधरा होही नारी य दुक्खपसवा य । सोलसवासा पुत्तयनत्तुयए पेच्छिही थेरा ॥ ५४ ॥
 होहिनति य बिलवासी बिला उ बावत्तरी य वेय्हू । उभयतडेसु नईणं नव नव एक्केए कूले ॥ ५५ ॥
 सवे वि बीयमेत्ता तिरिया होहिनति तत्थ मणुयाई । कुणिमाहारा सवे निससंसा निव्विेगा य ॥ ५६ ॥
 रहपहमेत्तं तु जलं वहिही बहुमच्छकच्छभाइन्नं । गङ्गासिन्धुनईणं तासु य गन्तूण ते मणुया ॥ ५७ ॥
 रयणीए थलमज्जे कट्ठिनति दिवा य सूरकरपक्के । खाहिनति य बीयाए निसाए अन्ने य कट्ठिनति ॥ ५८ ॥
 दहिखीरघयाईयं सतरस धन्नाइं पुप्फफलमाई । होही न भरहवासे सयणासणवत्थमाई य ॥ ५९ ॥
 इगवीससहस्साइं एवं एगन्तदूसमा होही । पञ्चसु भरहेसु तहा पञ्चसु एरवयवासेसु ॥ २२६० ॥

१ ब-०णाइं । २ ब-मोत्तुं । ३ ब-०डागा । ४ ब-०मा मगा । ५ अ-०गोडासुं । ६ अ-हिइ थे० ।

सागरकोडाकोडी एगा अरओ चउत्थओ होही । ऊणा इह वासाणं बायालीसं सहरसेहिं ॥ ६१ ॥
 सा पञ्चमछट्टेहिं अरएहिं जुया य होइ पडिपुना । ओसप्पिणी दसायरकोडाकोडी अओ होइ ॥ ६२ ॥
 ओसप्पिणीएँ एवं जो अणुहावो उ वन्निओ पुर्वि । सो द्विय पडिलोमेणं उस्सप्पिणिए सुणेयवो ॥ ६३ ॥
 बायालीससहरसा वासाण नरा उ होन्ति बिलवासी । उस्सप्पिणीएँ एगन्तदूसमा चरिमकालस्मि ॥ ६४ ॥
 होहिन्ति पञ्च मेहा पुक्खल संवट्ठ खीरमेहो य । धयमेहअमयमेहा रसमेहो पञ्चमो होइ ॥ ६५ ॥
 एक्केओ अणुबद्धं वासीही सत्त सत्त दिवसाइं । पञ्चत्तीसं दिवसे वदलिया होहिइ सोमा ॥ ६६ ॥
 पढमो उ निव्वेही धन्नं बीओ करिस्सए मेहो । तइओ नेहं जणयइ ओसहिमाइं चउत्थो उ ॥ ६७ ॥
 पञ्चमओ पुण मेहो पुढवाईयाण रसकरो होही । तत्तो हरियदुमोसहिंवेछिलयाइं परोहिन्ति ॥ ६८ ॥
 तो ते बिलवासिनरा पासित्ता तं भहिं तह समिद्धं । आसत्था हिट्ठमणा नीहरिय बिलाण भमिहिन्ति ॥ ६९ ॥

अणिरस्सन्ति य—

जायं खु सुहविहारं भरइमिंसं पुक्कफलसमिद्धं च । ता जो कुणिमं खाही सो अमहं बल्लणिज्जो उ ॥ २२७० ॥
 जह जह वच्चर कालो तह तह फलकुसुमओसहीणं च । सङ्खयणरुवउच्चत्तआउमाइंण बुद्धी य ॥ ७१ ॥
 होहिन्ति सुहा रिउणो सुहा य वाया सुहाइं उदगाइं । गयरोगा तो मणुया होहिन्ति तहा तिरिक्खा य ॥ ७२ ॥

१ अ-एक्के । २ अ-होइही । ३ व-वल्लि० ।

सयगो य जिणो णवमो पुवं आसी सुनन्दणामो जो । मुणिसुव्वओ य दसमो सयगो जो आसि पुव्वभवे ॥ ८६ ॥
 एक्कारसमो य जिणो देवइजीवो उ सव्वभावविऊ । अममो वारसमजिणो होही जो सच्चइ आसि ॥ ८७ ॥
 तह निक्कसायनामो तेरसमो वासुदेवजीवो उ । बलदेवो पुण होही चोइसमो निप्पुलायजिणो ॥ ८८ ॥
 निम्भमजिणो अमोहो पनरसमो होइ रोहिणीजीवो । सुलसासाविघजीवो सोलसमो चित्तगुत्तो य ॥ ८९ ॥
 सतरसमो य समाही रेवइजीवो उ विगयभववाही । संवरजिणो य जयहिओ अट्टारसमो मियालीओ ॥ ९० ॥
 दीवायणस्स जीवो नियहिअरहा य अगुणवीसइमो । कण्हो गयभवतण्हो वीसइमो देवसेणजिणो ॥ ९१ ॥
 तत्तो य एगवीसो नारयजीवो विवेगजिणचन्दो । वावीसइमो विमलो अमरजिओ विगयक्कम्ममलो ॥ ९२ ॥
 देवोववायनामो तेवीसइमो उ अम्मडो पुवं । चरिमो य साइवुद्धो अणन्तविजओ जिणो होही ॥ ९३ ॥
 ओसप्पिणीजिणाणं पडिलोमेण होन्ति तित्थयरा । जा चरिमो जिणनाहो विव्वेओ उसभनाहो व ॥ ९४ ॥
 एएसु अईएसुं कमेण होहिन्ति पुव्वतुल्लगुणा । सुस्समहुसमा सुसमा सुस्समसुसमा य छट्ठा उ ॥ ९५ ॥
 वीसं कोडाकोडी दोन्नि चि एया उ होन्ति अयरानं । ओसप्पिणी य उस्सप्पिणी य परियत्तमाणीओ ॥ ९६ ॥

अयरपमाणं पुण—

एगाहियेवेहियतेहियाणि उक्कोससत्तरत्ताहं । वेणुं सिस्तुलोमाहं काउमसंखेज्जखण्डाहं ॥ ९७ ॥

१ न-य० । २ अ-भवगय० ।

जोयणमुवेहेणं जोयणंमायामवित्थरेणं च । पल्लं भरेज निचियं सुहुमाणं तेसि लोमाणं ॥ ९८ ॥
वाससए वाससए वोलीणे अवहरेज एक्केकं । जो तत्थ हवे कालो एगं पलिओवमं तं तु ॥ ९९ ॥
दसकोडाकोडीओ तेसिं अह सागरोवमं हवइ । पोगलपरियदो पुण ओसणुसप्पिणि अणन्ता ॥ १०० ॥
ओरालियवेउवियतेयमणभासपाणुकम्मेहिं । जीवस सवपोगलगहणे तो वायरपरदो ॥ १ ॥
एगयेरेण इमेसिं तगगहणे सुहमओ य सो होइ । एवं खेत्ते काले आवे वि य सो हुहा नेओ ॥ २ ॥
अजवाडगणाएणं एक्केकजिएण सवलोणो उ । उक्कमओकमओ वा असइं मरणेहिं जं पुटो ॥ ३ ॥
तो पोगलपरियदो अणाइकालम्भि संसरन्तस्स । एगेगस्स जियस्स य इमे भवे वोलियाणन्ता ॥ ४ ॥
ता ओ भद्दा ! नाउं सरूवमेवं अणाइनिहणस्स । कालस्स धम्मकज्जे उज्जमियवं पयत्तेण ॥ ५ ॥
पणपन्नं अउज्जयणा पल्लविया तत्थ सुहविवागत्था । तावइय चिय वीरेण साहगा हुहविवागस्स ॥ ६ ॥
छत्तीसमपुट्टां वागरणां च तत्थ कहियां । छट्ठयभरास्सन्ते दिवसं रयणिं च सव पि ॥ ७ ॥
दिन्नो हिओवएसो सदेवमणुयासुराए परिसाए । भवजलहिदीवभूएण भगवयाणुगहनिमित्तं ॥ ८ ॥
वागरियं च जिणेणं उववन्नो इह अणुद्धरी कुन्धू । रयणीए अज्ज सुहुमो चलमाणो दीसए न ठिओ ॥ ९ ॥
ता इण्हिं समणाणं दुरणुचरो संजमो उ होहि त्ति । अरहेरवएसु जओ सो तीरह रक्खिउं न खलु ॥ १० ॥

१ अ-०ण आया० । २ व-अयवा० । ३ अ-रूवेण । ४ अ-तो छट्ठमत्तअन्ते दि० ।

अस्संजमभीएहिं तं सोउं भगवया समक्खायं । बहुसाहुसाहुणीहिं य पक्वखायाइं भत्ताइं ॥ ११ ॥
तम्मि य सभए वीरस्स जम्मरिक्खम्मि दुट्ठपरिणामो । दोवाससहस्सडिईं सङ्कन्तो भस्सओ कुगहो ॥ १२ ॥
निवाणगमणसमयं नाऊण जिणस्स भणइ तो सक्को । भयवं ! उदग दिट्ठी भासगहसन्ति या इण्हि ॥ १३ ॥
वइइ ता परिवालह मुहुत्तमेत्तं भविस्सकालम्मि । जेण न जायइ तित्थस्स अवणइं सपरपक्खाओ ॥ १४ ॥
भणिओ य सो जिणेणं समत्थवत्थूण सक्क ! परिणामं । अणुभावं कालस्स य जाणन्तो मुञ्जसे कीस ॥ १५ ॥

तथा हि—

तुव्विज्जइ जरवत्थं सीडिज्जइ तह गिहं पि परिसडियं । भगं पि संघडिज्जइ सगडं तुट्ठा वरत्ता य ॥ १६ ॥
सो पुण णत्थि उवाओ सन्धिज्जइ आणुपाणुमेत्तं पि । जेणाऊ जीवाणं झीणं जं पुव्वभववड्डं ॥ १७ ॥
मन्ता तन्ता मणिसूलियाओ सन्ती सुराण सन्नेज्झं । ज्ञाणरसायणभाइं रक्खन्ति न आउए झीणे ॥ १८ ॥
सुरगिरिदण्डं पुहविं छत्तं पिव धारिउं जे समत्था । अरहन्ता अतुलबला ते वि न मच्चुं निवारिन्ति ॥ १९ ॥
ता सुरवह ! मा तम्मसु जेणेत्थमवस्सभाविणो भावा । तुमए मए व्व कहमवि तीरन्ति न अन्नहा काउं ॥ २० ॥
एवं अणुसासेउं सक्कं चउभेयसमणसङ्घं च । संपलियङ्कनिसन्नो जोगनिरोहं च काऊणं ॥ २१ ॥
सेलेसिं पडिवन्नो ज्ञायन्तो परमसुक्कज्ञाणं च । खविऊण निरवसेसं भवोवगाहीणि कम्मणि ॥ २२ ॥
चइऊण इमं बुदिं संपावेऊण सवणिज्जाणं । उजुसेहिं पडिवन्नो एगेणं चैव समएणं ॥ २३ ॥

कत्तियअमावसाए पागे करणे पहायसमयस्मि । पावत्ते साइग्मि य दोच्चे संवच्छरे चन्दे ॥ २४ ॥
 सासयमणन्तसोक्खं सद्वावाहपरिवज्जियं अयलं । तेलोक्कमत्थयत्थं सिद्धिं पत्तो महावीरो ॥ २५ ॥
 णव आलइय नव लेच्छइय गणराहणो य तं रयणिं । अट्टारस पोसहिंया ठिया जिणं पज्जुवासेन्ति ॥ २६ ॥
 तो उव्विग्गा समणा समणीओ सावगा साविगाओ । देवा देवीओ वि य सव्वं पि जयं समुव्विगं ॥ २७ ॥
 सक्को वि हु सोगेणं अब्भाहयमाणसो सुत्तिवेणं । ओरुत्तविवन्नमुहो झूरइ पगलन्तनयणंसू ॥ २८ ॥
 तमगसियरविं व दिणं निसाए गयणं व अत्थमियचन्दं । विज्झायपईवं पि व भवणं तमसम्मि बहलम्मि ॥ २९ ॥
 उद्धियकमलं व सरं उव्वियणिज्जं इमं जयं जायं । उम्मूलियकप्पतरुं इयरहुमकाणं व कुडं ॥ ३० ॥
 पसरिस्सन्ति य इण्हि कुत्तित्थिया पमुइया अरहवासे । वग्गन्ति वणे करिणो निप्पसरा पवस्सिए सीहे ॥ ३१ ॥
 पभणन्ति मिहो मणुया आवुज्जोओ इहज्ज समईओ । संपइ दब्बुज्जोओ रयणपईवा यतो चेव ॥ ३२ ॥
 वत्तीसं पि य इन्दा समागया तक्खणं ससोगमणा । खीरोयजलेण तणुं पहावन्ति जिणस्स सुरहेण ॥ ३३ ॥
 गोसीसचन्दणेणं घणसारेणं च तो विलिम्पन्ति । परिहिति देवदूसे सिवियं पवरं विउव्वन्ति ॥ ३४ ॥
 तत्थारोवन्ति तयं दिव्वंसुयमाहमणहल्लोयं । उम्मालिन्ति समन्ता सुरपायवपुप्फमालाहिं ॥ ३५ ॥
 कारिन्ति य कालागरुहरियन्दणदारुनियरइयचियं । पवरस्मि भूमिभागे सीयं वहवन्ति सुरपहुणो ॥ ३६ ॥

१ अ-साय० । २ न-०वासन्ता । ३ न-०वाइओ जे० ।

अफालितूररवं मणहरनचन्तसुरवहुसमूहं । निवडन्तकुसुमवरिसं चिकिन्नमणिमोत्तियसमूहं ॥ ३७ ॥
 गिज्जन्तसारगेयं संचलिया सुरनरा चियाभिमुहं । पत्ता खणेण तत्थ य काऊण महुसवं परमं ॥ ३८ ॥
 आरोवियं चियाए कलेवरं वद्धमाणसामिस्स । अग्गिक्कुमारोहिं तहिं खित्तो अग्गी नियमुहेहिं ॥ ३९ ॥
 वायं विडव्विऊणं वाडक्कुमारोहिं फूमिओ जलणो । कुम्भगसोयखित्तं घयं महुं तह य तियसेहिं ॥ २३४० ॥
 सोणियसंसे डुहे मेहक्कुमारोहिं गन्धउदगेणं । विज्झावियाँ चिया सा गिणहन्ति सुरा य अट्ठीणि ॥ ४१ ॥
 दाहिणमुवरिमहणुयं सक्को गिणहेइ हेट्ठिमं चमरो । ईसाणो उवरिल्लं वामं हेट्ठिल्लयं तु बली ॥ ४२ ॥
 दन्तट्ठीणि उ सेसा सुरा सुरिन्दासुरा य सद्धे वि । मणुया य चियाभूहं सिवसन्तिकरं च गेणहन्ति ॥ ४३ ॥
 गन्तियतुरगाइगया तत्थ जणा आगया सुणियवत्तं । अहमहमिगाएँ बीए दिणम्मि वाहाइ य पवत्ता ॥ ४४ ॥
 इय मोक्खगमणमहिमं काऊण सुरासुरा जिणवरस्स । नन्दीसरम्मि महिमं काऊण गया नियं ठाणं ॥ ४५ ॥
 तीसं अगारवासी वारसवासाइं साहेरगाइं । छउमत्थपरीयाओ देसूणा केवली तीसं ॥ ४६ ॥
 वावत्तरि सद्वाऊ कणगाभो सत्तरयणिउस्सेहो । चवणाइ पच्चहत्युत्तरो य बीरो जिणो होत्था ॥ ४७ ॥
 इओ अणागयमेव य पावाएँ समोसहेण बीरेणं । मम मोहमोहियमई एसो न करेइ द्वाइखयं ॥ ४८ ॥
 ता अवणेमि य मोहं विप्पियउप्पायणेण एयस्स । इय चिन्तिऊण गोयमसामी संपेसिओ गामे ॥ ४९ ॥

१ व-खेत्तं । २ व-दुहे । ३ व-० य सा चीया णि० ।

तुह दंशणेण गोधप ! संकुज्झह दिग्धरो नि हु सुसस्मो । हय भणिज्जणं सो वि हु तत् त्ति पडिवलिज्जण गओ २३५०
पडिवोहिज्जण य तयं नियत्तमाणो जणाउ सोज्जणं । निवाणगयं वोरं सहन्तसुवेयमावन्नो ॥ ५१ ॥

चिन्तितं च पवत्तो—

येच्छ जिणेण भगवया अपरिचियस्सवि अभत्तिमन्तस्स । काराविओ महन्तो अणुगहो देवस्सम्भस्स ॥ ५२ ॥
सग पुण नेहपरस्सवि चिरसंसद्धस्स नियचिणेयस्स । कहियं न मोक्खगमणं निययं धरिओ य न ससीवे ॥ ५३ ॥
एगाणिणं अणाहं अस्सरणं उज्झवं भं अहन्नं । एगो धिय परमपयं गओ जिणो हा ! न जुत्तसिणं ॥ ५४ ॥

जह दज्झसि दज्झसु कढसि कढसु अह कुडसि कुडसु सयराहं ।

तहवि परिसेसिओ हियय ! तंसि तेलोगनाहेण ॥ ५५ ॥

अन्नं च—

अणुरत्ते अणुरागो जुत्तो इहरा विडम्बणा णेहो । सुन्ने उलम्भि दीवयदाणं भण किं गुणं कुणह ॥ ५६ ॥
किञ्च अनियला गोत्ती अजलो पङ्को उ पङ्गरमदाहं । कीलियरहिया य हडी अरज्जुयं वन्धणं नेहो ॥ ५७ ॥
नेहो रागो तम्भि य संते दोसो अवस्स संभवह । ते पुण दोन्नि वि हेज भवस्स बहुदुक्खपउरस्स ॥ ५८ ॥
अयवं पि निम्ममत्तो सव्वपयत्थेसु वीयरगत्ता । कह कुणउ सो ममोवरि पडिवन्धं कीस हं सूढो ॥ ५९ ॥

ता भगवथाणुचिन्नं निम्ममभावं अहं पुण चरामि । एमाइसुहज्जवसाण संगओ तक्खणं चेव ॥ २३६० ॥
 संपत्ताखवगसेढी धाईकम्मक्खयं च काऊण । गोयमसामी मग्गे उप्पाडह केवलं गाणं ॥ ६१ ॥
 दसगणहारी एत्थं नियनियसमए सुहम्मसामिस्स । नियनियगणं समप्पिय संपत्ता सिवपयं ते वि ॥ ६२ ॥
 वीरजिणस्स भगवओ परमं तित्थुन्नइं करेमाणो । रायगिहे संपत्तो वरसमणगुणो हुं अपणियं च ॥ ६३ ॥
 वज्जरिस्सभसद्धयणे समचउरंससंठाणसंठिए जाइसंपत्ते कुलसंपत्ते बलखवविणयसंपत्ते नाणसंपत्ते दंसणसं-
 पत्ते चरित्तसंपत्ते ओयंसी तेयंसी वचंसी जसंसी जियकोहे जियमाणे जियमाए जियलोभे जियइन्दिए
 जियपरीसहे जीविद्यासमरणभयविप्पमुक्के तवप्पहाणे गुणप्पहाणे चरणकरणप्पहाणे अज्जवमहवग्वन्तिमुत्ति-
 गुत्तिप्पहाणे विज्जामन्तप्पहाणे उराले घोरे घोरवए घोरतवस्सी घोरबम्भचेरवासी उच्छृङ्खसरीरे संखित्ताविउ-
 लतेयलेसे चउइसपुंवे चउनाणोवगए समणस्स भगवओ महावीरस्स अन्तेवासी सुहम्मे नाम गणहरे रायगिहं
 नगरं समोसढो ति ॥

दिक्खित्तु जम्बुनामं कमेण संठाविऊण सूरिए । निट्ठवियसयलकम्मो सासयसोक्खवं गओ मोक्खवं ॥ ६४ ॥
 परिनिब्बुया गणहरा जीवन्ते नायए नय जणाओ । इन्दब्भइसुहम्मे रायगिहे निब्बुए वीरे ॥ ६५ ॥
 वियरियपवित्तिणिपया वीरजिणिन्देण चन्दणज्जावि । एक्कारसङ्गकुसला पज्जन्ते सिद्धिअणुपत्ता ॥ ६६ ॥

१ अ-जिइदिए । २ अ-०चेरे उ० । ३ अ-पुढी । ४ ब-०सढे ।

चोदस्स समणसहस्सा गोयममाई उ आसि वीरस्स । चन्दणपामोक्खाओ छत्तीसं साहुणिसहस्सा ॥ ६७ ॥
 संखसयगाइयाणं अगुणसठिसहस्ससमहिं लक्खं । सुस्सावयाण जिणसासणम्मि एगन्तरत्ताणं ॥ ६८ ॥
 अट्ठारसयसहस्सा तिन्नि य लक्खा य सीलवन्तीणं । सुलसारेवहपसुहाण संपया साविगाणं तु ॥ ६९ ॥
 सत्तसया वेडवियलद्धीणं कैवलीण तह चैव । पञ्च य तेरस य सया मणपज्जवओहिनाणीणं ॥ ७० ॥
 चत्तारि अट्ठ य सया वार्हणमणुत्तरोव्वार्हणं । तिन्नि सया पुण चोदसपुवीणं वीरपरिवारो ॥ ७१ ॥
 जयइ खुयाणं पभवो तित्थयराणं अपच्छिमो जयइ । जयइ गुरू लोगाणं जयइ महप्पा महावीरो ॥ ७२ ॥
 भइं सव्वजगुल्लोयगस्स भइं जिणस्स वीरस्स । भइं सुरासुरनमंसियस्स भइं धुययस्स ॥ ७३ ॥
 भइं धीवेलापरिगघस्स सज्झायजोगमगरस्स । अक्खोभस्स भगवओ सङ्खसमुदस्स रुन्दस्स ॥ ७४ ॥
 इय एवं संखेवा वीरजिणिन्दस्स साहिं चरियं । संपइ जेण निवहं एत्तो एयं पवक्खामि ॥ ७५ ॥

सिरिजम्भुनामसिरिपहवसूरिसेल्लभवादिसूरीणं । परिवाडीते जाओ चन्दकुले वहुगच्छम्मि ॥ ७६ ॥
 सिरिउल्लोयणसूरी उत्तमगुणरयणभूसियसरीरो । वेहारुयमुणिसन्ताणगयणवरपुत्तिमाइन्दो ॥ ७७ ॥
 सोमत्ताणेण सोमं खमं खमाए य जो अभिक्खवइ । थिरयाए मेरुगिरिं गम्भीरत्तेण मयरनिहिं ॥ ७८ ॥
 जम्मि य गच्छे आसी सिरिपज्जुन्नाभिहाणसूरि त्ति । सिरिमाणदेवसूरी सुपसिद्धो देवसूरी य ॥ ७९ ॥

१ व-०ववाइयाणं च । २ अ-०जंसमाइं । ३ अ-अहिकिववइ ।

उज्जोयणसूरिस्स य सीसो अह अम्बदेवउवद्दाओ । खममद्वज्जवार्हगुणकलिओ सोमसुत्ती य ॥ २३८० ॥
 तस्स विणेएण इमं वीरजिणिन्दस्स साहियं चरियं । पावमलस्स खयट्ठाए सूरिणा णेमिचन्देण ॥ ८१ ॥
 जं एत्थ अणागमियं लक्खणछन्देहिं दूसियं जं च । रइयमणाभोगेणं मिच्छामिह दुक्कडं तस्स ॥ ८२ ॥
 जो पढइ इमं चरियं वक्खाणइ सुणइ वायए वावि । वीरस्स उ भत्तीए सो पावइ परमकल्लाणं ॥ ८३ ॥
 अणहिलवाडपुरम्मी सिरिकन्नराहिवस्मि विजयन्ते । दोहट्टिकारियाए वसहीए संठिएणं च ॥ ८४ ॥
 वाससयाणं एगारसण्ह विक्कमनिवस्स विगयाणं । अगुयालीसे संवच्छरस्मि एयं निवद्धं ति ॥ ८५ ॥

॥ ग्रन्थाग्रं श्लोकतो ज्ञेयम् ॥ ३००० ॥

॥ समत्तमिणं महावीरचारियं ॥

॥ समत्तमिणं सिरिनेमिचन्दसूरिशङ्खं महावीरचरियं ॥

